

DPN 6865

स्वस्थानी SWASTHĀNĪ

Title :

Run. No. 7590

Cat. No.

Micro. No.

Subject Mahatmya.

Religion : Hindu / Bauddha

Language : Skt. / New. / Nep. / Skt.- New. / Maith.- New. / New.- Nep. /

Size in cms. 27.5 x 13.5

Folios 193

Lines (in a page) 13

Compl. / Incompl.

(7-200)
Chapt. / act /

Author / translator

Scribe / donor

मानदास सुगतदास

Date: NS / SS / VS / KS

Ruler / place Mana Dasa, Sugat Dasa.

Script : New. / Dev. / Bhuj. / Ran. /

Illus. :

Material : palmleaf / paper / thiyasaphu / Printed

सम्पादक - तिरुथिराज मिश्रोपाध्याय

Condition : fine / damaged by worms, rats, water /

Editor - Tiruthira Raj Mishropadhyaya

Beginning, colophon, post-colophon :

Folio- 7 - श्री महादेव जुलसां अति दुर्लभा न जुयाव खयात वर्दानि विज /

P.T.O.

Col. इति श्री स्कन्दपुराणे माधव माहात्म्ये केदारखण्डे कुमार उगहस्य
संवादे श्री स्वस्थानि परमेश्वर व्याख्या चत्वारिंशोऽध्यायः
समाप्तं शुभम् ॥

समर्पण

हामा नेपात निवासि नेवार जातमा प्रायः स्वारुनीभागे सदस्यैः
सविज्ञा इवस् गन्तव्या निमित्तं यो नेवारे भाषाको पुस्तक गोस्वी
भाषा प्रकाशिते अङ्गुवाट पास गराई द्वापा अक्षरमा तयार गरी
अर्पण गर्दछौं ॥

इति श्रीस्वस्थानि समाप्तम्.

योपुस्तक पं. नरदेव मोतिकृष्ण शर्माका पाशुपत छापाखाना नेपालमा छापि प्रकाश गरियो.

मानसस्य सुगत दासया संकलन
बाबा कृष्ण-कुम्हारत उपहार ।

मानसस्य सुगत दासया संकलन
बाबा कृष्ण-कुम्हारत उपहार ।

मानदास सुगत दासया संकलन
आशा सफु-कथियात उपहार !

धिपती जुयाव कृष्णगुना नगरस चोन हुन्यधकं वेदा बियाव छोट पुनर्वाद हनं वरुण भयात्मन वास्तवायाव
अतिदुखजुयकं महाकष्टनया तपस्या यात थ्वेलस श्रीमहादेवजुलसां अतिहर्षमान जुयाव थ्वयातवर्दान बिल हे-
वरुण धकं छन पश्चिमदि नाया दिग्पाल जुल छपनिदको रूपया अधिपती जुयाव अर्दाचवति नगरस चोनहुने ध-
कं वेदा बियाव छोट पुनर्वाद हनं वायुधयाम पिण्गुह्म ४९ नं सियाव पिण्गुह्म मिलेजुयाव हेमाल पर्वतस व-
नाव माहाकष्ट नयाव तपस्या याता चांगुखनाव थ्वेलस श्रीमहादेव जुलसां आज्ञा दयकल छिमित लु वरदा-
न फोनेत्यना धकं आज्ञा दयकल थ्वत्य कैलासपतिया आज्ञाडनाथ पिण्गुह्मस्यनं ह्वाहा जोलपाव बिनसी याल
हेपरमेश्वर जिपनी पिण्गुह्मन छम जुय फयमाल धकं वर्दान फोन थ्वत्यवायुया वचन डनाव श्रीमहादेवन जुल-
सां आज्ञा दयकल छपनी पिण्गुह्मन छम जुय फयमालधकं पुनर्वादहन सुनान मखनका वनेफय माल धकं हे-
वायु छवायुया वेगया दिग्पाल जुयमाल दकोप्रानिया अधिपती जुयमाल गन्धावति नगरस चोन हुनेधकं वेदा-
बियावछोट पुनर्वाद हनं कुवेरन सियाव हेमाल पर्वतस अनेग तरहन तपस्या याताव चोन गथ्य तपस्यायात
थालमा नानाप्रकारन कष्टनयाव तपस्या याकखयाव श्रीमहादेवन जुलसा थुगुप्रकारन तपस्या याक खनाव अ-
तिखुसि जुयाव आज्ञा दयकल भो कुवेर छनगु तपस्या खनाव जिसन्तोष जुयधुन धकं आव छनत वर्दान विय
धकं छन उत्तर दिसाया दिग्पाल जुल छदको धनया अधिपती जुयाव अलकापुर नगरस चोन हुन्यधकं वेदावि-

याव छोट शुभप्रकारन न्हसह दिग्पाल तयधुस्यली च्याहह छम तयत सुमदयाव श्रीमाहादेवन थवहानं पिक-
याव थव अंम छवो अंमतयाव तपस्या यातकाव थवयात बर्दान विल भोमहापुरुषधकं छन तपस्यानं जिसतोप
जुयधुनधकं आव छनया नाम बिखकर्मा जुयमाल धकं आवछ ईसान दिसाया दिग्पाल जुयभाधकं आ-
वछ प्राणिदकोया अधिपती जुयमाल धकं जसेवती नगरस चोन हुन्यधकं वेदावियाव छोट थवत्य
अष्ट दिग्पाल अष्टभुवनस तयाव थीथी दयकलगु खजुल पुनर्वाद हन थवनली भोअगस्त्यमुनी धकं थवम श्री-
माहादेवया स्त्री सतिदेवी सिडाव तवधड उत्पात जुलधकं कुमारन आज्ञादयकल थवत्य कुमारया आज्ञान्यनाव
अगस्त्य मुनिन आज्ञादयकल भो कुमारधकं थवम सतिदेवी गथे जन्मजुल हुउत्पात जुलधकं न्यनाव थवमस-
तिदेवी सुया पुत्रिधकं सुयाकेन उत्पत्ति जुलधकं पुनर्वादहन थवमसतिदेवी गथ्य श्रीमाहादेवया स्त्री जुलधकं
भो कुमार शुशुलितु ख विस्तारन जितकने मालधकं धायाव थवत्य अगस्त्य मुनिया वचन नेनाव कार्तिककुमार-
न जुलसा सुसुहुन हेलव आज्ञादयकल भो अगस्त्यमुनिधकं थवम सतिदेवी जन्म जुवगुख जुलधकं स्येगु उ-
त्पात जुवयाख श्रीमाहादेवयास्त्री जुवनी कनेत्यना धकं हेअगस्त्य मुनीधकं अष्टदक्षप्रजापती धयापी च्याहह द-
क्षेप्रजापती दव थवत्य अष्ट दक्षेप्रजापती धकं नाम प्रख्यात जुल थवम दक्षप्रजापतिया कलातया नाम विरणी
धयाम धकं थवपनी णिमस्त्री पुरुष अतिन जानाव आनन्दन काम क्रिदादी सुख भोगयानाव परमआनन्दन काल-

हनाव चोन जुलधकं भो अगस्त्यमुनी थवव्यलस विरणीया गर्भसदयाव झिला सन्पुर्णजुयाव कन्याछम जातजुल
भो अगस्त्य मुनिधकं थवकन्या गथिडम धालसा विरणीया गर्भसदयाव दोलछि सुर्येया तेजजुयाव चोन अस्-
गतन पद्मसुन्दरी जुयाव चोन अतिकोमल वचन मिखाधालसा पलेखानया हलथ्ये वरण धालसा अरुण उरेजु-
वथ्य अतिकोमल जुयाव चोनम कन्या विरणीया गर्भस जातजुल दक्षप्रजापतिन सियाव धन्य २ जिभाग्यन-
कं मनस अती हर्षमान यानाव मर्जात थव झिनुखुनु व्यनकाव झिन्यन्हुखुनु अनेग जोतिष वसिष्ठ प्रभृति ऋ-
षित्राहण वोनकल छोयाव नामकर्ण यात थवेलस ऋषिलोकन जुलसा मालको कृया कर्म धुनकाव नामलुतं
भो दक्षेप्रजापति थवम कन्याया नाम सतिदेवि जुलधकं स्वर्गस छोव पातालस प्रख्यात जुईवनकं शुभप्रकारन
ऋषिपनिस्थन नामकर्म यातस्वयाव दक्षप्रजापति खुसिजुयाव अनेग सामाग्री ताललातकाव नानापदार्थ दयका-
व भोजनादि यातकाव आसिर्वाद वियाव मनस अतिहर्षमान जुयाव थव आसमस वन्यत्यल धकं दक्षेप्रजापति-
याके वेदाकयाव वन जुलोधकं ईतिश्री स्कन्दपुराणे माघ माहात्मे केदारखण्डे कुमार अगस्त्य मुनिश्वर सगवादे
सतिदेवी उत्पत्ति नाम श्रीस्वस्थानि परमश्वर्योक्त्यायां प्रथमोऽध्याय ॥ १ ॥
पुनर्वाद हनं अगस्त्यमुनिश्वरन जुलमां कार्तिक कुमारयाके विनतीयात हेपाग्वति नन्दन देवलोक न दक्षेप्रजा-
पतियाम्हावचपनि गथ्यईहि पालयात थव ख विस्तारन कनेमालधकं धायाव अगस्त्यमुनिश्वरया वचनडेनाव कु-

स्वस्था

मार्गन आज्ञादयकल भोअगस्त्यमुनिधकं दक्षेप्रजापतीन जुलसां छन्हुया दिनम वि णीया हेवन्यधाल भोस्त्रिवि-
 णी पुनरवाद हनं कन्यादान वियनुयोधकं मचात टवधिकलजुधाव वल छन मालको सामाग्रीताल लाचकीवधकं
 धयाव विरणी नधालं भोप्रभु जिस्वधकं मालको सामाग्री ताल लातकाव विल थ्वनली दक्षेप्रजापीन जुलसां
 धर्म वोनकल छोयाव वृहस्पतीन जुलसां जज्ञयातकाव महासुदिनस शुभवेलास धर्मयात झिछम कन्यादान वि-
 ल सुसुधालमा कृतिकाधयाम रोहिणी धयाम मृगशिराधयाम पुष्याधयाम आसाधयाम लक्ष्मीधयाम मेघाधयाम
 कृपाधयाम बुद्धि धयाम लज्या धयाम थ्यत्य झिछमकन्या धर्मयातविल थ्ववेलास झिछम कलात जवनाव धर्म
 थवआश्रमसवनाव सुखनं भोगयानावचोन पुनरवाद हनं कुमारन आज्ञादयकलं भोअगस्त्यमुनि न्यव थ्यनली
 पुनरवाद हनं दक्षेप्रजापतीन जुलसा विरणीया हेवन्य आज्ञादयकल भोविरणी कन्यादान वियनुयोधकं धयाव
 विरणीनधाल भोप्रभु जिवस्वधकं विस्य विज्याहुनी धकं थन दक्षेप्रजापतीन धाल कावसा मालको सामाग्री ता-
 ल लाचकीव धयाव विरणीन जुलसां मालको सामाग्रीताल लातकाव थ्वनली दक्षेप्रजापतीन जुलसा चन्द्रमा
 वोनकल छोयाव अन्यग ऋषिब्राह्मण वोनव वृहस्पतीन जग्ययातकाव अन्यग मंगल जात्रायानाव अन्यगवाजा-
 थानाव सिंदुरजात्रायात महासुवेलास विरणीन जलधारा हायकाव दक्षेप्रजापतीन थवम्हयावया लाहातजोनाव
 कुसहामोलजलतयाव चन्द्रमायात निय हम्म २७ कन्यादानविल सुसुधासा अश्विनि धयाम भरणि धयाम रो-

हिणि धयाम मृगशिरा धयाम आर्द्रा धयाम पुनर्वसु धयाम तिष्ये धयाम अश्लेषा धयाम मघाधयाम पुर्वफा-
 गुनिधयाम उत्तरफाल्गुनि धयाम हस्ताधयाम चित्राधयाम स्वातिधयाम विसाखाधयाम अनुराधाधयाम ज्येष्ठा
 धयाम मूलधयाम पुर्वाषाढा धयाम उत्राशाधयाम श्रवणधयाम धन्यष्टा धयाम सतभिषा धयाम पुष्यभाद्र
 धयाम उत्तरभाद्रधयाम रेवतीधयाम थ्वत्येनियहम्म कन्यादानविल ऋषिब्राह्मणयात थमनफयाथे दक्षिणाधियाव भो-
 जनयातकाव विदाधियाव छोट थ्वनली चन्द्रमानजुलसा दक्षेप्रजापतीयाके विदाकयाव विरणीयाके वेदाकयाव
 नियहम्म २७ कलात जोनाव थव थायसवनजुल हनं अगस्त्य मुनिश्चरनजुलसां पुनरवाद हनं श्रीकार्तिक कु-
 माग्याके विनतीयात हेपार्धती नंदन छलपोलस्यन दक्षेप्रजापतीया म्हयाचकन्यादान विवधू आज्ञादत न्यनेधु-
 न अथपन जिचीतमतुस्तमजुवनि गथ्यधालसा सतिदेवि मृत्युजुयाव महाउत्पात जुलधकं आज्ञा दयकल थ्वस्व
 महनं विनतीयाना छलपोलके थव सतिदेवी सुयाकेन जन्मजुल थ्व सतिदेवी श्रीमाहादेवया गथे स्त्री जुल थ्व
 सतिदेवी गथे मृत्यु जुल छुयाकारण उत्पात जुल धकं छलपोलके विनतियाना आव छलपोल स्येन सतिदेवी
 जन्मजुवगुस्व पुनरवा हनं दक्षेप्रजापतीन मेवम्हयाच पनी देवलोक्पनिष्ट कन्यादान विवगुकनाव विज्यात थ्व-
 खन्यनाव उत्पात सतिदेवियाख विस्तारनं कव न्यनेईक्षयादवनि धकं भोश्रीकुमार जित कृपातयाव संपुर्णया खं
 विस्तारन कनाव विज्याय मालधकं अगस्त्य मुनिन आज्ञा दयकगु खं डेनाव पुनरवाद हनं श्रीकार्तिक कुमारन

जुलसां आज्ञा दण्डकल ॥ स्कन्दउवाच ॥ हेगस्त्वमुणी न्यव ह्यापा स्वर्गस देवलोक वसलपा चोन थवेल्स थव
देवलोकया सभा दण्डकाव देवता जक्षे गन्धर्व किन्नर राक्षस अष्टवसु दसदिग्पाल द्वादशादि आदिदेवतापि स-
कल्ये मुनाव थीथी साहुतियानाव आज्ञा दण्डका लु साहुतियात धालसा स्व २ धकं झिझिस स्वर्गया देवता
जुयाव जन्म जुयाचेनाया सुयां ईहिपाल मधुनिधकं आव गथेयाए माल धकं छन्हुया दिनस स्वर्गया देवलो-
क पिन सकल्ये मुनाव सभादण्डकाव विज्यात थवेल्स श्रीदेवलोकन थीथी आज्ञा दण्डकस्य विज्यात स्वस्वध-
कं झिझिस शुयां कन्यादान मधुनिधकं आव गथेयाए मालधकं देवलोकया थीथी साहुती यानाव आज्ञा दण-
काव झिजित ईहिपाल यानाव विगुवधकं यवत थमण यायनुयो धकं थीथी साहुती यानावधाल आव झिजित
वहल जुयाव चोन दक्षप्रजापतिथा ह्याच पनी अतिकन दस्यचोन थवनीपित विणदवला मदतलाधकं धाण-
कल छाप नुयाधकं समधान यानाव नारद मुनिछोयधकं समधान यानाव नारद मुनिश्रया ह्वने आज्ञा दण-
कल भोनारद मुनिश्रर छलपोल स्यन तेतिमकोटि देवतान धयागु छता गस्य विज्याय मालवधकं लुधालसा
दक्षप्रजापतियाके विज्याहुणि लुधालसा देवलोकया सुयान कन्यादान मधुनी थवतेन छलपोल विज्यानाव दक्ष-
प्रजापतिया ह्याचपित विय दवला मदुवलाधकं मेवछोयाव ज्यासिद्ध जुईमखुधकं छलपोल विज्यातमान ज्या
सिद्धजुईवधकं थवतेन छलपोल विज्याय मालधकं दक्षप्रजापतिया अदिक ह्याचदु थवह्याच पनीपित विणद-

वला मदुवला धकं देवलोकन न्यनावहलधकं पितवियदतसा देवलोकयात फोन्येधकंविनतीयानावहलधकं आ-
ज्ञादयकस्य विज्याहुने थवतेज्या छलपोलस्यं यास्यविज्यायमालधकं थवतदेवलोकया वचनभाखा नेनाव नारदमु-
निश्ररं जुलसां लिसलदयकाव वयधकं विज्यात थवनली देवलोकया आज्ञाथ्यं दक्षप्रजापतीया क्षेसवनाव आ-
ज्ञादयकल भोदक्षप्रजापती देवलोकन छलपोलया म्हाचपनी कन्याफोनकेहलधकं देवलोकन आज्ञादयकलगुस्व
समस्तकन थवतेनारदमुनी श्रयाखडेनाव दक्षप्रजापतीन जुलसां धाल भोनारद छलपोलस्यन आज्ञादयकगुस्व
न्यनाव जिखुसिजुयधुन छलपोल विज्यानागुज्या भीन्यथुका तवभाग्य जिम्ह्याच पनी सियाथुका आवदेवलोक-
न थुलीत आज्ञादयका विज्यास्यती अवस्यन जिवख्यधकं जिम्ह्याचपनीया तवभाग्यजुल गथिडजिभाग्यधकं
दक्षप्रजापतीन जुलसा थमथ्य थमन महार्धमानयानाव पुनरवाद हनं दक्षप्रजापतीन धाल भोनारद छलपोलवि-
ज्यानाज्या अवस्यन जिवखेधकं आज्ञादयकस्य विज्याहुने छता जुकोजिनधाय जिम्ह्याचपनी दको अवस्यन
वियजुल सतीदेवि छमजक वियमखु जिसपनीया लखकायतमाल विचालयाकेमाल जिकायमचामहु जिकायधा-
लसां म्हाच धालसां थवछमजितमाल मेवपीं दकोवियथिकजुल दिनधालसां देवलोकन ग्वखुन्हु आज्ञादयकल व-
खुन्हु जिवख्यधकं आज्ञादयकिव देवलोकन गथ्यजोग्यजुल अथ्ययास्य विज्याहुन्य धकं दक्षप्रजापतीन नारद
यात लीसल थियाव नारदयात अन्येग मान्ययानाव पुजाभावयानाव थवत्यधुनकाव नारदन जुलसां दक्षप्रजाप-

स्वस्था
१०

तीयाके विदाकयाव नारदमुनि देवलोक विज्याकथासवन थनली देवलोकन जुलसां नारदमुनियाकेन्यन भोनार-
द छलपोल विज्यानागुज्या गथ्य २ चोन सिद्धजुवलाधकं न्यन थ्यबेलस नारद देवलोकया ख्वालस्वयाव आज्ञादय-
कल भोदेवलोक जिवनाज्यासिद्धजुवलयधकं लीसलकन थनली दक्षप्रजापतीन धाको खकन भोदेवलोक छल-
पोलपनीस्यन ग्वखुन्हुधाल उखुन्हुजिवरुय धकं धयावहल आव छलपोलपनी साहुतियानाब गथ्यजोग्यजुल
अथयास्य विज्याहुन्य दिन छलपोलपनीस्यन स्वस्यविज्याहुन्या धकं धयाव थ्वते दक्षप्रजापतीया लीसलन्य-
नाव देवलोकपनीस्यया महाआनन्द जुयाव महार्हर्षमान जुयाव देवलोकपनी लिहाविज्यात थनली देवलोकप-
नीस्यनजुलसां भिडादिनस्वचकाव दिनलुनाव दिनकनावछोत थनली दीनत्ययाव माल २ गुलि सामाग्रीताल
लातकाव विज्यात थनली दिनत्ययाव दिनयाबेलास देवलोकपनीस्यन सकल्य थीथीचोयकाव त्यतिसकोटीदे-
वता कन्यादानकालविज्यात थनली देवलोकपनी कन्यादानकाययात सकल्य विज्याकस्वयाव दक्षप्रजापतीन
थमथ्यथभन महार्हर्षमान यानावतत्कारन सामाग्रीतियारयनाव देवलोकपनीष्ट थवम्हयाचपनी कन्यादानबिल थ-
नली कन्यादानकायधुनकाव मालको विचालयायधुनकाव विदाकयाव महार्हर्षमानयाना थव २ कलातजोनाव थ-
व २ आश्रमसालिहाविज्यात थनली बाछिलछि दयाववल छन्हुयादिनस कैलासश श्रीमहादेवनजुलसां अन्त-
र्यान यानाव स्वस्यविज्यात स्वव २ धकं थ्वदेवलोक पनीस्यन जिके वचन छगुनापं मनेस्य शाहुति मयास्य

१०

थमजुको वनाव कन्यादन काय धुनकाव सुखन चोन जिथथीडह्य कैलाशया थाकुर माहादेव थिंजुयाव चोना-
व ईहिपाल मधुनी थमजुको वनाव ईहिपाल धुनकाव चोनधकं श्रीमाहादेवया मनश चिंतलपाव विज्यात थ-
नली श्रीमाहादेवन अन्तरध्यान जुयाव स्वस्यविज्यात थथ्यस्वयाव श्रीमाहादेवन धाल देवलोक पनीस्यन जा
दोनकाव ज्यामयाव खने जितमानेयजा यानाव तवनिधकं थवथ्य थमन खुसिजुयाव विज्यात आवजिन सुछो-
याव धापकल छोयधकं दक्षप्रजापतियाके सुछोयधकं थवत थमन वन्यधकं दक्षप्रजापतिया छेस श्रीमाहादेव
जुलसां विज्यात थनली दक्षप्रजापतिन श्रीमाहादेव विज्याक ख्वाव थवकला विरणीयात धाल भोखि छनख-
व हुहु व वद्वजा श्रीमाहादेव जुयमालधकं झिजिके वल स्वव २ धकं छाय वलखेधकं थ्वया थानलु बानलु स्व-
यनपा मययापु गथिहधालसा नसा धालसा यस गजि धतुर तिसाधालसा वाय ईइनसानकाव विमुकन तिया-
वबुसाधालसा मसानया भस्म जोसा धालसा त्रिशुल डमरु गमाधालसा ज्याथ डोहल ईसाधालसा धुक्षेगुन्य-
साधलसा किबिलेगुली वानिधालसा दिगम्बर थथिडह्य झिजिके छाय वल मसियाधकं न्यमहालाव चोन बेल-
स श्रीमाहादेव छेस थ्यनकलवल थ्वनलि माहादेवन सलताव सलतु सलताव दक्षप्रजापतिन कस्वयाव धाल भो
माहादेव छजिक्य छायवया थाहा वायो धकं धायाव भो माहादेव छछायवया लुधायत्यना धावधकं दक्षप्रजाप-
तिया ह्वेवन्य माहादेवनधाल थ्वम श्रीमाहादेवयात दक्षप्रजापतियाके कुतल महु यारमहु सियमहु एकचोन थ्व

स्वस्था
??

मली माहादेवनघाल भो दक्षप्रजापति जिन कन्ये देव मेवता निमिर्तिन वयागखु थुका छनके कन्याछम ल्य-
नाव चोनगु थवळम कन्या जित कन्यादान वियमालधकं धायाव थनिघालसा कैलास थिरयाय थाकुल माहा-
देवजुयाव चानाया कन्यामदवनि छन दयान मेव देवलोक मकल्ये उद्धारजुल देवलोक थिह्म जुयाव चोना-
या ईहिपाल मधुतले देवया ल्याखम मग्यल थुलिया निमीर्तिन जिछनके वया जित जोग्य जुयाव चोन छन
हयाच पनी जित कन्यादान वियमालधकं श्रीमाहादेवन आज्ञा दयकाव विज्यात थवते श्रीमाहादेवया आज्ञा
हेनाव थना दक्षप्रजापतिया माहाक्रोध यानाव भो माहादेव जिह्याच थथिड पद्मसुन्दरी कन्या छनत जोग्य
जुललाधकं थवखाल थपन मस्वक छन थानलु वानलु छजुयिव धालसा मसनया नवलीन अगस बुयाव ह्य-
नपं भुयुकाव जुयिव तिसा धालसा स्वयनाप भयांकर विमुकन बुयाव वस्त्र धालसा धुळेगुली जोसा धालसा
त्रिशुलडम्बरु मसा धालसा ज्याथ इहल नसा धालसा एस मजी धतुर वानि धालसा दिगंबर थथिडम यात
जिह्याच जोग्येला धकं थथिमणकं जित हेलायात वलधकं दक्षप्रजापतिन श्रीमाहादेवयात वधा थधामदय-
क लगभगन न्वानाव पितिनाव छोट थनली श्रीमाहादेवन महादुःखन लज्याचायाव वयावहे मसियाव पिहा
विज्यात पिहा विज्यानाव मनण भलपाव दक्षप्रजापतिन थुगुली वचननं फचित यायछाय वियमदुसा वियमदु-
धयान मगाला थथिड वचननं फचित सास्तियाय छायधकं अथ्ययायह मसियाव अननं अन्तर्धान जुयाव वै-

??

कुण्ठम श्रीमाहा विष्णुयाके विज्यात थनली विष्णुन जुलसा श्रीमाहादेव विज्याक खनाव हतारून वनाववा-
सालायाव अन्येग स्वावागातकाव तुती लाहात चायकाव थवक्षस विज्याचकल थनलि श्रीमाहादेवया खाल
स्वयाव श्रीमाहा विष्णुन जुलसा हात जोजलप. व विनतियात श्रीमाहादेवन आज्ञा दयवल भो श्रीमाहा विष्णु
धकं जिवयागु कारन मेवता मखुधकं छन धालसा छेस छिमदुमया छेसखु सुयां छेस छिमदुमया थोत वात
मदु थुलिया निमीर्तिन छमके जिवया मथ्यधालसा देवलोक दकोया कन्यादान काय थुनकाव सुखन अनन्द-
यानाव चोन थुगु वाततायाव स्वयानजा दक्षप्रजापतियाके कन्या छम ल्यनाव चोन थवकन्या जित फोनवना
न दक्षप्रजापतिन जित वधा थवधाव मदयक न्वानाव हल थथिड वचन जित फचितयानाव हल थुलिदुखन अनव-
न्यह मसियाव जि छनके वयाधकं समस्त खकनाव विज्यात थनली श्रीमाहा विष्णुन धाल भो परमेश्वर श्रीमा-
हादेव थुथीया निमीर्तिन छलपोल हतस चास्य विज्याय मुम्बाल छलपोलया सेवक जिमदुला थुली ज्या जि-
वनाव जिन थथ्यं सिद्धयाना वयेधकं छलपोल थनानि विज्याहुन्य धकंधायाव श्रीमाहा विष्णु दक्षप्रजापति-
या थास विज्यात थनली विष्णु विज्याक खनाव दक्षप्रजापतिन जुलसां अनेग तरहन स्वानवा गातकाव थुप
दिप थनाव वासा लायाव विष्णु थवक्षस विज्याचकल थनली थविष्णु मथे विज्यात धालसा स्वक खको
थव वस्ययानाव विष्णुपायान स्वपुयाव विज्यात थनली दक्षप्रजापतिन धाल भो श्रीमाहाविष्णु छलपोल

लुया निमित्तिन थना विज्याना धकं न्यनावधाल थनली विष्णुन आज्ञा दएकल भो दक्षप्रजापति जिन धया-
गुली विलसा जिनकने मविलमा जिन लुधाए धकंधयाव श्रीमाहाविष्णुया ख्वालखयाव दक्षप्रजापति अतीखु-
सिजुयाव धाल भं विष्णु छलपोल थन लुधाल वगुली विष्णुल धकं धयाव विष्णुनधाल अवस्थन विष्णुनला
धकं सत्यवचन यानाव धाल भो दक्षप्रजापती जिन मेवता धाएमुख छापन धालसा वैकुण्ठया ठाकुरजुयाव चं न-
म विष्णुथीङ्गम जुयाव चोनाया ईहिपाल मधुनी छन दयादतसा छन पुत्रि कन्यादान विष्णुमाल धकंधयाव थ-
नली दक्षप्रजापतिन धाल भो श्रीमाहाविष्णु विष्णुजामहु महुसां लुयाव जिवोलवन थथ्य कपटन लाईव मसि-
या आव लुयाय कास्य विज्याहुने धयाव थनली श्रीमाहा विष्णुन जुलसां दिनलुनाव बेलासहित दएका थ-
खुन्हु जिवयधकं ठेकान दएकाव थनली श्रीमाहा विष्णु थवलेस माहादेवया थास विज्यात थनली दक्षप्रजा-
पतिया लिसलखं श्रीमाहादेवयात कन भोस्वामी श्रीमाहादेव जिवनाज्या सिद्धयानाव वणधुन वणधुनसा थवत
धयाव वयातिनी छलपोल यातजा मधयानी यायमाल कण्ठजुको गथेयाय माल धयाव श्रीमाहादेवन धाल
भोविष्णु जित लुधाए छलपोलन धयाथे यायधकं धयाव थोवेलस विष्णुनधाल भोस्वामी श्रीमाहादेव आसा थ-
ये थास्य विज्याहुने दिनखुनु जक मानी थुखुनु छलपोल माहा ज्याथजुयाव लालण्येलहन हाएकाव अति अ-
स्वभा जोगिजुयाव जलस दुस्वयाव आज्ञा दएकेव भोविष्णु भो दक्षप्रजापति जित भिक्ष्या मविस्य कन्यादा-

नकालसा विलसा न्यहसितश्रापविय धकं आज्ञादयकेव थवेलसजीनधाए भोजोगी छनश्रापवियमत्येव थना-
जिपनीसया बेलाफचीतन हतासजुलधकं धयाव छलपोलथननिवाधकं बोनावतय थवेलसछलपोल यातकन्या-
दानलातकावविय धकं समस्तसाहुतीधुनकाव श्रीमाहादेवकैलास विज्यात थनली दिनलेयाव श्रीमाहाविष्णुन
जुलसा श्रीमाहादेव थथ्यविज्याईव युकाधकं श्रीमाहाविष्णु दक्षप्रजापतीया थासविज्यात थनली दक्षप्रजापतीस्य-
न जुलसा श्रीमाहाविष्णु विज्याईवधकं समस्ततयास्यानाव चोन थनावलाययाव श्रीमाहाविष्णुयामनस श्रीमाहा-
देव थनाआवतले मविज्याक महाधन्दाकयावचोन आवगथ्ययायमाल बेलाहतासजुल श्रीमाहादेवधालसा आव
तलेमविज्याक थथ्यजीनफयधालसा श्रीमाहादेवयातमजीव कन्यादानकस्य चोन्यधालसा गथ्यचोन्य श्रीमाहादे-
वधालसामविज्याक धकं अतीधन्दाकयाव चोनवेलस महादेवया झसां क लुमनाव थनली महादेवनधाल विष्णु-
यादिनेवलाजा थनीबेलाजुल हतासजुयावचोन धकं वायुन्यगन श्रीमाहाविष्णुया थासथेनकलविज्यात गथीहवे-
लासथ्यनधालसा दक्षप्रजापतीन हामोलकुशजोनाव बिरणीन जलधाराहायकाव चोन तयारजुयाव चोनबेलसथ्य-
न थ्यबेलस श्रीमाहादेवन जोगेसालाश दुसोयाव धाल भोविष्णु भोदक्षप्रजापती जिथथीङ्ग वृद्धकालज्याधजुल
नयमखगु डयान्हदत जिथनावया जितभीछामविस्से कन्यादानविलसा न्यहयात अवस्थन सरापवियधकं धयाव
श्रीमाहाविष्णुनधाल भोवृद्धजोगी छनश्रापवियमत्य छनश्रापअवस्थन गेलीव जिथनबेलाफचीतन हथासजुयावचो-

नधकं यन्ननिवयावचोनवाधकं धयाव थवजवसतयाव चोन गथीनवेलासधालसा कन्यादानवियत तयारजुल मामन
कमण्डलुजोनाव वबुन ह्याचया लाहातजोनावचोन विष्णुन फयावचोनाथेडनकाव विष्णुमायान तोकपुयाव
माम बुवपीं निहामितं मिस्वाछखेत्रोयकाव थवज्याथ जोगीया लाहातीस कन्यादानलातकाव लाहा थपूकपूतयाव
विलधकं कुमारन अगस्तमुनीयात कनगुप्त नैमिषारण्य सौनकादि चथन्यादोल ऋषिपनीष्टकन इति श्रीस्कन्द-
पुराणे केदारखण्डे माघमहातमे कुमारअगस्त्य संवादे सतिदेविकन्यादान द्वितीयध्याय २ थनासिसाफुसाछोये
स्कंदउवाच भोअगस्त्यमुनि थवनली लिपातसलाहातस्वयान विष्णुयालाहातमखु ज्याथजोगीया लाहातजुयावचो-
न थवेलस दक्षेप्रजापतीन धाल भोविष्णुछनथुलीतकपतन लाईवमताया छननिगीतिन जिम्हयाच अनरथयात
छवनाप विस्वामयायजोग्यमखुधकं अन्येगप्रकारन अन्येथ २ तरहनन्वात भोपूत्रिआवलुयाव विष्णुचण्डालन क-
पटनलात छनभाषिकर्मन वलगुलुधाय भालत आमुज्याथजोगीजुल आमजोगीनापं वन्यमालहुनिधकं धाल
थवेलस बुवनंथयधावगुडनाव थवकन्यान आतिदुखन विलापयात थवकन्यायामनस भालपाव आवजीनलुयाय
जिकर्मथथीडजुल जिक्यह्यपनी सकलेयादेवपनिस्केलात जिजुको लुयापापन मसिया थथीडह्म ज्याथजोगीया-
केलातधकं प्यावचोन थवेलस ज्याथजोगीन धाल भोकन्याआव झीजिसक्षवन्यनुयो धकं धयाव छनमामबुवा
याके वेदाकावधकं धाकयाव थवेलस ज्याथजोगीवचनडेनाव जिवखधकंधायाव सतिदेविन पिता दक्षेप्रजापती

माताविरणी न्यहसयाके विदाफोनाथ भोपितामाता जिवन्यतेल विदाविस्वाविज्याहुन्य धकं धयावचोस थवे-
लस निहसस्त्रीपुरुषनधाल भोपुत्रिमतिदेवि छनधंधाकायसत्ये छनतजीमदुला आवआमज्याथजोगी नापंहुनिधकं
धयाव विदाविस्वावछोतं थवेलस सतीदेविन जीवखेधकं सामबुवाया चरणसभोकपुयाव विदाकयाव थवज्याथजो-
गी ह्वे २ थवकन्या लिव २ तयाव वन थवकन्यायामनस अतिदुखजुयाव नुगलमछिनावधाल आवलुयाय हसपन-
मताहजुलसा मिखानंमहुसां कानजुलसा धुसीजुलसा बानमलाकसा ज्याथजुलसां थवजिस्वामी जिकेहेपनी देब-
वत्युर्यथुकाधक थवज्याथजिप्राननाथथुका धकं भालपाव वन थवनली थवज्याथनधाल भोसुन्दरी बुल्लहुनबाधकं
धयाव थवकन्यानधाल भोनाथ जिजाबुलहुनंनवय छलपोलबुल्लहुनविज्याहुन्यें ज्याथसरिरजुल मिखानमलुक ह-
ताम चिन्याय सुम्वाल धकं धयाव वनजुल पुनर्बादहनं कन्याया मनस महाधन्दा जुल थथीनहज्या
य जिथथीड सुन्दरि थन सुवयाव लुयाईथ धकं जिस्वामीनं लुयायफईव धकं महाधन्दा कयाव वन
थवनली माहादेव ज्याथन भालपा थवकन्याया मनस गुलीत धर्म दुखेधकं भालपाव अननं अन्तरध्यान जुया
कैलासया कोस भिखाक्षे छखा दयाकाव थवज्याथन धाल भो सुन्दरी कन्या झिजीसक्षे हुँहुंधका धकं केनाव य-
न थवत्य खकनाव सतिदेविना मनस भालपा हेनागयण सिव २ धकं जिपिता दक्षप्रजापतियाक्षे सुवर्णया छेस-
चोनाम जिथथीड भिखाछेस चोनेमालधकं माहादुखन चोन पुनर्बाद हनं मनचित्तल पावधाल लुयाय गुगूली

थवस्वामिया कर्म दवगु भिखाळे जुलसां सुवर्णया छे थुएका धकं भालपाव छे थ्यनकळ वन थ्वनली ज्याथन
धाल भोकन्या झिजीम छे थुगुकाधकं दुहावनाव सुखन थोव धकं थ्याव गाचोसन खोबिहुयाव ख्वाल चकन-
काव भालतया ख्वाल स्वयाव भिखाळेया खापा खनाव स्वस्यली माखा पिखान जकभुनाव चोन गुलिविला वा-
लिन गुतकाव दुहावनाव वापुयत तुफिकयाव वपुनाव चोन थ्वनली सतिदेविया मनस माहादुखन चोन थ्वन-
लि उवाथ जोगिन धाल भोसुन्दरी कन्या जिजा फचितन त्यानुल जिजा भतीचा देनाचोनेधकं एम गाजि ठतुर
भ्वाकतिनाव लुखाकोस यनाव चोन थ्वेलस सतिदेविया मनस फचितन हतास चायाव लुयायधकं लुखान
कोस्वया चोनाव स्वामिया ख्वालजक स्वयाव चोन हन सतिदेविन भालपा थनसुया गोह्या ग्वचल महु सुधा-
त सुवयाव जीस्वामियात लुयायु व्युधकं माहा धन्दाकायाव चोन थथ्यचोचपिन्हु च्यान्हुदया वस्यली थ्वनली
थोज्याथ जोगि वाथाक दनाव स्वयाव कलातयात न्वात भोचाण्डाल मिसा जिथधीड बन्धनस जिपिने थ्यनाव
हाक तिनाव तल छन थवजक छेचोन जिर्दधका धायमदुलाधकं फचितन तमचायाव न्वात पुनर्वादहनं जि-
खुनुमदना छन हुनएम्वाललाधकं न्वानाव थनसतिदेविन धाल भोस्वामि छलपोल्या सुखनदेनाव विज्याकया
निमितिनि जिनथनेमळाला भोस्वामि जिजा नयधुनधकं जायाव श्रीमाहादेव ज्याथन भालपावधाल भोकन्या छ-
नठुनयाधकं थ्याव थनासतिदेवि जुलसां धाल छेममधिचधि वजीधेलसाखल हुदुगुनएधुन धकंधयाव श्रीमाहा-

देव ज्याथन जुलसा भालपाव छन जाफस्ता खहातधकं छेस लुवस्तुमदुधकं हुनईवधकं मननभालपाव चोन थ्व-
नली थ्वसतिदेविकन्या चोनिव गथ्यधालसा मनसां खाचकनकाव स्वभालातकाव नयधुनथ्ये डेनकाव चोनिव
सिद्धलनिनाव खाचकनकाव अतिवानलातकाव चोनिव सिलशोभालातकाव मुसुहुनद्विलाव थवपुरुषया ख्वाल-
स्वयावचोन समस्तस्वयाव सतिदेविया मनस अतिधर्म दुखनधकं थवज्याथ जोगियामनस अतिखुसिजुयाव भाल
भोकन्यासतिदेवि जिजा हेलनमगानिधकं खळिनि देनाचोनेधकं थना ज्याथजोगि हकनदेनावचोन थ्वयलस
सतिदेविन जुलसां नएधकं स्वलजुल थलापतिक माखापिखानजक चोनगुखनाव लुवस्तुनमखनाव थवीगुथास
लुवयधकं सतिदेविन जुलसां मनसभालपाव लुखाकोसजक चोनाव भालतयाख्वालजक स्वयाव लुखाकोसज-
क चोनावचोन थ्वनली थथ्यचोन समस्तस्वयाव श्रीमाहादेवन जुलसां अतिखुसिजुयाव धाल भोसतिदेवि शि-
जिसेछथुगु मखुयधकंधयाव आमुभिखाळे स्यनकिवधकंधयाव थ्वेलस सतिदेविन जुलसां धाल भोस्वामि भिना-
वचोनगुलि छेयनकाव झिजिस गनाचोन्य गनावने ल्होनेयात छलपोल वृद्धजुल जिछमदुन मिसाजाति पुन
र्वादहनं सुनानंल्होनाव वियुवधकं सुनानतईव सुयाभलसामहु मखुगुआझादएकल धकंधयाव थ्वेलस सन्यासि
रुप श्रीमाहादेव वाथाकदमाव भिखाळेतुतिन पिनकावछोत थ्वेलस कैलासपर्वत दर्शनविल थ्वेलस सतिदेवि-
नधाल हाय १ गथिडछेधकं जिमिछेयासिन तवाजिछेधकं थधीडछेजिन गनान स्वयमननाधकं थ्याव छेजकख-

नामात्रन सतिदेवि खासिजुयाव चोन थ्वनली न्यगुचुकया दथुसचोनाव चोन थ्वनली श्रीमाहादेवन आशादय-
काव विज्यात भोमतिदेवि आवसामौ कयाव वथिलाव तिधकंधयाव थ्वत्यआज्ञानेनाव सासौकयाव वथिलाववि-
ल श्रीमाहादेवन जुलसां बाथलावतया थाम विज्यानाव सतिदेवियात दर्सनबिल गथ्यदर्सन बिलधालसा क-
ण्ठजुको निलकण्ठवानाव केवलधालसा निर्मलस फट्टिकस्थे माहास्वभायमान सरिरजुयाव जाउवत्यमानन ते-
जपिकयाव स्वस्वकिकि स्वयमगाक थथीनबन्धन तोलते मययापु माहासुन्दर स्वाळजुयाव सतिदेवियात दर्सन
बिल थ्वव्यळस थथेस्वयाव सतिदेविन धाल धन्य १ जिभाग्यधकं श्रीमाहादेव स्वन्ये जितस्वामिळात धकं
माहा हर्षमानयानाव इतासन लाहात जोजळपाव स्वचाकउळाव दर्शनयात थ्वनली निह्मअम्मी पुरुषन पञ्चामृत
आदी नानांमधिचधि फळफुळ ताबुळदयकाव भोजन यास्यविज्यात थुळिधुनकाव शिवशक्तिस्वरूप जुयाव वि-
ज्यात थनसिसाफुसा छाप थ्वनली अनख थुळिजुळ थ्वनली दक्षप्रजापति गथिङ्गधालसा त्यातिसकोटि देव-
ताया ससबुवा जुयावचोन गथीगु पराक्रमिधालसा बुद्धीनधालसा बृहस्पतीसमान त्यजधालसा सूर्यसमान वि-
द्यानधालसा व्याससमान द्रव्यधालसा कुबेरसमान वरुणधालसा बालराजा समान क्रोधधालसा रुद्रसमान छळ-
नढाळसा विष्णुसमान मनुविद्या धालसा प्रसुरामसमान क्षेमाधालसा पृथ्वीमाता समान थथोड माहापराक्रमी
दक्षप्रजापति धयास स्वर्गतस वसळपावचोन पुनर्वादहनं थ्वकलातया नाम विरणीधकं हनं दक्षप्रजापतिया को-

टानकोटि ह्ययाचपनिदयाव चोन थ्व ह्ययाचपनिदको त्यातिसकोटि देवतायात विस्यतयादु ऋषिलोक दैत्यलोक
जक्ष गन्धर्व किन्नर राक्षस श्रीमाहादेव आदी विस्यतयादु थुगुलीप्रकारन समस्त देवलोक बस्ययानाव सुतर सू-
पन विरणीव सहितयानाव पद्मआनन्दन चोन जुल थ्वनली छन्हुया दिनस थ्वदक्षप्रजापतिन कलातया हेवने-
धाल भो विरणी ताकालदत जिन अस्वमेध जज्ञेमगनागु अवजिन जग्ययाय भालपा आव अस्वमेध जज्ञयाय-
त मालको सामग्रीताल लातकिवधकं धयाव पुनर्वादहनं ह्ययाचपनिदको बोनकलछोव हनदेवलोक जक्षगन्ध-
र्व किन्नर ऋषिलोक नागलोक अष्टवसु दसदिगपाल दकोजिलाजन पनिसकल्यं देवतादको निमन्त्रणा याचकिव
हनं पुराहित बृहस्पती थथ्यवोनकल छोवधकं आज्ञावियाव थ्वत्यस्वामि दक्षप्रजापतिया आज्ञाडेनाव तत्कारण
विरणीनजुलसां चरनकमलस भोकपुयाव दोलछि चेलयाहेवने धाल हेचेरपनी थथ्यवनाव जिह्याचपनी जिला-
जनपनी देवलोक ऋषिलोक जक्षगन्धर्व किन्नर नागलोक दैत्यलोक अप्सरा दसदिगपाल मारदप्रभृति मुनि-
लोक थ्वत्यदेवलोक सकल्यें छपनीवनाव निमन्त्रणा याहुनिधकं पुनर्वादहनं दक्षप्रजापतिया अस्वमेध जज्ञयाय
त्यनधकं कावधकंधयाव थ्वत्यविरणीया आज्ञाडेनाव दोलछी चेलपनी थाम २ भालाकयाव माहावेगनवन श्री-
माहादेव मतिदेवि निह्मस्त्रिपुरुषवाहिकयानाव निमन्त्रणा यानाव परंतु त्यातिसकोटिदेवता निमन्त्रणा यानाव तत्का-
रण दोलछिचेत लिहावयाव लिसलकन थ्वनली अनेग विहि बहल घेल हामोल मालकोजज्ञयायत जोलन मालको

स्वस्था
१६

सामाग्री ताललातकाव भिंगुतिथी नक्षत्र जोगवार स्वचकाव पुरोहित बृहस्पतिआदी ऋषिचोनाव अनेग सामा-
ग्री ताललातकाव अस्वमेध जज्ञयायत तयारयात थ्वबेलस नानाअलंकारन तिणकाव रत्नमालान कोखाएकाव
अनेग चित्रविचित्र वसतनपुनाव नानादर्व्य मनिमानिक जोनाव फयानफयाथे अलंकारन तियाव श्रीनारायण
आदिदेवलोक जक्ष गन्धर्व किन्नर अप्सरा दैत्यदानव नागलोक दकोह्याचपनी दसदिगपाल अष्टवसु तेतिस-
कोटिदेवता नानाआलवन तियाव दक्षप्रजापतिया अश्वमेध जज्ञयाथास वनेधकं सकल्यें देवताथ्यनकल विज्यात
थ्वबेलस जथाज्यग्य कुशलवार्ता यानाव थास २ वासवियाव माहाआनन्दन विज्यातकल थ्वनली दक्षप्रजापति-
न जुलसां भिडदिनखुन्हु सुभबेलस शुक्राचार्यन जज्ञआरम्भयात थ्वबेलस अनेग गितवाजा थातकाव अप्स-
रापीं प्याखन हुकायव गन्धर्वपीं म्यहायकाव किन्नरवन ताल थातकाव नाना मङ्गल जात्रायानाव चोन हनं ऋ-
षिलोक मुनिलोकन चतुर्वेद उपचारन यानाव चोन पुनर्वाद हनं मङ्गलवस्तु अष्टमङ्गल पुणर्घट आदिह्वेने त-
याव ब्रह्मा विष्णु ईन्द्र तेतिसकोटि देवता नारद प्रभृति मुनि जज्ञयाह्वेने तयाव नानामङ्गल जात्रायानाव बृ-
हस्पतिन जज्ञयातकाव पद्मम आनन्दन जज्ञयातकाव चोन गथ्यधालसा चौसाष्टिजोगिनि गण लिचकाव गथ्य
जगदिश्वर श्रीमाहादेव विज्यात अथे नारायण प्रभृति त्यतिसकोटि देवतान लिचकाव दक्षप्रजापतिन जुलसां प-
द्मआनन्दन जज्ञयानाव चोन थ्वनली थोदक्षप्रजापतिन जुलसां ब्राह्मणपनिस्के न्यन भोब्राह्मण ऋषिलोक पनी

१६

झिजील जज्ञभितल धकंधयाव थ्वबेलस ब्राह्मण ऋषिलोकन धाल आवतलेजा भिडनि ख्यधकं आवलिजुको ग-
थ्यजुईख्यधकं मुनीब्राह्मण थीथीन्वाना श्रीमाहादेव विनान लुजज्ञजुइव धकं मुनीब्राह्मणया मनसभालपाव चो-
न थ्वनली अन्यग ब्राह्मण ऋषिलोक भोजन यातकाव पुनर्वाद हनं भिलुकयात कोटि २ दान वियाव कोटि २
सादान वियाव हाकोटि २ किसिदान वियाव अस्वदान वियाव पुनर्वाद हनं कोटान कोटि ब्राह्मनयात गुगुली
वस्तुकफोन उगुली वस्तु रत्नमनि मानिक आदी कोटि २ दान दातर्व्य यानाव चोन थ्वनली अनेगवस्तु ध्यल-
वृद्धि कष्टि हामोल भिडभीड वस्तु जग्यस दुयाव आहुति वियाव चोन पुनर्वाद हनं सुयस्वकोटि
देवतायान खोडम उपचारन पुजायानाव जज्ञह्वेन्य तयाव दसदिगपाल आदी देवता पुजायानाव पद्म आनन्दन
जज्ञयानाव चोन विरणीमहित यानाव अनेग ह्याचपनि जिलाजनपनिया ख्वालस्वयाव मुनिब्राह्मणया आसि-
र्वाद कयाव पद्मआनन्दन जग्ययाना चोन जुलो थ्वव्यलस थथ्यचोनाथास नारदमुनिश्वरन जुलसां लुचाकलउ-
लाव थाजग्यस भ्रमलपावजुयाव स्वलजुल थथ्यभ्रमलपाव स्वलजुवबेलस त्यतिस्कोटिदेवता जक्षगन्धर्व किन्नर
दैत्यदानव नागलोक अप्सरा देवकन्या दैत्यकन्या जक्षकन्या नागकन्या सकल्यें स्त्रिपुरुष सहितदव श्रीमाहादे-
व सतिदेवि निह्य जुको महु अति आश्चर्य्यें लुहेतुधकं नारदया मनस अतिविस्मय चायाव मनस भाल-
पाव चोन छन मनस चितलपाव गथ्य जुयत्यनधकं हेतुमदयक थथ्यजुयमहु जक्ष गन्धर्व किन्नर ऋ-

स्वस्था
१७

षि लोक तेतिस्कोटि देवता पृथ्वीस दको देवता सकलें अस्वम्यध जग्यस थ्याक श्रीमहादेव सति-
देवि निमज्जुको गथे मथ्याक पुनर्वाद हनं जग्यया देवता जुल श्रीमहादेव जुल थुका थ्व दक्षप्रजाप-
तिया मनस लु भाल पालस्य हनं निमन्त्रना यातकल छोटला मछो तला कारन मदयकाजा थय्य-
जुय मदुधकं मनस चिंतनायानावचोन थवेत्तस श्रीमहादेवन भालपा सतीदेविनं थोजग्यया कुनतायीवधकं गुप-
तकथासदुन्यचोनाव सतिदेवियाह्वन्य आग्यदयकल हेसतिदेवि आवझिजस जुलल्वायनुयोधकं सतिदेविन जु-
लशानुधकं आग्यदयकाव थवनली जुलभलगथीड धालसा शेखनागयाह्वस कोठाखुयाव सुयनीग्वल अक्षत्रका-
याव चापुदयकाव सूयनेहजोगिनीया पामदयकाव चन्द्रसुर्येमाछितयाव थथीडवन्धन निह्मशिवसक्तिदेव जुल-
त्वानावविज्यात थवनली थय्यहितावचोन श्रीमहादेववुत सतिदेवियात थवनली सतिदेविनंजुलसां श्रीमहादेव-
याकें त्रीशूल डमरुत्याकाव काल पुनर्वादहनं सतिदेविनंघाल त्रीशूलडम्वरुजाकायधुन पुनर्वादहनं हुपायत्यनाध-
याव थवेत्तस श्रीमहादेवनजुलसा पातहनधुछेगुली झाली सुधात सतिदेविनकाल पुनर्वादहनं महादेवयातघाल
भोस्वामीजगदिश्वर श्रीमहादेव कासाआवहुपायत्यनाधकं धयाव आवथुगुपतस जिह्मनापं पायधकं कावपासाह्य-
वधकंधाल थवत्यखन्यनाव सतिदेविनंघाल भोस्वामी श्रीमहादेव आवाहित्यमयल छलपोल अप्रसन्नजुल जित्यात
छलपोलवुत त्यातवुतयाहु थोवस्तुसकतां कास्याविज्याहुन्य छलपोलयावस्तु निविरयलीं हुबिस्यखडुलाधकं ध-

१७

याव थवत्यसतिदेवियाखन्यनाव जगदिश्वर श्रीमहादेवनजुलसां आज्ञादयकल छनधयाख खवखे स्ववसां जिनं-
हुपाय गूग्वस्तुकलं मदत जिह्मपास्यलीं जिनहुपायधकं धयाव थनासतिदेविनंघाल भोस्वामी श्रीमहादेव जि-
त्यातसां छलपोलय हजमीमखुला जिवुनाव वनसां छलपोलयात हुसातावियधक जिह्मविधधालसा छलपोलवजि-
व जारिमखु पुनर्वादहनं वस्तुधियधालसांथन त्रीलोकेछलपोलसमान वस्तुमद हनं जित्यानाव वनसां जुलल्वा-
नावकायमाललाग्वखुन्हु जिवुवायाके कन्यादानकास्याविज्यात वखुन्हुनिसजीजुल धकं थय्यशिवसाकि निह्मती-
ताव सुहानावचोन थवनली थुगुलीवेलास नारद जुलसां तत्कारन थवमालकोपाठधुनकाव अननंअंतर्ध्यानजुयाव
कैलासपर्वतसथ्यनकल विज्यात थववल्स नारदनंजुलसा श्रीमहादेव सतिदेवि निह्मस्यां चानस भोकपुयाव छ-
वेत्तापाकचोनाव श्रीमहादेवयाख्वालस्वयाव चोन गथीडह्म श्रीमहादेववालसा जतामकुरनपुयाव बाघछालानं
जसंहिनाव किमीयाछेगुलीनं न्ययाव भस्मनंहमवुयाव थाम २ विनाहिनाव मनुष्यया हलमालानंकोखायाव सति-
देविसवस मुलेसतयाव भुतप्रेतजवखवतयाव चोन श्रीमहादेव चोनस्वयाव थननागदयामनम आनन्दजुयाव
वारंवार श्रीमहादेवया चानसभोकपुयावचोन थवनली श्रीमहादेवनंजुलसां मनमअतिअनन्दजुयाव मुयुहुंनहिला-
व नार्दियाभसिभावखनाव मनमअतिखुमिजुयाव आज्ञादयकल भानार्दसुनि धन्य २ छखनाव जिअतिखुमिजु-
यधुन आदछवर्दानफोवधकं पुनर्वादहनं छनहुयानिमीतिनवयाधकं छयनावयायाकारन हुधकं श्रीमहादेवन आ-

स्वस्था
१८

ज्ञादयकल श्वतेआज्ञाडेनाव श्वबलम नारदनंजुलसां ईनापयात भोजगदिश्वर श्रीमहादेव जितवरदान मेवताम-
येव सदाकलछलपोळया जपध्यान जिनुगलमथातकाव प्रसन्नजुस्य विज्यायमालधक बदार्नफोन श्वनली नार्दन-
जुलसां श्रीमहादेवया खालस्वयाव विनतीयात भोप्रभु श्रीमहादेव जिवयायाकारनकन्य न्यस्यविज्याहुन्यधकं लु-
धालसा दक्षप्रजापतीया अश्वमेधजोग्ययात स्वर्गमध्यपातालस स्वगुलीभुवनया स्त्रिपुरुषसाहितदव देवता जक्ष
गंधर्व किन्नरदैत्यदानव नागलोक वसिष्ठप्रभृति ऋषि लोक अष्टवसुदसदिगपाल ब्रह्माविष्णु इन्द्रप्रभृति त्यति-
सकाटिदेवता स्त्रिपुरुषसहितनं सकलदेवतादव छलपोळमतिदेवि नेहजकमदु जिनेश्वजोग्यस भ्रमलपाव खल-
जुयाछलपालव सतिदेविजकमखना परंतुदकादेवता थव २ जोग्ययाभागनयाव आनन्दन चोन श्वबलम जि-
नभालपाजोग्यया भोक्ताकर्ताजुल छतपोलथुका भोश्रीमहादेव गथ्यथोजोग्यस छलपोलजकमवोन धकं जिमनम-
जां अतिविस्मयेचायाव जिथाईनापयायधकं जिथनावया भोपरेमेश्वर श्रीमहादेव सतिदेवि पुनर्बादहनं थोयाकार्न
लु जिमनमीया जिमनमजां अतिआश्चर्ये अदभुतधकंधयाव श्वनली श्वत्यनारदयाभाखान्यनाव सतिदेविन जु-
लसां अतिअपमानचायाव त्रैलोक्यनाथ श्रीमहादेवयाहेन्य आज्ञादयकल भोजगदिश्वर श्रीमहादेव छलपोलव
जिवजक झिजीजक छिनिमीतिनमवोन धकं परंतु नारायणप्रभीति त्यतिसकेटिदेवता वसिष्ठ प्रभृति ऋषिलो-
कजक्षगंधर्व किन्नरदैत्यदानव नागलोक जिततावयहे पनी दसदिगपाल स्त्रिपुरुषसाहित सकलदेवोन झिनिहज-

१८

कलुकारन मवोनधकंधयाव मनसअतिबिलापयानाव यीखानखोविहायकाव अतिअपमानचायाव कोलुनावचोन
पुनर्बादहनं अतिबिलापयानावचोन श्वबलम सतिदेविन बिलापयाकस्वयाव श्रीमहादेवन आज्ञादयकल भोप्रीय
सतिदेवि लुदुखतायमुम्बाल पुनर्बादहनं लायधालसा छमययाह्यहाच जिमयय ह्यजीलाजन श्वतेनिमीतिन झि-
जीनिहमवान श्वतेनलुदुखन अपमानचायमुम्बालधकं धयाव पुनर्बादहनं छनसजीमदुलाधकं धयाव दक्षप्रजाप-
तीया जोग्यसवनालुमवनालुधकं भोप्रीय छनआमुथ्यविलापयायमतेवधकं धयाव श्वबलस श्रीमहादेवजुलसां फया-
थ्यबोधवियावतल श्वतेश्रीमहादेवयाआज्ञाडेनाव सतिदेविजुलसां आज्ञादयकलभोस्वामी त्रीभुवनयानाथ श्रीमहादे-
व जिगुलीविनतोन्यस्यविज्याहुन्य धकं लुधालसा आवजिपिता दक्षप्रजापतीया जोग्यसवने अतिईक्ष्याजुल वि-
दाप्रमन्नजुस्य विज्याहुन्यधक सतिदेविनं आज्ञादयकल श्वत्यसतिदेबिया विनतीभाखान्यनाव श्रीमहादेवनजुलसां
आज्ञादयकल भोसतिदेविछन आमुथ्यधायमत्यव छानधालसां छवनसान छवजीववायमालीव छवनसां अनरथ-
जुईव छवनाधकं मान्ययायीवमुख वनायाकारनमदु लीथ्यअपमानजकजुईव लुजुईवधासां लुजुल अनेकदेवता
यामान्यकयाचोनेहलजुलसां अपमानमफालह्य अनवनासिद्धिमदु मवोनकगथ्यवन्थ वोनसावने थोत्यनजीम-
सजांवन्थमभीडधकं आज्ञादयकावीज्यात श्वते श्रीमहादेवया आज्ञान्यनाव श्वबलम सतिदेविनजुलसां आज्ञा-
दयकल भोस्वामी श्रीमहादेव आमुथ्यआज्ञादयकेमत्यवधकं छलपोलव जिववायामालीधकं आज्ञादत छलपोलव

जिवगथ्यबायमाळीव पुनर्वादहनं म्हवायमचाजुको मामबुबायाके वनातु बायमालीलाधकं हनं जिवन्यवतुन जि-
मामबुवान छलपोलव जिवफायाव मेत्यवियफईवला वियावछोईजांमखु आमथ्यआज्ञादयकस्य विज्यायमतेवधकं
धयाव थनसतिदेविन जुलसाधळ नारदनापजीवन्य निश्चयजुल अथेथेधायकं आग्यदयकस्य विज्यायमतेवध-
कं धयाव थव्यलस श्रीमहादेवया हेवडसतिदेविनजुलसा विनतीयानाव चरनस भोकपुयाव नारदमुनिश्चरनापं
कैलासपर्वतनं क्हाविज्यात थवेळस नारदमुनिनभाळपाव आवगथ्ययायमाल नापंवाेनायधाळसा दक्षजप्रापतीनिभिई
मयनेधाळमा सतिदेवियाकतनंगथ्यछोयधकं आवगथ्ययायधकं मनसभाळपावचोन थनली नारदनजुलसां सतिदेवि
याहेवन्यधाळ भोपरमेश्वरि सतिदेवि जिनछताविनतीयाए लुधालसा छलपोळआगुळनं विज्याहुन्य जिथुगुळनंवन्य
धकंधयाव थनसतिदेवियातलक्यनावछोतं थवेळस सतिदेविविज्याकल भति २ हित्यमालावचोन भतिहिलाव नारद-
जुलमांवन थनली नारदमुनिनजुलसां वायुवगनवनाव ह्वापायाथ्येन्यनकावचोन थव्यलस नारदनजुलसा थवआ-
श्रमसचोनाव ह्वापायाथेपाथयानाव चोन थनली सतिदेविन जुलसां जोग्ययानाव चोनथास थनकळाविज्यात
सतिदेविनजुलसां जोग्यसालासदुस्वयाव चोन थनमुलदुवालस चोनाव लुखायाखसि जवखवनजोनाव दुस्वयाव
चोन दुस्वयावस मामबुबायाहेवन्य चोनावचोनानं सतिदेविवगु मखनथ्येडेनकाव चोन मामबुवानमस्वयाव स-
तिदेवियामनस भालपाव हेनारायणसिव २ धकं मामबुवान मखनाहु चोनखनाव मनस अतिविलापयानावचो-

न पुनर्वादहनं जिमामबुवानखुनुनोमतुल जिकेहेपनिस्थन नापंलुमधालखनाव सतिदेविनंजुलसां थुगुळिस्वयाव
अनवन्य थनवन्यमासियाव चोन आवगथ्ययाय गनवनेधकं मनसभाळपावचोन मामबुवान देवलोकनं जिकेहेप-
नीस्थन सकलस्थन दक्षेप्रजापतीयाभयनं सतिदेविवगु मखनाथ्येडेनकाव चोन मामबुवानथथेनिन्दा याकस्वयाव
सतिदेविया मनसभाळपाव हेनारायण सिव २ जितथनी थथीडफाचित आवहुयायधकं सतिदेवियामनस भाल-
पाव उखुनुश्रीमहादेवनजक आग्यदयकल अनेगप्रकारन जितगंक २ वया आवहुखाालन लिहांवन्य पुनर्वादह-
नं लिहांवन्यधालसा श्रीमहादेवनहुधाईव हनं केहेपनीस्थनहुधाईव जिळाजनपीस्केगथेहलुकाजुलधकं धयाव थ-
थेमननंभालपावचोन थनली सतिदेविनजुलसां जोग्ययाथासथेनकल विज्यात थनली दक्षेप्रजापती चोनथास
माताविरणीयाथास मिखाह्यामुक कनाव मिखाकुंदलनदायकाव सतिदेविया मिखानखविहायकाव गरगदश-
वदयानाव मामबुबायाखालस्वयाव थनसतिदेविनजुलसां आग्यदयकल भोमातापिता जिगुलीविनतीडस्य वि-
ज्याहुनी छानधालसा छलपोलया थथीड अस्वमधजोग्ययाना जिजकछायमवोना जिजक छलपोलया
म्हवाचमखुला जिनजक छलपोलयाके लुअपराधयाना जिजा छलपोलया शत्रुमहयाच पुनर्वादहनं जिभालत श्री-
महादेवजक छलपोलयात लुअपराधयातला आज्ञादयकस्य विज्याहुनै हन व्रदा विष्णु ईन्द्र प्रभृति सुयस्वको-
टीदेवता नारदप्रभृतिमुनि ऋषिब्राह्मण जक्षगन्धर्व किन्नर दैत्यदानव राक्षस अप्सरा सिंधुरूप सहितसकल्यें दे-

स्वस्था
२०

वनावोन श्रीमाहादेव जिव जीपनिन्यमजक गथेमथ्यातधकं पुनर्वादहनं जगयाकर्ताजुल जगदिश्वर श्रीमा-
हादेव विनानसमदु जगयाफलावियमि जुल श्रीमाहादेव थ्वतेन देवतायानायोजुल श्रीमाहादेव हनं श्रुतिस्थिति
संहारकर्ताजुल थ्वमश्रीमाहादेव भोपितादक्षप्रजापति श्रीमाहादेव विनान जगयाकर्तादुम थ्वम श्रीमाहादेव-
तोलताव गथेजगयायाना जज्ञयाकर्ताम श्रीमाहादेव तोलताव थथीडअशुद्ध अस्वमेधजज्ञयात भोपिता दक्षप्रजाप-
ति छलपोलया कल्यानयायजुलसा महादेव वोनकलछेव थ्ववेलसतिनी छलपोलया जज्ञासिद्धजुईव भोपितादक्ष-
प्रजापति छनसङ्करह्य असङ्करयानाव छनजज्ञयात भोपिता थ्वतेन जज्ञयाकर्ताम सङ्कर थ्वव्रह्माण्डस सङ्करनिम-
लाकंदतला वममङ्कर श्रीमाहादेव जिजुको मवेनाया कारन छु छुहेतु भोपिता दक्षप्रजापति समस्त विस्तारन
आज्ञा दएकाव विज्याहुने धकंधयाव चोन थ्वते थवपुत्री सतिदेविया वचन भाषाडेनाव दक्षप्रजापातेन जुलसां
आज्ञादएकल भोपुत्री सतिदेवि न्यवधकं छदुखताएमते जिनकने छानधालसा छनपुरुष भोलानाय श्रीमाहादेव
थ्वजज्ञस तयअयोग्ये भोपुत्री छुनिमिर्तिनधालसा थ्वअस्वमेधजज्ञस सुयस्वकोटिदेवता ब्रह्माविष्णु ईन्द्रप्रभृतिदे-
वता ऋषिलोक मुनिलोक जक्षलोक गन्धरलोक किन्नरलोक अप्सरालोक दैत्यलोक नागलोक राक्षसलोक सि-
पुरुषसहितदव पुनर्वादहनं अनेगरत्नमाला मनिमानिक तिसानतियाव श्रीखण्डअनेग नस्वाकनं हासबुयाव चित्र
विचित्रया वस्त्रनपुनावचोन पुनर्वादहनं दकोषेद घोषसब्ददएका नानामङ्गल जात्रायानाव गन्धर्वपनिस्सन मेहाय-

२०

काव अप्सरापनि प्याखनहुयकाव चोन थथीगुथायस आमथीडघिनाहा माहादेव गथेवोने पुनर्वादहनं भोपुत्रीस-
तिदेवि छंभालतगथे जुईधालसा भसमनं अङ्गसदुयाव वाघछालानं जसहिनाव चलाछेगुनध्वतिन चिनाव किमि-
याछेगुलिनन्ययाव ज्याथदोहलगयाव गजीएमधतुरनयाव मिखाह्याउककनाव लाक २ थ्व प्याखनहुयाव जटान
मकुतदयकाव गृवास सर्पनकोखायाव थास २ पती विनहिनकाव मनुखेया क्षनमालानकोखायाव जवलाहातिन
डम्बरुथानाव खवलाहातिन त्रिशुलजोनाव भुतप्रेतापिमाचन लिताकाव दिगंवरयानाव यसनकाएकाव ध्यक २ चु-
यका लज्यामदएकाव जुईव थ्वतेन थनधालसा अनेगमिमाजन पनिदव देवकन्या दैत्यकन्या जक्षकन्या गन्ध-
र्वकन्या किन्नरकन्या पुनर्वादहनं थनछनता केहेपनिदव हन अप्सरापनिदव थथीड मिसागनस गथेआमुथीडल-
ज्यामदुम दिगंबर श्रीमाहादेव गथेवोने पुनर्वादहनं न्यव भोपुत्रिसतिदेवि थथीडपवित्रथास आमथीडग घिनाहा
माहादेव गथेवोने पुनर्वादहनं तेतिसकोटिदेवान संजुक्तजुयाचोन थाम आमथीड अस्वभामाहादेव गथेवोने पु-
नर्वादहनं भोमतिदेवि थ्वतेनिमिर्तिन छसुधवोनकलमहया भोपुत्रिसतिदेवि भसांछुनुवानकलहय छायनधाल-
सा छवनापं श्रीमाहादेव वईधकं छसुधवोनकलमहया थ्वतेन छदुखताएमतेव भोपुत्रिसतिदेवि पुनर्वादहनं छन-
जिके आर्भवायानामदु अपमानयानामदु दुखतायकामदु पुनर्वादहनं छनस्वागी थथीडयानिमिर्तिन छपनीवोन-
कलमहया थ्वतेकारन भोपुत्रिसतिदेवि छनधाल श्रुतिस्थिति संहारकर्ता श्रीमाहादेवधाल जज्ञयाभोक्ताकर्ता फल-

विईवममाहादेवधाल लुयादेव वयांलु मवयांलु महादेवजावहे जज्ञयाभोक्ताधया श्रीनारायण श्रुष्टिकर्ताधाय च-
तुर्मुखवह्ना श्रुष्टिधीतिसंहार कर्ताधायम श्रीमाहाविष्णु पुनर्वाहनं आमुमाहादेव गनयादेवता मवोनालुयाई जि-
जगेअशुद्धजुलसा यथ्यधालसा छनस्वामिमाहादेव वनेमखु आमुमाहादेवन जिजज्ञस लुवरदानविईव आमुमा-
हादेवमदुवनं थ्वजज्ञपुनर्मजुईला भोपुत्रिमतिदेवि तेतिस्कोटि देवतान मान्ययानातयाम श्रीवैकुण्ठनाथ नारायण
जज्ञयाभोक्ताकर्ताधाय श्रीनारायणवाहिकन माहादेवमयवाधक नानामाथन निन्दायानाधाल थ्वनली सतिदेविन
जुलसां थोतेपिता दक्षप्रजापतिया छिद्रभाखाडेनाव मिखाह्यामुककनाव मिखाकुन्दलन दायकाव नागनागिनि-
या स्वासतयार्थे वेल २ स झमकाल जकतयाव वाकततंनहेयाव वपदनाव तुतिवस्वानाव मिखान जज्ञकुण्डलतु
स्वयाव थवस्वागी श्रीमाहादेवयात अनेगमाथनवोलविल हेलायाक निन्दायाक नुगलसमह्नाव नुगलमुयाव थ-
वनुगलस थमनदायाव वयायेंमसियाव अतिविलापयानाव अतिअपमानचायाव थ्ववेलस सतिदेविनजुलसा ह-
तासन जज्ञयाथास वनाव जज्ञकुण्डल स्वचाकलउलाव सिव २ धकं श्रीमाहादेवयानाम स्वपोलफयाव सतिदेवि-
नजुलसां हतासन जग्यसदुव्वानाव प्रानतोलताव विज्यात थ्वखकुमारन अगस्त्यमुनियात वनगु श्रुतन नैमि-
षारन्यवनम सौनकादी चयच्यादोल कृषिपनीस्तकन ईतिश्रीस्कन्दपुराणे माघमाहात्मे केदारखण्डे सतिदेवी ज-
ग्यप्रवेसकथायां तृतीयोऽध्याय ॥ ३ ॥ स्कन्दउवाच हेअस्त्यमुनी हनं थ्वनली सतिदेवीन प्रानतोलतगु स्वयाव

अग्निदेवतानधाल क्षिजीरुपनजां सतिदेवियाह्मधीयमतेव थ्वयासरिरुयायमतेव थ्वजुलसां क्षिजीयामामधकं ध-
याव मिनथीयमछालाव छेवेलीकावतल थ्वनली सतिदेवियाप्रानवनेव हेमात्तय पर्वतयाक्षम मेनकायागर्भस
जन्मकालवन थ्ववेलस तेतिस्कोटिदेवताव नारदप्रभीति ऋषिलोक जज्ञगन्धर्व किन्नर अप्सरा दैत्यदानव नाग-
लोकसकल्यं देवता दाय २ अनर्थधकं हालावचोन थ्ववेलस वयायहंमसियावचोन हनं थ्ववेलस थ्वजोग्यस म-
हाउत्पातजुल हनं धुलनआकासशंभ्याप्तमानजुल वायुनमहा उत्पातनहालावजुल हुतांमुमालकं मेघरुगर्जयात हनं
दिकदाकजुल थ्ववेलस सकलदेवताया मिखासधुलवनाव बशवाडानावचोन गोत २ तुलावजुल गुलीरुषोषावचोन
गुलीधमपुनावचोन गुलीफसंपुयकावपन गुलीश्वलतुलावचोन गुलीअथ्यहालावचोन थुगुलीप्रकारन उत्पातजुल
थन दक्षप्रजापतीनंवयायहं मसियाव म्हयाचपनीष्ट जिलाजनपनीष्ट बोधवियाव द्वापमतेर्धाजयावधकं नानामाथन
बोधवियाव थास २ थमनस्वयावजुल थ्ववेलस मनसमहाधन्दाकयाव दक्षप्रजापतीनजुलसां गुरुदृष्टपीयाकेवना-
व दक्षप्रजापतीनजुलसां विनतीयातं मोगुरुनाथ आवगथ्ययायमाल महाअनर्थजुलधक हाहाकारनहालावजुल थ्व-
नली नारदऋषिनजुलसां थ्वमहाउत्पात सतिदेविनप्रानतोलतुस्वयाव थ्ववेलस नारदनजुलसां वायुवेगनवनाव
केलासपर्वतथ्यनकलवच थ्वनली नारदमुनीनजुलसां श्रीमाहादेवयाथास थनकलवनाव नारदनजुलसां श्रीमहादे-
वयाचरनसभोकपुयाव नारदनजुलसां श्रीमहादेवयाह्वनेविनतीयात भोजगदिश्वर श्रीमहादेव जिगुविनतीन्यस्य

स्वस्था
२२

विज्याहुन्य लुधालसा छलपोलयापानसमानह्य सतिदेविनजुलसां प्रानत्यागयानावविज्यात हुनिर्गीतीनप्राणत्या-
गयातधालसा पापीष्ट दक्षेप्रजापतीनजुलसां छलपोलयात नानामाथन निन्दायानाव बोलविल अनेकमाथन हे-
लायानाव महादेवधयाह्यजा वगनयादेवताधकं वजांवण वमवोनाजिलुजुईधकं पुनर्वादहनं नानामाथनबोलविल
निन्दायात थव्यलस सतिदेविन सहलप्यमफयाव अत्यंतक्रोधयानाव तुतीववस्वानाव मिखाह्याउक कनाव वा-
थाक दनाव अतिअपमान चायाव सुयां खाल मस्वस्यं मिखान जज्ञकुण्डलतु स्वयाव थवेलस जग्यकुण्डलस्व-
चाकलउलाव छलपोलयानामस्वकोकयाव शिव २ धकं आज्ञादयकाव जग्यकुण्डलसदुव्वानाव प्रानत्यागयानाववि-
ज्यात हेईश्वर श्रीमहादेव छलपोलयाभयन अग्निन सरिरजकथीयमछलाव प्रानजकतोलताव सयनजुयाव चो-
नह्यथचोन हेईश्वर श्रीमहादेव शुलिवार्ताईनापयायधकं जिथनावया हेईश्वर जगदिश्वरधकं आवगथ्ययायमाल
अथेयाम्यविज्याहुन्यधकं महाअनर्थजुलधकंधयाव थवतेनारदयाभाखाडेनाव श्रीमहादेवनजुलसां आज्ञादयकल
भोनारदमुनीश्वर थवनिश्रयनखवलाधकं आज्ञादयकल थवतेईश्वर श्रीमहादेवयाआज्ञान्यनाव नारदनजुलसां
धाल भोईश्वर श्रीमहादेवछलपोलयाथासचोनाव गथ्यजिनअमिथ्याखहाय छलपालस्यन खवमखुध्यानदृष्टिन स्व-
स्यविज्याहुन्यधकंधयाव थवयनादयाभाखानेनाव श्रीमहादेवनजुलसां अत्यन्तनक्रोधयानाव स्वग्वलमिखान मि-
पिकयाव वाकतततेह्याव वपदनावलाहातबोबोस्यानाव श्रीमहादेवनजुलसां नारदयाह्वेवन्यधाल हेमुनिश्वर पापि-

२२

ष्ट दक्षेप्रजापतीन निराअपराधसं जितनिन्दायाकबोलवियाव जिप्रानसमानसतिदेविया प्रानमोचकावछोत भो-
नारदयनितु जिनपापीष्ट दक्षेप्रजापतीयाअश्रम्यधजग्य विधन्सयाय तेतिस्कोटिदेवतासूधांत निरमुलथने आव-
छथवथामहुनेधकं श्रीमहादेवनजुलसां नारदयात आज्ञादयकाव थवनली नारदनजुलसां थवते श्रीमहादेवयाआज्ञा-
न्यनाव श्रीमहादेवयाचरनम भोकपुयाव नारदनजुलसां अननंततर्धानजुयाव वहालोकवन थवनली श्रीमहादेव
नजुलसां सतिदेविजकलुमनाव अत्यन्तक्रोदपिकयाव स्वग्वलमीखानं मिपीकयाव थवमिलसचोन जताछपुचफुना-
व पृथ्विदोलायमानजुयकं पृथ्विसचतवात थवेलस म्यघगर्जपुथ्यं विमद्दनहालाव महाभयंकरमुर्ति मिखानं मिपी-
कयावचोन चतुर्पाष्टि योगिनी लितकाव श्रीमहाकालीधयाह्य उत्पतिजुल गथिडह्यधालसा महाभयंकरमुर्ति मि-
खानं मिप्याहावयकाचोन ढॅलवाताहाकलजुयावचोन हनं पर्वसातोवथेचोन प्वाथधालसा आकासचोनथे महाग
भिरमुर्ति पुनर्वादहनं मनुष्ययाक्षेनमा नकखायाव वाघछालानजसहिनाव माहनतयाव जवलाहातिन खड्गपा-
छायाव हटरटंहिलाव श्रीमहाकालीन जुलसां श्रीमहादेवयाह्वेवन्यचोनावआज्ञातु २ धकं हालाव मेचुलु २ फेयाव-
चोन थवनलीहनं पुनर्वाद श्रीमहादेवनजुलसां जताछपुचफुनाव वसचटवात थवेलस पृथ्विदोलायमानजुयकं सि-
न्धनाजुयाव दोलछिसुर्येप्रकासजुवथ्ये तेजवन्तजुल तेजपिकयाव मुण्डमालाकोखायाव जवलाहातिनकालसमा-
न त्रिशूलपाछायाव श्रीमहादेवयाह्वेवन्यचोनाव हटरटंहिलाव श्रीविरभद्रधयानामछह्य उत्पतिजुल भोजगदि-

स्वस्था
२३

श्वर श्रीमहादेवतु निमीर्तिनं जिपनिआराधनयानाव विज्याना कारनतु २ छलपोलयातु आपानिजुल जिपनीस्य-
नतुयायमाल आज्ञाप्रमन्नजुस्य विज्याहुन्यधकं धयाव श्वत्यमहाकालि विलभद्रयाभाखा-यनाव थना श्रीमहादेव
नजुनमां आज्ञादयकल भामहाकाली विभद्रछपनी निहवनावथथ्यं तेतिसकोटिदेवतानरक्षायानातह्य पापिण्टद
क्षेप्रजापतीया जग्यविधंसयानाव पापिस्त दक्षेप्रजापतीसहायानाव ईद्रप्रभितिदेवता जक्षेगन्धर्वकिन्नरदैत्यदानव
दक्षेप्रजातीया जिताजनपनी दकोनिरमुलथनाव तथ्यसालधकं भोचिरभद्रमहाकाली श्वत्ययानिमीर्तिन छपनीआ-
राधनयाना आवछनिष्ट वरदानवियधकं श्रीमहादेवजुतसां आग्यादयकल भोरभद्रमहाकालीआव यासिनदोल-
छिउत्पतिजुयमालधकं श्रीमहादेवनवरदानवित्त पुनवार्दहनं श्रीमहादेवन आग्यादयकाव छपनी नन्दिभीन्दीप्र-
थमगन विषमजोर चतुर्षष्टि जोगीनिनीचकाव पापिण्ट दक्षेप्रजापतीया अस्वमेधजग्यस विधंसयानाव श्वेदुने-
धकंआग्यवियाव श्वत्यश्रीमहादेवयाआग्यान्यनाव श्रीमहादेवयाचरनस भोकपुयाव आग्याशीरसफयाव कालस-
मानत्रिशूलपाछायाव नन्दिभृङ्गीप्रथमगन विषमजोल चतुर्षष्टियोगिनीनलीचकाव मेघनगर्जपुथ्य सिंहनादतयाव
पृथ्वीदोलयमानजुकं लायबुयाव कालसमान त्रिशूलपाछायाव चोन जमवथे अत्यतक्रोधयानाव श्रीमहादेवयाआज्ञा
मिलमधरपाव कैलामपर्वतन कोहाविज्यात श्ववेलस पृथ्वीदोलायमान जुल हमगुली समुद्रस चोको जीवाजन्तु
त्राही २ जुयाव चान हनं पृथ्वीमातानं श्वभाला कुविण्मफुत थुगुप्रकारनं विरभद्रमाहाकाली निहहताल हयानाव

२३

प्रलयकालस मेघगजयुथ सिंहनादतयाव दक्षप्रजापतिया जज्ञस दुव्वातवन श्ववेलस दक्षप्रजापतिया जज्ञस
अनेग अमङ्गलजुल हनं आकाशस गृद्धकोखनं जुलसां मण्डलकायाव जुल जंबुकनं ब्रुतुन सिपिकायाव विशब्द-
नहाळाव जुल हनं जज्ञस रक्वष्टिजुल हनं वायुन विपरितन हालावजुल हनं श्वजज्ञस चोकोदेवताया त्राही २
जुल हनं थनअमङ्गल जुवगुली स्वयाव माहाविर विरभद्र माहाकाली निम मेघगर्जलपुथ्ये विशब्दनहालाव किसिव-
थानस मिह्वदुव्वाकथे दुव्वातवन श्वनली कालसमान त्रिशूलपाछायाव दक्षप्रजापतिया जज्ञसदुव्वात वन श्व-
वेलस माहाअघोर जुहजुल मिह्वव किसिवल्वाकथे निगुली समुद्रनपालाकथे माहाअघोर संग्रामजुल श्ववेलस द-
क्षप्रजापतिया हयाचपनी ऋषिलोक ब्राह्मणलोकपनी अप्सरापनी त्राही २ धकं विसद्दनहालाव स्वयाव दसदिश-
भागम विस्यवन परंतु विष्णुप्रभृती सुपस्वकोटीदेवता जक्षेगन्धर्व किन्नर राक्षस नाग श्वत्यन हनं दक्षप्रजापती-
या निमिर्तिन थव २ सस्रअस्र जोनाव दक्षाप्रजपति रक्षायाय निमिर्तिन कोटी २ देवतान विरभद्र माहाकाली
निमयाते नाना सस्रअस्रप्रहार यानाव दुव्वातवन थुगुप्रकारन देवताव विरभद्रवजुह जुयाव निपक्षयास्यनान ज-
यपाराजयनं जुद्धयानाव थिथीसिंहनाद तयाव वृषभन २ त्वाकथ्य माहावलोल जुहजुयावचोन हनं ईन्द्रप्रभृती
देवताम विरभद्र माहाकालीयाके अन्यग सस्रअस्र क्षयलपाव छे ते कुलुधालसा ब्रह्मास्र ईन्द्रास्र वायुव्यास्र वरु-
नास्र अग्न्यास्र अक्षितोमर मृदिपाट गदा खड्ग मुद्गल कुतनागपास आदिन नानासस्रअस्र विरभद्र माहा-

स्वस्था
२४

काली चतुर्षष्टियोगिनीगन नन्दिभृन्दी प्रथमगन भुतप्रेत पिसाचादी भिखमज्वर श्वपनिदकोयाके अनेग सख-
अस्त्रक्षयलपाव प्रहारयात थुगुलीप्रकारनं देवतानं प्रहारयाक स्वयाव श्वबेलस चतुर्षष्टि जोगिनीगणनं अनेग भु-
तप्रेतपिसाचादी श्वपनीस्यन स्वयाव श्वबेलस माहाविशद्वनं हालाव देवलोकतु स्वयाव इनावन श्वबेलस ला-
को २ या हितोनाव मोलस्वकफयानाव लाको २ नयाव कोटि २ देवता थुगुकथनं मोचकाव छोट श्वबेलस हनं
श्रीमाहाकालीन जुलसां कालमगान त्रिशूलपाछायाव मिखाह्याउक कनाव बलिखास मयशं मधगर्जजुथें सिंहना-
दनायाव चलावथान खनाव सिंधुव्वाकथें ह्नेवानाव बोचसमितयाथें मोचकाव कोटि २ जक्ष कोटि २ गन्धर्व
कोटि २ किन्नर कोटि २ देवता थुगुलीप्रकारन माहाकालीन जुलसां तत्कारनं मोचकाव हतनटंहिलाव लाकथें
नयाव हितोनाव नानाप्रकारनं मोचकावहलं श्वबेलस अनेग कवन्ध भुतप्रेतपिसाच उत्पत्तीजुयाव कोटि २ देव-
ताया हितोनाव कोटि २ कवन्धन प्याखनहुयाव हिनंकाएगाव धेकधेक चुणकाव माहासुखनं रसतायाव जुल
हनं गृद्ध कोख इमा श्वपनिसं त्रिसिजुयाव हित्वनाव माहा विमद्वनं हालाव मण्डलकायाव जुल थुगुलीप्रकार-
नं श्रीमाहाकालीनं जुलसां दक्षप्रजापतियात स्यानाव चुर्नभुक्तथनाव श्वबेलसं हिनं समुद्रह्याकथें ह्नेवानाव वन
लान पर्वतचोनथें चोन थुगुलीप्रकारनं देवता संहारयाक स्वया परंतु दको देवतान श्रीमाहाकालीयाके अनेग स-
खअस्त्रनं प्रहारयात श्वसखअस्त्र श्रीमाहा कालियाके जुयवतु भस्म जुयाववोन श्वनली श्रीमाहा कालिन श्वके

२४

सखअस्त्रनं प्रहारयाक स्वयाव वाकटटटंहेयाव श्वबेलस श्रीमाहाकालीन जुलसां मिखाह्याउक कनाव कालस-
मान खड्गपाछायाव पुनर्वाद कोटि २ देवता मोचकावहल चतुर्षष्टि योगिनीगननं कोटि २ जक्ष कोटि २ कि-
न्नर कोटि २ गन्धर्व मोचकल नन्दी भृन्दीभुत प्रेतपिसाच पनिस्यन कोटि देवता संहारयात हनं विषमज्वरनं
देवतासकलें ज्वरनंपुन श्वबेलस श्रीवैकुण्ठनाथ नारायणनं जुलसां देवता सकलें विषमजोरनं पुनाव चोडखना-
व नारायणनं जुलसां थवहानं सितांगज्वर पिकयाव पुनर्वादहनं चेष्नादयकल श्वनली देवताया चेष्नादयाव श्व
बेलस देवलोकस्यन माहाक्रोध यानाव मिखाह्याउक कनाव खड्गकुन्त मुडगल मुमल चक्र वज्र गदा ब्रह्मास्त्र
नानासखअस्त्र क्षयलपाव ह्नेवानाव हनं जुद्धयात गथ्यवन धालसा अग्निम किलपतङ्ग दुव्वाकथें थथेवनाव थ-
थेथवके देवतादुव्वाकववगू विरभद्रनस्वयाव हतासन त्रीशूलपाछायाव कालरुद्रवथें त्रीशूलहितुहिलकाव हटट-
टंहिलाव सिंहहाल्येहालाव देवतालोकतुस्वयाव कोटि २ देवतानासयानाव हल गथ्यधालसा गंगुघासस मित-
याथें कोतानकोटिदेवता जक्षगन्धर्व किन्नर मोचकावहल थुगुलीप्रकारन विरभद्रनंजुलसां कोटि २ देवतामो-
चकाव तेतिस्कोटिदेवता हाहाकारनहालाव त्राहि २ जुयाव थीर्थीजितरक्षयावधकं हाहाकारनहालाव फयान-
फयाथ्ये दसदिसाभागविस्ववन हनं गुलीसिया विस्ववन्यमफयाव अथ्येहालाचोन हनं गुलीसिया मस्तकटज्या-
नवचोन गुलीसियां तुटितोकधुलावचोन गुलीसियां घस २ पुनावचोन गुलीसियां लाहातनोकधुलावचोन गुली-

सिया बवाडानावचोन गुलीसियां गलपतत्वधुलावचोन गुलीमियां अथपहळपावचोन थुगुळीप्रकारन दक्षप्रजापती
या जिलाजनपनी चुर्नभुक्तथनाव अस्वम्यधजग्मेविधंसयात हनं थ्वस्वयाव हनं चतुर्षष्टियोगिनीगननं भुतप्रेत
पिसाच आदिनं जग्गकुण्डलचुर्णभुतथन हनं लाको २ देवता च्वा २ मिकं जोनाव जग्गकुण्डलस द्ययन थुगुप्र-
कारन विरभद्रयासेनानं देवतामोचकावहू देवतानस्वयाव थ्वेलस बैकुण्ठनाथ नारायणजुलसां अत्यन्तनक्रो-
धयानाव हनं दक्षप्रजापतीया जग्गविधंसयाकस्वयाव मोचकाव तवपिं देवतास्वयाव सैनेस्यनाबिस्वेबनस्वयाव
नारायणनजुलसां मिखाह्यामुककनाव नागनागीनियास्वासतवथ्ये व्यल २ असुकालजकतयाव अग्निजोजळपाव
तेजपिकयाव ह्वापांयादुगंळी बलपीकयाव जवल्हातीन कौमोदकिगदापाछायाव खवल्हातीन पाचजन्यसंखपुयाव
पृथीबिनासयाववेळस श्रीमहारुद्रवथ्ये अत्यन्तन क्रोधयानाव वळीखानंनाळावथ्ये संखपुयाव गदाहितुद्विकयाव
विरभद्रतुस्वयाव प्रळयकालस अग्निजोजळपुथ्ये हनं प्रजासंहारयाववेळस कालरुद्रकोधलथ्ये मिखाह्याउककनाव त-
वशब्दने संखपुयाव थ्वेत्तस श्रीनारायण नंजुळमां श्रीविरभद्रयास्यनासं दुब्बातवनं थ्वव्यलस तेदिसकोतिदेवतान
विस्वंबरमुर्तिनीनारायण दुब्बाकस्वयाव अत्यन्तहर्षमानयानाव जसजुयमालधकं श्रीनारायणयाजयजुयमालधकं
लायबुयाव आकासशचोनाव फयानफयाथ्ये थव २ सखअस्त्रनंप्रहारयानाव मेघगर्जलपुथ्ये सिंहनादतयाव पुनर्वा-
द लिहांवयाव श्रीनारायणया लिवन्येचोनाव इंद्रप्रभृतीदेवताजक्षगन्धर्व किन्नर नाग थ्वत्यदेवतान दक्षप्रजापती-

यानिमीर्तिनं श्रीनारायणया जवखवचोनावजुद्धयातवन थथ्यववथु श्रीमहाकालीनं खनाव अग्निजोजळपुथ्ये जा-
ज्वल्यमानजुयाव तेजपिकयाव कालसमानखदगपाछायाव हट्टटंढिलाब चौसठियोगिनीगननंळीचकाव किसीवथा-
नससिंधदुब्बाकथ्ये देवतागनतुस्वयाव महाव्यगनदुब्बातवन थ्वेलस तवफसनमुपायचोवथ्यं चिलकाव लाक २
भोक्षयानाव खज्जनंपालाव कोटि २ देवतापनी मथनयानाव हनं गुलीसियां देवताइवाइवामिकजोनाव जवनाव ज-
ग्गकुण्डलसदुळ हनं चौसठियोगिनीगननं नंदिभृंगि भुतप्रेत पिसाचादिन विषमजोलआदिनं लाक २ नयाव ला-
क २ हितोनाव लाक २ जग्गसदुत्तिनावछोत थुगुळीप्रकारनं कोतानकोटिदेवतामोचकावजुलं हनं विष्मजोलन-
तोक्पुयावबल थुगुलिप्रकारन महाकालीनं देवतामोचकाव देवतासकल्ये त्राहि २ ननारायणधकं हा २ कारया-
नाव दशादिमासविस्ववन गुलिदेवतासिनं श्रीनारायणयाकेसरनवन भोप्रमेश्वर श्रीनारायण जिपनीरक्षायापमाल
धकं हों २ कानंहालावसरनवन थ्वव्यलस श्रीनारायणनंजुळसां देवताविसेवनसोयाव निघातन विरभद्रयातह-
तकावछोत महाविर विरभद्रयानुगलस कौमोदकिगदानप्रहारयास थोव्यलस विरभद्रधेकचुलाव पृथिवीसग्वलतु-
लावमुक्ष्याजुयावचोन हनं महाविष्णुन चौसठियोगिनीगन नंदिभृदिभुतप्रेत पिसाचादि थ्वपनी त्राहि २ जुयाव
पाचजन्यसंखपुयाव हनं मेघगर्जलपुथ्ये विशद्वन सिंहनादतयाव गदापाछायाव दुब्बातन थोवेलस चौसठियो-
गीनिगन नन्दीभीन्दिभुतप्रेत पिसाचादि थोपनीदकोसंयशब्दन्यनेमफयाव गदायांप्रहारलसहयायमफयाव वस-

शुनानचुयाव हिलोयाव विरभद्रयास्यनादक नवद्वारन हिलोयाव रनभुमिम स्वत २ तुलावचोन थोव्य
लस तेतस्कोटि देवता कृषीनाग जक्षगन्धर्व किन्नर श्वेतदेवतान धन्य २ नारायणधकं आकाशम चोनाव पा-
रिजात स्वान वागातकाव धन्य २ नारायणधकं अन्यग तोत्रयानाव चोन श्वनली नारायणनं जुलसां सङ्गपुया
सद्दन देवतानं लायवुया सद्दन वाजायासद्दनं श्वस्वताया सद्दन माहाविर विरभद्रया च्यष्टादयाव वपदनाव
स्वस्यलि थवपरिवार गोलतुलावचेन अचेत जुयावचोन स्वयाव श्ववेलस विरभद्रन जुलसां कालरुद्र क्रोधलपुथें
क्रोधयानाव मिखाह्याउक कनाव कालसमान त्रीसूलपाछायाव नारायणतु स्वयाव निर्घोषनं हाताव कालसमान
त्रिसूलनं नारायणया हृदयसं प्रहारयातं श्ववेलस माहाविष्णुनं जुलसां माहाकालीनं प्रहारयाडा हबगु श्वत्रीसू-
लया प्रहारसहलप्य मफया नवद्वारनं हिलोयाव रनभुमिस गोलतुलाव मुक्ष्याजुयाव चोन श्ववेलस माहाविर वि-
रभद्रनं माहाविष्णु मुक्ष्याजुवगु स्वयाव प्रलयकालया मेघगर्जल पुथें सिंहनाद तयाव लाणवुल श्ववेलस चौस-
थियोगिनीगन भुतप्रेतपिसाचादी श्वपनीसिया चेस्नादयाव वपदनाव माहाविष्णु मुक्ष्याजुया चोनगु खना श्व-
वेलस दको भुतप्रेतपिसाचादीनं छहाचनं गाचकलाणबुल हनं माहाकालिआदीनं धन्य २ विरभद्रधकं अनेगतो-
त्रयात हनं माहाविष्णुया चेस्नामदुखना चौसठियोगिनीगन नन्दिभृन्दी प्रथमगन भुतप्रेतपिसाच थोपनीदको
निर्घोषनं दुब्वात लाक २ देवताजोनाव हिलोनाव लाहातनं दयाव तुतीनंहुयाव वानछानाव लाको २ जोना

जज्ञदुयाव कातान काटोदवता भाचकाव श्ववेलस श्रीनारायणया वष्टादयाव वपदनाव स्वसेलि देवलोक मोच-
काव चोनखनाव विरभद्रस्वयाव विष्णुनं जुलसां अत्यन्तन क्रोधयानाव मिखाह्याउक कनाव दिर्गज किमीहाल-
थें हालाव श्ववेलस विष्णुनं सुदर्शन चक्रकयाव हितुहीयकाव विरभद्रयात केन भोपापीष्ट विरभद्र थनियादिनस
जिहस्तमलानधकं थनीछन प्राणमोचकाव दक्षप्रजापतिया अस्वमेध जज्ञसंपुर्ण जुईव हनं श्ववेलसंतिनी देवतालो-
कया मनसंतोखयाय थनीयादिनस एकादश रुद्रछन पक्षजुयाव वलसां छन प्रानरक्षायाम मफत हनं छन सुसु-
सुमर्ना यायतेना छनमालम सुमर्नायावधकं थनी जिलाहातीस दको शत्रुया रक्तपानयानाव चोने थसुदर्शनचक्र-
खनालाधकं धयाव श्वतेमाहाविष्णुया छिद्रभाखान्यनाव विरभद्रन जुलसां अत्यन्तक्रोध यानावधाल भोपापिष्ट
माहाविष्णु आमुथिड विरयापरक्रम छमाहाविर विष्णुस्वतसा खाजक लहानावचोनेगुमुख आमुदको शत्रुयानास
यानाव चोनगु सुदर्शनचक्रधयागु छनपुर्वातदतमां जीवेप्रहार यावधकं हतकाव श्वतेविरभद्रया छिद्रभाखान्यना-
व श्ववेलस माहाविष्णुनं जुलसां जन्मराजानं क्रोधलपुथें क्रोधयानाव ह्नेवानाव सुदर्शनचक्र कयाव मन्त्रपदल-
पाव हितुहियकाव तवशद्दन हालाव चक्रस मन्त्रनज्वजलपाव विरभद्रयाके सुदर्शनचक्रनं प्रहार यानाव छोट
श्ववेलस श्वचक्रखनाव चतुर्खष्टीयोगिनी नन्दीभृन्दीप्रथमगन विषमज्वर भुतप्रेतपिसाचादी श्वपनी सकलें त्रा-
हि २ माहादेवधकं हालाव श्रीमाहाकालि विरभद्रयाके सरणवन श्वसुदर्शनचक्र गथेवलधालसा कोति २ सुर्ये-

स्वस्था
२७

या प्रकासजुवये आकाश प्रसलपेथे वर्जवथे निर्धोसने हालाव माहाविर विरभद्रनं जुलसां स्वयाव प्रजासंहार-
याय वेत्तस माहारुद्र ववथे बगनवयाव थ्वसुदर्शनचक्र वगुविरभद्रनं स्वयाव त्रिसूरपाछायाव हतततं हिलाव
थ्वबेलस विरभद्रन जुलसां वाहानस्वायाव थ्वसुदर्शनचक्र वुतुसफयाव चोन थ्वबेलस थ्वचक्र विरभद्रया वुतुसजु
तवन थ्वनली माहाविर विरभद्रन जुलसां थ्वसुदर्शनचक्र श्रीमाहादेवन समुद्रमथनयाक व्यलस कालकुस विष
नुनाव छोओथे थ्वचक्र माहाविर विरभद्रन जुलसां नुनावछोएत्यन थ्वबेलस माहाविष्णुन जुलसां थगुसुदर्शनच-
क्र विरभद्रन जुलसां नुनावछोएत्यन स्वनाव नारायणनजुलसां हतासन व्वांवां वना माहाविष्णुन जुलसां विर-
भद्रयावुतुस चोनगु सुदर्शनचक्र च्यामिकजाना लिकया श्रीमाहाविष्णु जुलसां हतासनं अननं अन्तरध्यान जु-
या वैकुण्ठपुरी विस्यवन थ्वबेलस थ्वचक्रनारायणं अन्तरध्यान जुयाव विस्यवनगु ईन्द्रप्रभृति सुयस्वकोटी देव-
तानं स्वयाव थनादेवतानं जुलसां हाहाकारनं खोयाव फयानफयाथे विस्यवन दशदिशाभागस विस्यवन अननं
अन्तरध्यानजुयाववन हनं जक्षगन्धर्व किन्नरथ्वपनी सरनभुमिस तोलताव थव २ जिवयानिमितिं फयानफयाथ्य
विस्यवन हनं देवतान थ्यीथीन्वाना आवजक दक्षप्रजापतिया प्रानरक्षाजुईवमखुत छानयालसा ग्वह्मश्रीनारायण-
या सुदर्शनचक्र थथीगुचक्र सुधान्त मिथ्याजुयाववन हनं नारायणनजुलसां रनभुमिस चक्रपाछायाव चोनिबेलस
तेटिसकोती देवतान लितकाव श्रीमाहादेवता वलसां श्रीनारायणव जुद्धयाय सामर्थ्यगदु थथीइह श्रीनारायण

२७

अन्तरध्यान जुयाव विस्यवन भोदेवलोक थोतेन नारायणया सामर्थ्यमदु श्रीजीसं लुसामर्थे दईव आवजक दक्ष-
प्रजापतिया प्रानरक्षामजुलधकं इन्द्रप्रभृतिदेवतासकल्ये थ्यीथीन्वात आकाससथहांवन थोनलीमहापराक्रमी विर-
भद्रनजुलसां श्रीनारायणया चक्रव्यर्थयानाव नारायण विस्यवनस्वयाव तेत्तिस्कोटिदेवता जक्षे गन्धर्व किन्नरदे-
त्य दानव राक्षस नागलोक दक्षेप्रजापतीयाह्याचपनी बृहस्पती प्रभृतिऋषिलोक थव २ जिवरक्षायानाव रक्षा-
यायनिमितिं विस्यवन थ्वस्वयाव कालसमान विरभद्रनजुलसां आग्निजोजलपुथ्ये मिखाह्याउककनाव मेचुलु २
नफेयाव नागनागीनियास्वास्तयाथ्ये व्येल २ असुकालतयाव वलिखाननानडावथ्ये सिंहनादतयाव निर्धोतन-
व्वांवावनव दक्षेप्रजापतीया चस्वइशामकिजोनाव तुतीवचस्ववजोनाव भोदस्वकफयानाव जग्यसदुतीनावछोत
थ्वबेलस श्रीमहाकालीआदि चौसथियोगिनी गनं नदिमृदि प्रथमगनं विष्मजोल भुतप्रेतपिसाचादि थोपनीदको-
स्यनं पाललाचकं पृथिवीदोलायमानजुयकं लायबुळं धन्य २ विरभद्र सिवनिद्रायाकह्य दक्षेप्रजापतीनासयातधकं
छलपोलशमानं विरत्रिलोक्यमदुर्लभधकं अन्यगमाथनं त्रोट्रयानाव विरभद्रयातअन्यग गुनकिर्तनायानावचोन थ्व-
दक्षेप्रजापतीया कलातविरणीनजुलसां थवस्वमी दक्षेप्रजापती विरभद्रनमोचक्रगुस्वयाव कलिलमातवफसकयाव
ग्वलसुवथ्ये पृथीसग्वलतुलाव मुक्ष्याजुयावचोन हनं चेष्टादयाव अनेगविलापयात भोप्राननाथ जिअनाथयानाव
छलपोलजकगनाविज्याना भोनाथ श्रीमहादेवछह्य थ्वजग्यसमचोनान थथीगुअवष्टानयमाल भोस्वमी दक्षेप्रजाप-

स्वस्था
२८

तो जिविधुवाजुयकाव छलपोलयाकांतनजकगनविज्याना धकं नानामाधन विलापयानाव थव्यलस विरणीनजुल-
सां विरभद्रयाथासवनाव अनेगप्रकारनं विलापयानाव विनतीयातं भोईश्वर विरभद्र जिखनाव दयाप्रसन्नजुस्यवि-
ज्यायमाल भोपरम्यश्वर दक्षेप्रजापतीधगाह अज्ञानीथुका हनं अहंकालीग्यानया चेष्टामदु थर्थीह्यमुखेछहफुतकाव
तुप्रयोजन दक्षेप्रजापतीयात जिववरदानवियाव जितउधारयास्य प्रसन्नजुपमाल भोविरभद्रथमन श्रुष्टियानागु
धमननासयायमतेव भोविरभद्र छलपोलजुईव श्रुष्टिथितीसंहारयाकर्ता हनं महारुद्रधयाह्यछलपोल महादेवधयाह्य-
छलपोल आदिपुरुषधयाह्यछलपोल भोविरभद्र जिविधुवायायमतेव जिरक्षायाना प्रसन्नजुपमालधकं धयाव थव-
व्यलस आकासशचोनह्य ईन्द्रप्रभेतीदेवतान विरभद्रयाके श्रीमहाकालीयाके निहसीकेस्वान वागातकाव तेति-
स्कोटिदेवतान विनतीयात भोविरभद्र धन्य २ छलपोल आवजिपनी जिवरक्षायस्य विज्यापमाल भोविरभद्रम-
हाकाली आम्बदक्षेप्रजापती स्वातकाव उधारयास्य प्रसन्नजुयमालधकं देवतान विनतीयानाव थव्यलस विरभद्रन-
जु ४सा विरणीयाखाळसोयाव आज्ञादयकल भोविरणीछनत अवस्यन स्वामीवरदानवियजुल छताजकछंता वि-
एमखु लुधाळसा छनस्वामीयाछेन जग्यकुण्डलसदुयधुन आवथोजग्यसवलीदान विस्यतयापशुयाक्षन लुनाव
स्वातकावविय छायनथालसां छनस्वामीन जगदिश्वर श्रीमहादेवयात अन्यगमाथन बोलविवनिन्दायाक थ्वतेया
निमीर्तिन थ्वपसुयाछेनलुयधकं धयाव थव्यलस महाविर विरभद्रनजुलसां जग्यसवलीदानविस्यतया चोलेसया-

२८

छेनकयाव दक्षेप्रजापतीयाह्यसहुनाव छेनलीसोचकाव विरणीयाह्वने आज्ञादयकल भोविरणीछनविलापस्वयाव
जिअतीकरुनाचायाव हनं छननिमीर्तिन ईन्द्रप्रभेतीदेवतान छननिमीर्तिन जिकेअनेगप्रकारन विनतीयात छन-
अन्यगमाथनस्तोत्रयाक थ्वस्तुतीन जिअतीसंतोखजुयधुन भोविरणीछन स्वामीवरदानवियधुन कावधक स्वात-
कावविल थव्यलस विरणीनजुलसां श्रीमहाकाली विरभद्रनिहसिया चरनसभोकपुयाव अन्यगमाथनस्तोत्रयात
भोविरभद्र श्रीमहाकाली छलपोलयाप्रसादन जिविधुवामजुलधकं धन्य २ छलपोलधकं छागमुखदक्षेप्रजापतीन
विरणीन न्यह्यसेन अनेगस्तोत्रयानाव साष्टान्गप्रनामयानाव विदाकयाव थवथासपरमआनन्दन चोनवन थ्वनली
महाविर विरभद्रन कोटानकोटिदेवतामोचकाव जक्षे गन्धर्व किन्नरमोचकाव अस्वमेधजग्यविधंसयानाव विरणी-
यात स्वामीवरदानवियाव मनसआनन्दयानाव चौसठियोगीनिगननं नन्दिभिन्दी प्रथममन विष्मज्वलभुतप्रेत पि-
शाचादि थ्वत्यस्यनलीचकाव निस्यषमात्रन अन्त्रध्यानजुयाव कैलासप्रवतस थ्यनकलवन थ्वनली श्रीमहादेवविज्या-
कयाम थ्यनकलवना श्रीमहादेव रुद्रयाचरनस भोकपुयाव श्रीमहाकालीविरभद्र न्यह्यस्यन ईनापयात भोजग-
दिश्वर श्रीमहादेव जिपनीविनतीन्यस्य विज्याहुन्य छलपोलयाआज्ञाथ्य पापीष्ट दक्षेप्रजापतीया जग्यविधंस या-
नाव जक्षगन्धर्व किन्नर तेतिस्कोटि देवता निरमुलथनाव दक्षेप्रजापतीया मिरजेज्ञसदुयाव कोटि २ देवता गो-
चकाव तथ्येधुनधकं विरभद्रमहाकालीन लिसलकनाव थ्वस्यविरभद्रमहाकालीया वचनन्यनाव श्रीमहादेवनजुलसां

स्वस्था
२९

आज्ञादयकल भोविरभद्रमहाकाली धन्य २ छपनी दक्षप्रजापतीया जग्यविधंसयानाव त्यातिस्कोतिदेवता चुर्णभु-
तथनाव दक्षेव दीदानवियाव जिमनसआनन्द यायतबलधकं धने २ छपनी भोमहाकालीविरभद्र आवछपनी नेह-
अंतरध्यानजुयाव चोनेहुने धकं आज्ञावियाव श्वतेश्रीमहादेवया आज्ञान्यना विरभद्रमहाकाली निह श्रीमहादेव-
याके लिनजुयावनधकं अगस्तमुनियाहेव य कुमारन आज्ञादयकगुस सुतनं नैगिसा न्यवनस सौनकादि चयच्या-
दोल ऋषिपनीष्टकन इति श्रीस्कन्दपुराणे माघमहात्मे दक्षप्रजापती अस्वमेधजग्यविधंस चतुर्थोऽध्याय ॥ ४ ॥
अगस्त्यउवाच ॥ हनं अगस्त्यमुनीनं कुमारयाके विनतियातं भोकुमार दक्षप्रजापतिया जज्ञविध्वंस जुवगुखव जुए
धुनकाव विरभद्रमहाकाली निह श्रीमहादेवयाके रिनजुयावगुस आज्ञादयकाव विज्यात न्यनेधुन अथ्यनंजी चि
त्तसंतुष्टमजुवनी सतिदेविजज्ञस कोव्याकलनधेजुल थ्यसविस्तारन आज्ञादयकस्य विज्याहुनेधकं अगस्त्यमुनिनं धा-
स्यली थवेल्स कुमारनं कनेत्यन स्कन्दउवाच थवेल्स भोमुनिधकं कुमारन आज्ञादयका विज्यात भोअगस्त्यमु-
निधकं जिनकनेत्यना एकचित्तयानान्यवधकं थवनली श्रीमहादेवन गुलसां सतिदेविलुमनाव गनपापिष्ट दक्षप्र-
जापतिया जज्ञयात अनथेनकलवनाव जज्ञकुण्डलस मृत्युजुयाव चोन सतिदेविलुमनाव जज्ञकुण्डलस मृत्युजुयाव
चोनह सतिदेविथकयाव थमुलेसतयाव स्वंगलमिखान खोविहायकाव घसपुना खालस खालनापलातकाव हा-
यसती २ देविधकं विलापयानाव विज्यात हायसतिदेवि छविनान जिप्राणगथेचेनीव थवजीवगथे धरलपे हाय-

२९

शतीदेवि आवकैलाश श्रुतारक्षाययीव हायप्राणेश्वरी पापिष्टदक्षप्रजापतिया निमित्तिन छथथीड अवस्थास चोन
हायहायआव जिम्बानाया प्रयोजनमहु छगनजना अनजिवोनाव यव हायसतिदेवी जिजकवानातयाव छजकग-
नचोनवना भोसतिदेवि सदाकालं छन जिह्वेवनेचोनाव अनेगपुगनादी कथान्यनीव हनं अनेगमाथनं जिवनापं
हिताय नानाकोमुदी काव्यया खहानाव जिमनसन्तोषजुयका चोनिम आवसुयाखाल स्वयाव थचिचिधिर्जयाय
धकं नानामाथनं विलापयाना पृथ्वीसग्वल २ तुलाव अचेतजुयका चोन हनं ग्वल २ झसकालतयाव हाय २ स-
तिधकं स्वयाव सतिदेविया गुनवार्तालुमनाव नुगलसमहेनाव तवफमंकयाव कलिलमागोलतुथें भुमिमगोलतुलाव
मुक्ष्याजुयाचोन हनं चेष्टादया नानामाथनं विलाप यात हायप्रानेश्वरी जिह्विताहुँवएवळस कमंदलुजोनाव तु-
तिचायकलवईव हायदेवि हानंगजीधतुर समस्तनिदान याडातयीव जिनधागुवस्तु पिताकयाव विईव आवमुना-
नंविईव हायसतिदेवि आवतिनीजि एकान्तजुल कैलाशशुन्यजुल हायदेवि आवसुयाखाल स्वयाव जिचित्तिधि-
र्जयायधकं नानामाथनं विलापयानाव चोन हनं हायसतिदेविधकं ग्वल २ तुलाव हायसतिदेविधकं हालावजुल
हनं कामक्रिदा लुमनाव सतिदेवियारुप लुमनाव अतिकरुनानं विलापयातं हायप्रानेश्वरी हायदेवी हायसतिधकं
नानामाथनं सतिदेविया मृतकशरिर थमपुनाव लाक २ थाम गोलतुलाव थवनुगलस थमनंदायाव स्वगोलमि-
खान खोविहायकाव अतिकरुनान विलापयानाव हनं थगथ्य थमन विजयानाव मृतकशरिर घसपुनाव पृथ्वी-

स्वस्था
३०

स भ्रमलपावजुल हनं सतिदेविषा खालस्वयाव वज्रहालथे हालाव लाक २ थाम गोलतुलाव मुक्ष्याजुयाचोन
हनं चेष्टादया लाक २ थाम भ्रमलपावजुल हनंहाणदेविधकं विलापयानाजुल थुगुलिप्रकारन वज्रहालथे नानामा-
थनं विलापयाना पृथ्वीसहितुहिलाजुल सतिदेविवसपुना अनेगमाथनं विलापयानाजुल हनंसतिदेविषा मृतकस-
रिर श्रीमाहादेव्याके चोनया निमितिंन हेलवयका चानह्यथे सतिदेविम्वकह्यया सरिरथेचोन थुगुलीप्रकारन
श्रीमाहादेव उन्मत्तजुयावजुल पृथ्वीस भ्रमलपावजुल थवनली इन्द्रप्रभृती देवतासकलस्यन स्वयामनस अतिहता-
सयायाव इन्द्रादिदेवलोकया थीथीमाहुतियाना धाल भोदेवलोक श्रीमाहादेव जुलसां सतिदेविमदयाव पृथ्वीस
भ्रमलपाव वज्रथे डेनकावजुल भोदेवलोक जगदीश्वर श्रीमाहादेव थथ्यलुयानं थवब्रह्मांड सुनारक्ष्यायाईव भोदे-
वलोक थुक्रियाजतन कुंडला आवगथ्ययाव मालधकं धयाव हनं इन्द्रजुलसाधाल भोदेवलोक जिगुखंडेव लु-
धालसा आवथथ्य चोन्यमखु वैकुण्ठपुरी श्रीनारायणया थस वनेनुयोधकं धयाव इन्द्रादिदेव लोकसकल्यं थी-
थिं साहुतियाना वैकुण्ठपुरीस श्रीविष्णुयाके विनतिमातवन थवनली वैकुण्ठपुरी थवनकाव श्रीनारायणया चरन-
स भोकपुयाव ईनापयात भोपरं ब्रह्मनारायण जिपनिस्सया विनतिनेस्य विज्याहुने कुधालसा थवसन्मार ललपोल-
वनाव जलकुण्डलस चोडह सतिदेवि थकयाव मृतकसरिर घसपुनाव वज्रजुलथे जुयाव हायसतिदेविधकं वि-

३०

लापयानाव पृथ्वीस भ्रमलपावजुल थवतेयानीमितिंन जगदीश्वर श्रीमाहादेव थथ्यलुयमतेव आवलुलपोलया माया
न अश्वकभुजिनी दायकाव सतिदेविषा मृतकसरिर धोलगितकाव नासयाना प्रमन्नजुया विज्यामालधकं थवते
इन्द्रादिदेवलोकनं जुलसां श्रीनारायणयाके विनतियानाव धाल थवतेदेवराज इन्द्रयाभाखा न्यनाव श्रीविस्वम्भ-
रमुर्ति श्रीनारायण जुलसां आज्ञादयकल भोदेवराजइन्द्र लपनी त्रामचाय सुवाळ अवस्यन जिनंथवमायान अ-
स्वकभुजीनि जिनउत्पत्ती यानाव सतिदेविषा मृतकसरिर नामयायजुल आवलुपनी अमरावती हुंधकं आज्ञावि-
याव थवते श्रीनारायणया आज्ञान्यनाव श्रीनारायणया चरनसभोकपुयाव वेदाकयाव मनस अती आनंदयानाव
अमरावतिस अन्तर्ध्यानजुयाव अमरावतीस चानवनजुल थवनलि श्रीनारायण जुलसां थवमायान अस्वकभुजी-
नो दाएकाव सतिदेवि मृतकसरिर धोलगितकाव लासकतां प्याता २ कुतिनकाव श्रीमाहादेवन घसपुनावतया
सतिदेविषा मृतकसरिर नामयानाव विळ श्रीमाहादेवन तोदसयाव गन २ सतिदेविषा सरिर पृथ्वीस कुटिवन स-
तिदेविषा अङ्गपतनयानजुल उगुलीथास पिथउत्पत्तीजुल थुगुप्रकारनं पचास ५० पिथउत्पत्तीजुल ह्वापांअङ्गपत-
नजुवगुली थस नेपालमण्डल मध्यस मृगस्थलिस न्यपालस पिठउत्पत्तीजुयाव थवेलम गुज्यमूर्तिन वनथायम
श्रीगुह्यश्वरिदेवि श्रीचण्डघटायागिणी श्रीसिद्धेश्वर धयानाम श्रीमाहादेव उत्पत्तीजुयाव शिवशक्ति स्वरूपजुयाव
विज्यात थुगुलीथायस पुण्यभुमीजुल थुगुलीथायस इन्द्रादिदेवलोकवया तपस्यायाना विज्यात थवेलस परमे-

श्वरी खुमिजुयाव वरदानकावधकं आज्ञादएकल श्वबेलस इन्द्रादिदेवलोकन वरदानफोन मत्स्य त्रेता द्वापर कलि
शोपेतांजुगसं तेतिस्कोती देवताधकं नामप्रख्याती जुयमालधकं वरदानफोन तथास्तु वरदान वियावछोतं ॥ १ ॥
श्वनली गलकुतीनवनथास कामरुधया थास श्रीकामरुधयानाम पिथउत्पत्तीजुयाव श्रीकामाख्यादयी श्रीविकान्ता
योगिणी श्रीकेशरधयानाम माह देवउत्पत्तीजुयाव शिवसक्तिस्वरुप जुयाव विज्यात थुगुलीथानस पुण्यभुमिजु-
ळ थुगुलीथानस जक्षगन्धर्व किन्नर पनिवयाव तपस्यायाना चोन श्वबेलस ईश्वरिखुमिजुयाव वरदान कावधकं
आज्ञाविल श्वबेलस जक्षगन्धर्व किन्नर पनिस्यन वरदानफोन स्वर्गपतेप तालस प्रख्यातीजुसे चोनेफएमाल धकं
वरदानफोन तथास्तु विणधुनधकं वरदानवियाव छोटं ॥ २ ॥ श्वनली चत्तपोल कुतिनवन थास वानारमीधया-
थास वानारमिधया नाम पिथउत्पत्तीजुल विसालाछेदेवता संकटा योगिणी विश्वेस्वरधयानाम स हादेव उत्पत्ती-
जुयाव शिवसक्तिस्वरुप जुयावविज्यात थुगुलीथाम पुण्यभुमिजुल थुगुलीथानस गन्धर्वगन वया मेहाला स्यवा-
यानाचोन श्वबेलस ईश्वरिखुमिजुयाव छपनीस्त वरदानफोवधकं आज्ञाविल श्वबेलस गन्धर्वन वरदानफोन जि-
पनिम वावयमिद्धिजुएमाल धकं वरदानफोन तथास्तु विणधुनधकं वरदान वियावछोत ॥ ३ ॥ श्वनली जवयाह
सपन कुतिनवनथास पौरवंधनधयानाम पिथउत्पत्तीजुयाव शिवसक्तिजुयाव चण्डदेव योगिणी भैमेश्वर धयानाम
माहादेव उत्पत्तीजुयाव शिवसक्तिस्वरुप जुयावविज्यात थुगुलीथाम पुण्यभुमिजुल थुगुलीथानस दैत्यलोक वया

तपस्यायानाचोन श्वबेलस परमेश्वरिप्रतक्षजुया आज्ञादएकल छपनीष्ट लुवरदान फोनयतना फोवधकं धयात श्वबेल-
स दैत्यलोकन वरदानफोन जिपनी देवलोकन फुकेमफए मातधकं वरदानफोन तथास्तु विणधुनधकं आज्ञादए-
कावछोत ॥ ४ ॥ श्वनली मेकुतिनवनथास कास्मीर धयाथास कास्मीरधयानाम पिथउत्पत्तीजुयाव धोचण्ट योगि-
णी सारदादेवि स्रग्धयान्य श्रग्धयानाम माहादेव उत्पत्तीजुयाव शिवसक्तिस्वरुप जुयावविज्यात थुगुलीथानस
पुन्यभुमिजुल थुगुलीथाम किन्नरपीवया तपस्यायात श्वबेलस ईश्वररसतायाव वरदान कावधकं आज्ञादएकाव
श्वबेलस किन्नरपनीस्यन वरदानफोन जिपनीम मनोवाञ्छा कामनामिद्ध जुएमालधकं वरदान फोन तथास्तु
विणधुनधकं वरदान वियावछोत ॥ ५ ॥ श्वनली ह्ययाछेगु कुतिनवनथास श्रीकानेशा धयानाम पिथउत्पत्तीजुयाव रु-
पेश्वरिदेवि चण्डायोगिणी दुग्धेश्वरधयानाम माहादेव उत्पत्तीजुयाव शिवसक्तिस्वरुप जुयावविज्यात थुगुलीथाम
मोक्षभुमिजुल थुगुलीथाम रावनवया तपस्यायाना चोन श्वपनीखनाव ईश्वरिसंतोखजुयाव वरदान कावधकं आ-
ज्ञादएकाव श्वबेलस रावणन वरदा फोन जिपनीस्यन देवलोक जितयाय फयमालधकं वरदानफोन तथास्तु वि-
णधुनधकं वरदान वियावछोत ॥ ६ ॥ श्वनली खवया मिखाफुमी कुतिनवनथास पुन्यभुमिधयाथास पुन्यगिरीध-
यानाम पिथउत्पत्तीजुयाव पुन्यगिरीदेवि कपाल कोतिकायोगिणी चन्द्रेश्वरधयानाम माहादेव उत्पत्तीजुयाव शि-
वसक्तिस्वरुप जुयावविज्यात थुगुलीथाम हर्षभुमिजुल थुगुलीथाम स्वर्गतया अपतरावया अनगमायन पयस्व-

नहुया मेहालाव चामोलगायकाव तपस्यायाना चोनथ्वेलम ईश्वरिखुसिजुयाव वरदान कावधकं आज्ञादएक-
ल थ्वेलम अप्सरागन जुलमां वरदानफोन जिनीस्यने इन्द्रयाथाम गुबेलसं झुकेमजुयमालधकं वरदानफोन
तथास्तु विष्णुनधकं वरदान वियावछोत ॥ ७ ॥ थ्वनली लुसिकुतिवन थाम अमुनारधया थाम अमुनाचरधया
नाम पिठउत्पत्तीजुयाव अमुकंपिकादेवि अमुकालिदेवे अमुकालियोगिणी ईश्वरुकेश्वर धयानाम माहादेव उ-
त्पत्तीजुयाव शिवमक्तिस्वरुप जुयावविज्यात थुगुलीथायस सिद्धभुमिजुल थुगुलीथायस नारदक्रुपिश्चर वया त-
पस्यायानावचोन थ्वेलम ईश्वरिसन्तोख जुयाव वरदानकावधकं आज्ञादएकल थ्वेलम नारदक्रुपिनं वरदान-
फोन लुबदानफोनधलसा जिगुलीवाक्य सिद्धजुयमालधकं वरदानफोन तथास्तुविष्णुनधकं वरदानवियावछोत
थ्वनली जवल्हातिकुटिनवनठास अड्यात्तकश्चरधया नामथास श्रीतकेश्वरिनाम पिठउत्पत्तीजुयाव श्रीविकटेश्वरि-
देवि श्रीयक क्षिणीयोगिनी श्रीनिद्रावटेश्वरधयानाम श्रीमहादेव उत्पत्तीजुयाव शिवशक्तिस्वरुपजुयाव विज्यात थु-
गुलीथायसपुर्णेभुमीजुल थ्वयायसराविकागनवयाव तपस्यायानावचोन थ्वेलस जगदम्बासतोखजुयाव आग्याद-
यकल छपनीसदाकालं श्रीकृष्णयादा शिजुएमालधकं वरदानवियावछोत ॥ ९ ॥ थ्वनली खवयाहसपतन कुतिवनथास
एकावरधयाथास श्रायक वरधयानाम पिठउत्पत्तीजुयाव श्रीसिद्धेश्वरिदेवि श्रीसिधायोगिनी श्रीदिधेश्वरधयानाम
श्रीमहादेवउत्पत्तीजुयाव शिवसक्तिस्वरुपजुयाव विज्यात थुगुलीथायसस्तनभुमीजुल थुगुलीथानस कर्णविरप्रभुतखन

समसान सकल्येवयाव तपस्यायानावचोन थ्वेलस ईश्वरिसतायाव वरदानकावधकं आग्यादयकल थ्वेलस
कर्णविरप्रभुखन समानदकोस्तेन वरदानफोन लुमिस्यन मृतकदकोभस्मयायफयसाधक वरदानवियावछोत ॥ १० ॥
थ्वनली मलद्वारकुटि वनथाम श्रीस्वतकधयाथास श्रीस्वतकधयानाम पिठउत्पत्तीजुयाव महाकालेश्वरीदेवि कितदं-
प्रायोगिनी पंचेश्वरधयानाम महादेवउत्पत्तीजुयाव शिवसक्तिस्वरुपजुयाव विज्यात थुगुलीथायस धर्मभुमीजुल
थ्वयायस जन्मराजवयाव अन्यगमाथन पुजाय नाव पाठआदिनयानावचोन थ्वेलस परमेश्वरसंतोषजुयाव वरदान-
क वधकं आग्यादयकल थ्वेलस ज. म. । ज्ञानजुलमां आज्ञादयकल जिनब्रह्मान श्रुष्टियाकोन सयायफयमालधकं व-
रदानफोन तथास्तुविष्णुनधकं वियावछोत ॥ ११ ॥ थ्वनली ककुकुतिवनथास कामक धनधयाथास कामकोष्ठ-
धयानाम पिठउत्पत्तीजुयाव कामिनीदेविनमिकायोगिनी मातृवेश्वरधयानाम महादेवउत्पत्तीजुयाव शिवसक्तिस्व-
रुपजुयाव विज्यात थुगुलीथानस पुण्यभुमीजुल थुगुथास पृथिवीमातावयाव अनेगमाथन पुजाविधीदयकाव पुजा-
यात थ्वेलस परमेश्वरहर्षानजुयाव वरदानकावधकं आज्ञादयकल थ्वेलस छनताश्रुष्टियाथायजुयमालधकं व-
रदानवियावछोत ॥ १२ ॥ थ्वनली जवतुगियापली कुतिवनथास कैलासपर्वतधयाथायस कैलासधयानाम पिठ-
उत्पत्तीजुयाव पारवतीदेवि स्वकालेश्वरयोगिनी ब्रह्मेश्वरधयानाम महादेवउत्पत्तीजुयाव शिवसक्तिस्वरुपजुयाव
विज्यात थुगुलीथायस सिद्धिभुमीजुल थ्वयायस चर्तुमुखब्रह्मावयाव अन्यगजरये तपस्या नानापुजाजपध्यान या-

बाह्येन च्चवेलस परमेश्वरप्रतज्ञेजुयाव वरदानकावधकं आज्ञादयकल श्ववेलस चर्तुमुखवहानजुलमां वरदान-
विशालोतं ॥ १३ ॥ श्वनली धयुवाकुतिनवनथास भृगुधयाथास भृगुधयापिठउत्पत्तीजुयाव मिनाक्षीदेवि भद्रा-
योगिनी सत्येश्वरधयानाम महादेवउत्पत्तीजुयाव शिवसक्तिस्वरूपजुयाव विज्यात थुगुलीधायम पुन्यभुमीजुल श्व-
थायस धर्मदत्तगजावयाव जोगध्यानतस्यायात अन्यगपुजायानावचोन श्वनली ईश्वरिप्रत्यक्षजुयाव वरदानका-
वधकं आज्ञादयकल श्ववेलस धर्मदत्तगजावजु तसां यतेया आज्ञान्यनाव वरदान फोन जितग ह्यदेव न फुतकेम
फयनालधकं विदाकयाववन ॥ १४ ॥ श्वनली खवलहातकुतिनवनथास केदारधयाथास केदारधयानाम पिठउत्प-
त्तीजुयाव केदारेश्वरदेवि मुण्डायोगिनी कामेश्वरधयानाम महादेवउत्पत्तीजुयाव शिवसक्तिस्वरूपजुयाव विज्यात
थुगुलीधायमपुन्यभुमीजुल थाथास एकादशरूपनिवयाव जोगध्यानतस्यायावचोन श्वनली परमेश्वरप्रतज्ञेजुयाव वर-
दानकावधकं आज्ञादयकल श्ववेलस एकादशरूपनिवयनजु मां जिपनी महादेवयातेजथयं जिपनीमतजजुय
मालधकं वरदानफोन तथास्तुविधुनधकं वरदानवियावलोत ॥ १५ ॥ श्वनली जवमिखाकुतिनवनथा चन्द्र-
रधयाथास चन्द्रपुरधयानाम पिठउत्पत्तीजुयाव सिधीकालिदेवि मिच्छायोगिणी प्रकारेश्वरधयानाम महादेव उत्प-
त्तीजुयाव शिव सक्तिस्वरूपजुयाव विज्यात थुगुलीधायम पुन्यभुमीजुल श्वथायस दसदिग पालपनी
वयाव अनेग विधीपुवेकन पुजायात श्वनली ईश्वरि प्रतज्ञेजुयाव छनत वरदान कावधकं आज्ञादयकाव

श्ववेलस दशादिगपालन थव २ दिगया खुमिदयकाव विधमालधक वरदान फोन तथास्तु विधुन धकं
वरदानवियावलोत ॥ १६ ॥ श्वनली कपालमुतुकुतिनवनथास श्रीधयाथास श्रीधयानामार्पथ उत्पत्तीजुयाव भद्रा
क्षदेवि भद्रायोगिणी कमलेश्वर धयानाम महादेव उत्पत्तीजुयाव शिवसक्तिस्वरूप जुयावविज्यात थुगुलीथास पु-
न्यभुमिजुल श्वथायस अष्टवसुपनी वयाव सोदशउपचार दएका पुजायात श्वनली परमेश्वरखुशिजुयाव छपनी-
स्यन वरदानकावधयाव श्ववेलस अस्तवसुपनिस्यनं जिपनीसया मनोवाज्छा पुनंजुपमालधकं वरदानफोन तथा-
स्तुविधुनधकं वरदान वियावलोत ॥ १७ ॥ श्वनली नाभिकुटिवनथास एकाविरधया थायस एकाविरधया नाम
पिठउत्पत्तीजुयाव श्रीष्टकाविदेवि गोरक्षयोगिणी माहात्केधर धयानाम महादेव उत्पत्तीजुयाव शिवसक्तिस्वरूप
जुयावविज्यात थुगुलीधायस धर्मभुमिजुल ठोथायस नागलोकवया अन्यग मन्निमानिक हेरामोतिज्वाहार छायाव
पुजायात श्वनली परमेश्वरि रक्षायाव छपनीस्यन लुफोनेतेनाधकं धयाव श्ववेलस नागलोकमननं बिनतियात
सप्तपातालया अधिपतिजुयमालधकं वरदानफोन तथास्तु विधुनधकं वरदान वियावलोत ॥ १८ ॥ श्वनली कथु-
कुतिवनथास जालंधरधयाथास जालंधरधयानाम पिठउत्पत्तीजुयाव जाण्यादेवि ज्वालासुखी योगिणी पिसाचेश्व-
रधयानाम महादेव उत्पत्तीजुयाव शिवसक्तिस्वरूप जुयावविज्यात थुगुलीधायस सुद्धभुमिजुल श्वथायस कामधेनु
वया अन्यगमाधनं भावनायाना दुरुछायाव स्यवायाना चोन श्वनली परमेश्वरि कृतार्थजुयाव छन लुफोनेत्यना

फोवधकंधयाव श्वयलस कामधेनुनं विनतीयात जिगुली मलमुत्र उरुनंसमत्कार्येस पवित्रजुय मालधकं वरदान
फोन तथास्तु विषधुनधकं वरदान वियाछोत ॥ १९ ॥ श्वनली खवपाली कुतिवनथास मलवधयाथास मलवधया
नाम पिठउत्पत्तीजुयाव कालीदेवि कालामयोगिणी भुवन्यश्वर धयानाम माहादेव उत्पत्तीजुयाव शिवसक्तिस्वरु-
प जुयावविज्यात थुगुलीथायस माहासुद्ध भुमिजुल श्वथायस द्वादससुर्य वयाव तपस्यायाना चोन श्वनली प-
रमेश्वरिसन्तोष जुयाव छनवदानफोव धकंधा श्ववेलस द्वादशसुर्यन विनतीयात जिपनी गुलिऋतुष भिडमभिड-
यायगुली कृपादणमालधकं फोन तथास्तु विषधुनधक वरदान वियाछोत ॥ २० ॥ श्वनली हयादको कुतिवन
थास कुशण्टकधयाथाम कुशण्टक धयानाम पिठउत्पत्तीजुयाव समशानकालीदेवि मुधयथाजोगिणी क्षीरेश्वरध-
यानाम माहादेव उत्पत्तीजुयाव शिवसक्तिस्वरुप जुयावविज्यात थुगुलीथायस सिद्धभुमिजुल श्वथायस असुनीन-
क्षत्र आदि नीय २७ ह्यमह्य नक्षत्रवया जोगध्यान यानावचोन श्वथायस ईश्वरिखुशिजुयाव छपनीष्ट लुवरदान
फोन्यधकं धयावविज्यात श्ववेलस नक्षत्रपनीस्यन विनतीयात जोतिकपनी सकलें जिकेअधीक जुयमालधकं व-
रदान फोन तथास्तु विषधुनधकं वरदान वियाछोत ॥ २१ ॥ श्वनली जवलाहात कुतिवन थायस देविकोटधग
थास देविकोटधयानाम पिठउत्पत्तीजुयाव द्वाक्षीदेवि ललीतायोगिणी मातवेश्वरधया नाम माहादेव उत्पत्तीजु-
याव शिवसक्तिस्वरुप जुयावविज्यात थुगुलीथायस धर्मभुमिजुल श्वथास मेखरासी प्रभृती १२ ह्य दकरासिवया

अनेग पुजायनाव चोन श्ववेलस मेखरासिपनीस्यन विनतीयात जिपनीदेवलो क दैय मनुखेया दको अधिपती-
जुयमालधकं वरदान फोन तथास्तु विषधुनधकं वरदान वियाछोत ॥ २२ ॥ श्वनली खवयाहसपन कुतिवन थास
गोर्णधयाथाम गोर्णेश्वरनाम पिठउत्पत्तीजुयाव भैरविदेवि एकजङ्घायोगिणी जज्ञेश्वरधयानाम माहादेव उत्प
त्तीजुयाव शिवसक्तिस्वरुप जुयावविज्यात थुगुलीथायस पुण्यभुमीजुल विष्कुम्भजोगपनी सकलें वयाव माहाकष्टनंत-
पस्यायाना चोन श्ववेलस ईश्वरिप्रसन्नजुयाव छनत वरदान फोवधकं आज्ञादणकल श्ववेलस विष्कुम्भ योगपनी
सकस्यनं विनतीयात जिपनीसकलस्यन आराधना यातकेमालधकं वरदान फोन तथास्तु विषधुनधकं वरदान
वियाछोत ॥ २३ ॥ श्वनली जवदुरु कुतिवनथाम मातुलेश्वरिधयानाम पिठउत्पत्तीजुयाव जोगेश्वरिदेवि पिगला-
योगिणी दुधनातेश्वरधयानाम माहादेव उत्पत्तीजुयाव शिवसक्तिस्वरुप जुयावविज्यात थुगुलीथायस रत्नभुमिजुल
श्वथायस कस्यपप्रभृती ऋषिवया जपध्यानयानाव चोन श्ववेलस परमेश्वरी सन्तोषजुयाव छनवरदान फोवधकं ध-
यावविज्यात श्ववेलस कश्यप ऋषिनविनती यात जिपनी चतुर्वेदया अधिकार जुयमालधकं वरदान फोन त-
थास्तु विषधुनधकं वरदान वियाछोत ॥ २४ ॥ श्वनली कोथुवा कुतिवनथास आन्द्राहास धयाथाम आन्द्राहा-
स धयाथाम आन्द्राहास धयानाम पिठ उत्पत्ती जुयाव भुमरास्त्रीकादेवि सङ्गधरा योगिणी सप्तभुतेश्वर धया-
नाम माहादेव उत्पत्ती जुयाव शिवसक्ति स्वरुप जुयाव विज्यात थुगुली थायस पुन्य भुमीजुल श्वथा-

ब्रह्म श्रीकृष्ण राटिका नयाव अनेग साठनं प्याखन हुयाव मेहालाव अन्यग भावना चोन ध्वनली ईश्व-
रि प्रतक्ष जुयाव वरदान फोवधकं आस्था दणकाव विज्यात ध्वनलस श्रीकृष्णराटिका पनिस्स्यन धाल जिपनीख-
नाव स्वर्गमध्यपानालश त्रिनीलोकमोहनजुयमालधकं वरदान वियमालधकंफोन तथास्तु वियधुनधकं वरदानवि-
यावछोत ॥ २५ ॥ ध्वनली देपादुरुकुतिवनथास विलेजधयाथास विश्वजधयानाम पिठउत्पत्तीजुयाव भुवनेश्वरीदे-
वि भ्रमनायोगिनी कृष्णवर्णेश्वरधयानाम महादेव उत्पत्तीजुयाव शिवसक्तिस्वरूपजुयाव विज्यात ध्वयायस सिद्धभु-
मीजुल ध्वथायस वारमतंगंगा जमुना गोदावरि तिर्थदकावयाव गंगाजलछायाव तपस्यायानावचोन ध्वनली प-
रमेश्वरि खुमजुयाव छपनीष्ट कुफोनेतेनाफोवधकं आज्ञादयकल ध्वव्यलस गंगा जमुना गोदावरि तिर्थप्रभीति
दकोस्यन विनतीयात जिपनीत भुक्तिमुक्ति मोक्षयाअधिपती यायमालधकं वरदानफोन तथास्तु वियधुनधकं व-
रदानवियावछोत ॥ २६ ॥ ध्वनली जवयाच्युल्या कुतिवनथायस राजगृहधयाथास राजगृहधयानाम पिठउत्पत्ती-
जुयाव राजगृहेश्वरिदेवि उल्कायोगिनी हरन्यश्वरधयानाम महादेव उत्पत्तीजुयाव शिवसक्तिस्वरूपजुयाव विज्या-
त थुगुलीथायस मोक्षभुमीजुल ध्वथायस वायुदेवतापनीवयाव अन्यगनस्त्राक श्रीखण्डया फसवयकाव अतिभावना
यानावचोन ध्वनली परमेश्वरिप्रतक्षेजुयाव छनताहु वरदानफोनेतेना फोवधकं आज्ञादयकल ध्वव्यलस वायुदेव-
तान विनतीयात ध्वसेसालस अत्मादकोया प्राण वायुयायमालधक वरदानफोन तथास्तु वियधुनधक वरदान

वियावछोत ॥ २७ ॥ ध्वनली जवयापाडुका कुतिवनथास पर्वपथधयाथास महापन्थधयानाम पिठ उत्पत्तीजुयाव
प्रचण्डचलीकादेवि रूक्मिणीयोगिनी विश्वामीत्रेश्वरधयानाम महादेव उत्पत्तीजुयाव शिवसक्तिस्वरूपजुयाव वि-
ज्यात थुगुलीथायस पुण्यभुमीजुल ध्वथायस स्वर्गया अप्सरागनवयाव अन्यगतगहन प्याखनहुयाव म्यहालाव-
चोन ध्वनली परमेश्वरि खुसिजुयाव छपनीष्टकुफोनेतेनाधकं आज्ञादयकल ध्वव्यलस अप्सरागनीस्यन विनती-
यात जिपनी इन्द्रप्रभृती देवतालो कथवजुयमालधकं वरदानफोन तथास्तु वियधुनधकं वरदान वियावछोत ॥ २८ ॥
ध्वनली प्वाथ कुतिवनथास कल्यपुरधयाथास कल्यपुरधयानाम प्थि उत्पत्तीजुयाव महालक्ष्मीदेवि सुन्दरायोगिनी
स्मसानेश्वरधयानाम महादेव उत्पत्तीजुयाव शिवसक्तिस्वरूपजुयाव विज्यात थुगुलीथायस पुण्यभुमीजुल ध्वठा-
पस गरुदप्रमुखन झंगल पंछिवयाव अन्यगशिसाफल छायाव पुजायात ध्वनली इश्वरिप्रतक्षजुयाव भोपंछिराज
ध्वलीस्यन कुफोनेतेनाधकं आज्ञादयकाव ध्वव्यलस गरुदनधाल नागलोक सकल्य जिपनीया आहाराजुयमाल
धकं वरदानफोन तथास्तु वियधुनधनधकं वरदानवियावछात ॥ २९ ॥ ध्वनली जवयापुली कुतिवनथास एकापु-
रधयाथायस एकापुरधयानाम पिठ उत्पत्तीजुयाव साधुजिदेवि रक्तपायोगिनी उन्मत्तेश्वरधयानाम महादेव उत्पत्ती-
जुयाव शिवसक्तिस्वरूपजुयाव विज्यात थुगुलीथायस पवीत्रभुमीजुल ध्वथायस मिलादको वयावभाक्ती पुजाकर्म-
नतपस्यायानाव चोन ध्वनली परमेश्वरिप्रतक्षेजुयाव छपनीष्टकु फोनेतेनाधकं आज्ञादयकल ध्वव्यलस दकदेवता-

स्वस्था
३६

न अङ्गाजिपनीजुयमाल हनं सल्लिगाम जुयावमिद्धजुयमालधकं फोन तथास्तु वियधुनधकं वरदान वियावछत
॥ ३० ॥ ध्वनली थुगुलीसि कृतिवनथायस उँकारेश्वरि धयाथास उँकारेश्वरि धयानाम पिथ उत्पत्तीजुयाव
मातृकादेवि पुर्णादरियोगिनी नित्यनोदेश्वर धयानाम महादेव उत्पत्तीजुयाव विज्यात शिवसक्तिस्वरूप जुयाव
विज्यात ध्वथायस मोक्षभुमीजुल थुगुलीठायस अनेकवृक्षवयाव शिसाफलछायाव तपस्यायानाव चोन ध्वनली
जगदम्बा प्रसन्नजुयाव छन वरदान फोवधकं आग्यादयकाव विज्यात ध्वव्यलस कल्पवृक्षन धाल भोपरमेश्वरि
जिमनम भालपागुली जिके उत्पत्ती जुयमाल धकं वरदान फोन तथास्तु वियधुनधकं वरदान वियावछत ३१
ध्वनली मेला कृतिवन थायस महादेव उत्पत्ती जुयाव शिवसक्ति स्वरूपजुयाव विज्यात थुगुलीथायस धर्मभुमी
जुल ध्वथायस तुलसीकुसवयाव तपस्यायानाव चोन ध्वनली परमेश्वरि खुशियुयाव वरदान फोवधकं आग्याद-
यकल ध्वनली तुलसी कुसनधाल जिपनीष्ट ध्वसंसारयामाने वियमालधकं वरदान फोन परमेश्वरिनि धाल झी-
नीला १२ लक्ष्मी कर्तिक महिनाम छनतपुजायाय मालधकं हनं कुश शमस्त काउर्येसं छपावित्रजुयमालधकं व-
रदान वियावछत ॥ ३२ ॥ ध्वनली हिपाय कृतिवनथायस उर्जपति धयाथायस उर्जपतिधयानाम पिठ उत्पत्ती
जुयाव महाकाली श्रीलली जिह्यागिनी जागेश्वर धयानाम महादेव उत्पत्ती जुयाव शिवसक्तिस्वरूप जुयाव
विज्यात थुगुलीथायस शिधभुमीजुल ध्वथायस हिमालय पर्वत वयावतपस्या यानावचोन ध्वनली ईश्वरि प्रतक्षजु-

३६

याव वरदान फोवधकं आज्ञादएकल ध्ववेलस हेमालएनं धाल जिनमकळयात मोक्षविय फयमालधकं वरदानफो-
न तथास्तु वियधुनधकं वरदान वियाछत ॥ ३३ ॥ ध्वनली जवया वपिकोच कृतिवनथायस चरित्रपुर धयाथा-
यस चरित्रपुरधयानाम पिठउत्पत्ती जुयाव ध्वनेश्वरिदेवि त्रिप्राचरायोगिणी वायुव्यश्वर धयानाम माहादेव उ-
त्पत्तीजुयाव शिवसक्तिस्वरूप जुयावविज्यात थुगुलीथायस पुन्यभुमिजुल ध्वथायस योगिणीपनी वया जपध्यान
यानाचान ध्वनली परमेश्वरि प्रतक्षजुयाव छन वरदान फोवधकं आज्ञादएकल ध्ववेलस जिपनीननानं मन्त्रमि-
द्धिजुयमालधकं वरदान फोन तथास्तु वियधुनधकं वरदान वियाछत ॥ ३४ ॥ ध्वनली ध्वाठगवल कृतिवनठास
त्रितिकापुरधयाथास छिलीकापुर धयानाम पिथउत्पत्तीजुयाव युध्यादेवि कलगीगनी योगिणी शहसनदेश्वर ध-
यानाम माहादेव उत्पत्तीजुयाव शिवसक्तिस्वरूप जुयावविज्यात ध्वथायस शिद्धभुमिजुल ध्वथायस मातृकागन वयाध
अनेगपदार्थइएका पुजायात ध्वनलीईश्वरिमन्तोसजुयाव छपनीस्यनं छुफानेतेनाधकं आज्ञादएकल ध्ववेलस मा-
त्रिमागननं धाल जिपनी याम २या गण २या नर्जिजुयमालधकंफोन तथास्तु वियधुनधकं वरदानवियाछत ३५
ध्वनली जवलाहात कृतिवनथास मुखलेश्वर धयानाम माहादेव उत्पत्तीजुयाव शिवसक्तिस्वरूप जुयावविज्यात थु-
गुलीथायस पुन्यभुमिजुल ध्वथायस सुदर्शनचक्र वयाव लाहात जोजळपाव विनतीयाना चोन ध्वनली सुदर्शन-
चक्रया भक्तिभावस्वया ईश्वरिसन्तोष जुयाव वरदान फोवधकं आज्ञादकल ध्ववेलस सुदर्शनचक्रनं विनतीयात

जिपनी संहारयाकर्ता जुयमालधकं वरदान फोन तथास्तु वियधुनधकं वरदान वियाछोत ॥ ३६ ॥ थ्वनली मोल कुतिवनथायस उन्सिधयाथाम उदिकधयानामविठउत्पत्ती जुयाव विमलादेवि पिङ्गलायोगिणी जक्षस्वरधयानाम माहा- देव उत्पत्तीजुयाव शिवसक्तिस्वरुप जुयावविज्यात थुगुली थायस पुन्यभुमिजुल थ्वथायस हनुमान वयाव फल- फुलछायाव पुनुपुलाव चोन थ्वनली ईश्वरिक्तुतार्थ जुयाव वरदान फोवधकं आज्ञादएकल थ्ववेत्तस हनुमान प- नीस्यन विनतीयात जिपनस्यन श्रीगमचन्द्रया स्यवक जुयाव ज्यायाय फएमालधकं वरदान फोन तथास्तु छ- पनीष्ट वियधुनधकं वरदान वियाछोत ॥ ३७ ॥ थ्वनली स्वलाकुतिवन थास प्रयागधया थायस प्रयागधया नाम पिठ उत्पत्ती जुयाव श्रीसुन्दरी देवि श्रीमिहवेगा योगिणी श्रीमहिन्देश्वर धयानाम माहादेव उत्प- त्ती जुयाव शिवसक्तिस्वरुप जुयावविज्यात थुगुलीथायस पुन्यभुमिजुल थ्वथायस दशअवतार पनीवया त- पस्यायानाव चोन थन ईश्वरि प्रतक्षजुयाव आज्ञादयकल छपनीष्ट तस्य त्रेता द्वापर कली थ्वपेगुली जुगस दैत्य हानंसंहार यायफय मालधकं वरदान फोन तथास्तु वियधुनधकं वरदान वियाछोत ॥ ३८ ॥ थ्वनली जवस्यकु- तिवनथायस विस्वधयाथायस श्रील्वटाधयानाम पिठउत्पत्तीजुयाव झंकेश्वरिदेवि सकारियोगिणी कुण्डलेश्वर ध- यानाम माहादेव उत्पत्तीजुयाव शिवसक्तिस्वरुप जुयावविज्यात थुगुलीथायस मिद्धभुमिजुल थ्वथायस विश्वकर्मा वया अनेग चित्रचित्री रङ्गा देवतदयका सेवायत थ्ववेत्तस परमेश्वरि सन्तोसजुयाव भोविश्वकर्मा छन छु-

वरदान फोनेत्यनधकं आज्ञादयकल विश्वकर्मानं विनतीयात जिबुद्धिवन्त जुयमालधकं वरदान फोन जिनयाना- गु श्रृष्टी जुग २ स्थिर जुयमालधकं वरदान फोन तथास्तु वियधुनधकं वरदान वियाछोत ॥ ३९ ॥ थ्वनली अपि कुतिवनथायस मायापुरधयाथायस मायापुर धयानाम पिठउत्पत्तीजुयाव मायादेवि चंचलायोगिणी तपसेस्वरधया- नाम माहादेव उत्पत्तीजुयाव शिवसक्तिस्वरुप जुयावविज्यात थुगुलीथायस तपसिभुमिजुल थ्वथायस चतुस्वष्टील- ङ्गवयाव रुद्राक्षमालानं जपध्यान यानाव चान थ्वनली ईश्वर प्रतक्षजुयाव वरदान फोवधकं आज्ञादएकल च- तुस्वष्टीलङ्ग पनिस्यनधाल जिपनी खुयप्यह ६४ स्वयम्भु जुयाव चोने फएमालधकं वरदान फोन तथास्तु विय- धुनधकं वरदान वियाछोत ॥ ४० ॥ थ्वनली स्वलाहातया लप्पाकुतिवन थायस मल्वयागीर धयानाम पिठउ- त्पत्तीजुयाव मालिकादेवि कोकरायोगिणी कुशउत्पत्तीधयामा माहादेव उत्पत्तीजुयाव शिवसक्तिस्वरुप जुयाव विज्यात थुगुलीथायस पुन्यभुमिजुल थ्वथायस भुतप्रेतपिसाचादी वयाव अनेग माथनं प्याखनहुयाव चोन थ्व- नली परमेश्वरी खुशियुयाव वरदान फोवधकं आज्ञादएकल थ्ववेत्तस भुतप्रेतपिसाचादी पनीस्यन धाल छलपो- लस्यं सदाकाल नापंचोने दणमालधकं वरदान फोन तथास्तु वियधुनधकं वरदान वियाछोत ॥ ४१ ॥ थ्वनली पेनपा कुतिवनथास मलपानी धयाथाम मलपानीगिरी धयानाम पिठउत्पत्तीजुयाव शिवसक्तिस्वरुप जुयावविज्या- त थ्वथायस पुन्यभुमिजुल थ्वथायस सत्यगण वयाव तपस्ययाना चोन थ्ववेत्तस परमेश्वरी कृतार्थ जुयाव वर-

स्वस्था
३८

दान कावधकं आज्ञादयकल श्ववेलस जिन सत्यधर्मस चोनहयात उधारयाय फयमालधकं वरदान
फोन तथास्तु वियधुनधकं वरदान वियावछेत ॥ ४२ ॥ श्वनली नुगलया कमल कुतीन वनथास
स्वनधया थायम स्वनधयानाम पिठ उत्पत्ती जुयाव उमादेवि अदुकर्ता योगिणी पाया केशरी ध-
यानाम महादेव उत्पत्ती जुयाव शिवसक्ति श्वरुपजुयाव विज्यात थुगुलीथायस मिद्धभुमीजुल श्वथायस
नवग्रहययाव अन्यगमायन तस्यायानाव चोन श्वनली ईश्वरि प्रतक्षजुयाव छपनीस्यन वरदान फोवधकं आ-
ज्ञादयकल श्ववेलस नवग्रहपनीस्यनधाल जिपनीस्यन दयकेकुतके फयमालधक वरदानफोन तथास्तु वियधुन-
धकं वरदान वियावछेत ॥ ४३ ॥ श्वनली चोपल कुतिवनथास मेरुप्रिधयाथास मेरुप्रिधयानाम पिठ उत्पत्तीजु-
याव पुर्णाण्डगीरिदेवि कलालीयागिनी जिवातत्यश्वर धयानाम महादेव उत्पत्तीजुयाव शिवसक्ति श्वरुपजुयाव वि-
ज्यात श्वगुलीथायस पुन्यभुमीजुल श्वथायस सतसागरपनी वयाव अन्यग हेरामुतीलायाव स्यवायात श्वनली
ईश्वरी दाहिनजुयाव छपनीष्ट वरदानफोवधकं आज्ञादयकल श्ववेलस धाल जिपनी सलिल अगम्यअथाहाजुय
मालधकं वरदानफोन तथास्तु वियधुनधकं वरदान वियावछेत ॥ ४४ ॥ श्वनली जवयातुतीयाखन्पा कुतीवन-
ठास महेंद्रायाठायस महेंद्रधयानाम पिठ उत्पत्तीजुयाव इन्द्राछिदेवि उर्द्धामयोगिनी तटेश्वर धयानाम महादे-
व उत्पत्तीजुयाव शिवसक्ति श्वरुपजुयाव विज्यात श्वथायस धर्मभुमीजुल श्वथायस लक्ष्मीदेवि गनवयाव अन्य-

गदव्य सुवर्णलायाव पुजायात श्वनली ईश्वरि खुसिजुयाव वरदानफोवधकं आज्ञादयकल श्वनली लक्ष्मीनफोन
श्वसंमारस कार्तिक कृष्ण अमावास्याखुन्हु सकलभीत धन्यधान्य आत्मा पुर्णगायफयमालधकं वरदानफोन त-
थास्तु वियधुनधकं वरदान वियावछेत ॥ ४५ ॥ श्वनली देपालहातया लपा कुतिवनथायस वामपुरधयाथायस
वामपुरधयानाम पिठ उत्पत्तीजुयाव कामेश्वरिदेवि भैरव्द्रायोगिनी वैत्रातेश्वरधयानाम महादेव उत्पत्तीजुयाव शि-
वसक्ति श्वरुपजुयाव विज्यात थुगुलीथायस मोक्षभुमीजुल श्वथायसशेतपत्र प्रितीदकस्वानवयाव सुगंधमाला ह-
याव अन्यगमायन पुजायानावचोन श्वनली परमेश्वरि प्रतक्षजुयाव वरदानकावधकं आज्ञादयकल श्ववेलस
स्वान दकोपनीस्यन धाल जिपनी देवताया सिलस पुजाकर्मम प्रस्तजुयमाल धकं वरदानफोन ईश्वरिन तथास्तु
वियधुनधक वरदान वियावछेत ॥ ४६ ॥ श्वनली मचाक्ष कुतिवनथायस हेरंन्यपुर धयाथायस हेरंन्यपुर धया-
नाम महादेव उत्पत्तीजुयाव शिवसक्ति श्वरुपजुयाव विज्यात थुगुलीथायस जुलसां रत्नभुमीजुल श्वथायस सर-
स्वती वयाव अन्यग मिलोक पुरानादि सहश्रनाम पाथयानावचोन श्ववेलस ईश्वरि प्रतक्षजुयाव छपनीष्ट व-
रदानफोवधकं आज्ञादयकल श्ववेलस सरभ्वतीनधाल जिपनी देवताया गनुयया जिह्वाया धनीजुयमालधकं
वरदानफोन तथास्तु वियधुनधकं वरदान वियावछेत ॥ ४७ ॥ श्वनली खवयावपी कुतिवनथायस महालक्ष्मी-
पुरधयायस महालक्ष्मीपुर धयानाम पिठ उत्पत्तीजुयाव कमलाक्षीदेवि जोगनीन्द्रायोगिनी भृकुतेश्वरधयानाम

३९

थायश द्व्यपती पिठ उत्पत्ती जुयाव वनगुली पचासपिठ उत्पत्ती प्रमुख न संख्याहमकोत्तौ ॥ ७५०००००००० द्या पिठ
उत्पत्तीज्जल श्वनली शुग्धायम जज्ञ गंधर्व किन्नर अप्सरा देत्यदानव नागलोक्त अष्टवशु द्वादशादिस नारदप्रभृ-
त्ती सकलदेवता प्रोहित बृहस्पतीने अन्यगगाथने जाग्य २ प्रमाते पुजायानाव चोन श्वनली श्रीपरमाश्रयी म-
न्तोष जुयाव सकलपनीष्ट मोक्ष विधाबछोत श्वनली रब्दा नुष्यने शुगुली पञ्चास पिठया दर्शनयात वह्नाऽनुखे-
या जिवमुक्कजुईव धुलितमफुतशा छगुलीखुन्हू पिष्ठ दर्शनयाकहाया जिवमुक्कीजुईव मनोवाञ्छित कामना मि-
द्धजुईव हने मनुष्यजन्म जुयाव पञ्चामपीठ छगुलीखुन्हू दर्शनमयाकहाया जन्मकयाया तर्थाथ ए अथवा दर्शन-
मयातसा नामखुनुकाए नामतक्र कयानं अथवा न्यनान समस्तपाप फुनाव वनिव अगम्य अगमयातसा मनुमा-
वाचा कर्मनायाना सर्वपापफुईव हने अन्तकालस नामकयाने अपमान नेनान श्वनली देवलोकम अन्यदैविकं
चतुर्मुखब्रह्मान आज्ञादणकलगुखँ कुमारने अगस्त्यमुनीयात कनाव विज्याकगुखँ ने पापान्न वसत सुतेन मौन-
कादी जयच्यावोल ऋषिपनिष्ट कनजुल इतिश्री स्कण्डपुराणे माघमाहात्म्ये केदारखण्डे पञ्चासपिठ उत्पत्ती पञ्च-
मोध्याय ॥ ९ ॥ श्वनली पुनर्बादहनं अगस्त्यमुनीने कुमारयाके विनलिगात अगम्यउवाच भो कुमार छलपोल-
स्थने सतीदेवि या सरिरया अङ्गकुतिवन थायम पिठ उत्पत्तीजुयाव वनगुलीकठा जितकनाव विज्यात अध्यनं जी-
चित्तमन्तोष मजुवनी गथेवालसा वह्नामृतकसरिर सतिदेवि श्रीमाहादेवनं शुग्धप्रकारनं मृतकसरिर सतिदेवि पा

स्वस्था
४०

छायावजुल कुतिवमाव पिठउत्पत्ती जुमेलि श्रीमाहादेव गथ्यजुलधकं अगस्त्यमुनिन विनतियानाव चोन स्कंद-
उवाच ध्वनली कुमारनं आज्ञादएकेयन कुमारउवाच भोअगस्त्यमुनी एकचित्तयानाव डेव जिनकनेत्यनाधकं कु-
मारनंधाल ध्वनली श्रीमाहादेवनं मृतक सरिर मदुखनाव श्रीमाहादेवनं चितर्धिर्जयाय मफयाव सतिदेवितु ल-
मनाव बजनकयाव पर्वत रवतुवथे पृथ्वीमगल तुलाव हाय २ सतिदेविधकं हालाव मुर्छाजुयाव चोन हनं चे-
ष्नादयाव झमुकाल तयावचोन हायप्रानेश्वरि हायमतिदेविधकं नानामाथनं विलापयानाव चोन ध्वनली श्रीमा-
हादेवनं चितर्धिर्जयाय मफयाव सतछि १०० दस्मपृथ्वीस भ्रमलपावजुल ध्वनली छन्हुयादिनस चितर्धिर्जया-
नाव स्वस्यंलि सतिदेविया मग्निधवक्ये मदुखयाव ध्वबेलम आवगथेयायधकं गनम भालपाव धवध धगनं धि-
र्जयानाव उत्राणश वनेधकं मनसभालपाव अननं उत्रदिशाश्वपाव श्रीमाहादेव विज्यात ध्वनली दक्षिनदिशासु-
कर्णातक धयाथाम ब्रह्मपुरधयानाम नगरस छगुतीदसे चोन ध्वनली ध्वनगरस शतछि १०० ऋषिोक वमलपाव
चोन थुगुलीथायस श्रीमाहादेव येनकल विज्यात ध्वबेलम ऋषिलोक गङ्गामस्नान यानावचोन ध्वबेलम ब्राह्मणी-
पनिस थव २ छेममालको ज्याधुनकाव हनं धनित्यकर्म मालकोधुनकाव मतछि १०० ब्राह्मणी पनिसुनाव मा-
हुतियानाव चोन झिजीस छेमज्यालुंमदत मालकोसकतां ज्यायाधुनधकं धयाव चोन हनं आबझिजीम धर्ग-
यायमाल व्रतछगुली दएकेमालधकं ध्वनली ब्राह्मणी पनी समधालना यानावचोन ध्वबेलस श्रीमाहादेवया सति-

४०

देविलुमनाव अयेयायहं ममियाव तपस्यायाय भालपाव थुगुलीथायस ध्वनकल विज्यात ध्वबेलम ब्राह्मणीपनि-
स्यनधाल हुं २ ब्रह्मजां श्रीमाहादेव थुका भोपामापिं मति विमदयाव उमत्ताजुय व गिग वरयानाव जुल आव
झिजी २ पुरुषधालमा तपस्यायानाव हिनछपोल जकनयाव गमिजुयकाव चोन ध्वतन कामकुदा यारमहु फिजी-
धालशा कामतुल्य जुगावचोन ध्वत्यन अव झिजीसकल्ये श्रीमाहादेव वनापं वनेनुयोधकं ममधारयानाव जिव-
खे नुयोधं मतक्षी १०० ब्राह्मणी पनिस्यनधयाव ध्वबेलस श्रीमाहादेव नापं सतक्षी १०० ब्राह्मणीपनी लिब २
वनध्वनली ऋषिलोकया थव २ मालकोकृयाकर्म धुनकाव थवक्षेमहिदावन ध्वबेलस छेस ब्राह्मणीपनी मय्यावचो-
न ध्वबेलम ऋषिलोक आचर्य चायाव सकल्येमुनाव माहुतीयानाव चोन गननधकं विचारयानाव जुल ध्ववे-
लम श्रीमाहादेवनपं वनधकं लुएकाव ऋषिलाकपनी माहुतियानाव बछी २ थयाव थुगुलीलन वनधकंधयाव
आवछपनी बछी थुगुलनं हुनीधकं जिपनी बछी थुगुलीलन वन्यधकंधयाव बछी २ थयाव निरुपलनं वनावहे-
पनावतल ध्वबेलस ऋषिलोकनधाल भोश्रीमाहादेव छलपोलस्यन छाय जिपनीकलात वानाव हयाधकं धयाव
ध्वबेलम ऋषिलोकया माखायना श्रीमाहादेवनेआज्ञादएकल जिनछपनकलातमहयाधकं श्रीमाहादेवनंआज्ञादय-
कल ध्वनेना देवयाअज्ञाडेना ऋषिलोकनधाल आमछलपोलया लिब २ वपिसुनकंधयाव ध्वबेलम श्रीमाहादेवनंलिख
यव ब्राह्मणीपनी लिब २ वयावचोन श्रीमाहादेवनसुनाव शिव २ धकं जिनजामसियाधकं आज्ञादयकल ध्वबेलस भो-

स्वस्था
४१

श्रीमहादेव छनं गिमीकलात छनलीं केनावहलधकं ऋषिलोकन श्रीमहादेवयात आपविल भोमहादेव छनं लि-
गकेनाव जिमीकलातनाव हलधकं श्वतेनछन लिगपतनजुयसाळ धकं आपविल श्वव्यलस श्रीमहादेवया लि-
मपतनजुल श्वव्यलस लिगपतनजुयाव वनगुली जोतिलिगजुयाव पृथिवीत्वकपुल श्वव्यलस देवलोक राक्षम
गंधर्व किन्नर दैत्यदानव पनी जोतिलिगयातेजन भस्मजुयत्यन श्वव्यलम हतामचायाव आव थनलुजुलधक
सोजुल श्वव्यलस श्रीमहादेवया जोतीलिग उत्पत्ती जुलधकं श्रीब्रह्माप्रभिती तेतिस्कोटि देवता विष्णुसहितन
विज्यात श्वव्यलस श्रीमहादेवयाके हातजोजलपाव विनतीयानाव चोन श्वव्यलस देवलोकनजुलसां श्रीमहावि-
ष्णुयाचरनस भोकपुय व विनतीयात भोश्रीमहाविष्णु श्रीमहादेवया जोतीलिगन जिपीसकल्ये भस्मजुयतेनध-
कं देवलकोन विनतीयात श्वव्यलस श्रीमहाविष्णु जुलसां देवलोकया वचनन्यनाव जोतिलिग वशपुनावतल
श्वव्यलस देवलोक दैत्यलोकसकल्ये रक्षाजुल श्वव्यलस श्रीब्रह्माप्रभिती तेतिस्कोटि देवता जक्ष गंधर्व किन्नर
दैत्यदानव राक्षस ऋषिलोकन धन्य र श्रीनारायणधकं गुनवर्णनयानाव चोन श्वनली देवलोकसकलस्यन विदाक-
याव थव र आश्रमसवन श्वनली श्रीमहादेवन जोतीलिगया रुपन लिहांविज्यानाव श्वव्यलस श्रीमहादेवन
ऋषिलोकया हेवन्यआज्ञा दयकल भोऋषिलोक छपनीस्थन जित निराअपराधीस जित आपविलधकं तमचाया-
व छानिष्ट आपविधकं आज्ञादयकाव श्रीमहादेवन अत्यन्तन तमचायाव ऋषिलोकयात आपविल छपनीस्या

४१

वाक्य असुद्धजुय मालधकं अनेग प्रकारन आपविल हनं ब्राह्मणीपनीष्ट आपविल ब्राह्मणीपनीधकं ब्राह्मणक्षेत्री वै-
स्य शुद्र श्वपताजातिसं छपनीस्यां जातिमं अतिव्यस्या जुयमालधकं हनं श्वब्राह्मणीपनीत आपविल एकपुरुषन
चोनेमफय मालधकं आज्ञादयकाव श्रीमहादेव उत्रपण्ठ सवनेधकं विज्याकजुल श्वनली महादेवन जुलसां तप-
स्यायाय भालपाव कामक्रोध मोहोलताव दमइन्द्रीय दकोचिनाव स्वग्वलमिखां तीसियाव परब्रह्मयाजपयानाव
अतीवष्ट नयाव तपस्यायानाव विज्याकजुल श्वनली थुगुलीथायस तारकासुर दैत्यन दुग्धप्रभाधया गण्डकी सव-
नाव स्नानयानाव दानपुण्ययात थन गण्डकीस पेचिमुनीश्वर छहस्यन तपस्यायात श्वस्वयाव श्वतारकासुरन
खनाव मुनिश्रया थायसवनावधाल भोमुनिश्वर छलपोलस्यन तपस्यायाक स्वयाव जिचितस तपस्यायायईक्ष्या-
जुल श्वतेन जिनं तपस्यायायधकं धयाव श्वते तारकासुरया वाकेनेनाव मुनीश्वरन आज्ञादयकल भोतारकासुर
छन तपस्यायाय जुलसां श्वदुग्ध पुरधया गण्डकीस उत्पत्तीजुयावचोनह्य तिर्थमचो श्वस्वनेनाप्यचिमुनीया चरन-
सभोकपुयाव धालुगरिस थाहांवनाव श्रीब्रह्मा आगधनायानाव दलछिद प्रमानेन तपस्यायानाव चोन श्वनली
ब्रह्मानं श्वतारकासुरया तपस्यान संतोखजुयाव छनतपस्यान सामान्यमखु महाकथोरन तपस्यायातं श्वत्यन जि-
के वरदानकोवधकं आज्ञादयकल श्वत्यब्रह्माया आज्ञान्यनाव श्वतारकासुर रस्तयाव स्तोत्रयात भोपरमेश्वरी
श्रीब्रह्मा छलपोलया चरनस कोति र नमस्कार भोविश्वमुर्ती छलपोलमेन दयका तेतिस्कोटि छु-

ली प्रानीदयाव चोन उलिप्रानीया ल्हतिन जित अवधाय य फुतकेमफुतके प्रमन्नजुयमाल धकं वरदानफोन
थ्ववलम श्रीव्रह्मा जुलसां तथास्तु वियधुनधतं आज्ञाय कवविज्यात थ्वनली श्रीव्रह्मायाके वरदानलातधकं
दको दैत्यन वाटतायाव थ्ववेळम शुक्रचार्येमहित यानाव मंपूर्ण दैत्यगनशमस्त दुग्धप्रभा गण्डकीया तिरस थ्य-
नकलायाव गण्डकीया जलहयाव थन तारकासुरथात अभिसेखविल थोनली दैत्यगनया राजायानाव थ्वव्य-
लम तारकासुरया चरनस समस्तस्यन भावपुयाव विनतीयात भोमहारज ताकासुर आवली जिपीनिस रा-
जाजुन भोमहागज तारकासुर दैत्यगनदेवलोवया भयनगयानाव अथाहासमुद्रम जिपनी दहलपावचोना थ्वत्य-
नछलपोलस्यन जिपनीष्ट उधारयानाव विज्यायमालधकं विनतीयानाव थुगुलीयायस दैत्यगनस्त मुनकाव अ-
मरावतीम हताल वन्यदतधकं महाहर्षान जुयाव लायवुयाव सिधनादतयाव अमरावतीस हतालन ह्यानावव-
न थोनली अमरावतीथेन काव थोताकसुरन जुलसां दुहांवन व जुद्धयात थोनली देवलोकाइन्द्रन जुलसां ता-
रकासुर दैत्यन ममस्तदैत्यगण मुनकाव जुद्धयात ववस्वयाव देवराजइन्द्रन जुलसां समस्त देवळाक साहितया-
नाव महाक्रोधयानाव देवराजइन्द्रन जुलसां अलावनहृष्टीन जोजलपाव रसदनव देवलोकाक लिवकाव अन्य-
वाळयातकाव महाआनन्द यानाव दैत्ययादस दुहांवन थुगुली प्रकारन थोदेवराजइन्द्रन जुलसां दैत्यया द-
रस दुहांवन वज्रनप्रहारयात थोव्यळस वोति २ दैत्यसंहारयात थोस्वयाव दैत्यन अन्यगरुडन प्रहारयात देव-

लोकन जलवृष्टीयात थन अभिपक्षया जलवृष्टीजुल झिगुलीदिशासं अन्यकारजुयाव चन्द्रसुर्यप्रकाश मदत गथ्य
थालसा कृष्णपक्षया रात्रिजुयाव थ्वथायश मळि २ दोल २ छिक वन्धदयाववल थ्ववलस नृपक्षयामाहा भणजा
पल कवन्धनं अनेगमांस रक्तपक्षपावजुल थिथीं चलालपे मजियाव यवरथकयाव प्रहारयानाव कोति २ देवदै-
त्यसंहार जुवस्वयाव इन्द्रन जुलसां अरुनायात प्रहारयानाव आकाश सचोनवुवला सखअखनं क्षलपाव प्रकासया-
त थ्वस्वयाव दैत्यलोकनं देवलोकयाके वाननं प्रहारयात थ्ववानसमस्तं आमेयारद भोक्षलपाव देवलोकयाके छ-
गुमजुल थनइन्द्रन वजनं प्रहारयानाव तारकासुर दैत्यव महाअघोरनं जुद्धयानाव चोन निहवगेवर जुयाव स-
मव जुद्धजुयाव चोन गथेसमुद्र न्यगुलीनापला तथें माहाकलोल जुयाव चोन थ्वनली देवराजइन्द्रन माहाक्रोधया-
नाव मिखाह्याउक कनाव वजेन प्रहारयानाव झिकोतिदैत्य मोचकलं थ्वस्वयाव अश्रियाभावल पंवयाव अश्रिवृष्टि
यानाव अग्निदेवतानं जुद्धयानाव झिकोति दैत्यमोचकलं थ्वस्वयाव दक्षीनादिशामं जमराज लिहावयाव सखन्द
दैत्यवनापं माहाजुद्धयानाव जमराजनं ज्यमदण्ड प्रहारयानाव जमराजनं झिकोति दैत्यमोचकलं हनं नैरित्यकान-
स नैऋत्यस हेठ्ठांवयाव दैत्य इव इवामिकं जोनाव लुसिनं प्वाठफायाव मोचकाव चोनस्वयाव कुस्तनाम दैत्यन
जाज्वल्यमान क्रोढपिकायाव नैऋत्यव कुष्टदैत्ययाव माहाजुद्धयानाव नैऋत्यनं झिदोलकोति दैत्यमोचकल हनं प-
श्रिमदालस वरुणधयानाम वयाव वरुणव कारक दैत्यव वरोवरजुद्धयाना चोन थ्वनली वरुननं वरुनाधया स्य-

नेका सालाव गदानं प्रहारयानाव वरुणनं भिक्षोति दैत्यमोचकाव विलं हनं श्वस्वयाव वायुव्यकोनस वायुवयाव
हावावलीवमा जुद्धयातं वायुनं तवकसवएकाव दैत्यसंपुर्ण पातालथ्यनका पुयकलयन गथेयनधालसा धुलपुयकल
यनथ्ययनाव वायुनं झिक्कोति दैत्यमोचकलं थ्वनली विस्वकर्मान मायादयकाव थ्वयादुबन्य थवचोनाव थवत भ-
एमदयेकाव अन्यग सस्त्रनं प्रहारयानाव झिक्कोती दैत्य विश्वकर्मान मोचकल हनं चन्द्रमा वयाव च्वापाद्वग्यचका-
व सितरपिद दयकाव दशकोति दैत्य चन्द्रमानं मोचकल सुय्ये दुहावयाव थ्वबेलस सत्यजनं दग्धयानाव दस-
कोति दैत्य मोचकलं थुगुलीप्रकारनं दैत्यसमस्त संहारजुयाव पेदोलजक लेनाव थ्वपनी त्राही २ चायाव विस्यव-
न थ्वस्वयाव देवलोकनं सिङ्गनाद यानाव अनेग वाजान थाएकाव चोन थ्वनली तारकासुर दैत्यन जुलसां सु-
क्राचार्य याकेवनाव विनतियात भोगुरुनाठ छलपोल थिह्दु गुरुदयाव जिथथीड हवात्त जिसेन्य समस्तदेव-
लोकनं मोचकाव आव छलपोलस्यन जितउद्धारयाय मालधकं धयाव थन थुगुप्रकारनं दैत्यराजया वाक्य न्यनाव
शुक्राचार्यनं जुलसां आज्ञादएकल भोमाहाराज छलपोल हतासचास्य विज्यायमतेव धिर्जयास्य विज्यायमालछ-
लपोलागु थ्वसंग्रामस स्वरजुलं उलिजीनं म्वाचकाव वियधकं धयाव सुक्राचार्यनं कुशहागोल लखकयाव संजि-
विनीमन्त्रयानाव दैत्यगण सिनाव चोनमुथायस लखन होलाव थ्वनली थ्वसिनाव चोगु दैत्यसमस्त मिखापिल-
यानाव दनावल देनावचोतिपिं दनाववलथे दनावयाव दैत्यराजयाथासवनाव देव लोकसंहारयाय तुयोधकंहालाव चोन

थनसोवधकं सुनानं मसिक भालपाव थुगुलीप्रकारन सिनाचेको दैत्यसमस्त शुक्राचार्यया कृपानं म्वाडावया
दैत्यराजया माहाहर्षमान जुयाव आज्ञादयकल भोदैत्यलोक आवलपनी लिबलिब २ वायोधकं धयाव थुगुली प्र-
कारन आज्ञादयकाव माहाक्रोध यानाव रठसदनाव तयारजुल हनं थोथायस समस्त दैत्यलोक तयारजुयाव थ्यन-
कलबल थ्वबेलस अन्यग बाजाथाना सिंहनादतयाव दैत्यलोकन हतालयाकल थुगुलीप्रकारन पुनर्बाद दैत्यगन
वस्वयाव देवराज इन्द्रादी देवलोकन जुहावनाव अन्यग सस्त्रअस्त्रनं प्रहारयानाव कोति २ दैत्यसंहारयात ह-
नं दैत्यन समस्त अस्त्रन प्रहारयानाव कोति २ दैत्यन देवलोक संहारयात थुगुलीप्रकारन माहाजुद्ध जुयाव देव-
लोकया दिग्पाल पनी ह्वावयाव सरवृष्टि यानाव थ्वसस्त्रनं तोकपुयाव दैत्यलोक खडेमत थ्वस्वया देवलोकया
माहाहर्षमान यानाव लायवुल थ्वसज्जन त्रीलोक कम्पमान जुल देवलोकन थथ्ययाक स्वयाव तारकासुर दैत्यन
माहाक्रोध याना आग्नेयास्त्र प्रयोगयाना देवलोकया सस्त्रअस्त्र समस्त थ्वसस्त्रन स्यखलपाव दैत्यलोक समस्तपिक-
पाव हल देवलोकवस्य माहाजुद्ध यात खड्ग सक्ति गदा तोमर पशु सर्वजसर गद आग्नेयास्त्र थ्वआदी अनेग
सस्त्रअस्त्रन प्रहारयानाव निपक्षया प्रहारयानाव माहाजुद्धयात थुगुप्रकारन निपक्षया थुगुलीत सभजुद्धजुयाव चानं
हिनं माहाजुद्ध देवद शिन्धेदोल दसभजुल थुगुलीप्रकारन देवलोकव दैत्यलोकव माहाजुद्ध यानाव चोन थ्ववे-
लस देवलोकयाकठनं बलन्यलावन दैत्यलोकया जक कथनंवलवृष्टिमान जुयाव वलथथे बलहिनजुयाव देवलोक-

या कथनंन्यलावन स्वयाव शोवेतसेदेवराज इन्द्रनअधोमुख्याना रठनकोहावया बृहस्पतियाहेवनेविनतीयात भो-
गुरुबृहस्पतीजिपनी विनतीनेस्यविज्याहुने लुधातसा जिपनीबलहिनजुवगु शमनेचाल दैत्ययावतवृष्टिमान जुयाव
वल दैत्यव स्यलाय जिपनी सामर्थ मजुल थातेन गथेयाय माल भोगुलनाथ हनेथथे विस्ववने धालसा इन्द्र-
थीह्वजुयाव गथ्यविस्ववन्थ हनं विस्ववन्थ धालसां दैत्यवस लायता जिपनीसांमथमदन थ्वतेन गथेयायमाल
छलपोलस्यन जितअती विस्वविज्याय मालधकं धयाव थुगुप्रकारन बृहस्पतीन जुलसां इन्द्रया विनतीडेनाव वृ-
वस्पतीन जुलसां आज्ञादयकल भोदेवराजधक थवलहिन जुलसां जुद्धयायभते थुगुली संग्रामस जयजुइमखु प-
राजयजुव हनं तारकासुर दैत्यन जुलसां महाकष्टनयाव तपस्यायानाव श्रीब्रह्मायके तवधरवरप्रसादयाव तवगु-
दु थयीगुथायम छलपोलस्यन लुयायफईवधकं थनाचोनाया कारनमदत थ्वलेन श्रीगहादेवयावय छपनी सरण-
द्वनिधकं धयाव थुलीप्रकारन बृहस्पतीया आज्ञान्यनाव इन्द्रनजुलसां देवलोकया हेवने आज्ञादयकल भोदेवलो-
क आगथ्ययाय माल झिजिधालसां बलहिनजुल दैत्ययाधालसा ववृष्टिजुया ववल अथेन झिथनाचोनाया
ज्यामदतधकं साहुतियनाव इद्रादिदेवलोक सकलस्यन जुद्धतोत्ताव अमरावतीस विस्ववने थ्वजुद्ध गथीगुधा-
लशा हेनामात्रन त्रैलाय कस्पमान चायापुथ्य थयीगुविद्ध सयनाव देवलोक जयेत्तापाव तारकासुर आदियाना-
व दकोदैत्यलोक सलस्यन देवल कसकल्यं जुद्धमयास्ये विस्ववनेस्वयाव दैत्यलोकन जुलसां महार्हमान या-

नाव लायगुयाव विशदयानाव अमरावतीस दुहावनाव दैत्यलोकन जुलसां देवलोकसकल्यं अमरावतीन पिती-
नावहल देवलोक पितीनाव छोयधुनकाव थव्यलस तारकासुर दैत्यराजाजुयाव थ्वनळी तारकासुर जुलसा ता-
लाल पर्यंत स्वर्गयाराज्य यानावचोन थ्वनळी तारकासुर दैत्यन जुलसां दकोदैत्ययात थास थाम भाला
चियाव छोट थास थास तयाव थमन अमरावती या राजाजुयाव न्याय निती यानाव ताकालं प्रज्यतं
स्वर्गया राज्य यानाव चानधकं कुमारन अगस्त्य मुनीयात कनाव विज्याक मुख नैमित्तरंन्य वनस
मुतन मौलकादि चयच्यादोल ऋषिपनीष्ट कन ईति श्रीस्कन्दपुराणे माघमाहात्मे केदारखण्डे इन्द्र तारकासुर
जुद्धपमंथ्याय ॥ ६ ॥ अगस्त्यउवाच हनं अगस्त्य मुनीश्वरन कुमारयाके विनतीयात भोकुमार छलपोलस्यन
आज्ञादय स्व न्यनाव जिमनस माहाउत्माहजुल जिचीतसन्तुष्ट मजुवनी गथ्यधालसा सतिदेविया सरिरया अन्न
पतनजुव थायश पिठ उत्पत्तीजुयावगु कथा छलपोलस्यन आज्ञादयकाव विज्यात अथेन जिमनस संदेहदनी लु-
संदेहदनीधालसा छल सतिदेविया सरिरया अन्नपतनजुवगु पिठ उत्पत्ती जुयाव वगु थ्वसातिदेवियापान अल-
प्रजुयाव वन्यला मखुहनं स्तखजन्मकाल वनला गथजुळ धां थ्वस समस्तविस्तान जित कस्य विज्यामा-
लधकं अगस्त्य मुनीनं जुलसां थनकार्तिक कुमारयाके विनतीयास्यली थनकुमारन आज्ञादयकेतेन स्कंदउपाच
हेअगस्त्य मुनी छलपोलस्यन हनं आमपिठ उत्पत्तीजुयाव व वंथन इद्रव तारकासुरच जुद्धजुयावगुथ्य समस्त

एकाचित्तयानावनेव अगस्त्यमुनीयात कार्तिककुमारन जुलसां आज्ञादयकल थ्वनली सतिदेविया प्रातजुलसां हिमा-
लय पर्वतया स्त्रिमेनकाया गर्भसवास जुयावचोनधकं थ्वनली क्षितासंपुर्णजुयाव थ्वहमेनकाया गर्भन कन्याछह
जातजुयाव विज्यात गथीडहकन्या जातजुलधालसा दोलछि सूर्येया तेजथुलाव चोनह अति माहापद्मसुन्दरि
वर्तिसलक्षननं संयुक्तजुयाव चोनह अतिकमल मिखाधालसा मध्यानया पलेस्वानया हलथ्यं वर्णधालसा अरुन
उदयजुवथ्य थयीडह पद्मसुन्दरि कन्याछह मेनकाया गर्भस जातजुल थ्ववेळस स्वर्गतन स्वानवागाचल हनं
स्वर्गस अनेगहुन्दुवि वाजाठातका शङ्कतायाव अनेग सुगन्ध सुगन्धयात्रायु बवलपाहलं थ्वनली हेमालय पर्वतन
जुलसां थयीडह पद्मसुन्दरि कन्याछह जातजुवपुस्वयाव हेमालयपर्वतया मनसगाहा हर्षमानजुयाव थन हेमाल
यनं जुलसां अनेगजोतिस वोनकलछोयाव वसिष्ठ ऋषिब्राह्मण वोनकल छोयाव थ्वपनीष्ट केनाव जन्मपत्तिका
दयकल थ्वनली क्वापलोकनं जोतिसब्राह्मण जुलसां आज्ञादयकल भोपर्वतराज हेमालय थ्वकन्यागथीडह धा-
लसां वतीसलक्षननं संयुक्तजुयाव चोन थ्वअती भक्तिसर्धाजुयाव चोन हनं अति शिवभक्तिजुईयधकं ऋषिब्रा-
ह्मण पनिस्सन आज्ञादयकल थ्वतेऋषिब्राह्मणया आज्ञाडेनाव हेमालय पर्वतनजुलसां अति आनन्दजुयावचोन थ्व-
नली ऋषिब्राह्मण वोनकलछोयाव नाम कर्णयातकल थ्वनली ऋषिब्राह्मण मालको क्रियाकर्मधुनकाव नामलुय
छानधालसां छलपोलयानाम पर्वतजुवन थ्ववालखयानाम पावतीधकं धयाव नामकर्म यानावविल थ्वत्यऋषि-

यातधाल भोपर्वतराज हेमालय थ्ववालखया नामजुल पार्वतिधकं स्वर्गमध्यपातलम प्रख्यातजुईव मोहिमालय
छानधालसां छलपोलयानाम पर्वतजुवन थ्ववालखयानाम पार्वतिधकं धयाव नामकर्म यानावविल थ्वत्यऋषि-
ब्राह्मणयावाक्य नेनाव हेमालयया मनस अतिस्मतायाव थ्ववेळस अनेग सामागिताल लाचका ना २ पदार्थदय-
काव भोजनयातकल थ्वत्यधुनकाव हनंकोतानकोतिरत्नमनी पितकयाव सुवर्णयावन्न अनेगवस्त्रदयाव ऋषिब्राह्म-
नयात जाग्य २ प्रनामदक्षिना धियावहनं वसिष्ठप्रभित्ती ऋषिलोक ब्राह्मननं आज्ञादयकाव भोपर्वतराज हिमालय
धन्य २ छलपोलया भाग्य धन्य २ मेनकाया गर्भ धन्यजिपनीमिया भाग्य भोपर्वतराज हिमालय थ्वहपार्वतिन
जुलसां श्रीमाहादेवया भक्तिजुईव भोपर्वतराज हिमालय थ्वहपार्वतिन तेतिस्कोतिदैत्य दानव मोचकीव भोपर्व-
तराज हेमात्तय थ्वहपार्वतिन जुलसां चतुर्दश भुवणयारानी जुयाव हनं श्रीमाहादेवया कुतुम्ब निदानयाकह स्त्री-
जुईव भोपर्वतराज हेमालय धन्य २ धाय छलपोलया भाग्यधाए आवतिनी कृतार्थजुल भोपर्वतराज हेमालय छ-
लपोलया मयानभाज्वन्त थ्वमसदीग पातामलदुलभ भोपर्वतराज हेमालय आजीपनी वन्यतेलधकं धयाव वेदाफो-
न थ्वत्यऋषीब्राह्मणया आज्ञानेनाव हेमालयया मनस अतीहर्षमान यानाव थनहेमालयनं भालपाव वशिष्ठप्रभृती
ऋषीलोकब्राह्मणनं पर्वतराज हेमालय मेनकाया पुजामान्य फयाव थव २ आश्रमस विज्यात थ्वनली थ्वहपार्व-
तीनं कथनं शुक्लपक्षया चन्द्रमा बढेयजुवथे द्विद्विछिया तवधीकल जुयाव बल हनंमति २ क्षितलजुयेसल कथनं

ताधिना वैशजुयाव वल थव्यलस थव्यपार्वतिनं जुलसां अनेगगुनज्ञान परीपुर्णजुयाव शास्त्रथापारङ्ग जुयाव चतु-
र्दसविद्यान संपुर्णजुयाव हनं गुरुयाके माहाभक्तिजुयाव थवसंशारस विद्यादयाव चोन उलीविद्यान संयुक्तजुयका-
व थव्यलस पार्वतिन थवपीता हेमाल्ल माता मेनका निहस्त्रीपुरुष चोनथास वन थवेलस हेमालय मेनका नि-
हस्त्रीपुरुषस्यन थवपुत्री पार्वति वस्वयाव माहारसतायाव वायो २ पुत्रीधकं धयाव मेनकानं जुयाव मुलेसतयाव
माहारसताया मुखचूवनादी यानाव धाल भोपुत्रीछगनवना क्षितलवनालाधकं धयाव थुगुलीप्रकारनं मामया वा-
क्यनेनाव थनपार्वतिनं आज्ञादयकल भोमाता जिह्वातलवना स्ववेधकं जिह्वातल वनाथायस भीमाहादेवन तप-
स्यायाना चोन जिनखना भोमाता आव जिनगनवनाव श्रीमाहादेवया सेवायान्थ चोन्यधकं मनस भालपाव
सेवायानाव चोन्येतवला मत्यवलाधकं पार्वतिन जुलसां मातामेनकायाके डेनाव थुगुलीप्रकारनं श्रीपार्वतिया वा-
क्यडेनाव मातामेनकान धाल भोपुत्रीपार्वति श्रीमाहादेव जक अपसन जुयफव छनछाय साहुनीधकं धयाव थु-
गुलीप्रकारन मामया वाक्यनेनाव थन थव्यश्रीपार्वतिन जुलसां स्यवायायईक्षान श्रीमाहादेवया थायस्वन थन-
ली श्रीमाहादेवन जुलसां पद्मसुंदरी पार्वतिखनाव थन श्रीमाहादेवया कामजोरजुयाव थुगुलीथानस जिनतपस्या
यायस कृतधकं मननंभालव श्रीमाहादेवन थुगुलीथान तोलताव अननं दुवनेथ्यनकलवन उत्रापण्ठस विज्यात थव-
वेलस श्रीपार्वतिया मनस माहादुखजुयाव चोन हाय २ धकं श्रीमाहादेवया स्यवायाय अर्थनं जिथनवयां आव

जितआज्ञा भङ्गयात आवध्वहईश्वर जिनगनवना दर्शनायधकं मनस भालपाव अननं लिहावया मातायाथास
वनाव थनश्रीपार्वतिन धाल भोमातापीता जिगुली विनती न्यस्य विज्यायभालधकं छुधालसा जिमनस तपस्या-
याय ईक्ष्याजुलधकं थवत्यन जिन अन्नपान तोलताव जिन तपस्यायातवन्य छलपोलन जिपनीष्ट वेदाफोनेधकं व-
या छलपोल पनिसविनानं आज्ञान्यनसा तपस्यानिष्फल जुईवमखु थवत्यन जितआज्ञा प्रसन्न जुस्यविज्याय मा-
लधकं धयाव थुगुलीप्रकारन थवपुत्री पार्वतिया वाकेनेनाव हेमाल्ल मेनका निहस्त्रीपुरुषया मनस माहाविस्म-
ययानाव हाय २ गथिडवालस डादादुहानं लुखहातधकं माहाविस्मय चायाव मेनकानं पार्वतिजुयाव थवमुलेस
तयावधाल भोपुत्रीछन लुखहाना लुजुलसां डादाया बालखतिनी छनस्तुतीसं दुरुयाबामनापं मतनी थथीडवा-
लखतिनी भोपुत्री छन तपस्यायायमत्य हनं तपस्यायाय बेलमखुनी छन छायहतासचाया थवतेन छन तपस्याया-
य मुम्बाल हेपुत्री पार्वति झिजीस छेउ रत्न दर्वेसमस्तं सम्पुर्णजुयाव चोन छनलुईक्ष्याजुल उगुली वस्त्रनपुवधकं
थवतेन छनमुखन चोवधकं धयाव थुगुप्रकारन मेनकामामया वाक्यडेनाव थन पार्वतिनधाल भोमातापीता जित-
आज्ञाप्रसन्न जुयमुम्बालधकं गन्यधायमते अवस्यन जिन तपस्यायाय त्रिभुवणया अधिपती श्रीमाहादेवनजा त-
पस्यायाक जिन तपस्यामयागलाधकं थवतेन जित आज्ञाविवधकं धयाव थुगुली प्रकारनं श्रीपार्वतिनं विनतीया-
क स्वयाव मेनकाया हृदयस फसनंपुवथे डेनकाव मिखान खोविहायकाव मेनकानधाल उमाथय अनाथनं छन

स्वस्था
४७

आमथे धायमतेवधकं धयाव थयेनउमाधकं पार्वतिया नामजुल थुगुलीप्रकारनं वचन खाखातु चकाव गदगदस्वर
यानाव मेनका जुलसां पार्वतियात धाल भोपुत्री श्रीपार्वति श्रीमाह देवन तपस्यायाक धाल श्रीमाहादेव स्वल्प
छनफईलधकं छानधाळसा छजावालखतिनी वहापरमेश्वर स्वल माहादुलभधकं छन्हुजक अन्नतोताव वर्तयाय
महा कष्ट थर्थीगु थायम अन्नपान तोळताव छन गथे तपस्यायाय थर्थीगु कोमल छन सरिर भोपुत्री पार्वति श्री
महादेवन तपस्यायातधकं छनधाळवल श्रीमाहादेवन छायतपस्या मयाईव धकं श्रीमाहादेवया मतीजन्म मृत्युजु-
यमुम्याल अविनासिधयाह्न हनं श्रीमाहादेवन तपस्यायाकगु मेवताकारनसखु छानधाळशा त्रैलोक्येस गुलीप्रानि-
दत उत्तिप्रानिपनी धर्मसदुफय निमीर्तिन हनं लोकस्वखलण्या निमीर्तिन श्रीमाहादेवन तपस्यायाना विज्यात
भोमुत्री पार्वती वहा श्रीमाहादेव छनस्वयफईव मखुधकं भोपुत्री पार्वती हनं जिजिसमनुखेया सरिरसं पंचमा-
हाभुतनं दयकावतया सरिरथुका भोपुत्री पार्वती थ्वतेन छन गथ्यतपस्यायाय थ्वसरिराछिन जुईवमखुला भोपु-
त्री पार्वती थ्वतेन छनं तपस्यायायमते धकं हनं छजुलशां जिपनीसया प्रानछछहदत छमदतशां जिपनी प्रान-
त्यनीव मखुधकं थ्वत्यन छवन्यधायमतेव भोपुत्री पार्वतीधकं थुगुलीप्रकारन माममेनकान जुलसां खोयाव वा-
र २ गनावचोन थ्वनली पार्वतीनजुलसां धाल भोमाताछन गन्येधायमते छलपोलस्यन आज्ञादयकाथ्य थ्वपन्च-
माहाभुतन दयकावतगु सरिरस अनेग रोगव्याधी उत्पत्तीजुयाचोड्डु माहा २ कष्टनयावचोन थर्थीडगु प्रानीया

४७

लुभलसाधकं थ्वसरिर क्षिनजुलशां थजुल हनं थोसरियाभरसान धर्मकर्म मयारयचोन्यमालसां नरकसवास
यानाव चोनेमालीवधकं भोमाता थ्वतेन जित नर्कछोयला जित उधारयायमाल भोमाता हनं श्रीमाहादेवया त-
पस्यायाफलन मखुला जन्ममृत्यु जुमामव्याधी जयलपाव विज्यात भोमाता थ्वतेन तपस्यान लुजकसा धलपेम
जिमव राजाजुईन तपस्यान देवजुल त्रैलोक्यया अधिपतीजुल निवानमोक्षजुल तपस्यायावलन थर्थीडगु तप-
स्याजिन गथ्यतोळते भोमाता तपस्यायावलन मृत्युजयलपाव तपस्यान मृत्युजयधकं नामजुयाव विज्यात श्रीम-
हादेवया चरनारविन्दुस सुमरनयानाव तपस्यायानाव चोन्य भोमाता जिनमृत्युजयलपे धकं धयाव मानागेन-
कायाके विदाकयाव पिताहेमालया चरनस भोकपुयाव जया विजया धर्मसिला स्वह्ममपिन छिचकाव थ्वह्मपा-
र्वतीन जुलसां तपस्यायायधकं वन थ्वनली पार्वतीनजुलसां निलकण्ठस विज्यानाव अस्नानयानाव हनं निल-
कण्ठयाचास तवधन मरोवरछगुली थ्वरोवर पार्वतिन जुलसां अस्नानयानाव निलकण्ठस पुर्वदिसाम नैऋत्येपुर्व
मध्यस हिमाळयया सिपरस श्रीपार्वतीन जुलसां तपस्यायात थ्वथायस श्रीपार्वतीन जुळमा तपस्यायात थ्वथा-
यस श्रीपार्वतीन तपस्यायानाव चोनयानिमीर्तिन गौरिसङ्करधकं नामजुल थ्वथायस गथीगुधालमा देवलोक दै-
त्यलोक मनुष्यलोक थ्वतेया माहादुलभस्थान थर्थीडगुथायम पार्वतीनजुलसां श्रीमाहादेव स्वामिलाथ मालधकं
कामनायानाव श्रीपार्वतिन तपस्यायःस्य विज्यात थ्वनली ह्मापांएक भक्तयानाव उपासन चेनाव तपस्यायात

स्वस्था
४८

श्वनली पार्वतीनजुलसां छन्दु निराहारयानाव छन्दुद्विषि उपासंचोनाव रात्रिस पारनयाणाव चोन हनं निन्दु-
उपासन चोनाव छन्दुपारन यात हनं प्यन्दु निराहारयानाव छन्दुएक भक्तयानाव चोन हनं थणपार्वतिन जुलसां
चन्द्रायनी वर्तयात थुगुलीप्रकारन दक्षियनकं ना २ माथन व्रतयानाव चोन हनं श्वनली सिमायाहलस चोगु
लखजकतोनाव चोन जलपान जकयानाव दक्षित थुगुतरहन तपस्यायात हनं थनपार्वतिनजुलसां हनं मोलकोथे-
लातकाव जग्ययानाव धर्मयानाव दक्षित तपस्यायात हनं समस्त तपस्यातोलाताव वायुजक आहारयानाव दक्षी-
तपस्याय त थुगुली प्रकारनडादाटो समस्त तपस्यायानाव संपुर्णयात थुगुकठनंश्वपार्वति डाददुगुबेलस निस्यंतपस्या-
यात तपस्यान संपुर्णजुयकाव चोन श्वनली हिमालएन जुलसां श्रीपार्वतीया तपस्या संपुर्णजुयाव दक्षिनाविय-
यात कांति २ रत्नमनी मानिक सुवर्ण वस्त्रादि कुबुयकाव श्रीपार्वतीयाथास तयकलछोत श्वन श्वभल्यातस्य जु-
लसां श्रीपार्वतीया चरनस नमस्कारयानाव विनतीयात भोपार्वतीदेवि छलपोलया पितामातान थनछलपोल-
या तपस्यासंपुर्णजुधकं दक्षिणाविययात श्वरत्नमनी मानिक वस्त्रादिवियाव हलधकं विनतीयानाव धाल श्वनली
श्रीपार्वतीन जुलसां जयाविजया धर्मसिला सपिपनीह्वेन्य आज्ञादयकल हेसपि जयाविजया धर्मसिला आम
जिबुवाजुन बियाहवगु रत्नमनी मानिक वस्त्रादिकयाव विदावियावछोव धकं श्रीपार्वतीन सपिपनीह्वेन्य आज्ञा-
दयकल श्वत्यपार्वतीया आज्ञानेनाव जयाविजया धर्मसिला श्वस्वह्य सपिनं हेमालए मेनकान वियावहलगु दध्य-

४८

कायाव श्वजोनाव वपनिष्ट वेदावियाव छोत श्वनली भल्यातस्यनं तत्कारनं वेदाकयाव लिहावन छानधाळासा हे-
मालयपर्वतया मध्यम च्वापुया आरयथानं थतेन हेमालय श्वथायस श्वह्य श्रीपार्वतिनं डाददुगुबेलस नीस्यंतप-
स्यान पुर्णयानाव तपस्या संपुर्णजुयकाव श्वनली श्रीपार्वतिन तपस्विब्राह्मण पनीष्ट अतीत अभ्यागत ऋषिलोकयात
अनेग दातव्ययात श्वनली श्रीपार्वतिनं तपस्यान संपुर्णजुयकाव स्वह्यमखिन लिचकाव विजयात हनं सुवर्ण व-
स्त्रदान वियाव अन्नदान वियाव कोती २ दक्षीना वियाव ऋषिब्राह्मण अतीत अभ्यागत तपस्विपनिश्वय नितभो-
जन यातकाव दक्षीणावियाव सन्तोषजुयकाव श्वबेलस जयाविजया धर्मसिला स्वह्यमखी पनीस्यन लिचकाव श्री-
पार्वतिन पितामाताया थास वन्यधकं वन श्वनली डाददुह्य पार्वतिन श्वते डादात तपस्या व्रतधर्मयानाव लिहा-
वबेलस श्विदयावैस जुयाव अत्यन्तनं पद्मसुन्दरी तेजवतीजुयाव चोन थुगुलीप्रकारन तपस्यायानाव श्वह्यपार्वति-
या तेज वलहनिमजुव श्वह्यश्रीपार्वतिनं माम मेनका पिताहेमालये निह्यमिया चरनस भोकपुयाव चोन श्वबेलस
पितामाता निह्यस्यन पुत्रीपार्वति घसपुनाव चुम्बनादी यानावधाल भोपुत्री पार्वति धन्य २ ल छनछुवाञ्छाजुल
वगुली पुर्णजुयमालधकं धयाव पद्मआनन्दन चोनधकं कुमारनं अगस्त्य मुनियात कन इतिश्री माघनाहास्मे के-
दारखण्डे पार्वति धर्मव्रततस्या पुर्ण सप्तमो ध्याय ॥ ७ ॥ अगस्त्यउवाच हनं पुनर्वाद अगस्त्यमुनिश्वरनं कुमारया-
के विनतीयात भोकुमार छलपोलस्यन आज्ञादयकाव जिमनम माहाउत्साह तिनी जिजां विससन्तोष मजुनिग-

४८

थेधालसा थ्वह पार्वतिन मेवधर्म छु २ यातधकं थ्वख समस्त विस्तारनं जितकस्य विज्यायमातधकं अगस्य मु-
निश्वरनं थन कार्तिककुमारयाय विनतियास्यलीं थनकुमारनं आज्ञादएके तेन स्कदउवाच थ्वनली कार्तिककुमा-
रनं अगस्यमुनिया ख्वालस्वयाव आज्ञादएकल हेअगस्यमुनिधकं छलपोळस्यन जुळसां आम श्रीपार्वतिदेविज-
न्मजुवगुखं श्रीपार्वतिन तपस्यायाकगुखं थ्वखसमस्त पुर्नयाखं जिनकन्यत्यना छन एकचित्तयाना न्यनाव चो-
ओधकं अगस्यमुनिघात कार्तिककुमारनं आज्ञा दयकस्य विज्यात थ्वनली हनं पार्वतिनं सखिपनी ह्वने आ-
ज्ञादयकल भोसखी जयाविजया धर्ममिला आवजीनं चतुर्भाष्टिलिङ्ग यात्रायाय ईक्ष्याजुल आवगना स्वयंभु लिङ्ग
उत्पत्तीजुयाव चोन अन २ वनाव गुगुली तिर्थजुल उगुलीदिनस स्नानयानाव स्वयंभुलिङ्ग यात्रायाय नुयोधकं
श्रीपार्वतिनं आज्ञादयकल थ्वत्यपार्वतिया आज्ञाडेनाव थ्ववेलस सखिपनिस्यन विनतियात भोपार्वतिदेवि डेस्य-
विज्याहुनीधकं धयाव थ्य सखिपनीमिया वचन भाखाडेनाव थ्ववेळस श्रीपार्वतिनं लिङ्गयात्रा यावनेधकं पि-
ताहेमालय मातामेनका निहल्लीपुरुषयाके वेदाकयाव श्रीपार्वतिन लिङ्गयात्रा वन्यधकं विज्यात थ्वनली ह्यापां कु-
स्यश्वरधयानाम माहादेवया थाम विज्यानाव थ्वतिर्थया नामजुल दुर्गातिर्थयाय थ्वतिर्थजुल वलखुमिधया होस
थ्वतिर्थया स्नानदिनजुल माघकृष्ण चतुर्दसि पौषशुक्लया पुर्णेमासि थ्वतेदिनस पार्वतिन स्वहसखिन लिचकाव
थन दुर्गातिर्थस स्नानयानाव थ्वनली पार्वतिन कुस्यश्वरधया नाम माहादेवया सेवायात अनेग धुपदीप नैवद्य

दयकाव खोदश उपचारनं पुजायानाव अनेग स्तोत्रपाठनायाव स्तुतीयात भोपरमेश्वर जिगुली पुजानं स्तुतीनं
छलपोल सन्तोष जुस्याविज्याय मात तोत्रयानाव पार्वतिनं वर्त सम्पूर्णयात ॥ १ ॥ थ्वनली हनं पार्वतिन भिमे-
श्वरधयानाम माहादेवयाथाम विज्यात थ्वह माहादेवया तिर्थजुल देवतिर्थ धयाव थुगुखुसिया होस थुकिया स्नान-
दिनजुल माघकृष्णया प्रतिपता चतुर्थीखुनु थ्वतेदिनस पार्वतिन स्वहसखिन लिचकाव देवतिर्थस पार्वतिनं थ्वतिर्थ
स स्नानयानाव भिमेश्वरधया नाम माहादेवया सेवायात थ्ववेलस पार्वतिन अनेग धुपदीप नैवद्य दयकाव गङ्गा-
जलनं स्नानयाचकाव श्रीखण्ड रक्तचन्दन अक्षत नानासुगन्ध स्वानमाला छायाव पुजायात हनं एकभक्तनं चो-
नाव रात्रिस दिपमाला छायाव सेवायात भोपरमेश्वर माहादेव जिगुभक्ती पुजान छलपोल कृतार्थ जुयमालधकं
धयाव तोत्रयानाव पाथआदिनं थवफको जपध्यान यानाव पार्वतिन वर्तसम्पूर्ण यात ॥ २ ॥ थ्वनली हनं पार्वति-
नं काफेश्वर धयानाम माहादेवया थाम विज्यात थ्ववेलस थ्वतिर्थया नामजुल सुवर्नतिर्थधकं पार्वतिनं थ्वसुवर्न
तिर्थसवनाव स्नानयात थ्वथाययानामजुल ह्यापांवन कोशुखुमिहोस थ्वतिर्थयासनान दिनजुल माघकृष्णया द्वि-
तिया थ्वत्यव्ययस श्रीपार्वतिन सुवर्नतिर्थसस्नानयानाव काफेश्वरधयानम माहादेवपुजायत पार्वतिनअनेग उपचारद-
यकाव श्रीमाहादेव पृतिनं सुवर्नया दहलदयकाव सुवर्णया ज्वनादयकाव श्रीमाहादेवयात छायाव ब्राह्मनयात दा-
नवियाव हनं पोडसउपचारन पुजायानाव स्तोत्रयानाव प्रार्थनायात भोजगदिश्वर श्रीमाहादेव जिगुलिपुजाभक्तिन-

स्वस्था
५०

छलपोल प्रसन्नजुस्य विज्यायमाल धकं धयाव श्रीपार्वतीन जुलसां तोत्रयानाव व्रतसंपूर्णयात ॥ ३ ॥ श्वनलीह-
नं श्रीपार्वतीन श्रीकस्यप्यश्वर धयानाम श्रीमाहादेवयाथास विज्यात श्वतिथिजुलं कस्यद्वृत्तधातीथ श्वथायया
नामजुल देवपुरुस श्वतिथिया अस्नानादिनजुल माघकृष्णया द्विताया चैत्रकृष्णया अष्टमी आषाढशुक्लया पुर्णमासी
पूर्वाषाढानक्षत्रखुनु श्वतेदिनस पार्वतीन सपिपणिसहितन अस्नानयानाव श्री कस्यप्यश्वर धयानाम श्रीमाहादेव-
याके सेवायात श्वव्यलस श्रीपार्वतीनं अन्यगमान उपचार दयकाव पुजायात पर्वकालजक निराहारयानाव पु-
जायात हनं पार्वतीन सुवर्णया ज्वना दयकाव पुजायात पञ्चासृष्ट तयाव सनुवालाव भोग दयकाव
श्रीमाहादेव प्रीतिनं ब्राह्मनयात दानवियाव भोजनादि याचकाव श्रीकस्यप्यश्वर धयानाम श्रीमाहादेवया
तोत्रप्रार्थनायानाव धया भोजगदिश्वर श्रीमाहादेव जिगुली पुजातोत्रन छलपोलसंतोषजुस्य विज्यामालधकं हनं श्री
पार्वतीनं विनतीयानावधाल भोपरमेश्वर जित कैलासया थाकुर श्रीमाहादेव छद्मजितस्वामीयानाव प्रसन्नजुयमाल
धकं धयाव श्वनली पार्वतीन नानामाथन अनेगप्रकारन तोत्रयानाव व्रतसंपूर्णयात ॥ ४ ॥ श्वनली हनं पार्वती-
न फतिकेश्वर धयानाम श्रीमाहादेव याथास विज्यात श्वदेवयातिथिजुल काति तिथिधया धलीखेलश श्वतीथिया-
अस्नानादिनजुल माघकृष्णया चतुर्थि आश्विनशुक्लया पुर्णमा फाल्गुनकृष्णया चतुर्दसि श्वतेदिनस पार्वतीन अ-
स्नानयानाव फटिकेश्वर धयानाम माहादेवयाके सेवायात हनं अणगमाथन पुजायात गथ्यधालसा ना २ तिथि-

याजल हयाव अस्नानयाचकाव श्रीखण्ड कपुर केसरि कस्तुरि चन्दनदयकाव घेलकष्टिमाखलन लेपनयाचकाव
अन्यग सुगन्धस्नान लायाव पुजायात हनं श्वन पार्वतीन मधिचधि नैव्ययलायाव ब्राह्मनयात दानवित्त पर्व-
कालसजप निराहारयानाव रात्रीस पारनयानाव माहादेवयाके प्रार्थनायात भोपरमेश्वर छलपोलस्यन भिमनोरथ
पुरनयास्य विज्यायमाल धकं धयाव पार्वतीनं ना २ माथन प्रार्थनायानाव व्रतसंपूर्णयात ॥ ५ ॥ श्वनली हनं
पार्वतीनं चर्नेश्वरधयानाम माहादेवया थायस विज्यात उग्रतिथिम अस्नानयात श्वशायजुलं चहोरधया थायस श्वया
स्नानदिनजुल माघकृष्णया चतुर्थी श्वतेदिनस पार्वतीनं जुलसां चन्देश्वरधयानाम माहादेव खोदसउचारन पुजा-
यानाव माहादेवया संतोत्रयानाव पार्वतीन धयाव भोपरब्रह्म माहादेव जिगुली तोत्रन पुजान छलपोल संतोषजु-
यमालधकं पार्वतीन व्रतसंपूर्णयात ॥ ६ ॥ श्वनली हनं पार्वतीनजुलसां सपिपनीह्वेनेधाल भोसपिजयाविजया
धर्मसिता आव भ्यूहादतिथिवन्यनुयो धकं पार्वतीन आज्ञादयकाव श्ववेत्तस जयाविजया धर्मसिला स्वहासपिन
विनतीयाव श्ववेलस पार्वतीन सपिपनीसिया वधनणेनाव मनमहर्षमानयानाव श्वनली पार्वतीन जयाविजया
धर्ममिला स्वहासपिन लिचकाव श्वव्यलस भ्यूहादतिथिम विज्यात श्वनलीपार्वतीन श्वभ्यूहादतिथिस अस्नानया-
माव धनेश्वर धयानाम माहादेवया दर्शनयात श्वथाययानाम भातश स्नानदिनजुल चैत्रशुक्लया नवमी वेशाषकृ-
ष्णया चतुर्दसि श्वतेदिनस पार्वतीन स्नानयानाव धनेश्वर धयानाम माहादेवयात पादशउपचार दयकाव पुजाया-

५०

त श्वस्य पुजाधुनकाव पार्वतीन तोत्रपाठयानाव धाल भोपरमेश्वर महादेव जिगुली पुजाअस्तुतीन छलपोल संतुष्ट-
जुयमाल धकं पार्वतीन ना २ माथन प्रार्थनायानाव वर्तसंपुर्णयात ॥ ७ ॥ श्वनली हनं पार्वतीन भद्रतिर्थस वि-
ज्यात श्वतिर्थयाथायस जुलसागास श्वतिर्थस अस्नानयानाव कटेश्वर धयानम महादेवया सेवायात थनपार्वतीन
ना २ पदार्थदयकाव महादिपआदि दिपमालाछेयकाव हनं पार्वतीन जपध्यान स्तोत्र प्रार्थनायानाव धाल भो-
परमेश्वर महादेव जिगुली पुजान पाठन छलपोल संतोखजुयाव जिमनोर्थपुर्णयानाव वियमालधक पार्वतीन ना-
नामाथन प्रार्थनायानाव वर्तसंपुर्णयात ॥ ८ ॥ श्वनली हनं पार्वतीन सचितीर्थस विज्यात श्वथाय जुल पना-
तिसजुल श्वतिर्थयानाम नदिनजुल ज्यष्टशुक्रया पुर्णेमा श्वत्यदिनस सचितीर्थस पार्वतीन जयाविजया धर्मासिला
स्वहससि सहितन अस्नानयानाव इन्द्रेश्वर धयानाम महादेवया सेवायात भोपरमेश्वर महादेव छलपोलरके जि-
मनकामुनानं सेवायाना जितकैलामया थाकुर महादेव छलपुरुषयाना प्रसन्नजुयमाल धकं पार्वतीन नानमाथन तो-
त्रयानाव प्रार्थनायानाव वर्तसंपुर्णयात ॥ ९ ॥ श्वनली हनं पार्वतीन गन्धर्वतिर्थस विज्यात श्वथायजुल अस्या-
भालपाळ स्नानदिनजुल फाल्गुनशुक्रया सप्तमी श्वतेदिनस पार्वतीन श्वगन्धर्वतिर्थस अस्नानयानाव भालेश्वर ध-
यानास महादेवयाके सेवायात गंगाजलन पंचामृतनं अस्नानयाचकाव श्रीसुण्दन लेपणयानाव अन्धगस्नान
फलकुल छायाव धुपथनाव मानासिन पुजायात हनं पार्वतीन अन्यगभोगछायाव ब्राह्मणयात दानवियाव धवम-

ननं प्रार्थनायानाव पार्वतीन तोत्रयाधुनकाव वर्तसंपुर्ण यात ॥ १० ॥ श्वनली हनं पार्वतीन सिद्धितीर्थस वि-
ज्यात श्वथायया नमजुल भालेगुस श्वतीर्थया स्नान दिनजुल माघकृष्णया अमावास्या श्वतेदिनम पार्वतीन
जयाविजया धर्मासिला स्वहसखिन सहितयानाव सिद्धितीर्थस स्नानयानाव भालेश्वरधयानाम महादेवया थाय-
स विज्यानाव पार्वतीन अनेग माथनं मेहाळाव प्याखनहुयाव सेवायात हनं पार्वतीन ना २ माथनं पुजाया-
नाव स्तोत्र प्रार्थनायानाव वर्तसंपुर्ण यात ॥ ११ ॥ श्वनली हनं पार्वतीन मनसिरतिर्थस विज्यात श्वथाय जुल
मनसिरधया लेलेगचोस श्वथायस पार्वतीनस्नान यास्यविज्यात श्वतिर्थया स्नानदिनजुल माघसं कार्तिक श्वत्य
दिनस पार्वतीन शखिपनी सहितयानाव मनसिरतिर्थस स्नानयानाव कपिलेश्वरधयानाम महादेवया दर्शनयात
नानामाथनं पुजा भावयानाव थनपार्वतीन तोत्र प्रार्थनायानाव वर्तसंपुर्ण यात ॥ १२ ॥ श्वनली हनं पार्वतीन
सरस्वतीतीर्थस विज्यात श्वथायस स्नानयास्य विज्यात श्वतीर्थया स्नानदिनजुल श्रिमनीगुलिया पुर्णमासिसं पा-
र्वतीन स्नानयानाव श्रीस्वश्वरधयानाम महादेवयात चम्परिपुखे ाला दणकाव अनेग धुपदिप नैवद्यछायाव पा-
र्वतीन पुजा भावयानाव वर्तसंपुर्ण यात ॥ १३ ॥ श्वनली हनं पार्वतीन जयाविजया धर्मासिला स्वहसखी सहि-
नसं पार्वतीन स्नानयानाव रामेश्वरधयानाम महादेवया सेवाया प्रभातीर्थया जळहयाव स्नानयातकाव केसरी

स्वस्था
५२

कपुर कस्तुरी चन्दनछायाव पुजायात हनं पार्वतिन अनेग उपचार छायाव भोपरमेश्वर जिगुली पुजानं छलपो-
ल सन्तोख जुस्य विज्यायमालधकं ना २ माथनं पार्वतिन तोत्र प्रार्थनायात थ्वनली हनं पार्वतिनं चण्डभैरवपु-
जा यानाव वर्तसंपुर्ण यात ॥ १४ ॥ थ्वनली हनं पार्वतिन कालमोचन तीर्थस विज्यात थ्वथायजुलसां सृगुचोम
थ्वतिर्थया स्नानदिनजुल फा गुण शुक्रया चतुर्दसी थोत्यदिनस पार्वतिन स्नानयानाव कालेश्वर धयानाम माहा-
देवया स्ववायानाव पुजायात अनेग सामाग्रीदणकाव पार्वतिन पुजायाना वर्तसंपुर्ण यात ॥ १५ ॥ थ्वनली पार्व-
तीनं ब्रह्मतिर्थस विज्यात थ्वतिर्थजुल नटारम्भस थ्वतिर्थया स्नानदिनजुल ज्येष्ठकृष्णया अष्टमी थ्वतोदिनस पार्व-
तीन थ्वतीर्थस स्नानयानाव नटारम्भेश्वर धयानाम माहादेवयात अक्षत धुपदिपनैवद्य दणकाव पार्वतिन पुजाया-
नाव जपस्तोत्र यानाव वर्तसंपुर्ण यात ॥ १६ ॥ थ्वनली हनं पार्वतिनं सखिपनी सहीतनं रुद्रकुण्डतिर्थस विज्या-
त थ्वथायजुल फनपीस थ्वतीर्थया स्नानदिनजुल वैसाखया सकांन्ती थ्वतोदिनस पार्वतिन रुद्रकुण्डतीर्थस स्ना-
नयानाव उधारकेश्वर धयानाम माहादेवयात आकाशनं जलधाराहाणका स्ववायात हनं पार्वतिन तेछो हामोल
बेलपत्र शादुरु शाघेल दणका जज्ञयानाव पुजायात पुजाधुनकावस्तोत्रयात भोपरमेश्वर माहादेव जिगुली पुजा
तोत्रन छलपोल सन्तोखजुस्य विज्यायमालधकं पार्वतिन नानामाथनं भावयायधुनकाव प्रार्थना यानाव वर्तसंपुर्ण
यात ॥ १७ ॥ थ्वनली हनं पार्वतिन व्याघ्रतीर्थस विज्यात थ्वतीर्थजुल सिखपुरफनपीस थ्वतीर्थया स्नानदीनजु-

५२

ल भाद्रकृष्णया चतुर्दसी जेष्ठशुक्रया दसमी थ्वतोदिनस पार्वतिन स्नानयानाव गोपालेश्वर धयानाम माहादेव-
याकेतपस्यायात गोपालेश्वरमाहादेव पुजायानाव जज्ञजागादीकर्मयानाव जपध्यानतोत्रप्रार्थना यानाव वर्तसंपुर्णया-
त ॥ १८ ॥ थ्वनली हनं पार्वतीन चैत्रशुक्रया द्वादशी सकांन्ती शुगुलीप्रकारनं स्नानयानाव पार्वतीन सिखरनारा-
यण पुजायानाव वर्तसंपुर्ण यात ॥ १९ ॥ थ्वनली हनं पार्वतिन ब्रह्मोदय तिर्थस विज्यात थ्वथायजुल तवलस
थ्वतीर्थया स्नानदीनजुल वैशाखकृष्णया चतुर्दसी चैत्रकृष्णया तृतीया थ्वतेदीनस पार्वतीन स्नानयानाव चम्पेश्वर
धयानाम माहादेवया थायस विज्यानाव स्ववायात खोदशउपचार दणकाव पार्वतीन पुजायानाव नानामाथनं
भावनायानाव तोत्रप्रार्थनायानाव वर्तसंपुर्ण यात ॥ २० ॥ थ्वनली हनं पार्वतीनं स्वनभती तिर्थसविज्यात थ्वथा-
यजुल उन्मत्यधया तिर्थ थोतिर्थस स्नानदीनजुल कार्तिकशुक्रया पञ्चमी फालगुण शुक्रयाचतुर्दसी थोत्यदिनस पा-
र्वतीन स्वहसखिसहीतन स्नानयानाव उन्मत्येश्वर धयानाम माहादेवयाके तपस्यायानाव वरदान फोन भोउन्मते-
श्वर माहादेव जितउधार यास्यविज्याय मालधकं अनेग प्रकारनं वरदानफोनाव पार्वतीन प्रार्थनायानाव वर्तसं-
पुर्ण यात ॥ २१ ॥ थोन्ली हनं पार्वतीन जयावीजया धर्ममिला स्वहसखी सहीतनं गोकर्णतीर्थस विज्यात थोथा-
यजुल कुलालस थोतीर्थया स्नानदिनजुल माघशुक्रया अष्टमी थोत्यदिनस पार्वतीन स्नानयानाव गोकर्णेश्वरधया-
नाम माहादेव पुजायानाव पार्वतिन माहादेव प्रीतिनं ब्राह्मणयात दक्षिणावियाव भोजनयाचकाव ना २ माथनं

चनर्तायानाव अतीमक्तिभाव यानाव श्रीपार्वतीन व्रतमपुर्णयात ॥ २२ ॥ श्वनली हनं पार्वतीन भद्रतीर्थस विज्या-
त श्वथायजुल पट्टस तीर्थया स्नानदिनजुल माधशुक्लया नवमी श्वत्यदिनस पार्वतिन स्नानयानाव पशुपतिश्वर ध-
यानाम माहादेवयाके तपस्यायानाव स्त्रिभोजन छायाव हनंनानाप्रकारया सिसाफलछाताव पुजायानाव मनपासेया
भोजनयाचकाव सन्तोख जुष्टकाव आभिर्वादकयाव श्वन पार्वतिन नानामाथनं प्रार्थना यानाव वर्तसंपुर्ण यात
॥ २३ ॥ श्वनली हनं पार्वतिन गारतीतिर्थस विज्यात श्वथायजुल परुदेशन पछिमस जोजनयाक श्वतिर्थयास्ना-
नदिनजुल माधशुक्लया पञ्चमी अष्टमी दशमी श्वतेदिनस पार्वतिन स्नानयानाव कुटेश्वरधयानाम माहादेव-
याके पार्वतिन लाखबेलपत्र छायाव पारनयानाव अनेग प्रकारन सेवायानाव पार्वतिन प्रार्थनायानाव वर्तसंपुर्ण
यात ॥ २४ ॥ श्वनली हनं पार्वतिन नन्दतिर्थस विज्यात श्वथायजुल त्र्यमृतुनं श्वतिर्थया स्नानदिनजुल चैत्रकृ-
ष्णया अष्टमी वैशाख शुक्लया पुर्नेमा श्वतेदिनस पार्वतिन स्नानयानाव नन्दीकेश्वर धयानाम माहादेवया धाय-
सवनाव माहादेवपुजायानाव धनुरस्नान लखछिधनकछायाव स्यवायात भोपरमेस्वरनन्दीकेश्वर छलपोलयातको-
टि २ नमस्कारधकं पार्वतिन नानामाथनं तोत्रयानाव वर्तसंपुर्ण यात ॥ २५ ॥ श्वनली हनं पार्वतिन अतिति-
थस विज्यात श्वथायजुल अंगलसखुहांस श्वतिर्थया स्नानदिनजुल माधशुक्लया तृतीया नवमी दशमी श्वत्यदि-
स पार्वतिन श्वतिर्थस मोलहुयाव सिसाफलछाताव माहादेवया थासवीज्यामाव सखिपनीस्थन मेहाएकाव थ-

मनं माहादेव पुजायानाव सहस्रपुष्प कपलछायाव च्चामलनगाएकाव पार्वतिन नानामाथनं तोत्रप्रार्थना याना-
व वर्तसंपुर्ण यात ॥ २६ ॥ श्वनलीहनं पार्वतिन अननं भैरवतिर्थस विज्यात श्वथायजुल नकाठस श्वथायसस्ना-
नयानाव भैरवेश्वरधयानाम माहादेवयाके सेवायात नानाप्रकारया मानसि पुजायानाव हनं भैरवयात अनेगहिं-
सा भोगवियाव पार्वतिन नानामाथनं पुजायानाव वर्तसंपुर्ण यात ॥ २७ ॥ श्वनलीहनं पार्वतिन ब्रह्मगङ्गातिर्थ-
सविज्यात श्वथायजुल कपिलासशं श्वतीर्थया स्नानदिनजुल माधशुक्लया पुर्नेमाम फालगुणकृष्णया अष्टमि श्व-
त्यदिनस पार्वतिन स्नानयानाव ब्रह्मेश्वरधयानाम माहादेव पुजायानाव अनेग प्रकारं भावयानाव पार्वतिन तोत्र
पाठआदी यानाव वर्तसंपुर्ण यात ॥ २८ ॥ श्वनलीहनं पार्वतिन रुद्रतिर्थस विज्यात श्वथायजुल यतापुस श्व-
तिर्थया स्नानदिनजुल चैत्रशुक्लया तृतीया श्वत्यदिनस पार्वतिन स्नानयानाव नेमानिष्टायानाव कार्तिकेश्वर धया-
नाम माहादेवयाके पुजायात पुजामानेयानाव अनेग धुपदिपनैवद्य भिसाफल स्वावमाला आदिन दणकाव पुजा
यात श्वते पुजायुनकाव पार्वतिन नमस्कारयानाव वर्तसंपुर्ण यात ॥ २९ ॥ श्वनलीहनं पार्वतिन नृसिंहतिर्थस
विज्यात सिवपुरीस ठोतिठया स्नानदिनजुल फालगुणकृष्णया तृतीया जेष्ठशुक्लयादममि पुर्नेमा जेष्ठानक्षत्र सकां-
ति आदित्यवार ठोतेदिनस पार्वतिन स्नानयानाव सतस्त्रेश्वर धयानाम माहादेवयाके सहस्रपुष्प माला छायाव
सरयधाराहाएकाव पार्वतिन तोत्र प्रार्थनायानाव वर्तसंपुर्ण यात ॥ ३० ॥ यान तीहनं पार्वतिन कोटेश्वर धयाना-

म माहादेवया शायसविज्यात श्वतिथिस आकास गङ्गातिथि श्वथायजुल काण्डस श्वयास्नानदिनजुल फाल्गुण-
शुक्लया पञ्चमि भाद्रशुक्लया अष्टमी श्रावणकृष्णया अष्टमी श्वत्यादिनस पार्वतिन स्नानयानाव स्नानदिनति स्नान-
याना कालेश्वरधयानाम माहादेव पुजायानाव पार्वतिन तोत्र प्रार्थनायानाव वर्तसंपूर्ण यात ॥ ३१ ॥ श्वनलीह-
नं पार्वतिन अननं मविन्द्रमाहा तिथिसविज्यात श्वथायजुल गुवाहालचोस ईसानस श्वयास्नान दिनजुल फाल्गु-
णकृष्णया सप्तमी सकांती आदित्यवार चैत्रशुक्लया पुर्नेमा श्वत्यादिनस पार्वतिन स्नानयानाव मनिचुडेश्वर धया-
नाम माहादेवयाके सेवायानाव धाल भोपरमेश्वर माहादेव जीगुलि कामना संपुर्नयायफय मालधकं पार्वतिनध-
याव वर्तसंपूर्ण यात ॥ ३२ ॥ श्वनलीहनं पार्वतिन जोगगङ्गातिथिस विज्यात श्वथाय गुवाहालस श्वतिथियास्ना-
नादिनजुल फाल्गुणशुक्लया अष्टमी आश्विनकृष्णया नवमी श्वत्यादिनस पार्वतिन गङ्गातिथिस स्नानयानाव जोग्य-
स्वरधयानाम माहादेवयाके सेवायात भोपरमेश्वर माहादेव जिगुली मनकासुना पुर्णजुएमालधकं पार्वतिन तोत्र
यानाव वर्तसंपूर्ण यात ॥ ३३ ॥ श्वनलीहनं पार्वतिन कर्णतिथिस विज्यात श्वतिथिजुल यातागुंस श्वतिथिया स्ना-
नदिनजुल फाल्गुणकृष्णया दसमी पार्वतिन स्नानयानाव श्रीनारायण पुजायानावधाल भोपरमेश्वर नारायण जि-
तकैलासया थाकुर श्रीमाहादेव छहस्रवामि याडा प्रसन्नजुए मालधकं पार्वतिन तोत्र प्रार्थनायानाव वर्तसंपूर्ण या-
त ॥ ३४ ॥ श्वनलीहनं पार्वतिन जोगतिथिस विज्यात श्वथायजुल सकस श्वतिथिया स्नानदिनजुल फाल्गुण

शुक्लया तृतिया वैशाख शुक्लयापुर्नेमा श्वत्यादिनस पार्वतिन स्नानयानाव जोतिर्लङ्गेश्वर धयानाम माहादेव पुजा-
यानाव तपस्यायानाव वर्तसंपूर्ण यात ॥ ५३ ॥ श्वनलीहनं पार्वतिन रत्नह्वरतिथिस विज्यात श्वथायजुल नारचमं
श्वतिथिया स्नानदिनजुल फाल्गुणकृष्णया चतुर्दसि पुर्नेमा चैत्रसंक्रांती श्वतेदिनस पार्वतिन रत्नह्वरमहा तीर्थस
स्नानयानाव रत्नचुडेश्वर धयानाम माहादेव दर्शनयानाव पार्वतिन धाल भोपरमेश्वर माहादेव जिवया ज्याप्र-
सन्नजुएगाल जिमनोवाञ्छा पुर्नयानाव विणमालधकं पार्वतिन धयाव वर्तसंपूर्ण यात ॥ ३६ ॥ श्वनलीहनं पार्व-
तिन श्वथायजुल बागेश्वरतिथिस स्नानदिनजुल श्रावणशुक्लया पुर्णेमास श्वतेदिनस पार्वतिन स्नानयानाव बागे-
श्वरधयानाम माहादेव पुजायानाव भोपरमेश्वर जिगुली पुजान छलपोसन्तोष जुयमालधकं नमस्कारयानाव पा-
र्वतिन प्रार्थनायानाव वर्तसंपूर्ण यात ॥ ३७ ॥ श्वनलीहनं पार्वतिन सखंहरतिथिस विज्यात श्वथायजुल चगुंम श्व-
तिथियास्नान दिनजुल फाल्गुणशुक्लया तृतिया आषाढशुक्लया पुर्ने श्वतेदिनस पार्वतिन स्नानयानाव किळेश्वर-
धयानाम माहादेव पुजायानाव तपस्यायानाव हनं पार्वतिन श्वथायम गरुहनारायण पुजायानाव श्वनलीहनं पु-
जादिनजुल फाल्गुणकृष्णया द्वादसी माघशुक्लया द्वादसी श्वतेदिनस पार्वतिन नारायण पुजायानाव श्वनली
पार्वतिन येत्तामाजुके भोगवियाव पुजायात पुजाधुनकाव वर्तसंपूर्ण यात ॥ ३८ ॥ श्वनलीहनं पार्वतिन श्रावण
शुक्लया पञ्चमीखुनु सकदहस पार्वतिन स्नानदिनस स्नानयानाव अननं विरभद्रमहा तिथिस विज्यात श्वथाय-

स्वस्था
५५

जुल खुहोम श्वतिथ्या स्नानदिनजुल फाल्गुणशुक्लया तृतीया पौषशुक्लया पुर्णेमा श्वतेदिनस पार्वतिन स्नान-
यानाव वन्तीगकेश्वर धयानाम माहादेवयाके तपस्यायानाव भोश्रीमतीकेश्वर माहादेव जितवरदान प्रसन्नजुयमा-
लधकं पार्वतिन प्रार्थनायानाव वर्तसंपुर्ण यात ॥ ३९ ॥ श्वनलीहनं पार्वतिन भद्रादीतीर्थस विज्यात श्वथायजुल स्व-
पदेशस श्वतीर्थया स्नानदिनजुल फाल्गुणशुक्लयापञ्चमी चैत्रकृष्णयाचतुर्दसि श्वतोदिनस पार्वतिनस्नानयानाव मङ्गले-
श्वरधयानाम माहादेवयाके तपस्यायानाव पार्वतिन वरदानफोन भोमङ्गलेश्वर माहादेव जितनोरथ पुनजुयमात्त
धकं पार्वतिन धयाव वर्तसंपुर्ण यात ॥ ४० ॥ श्वनलीहनं पार्वतिन विमलोदक तीर्थमविज्यात श्वथायजुल सि-
पादोलधयाथायस श्वतिथ्या स्नानदिनजुल फाल्गुणशुक्लया सप्तमी माघकृष्णया चतुर्दसी श्वतोदिनस पार्वतिन
स्नानयानाव विमलेश्वर धयानाम माहादेवयात पुजायानाव पार्वतिन वरदानफोन भोविमलेश्वर माहादेव जिगुली
पुजातोत्रन छलपोलसंतुष्ट जुयमालधकं पार्वतिन प्रार्थनायानाव वर्तसंपुर्ण यात ॥ ४१ ॥ श्वनलीहनं पार्वतिन ऋ-
षितिथस विज्यात श्वथायजुल अलालीगस श्वयास्ना दिनजुल फाल्गुणशुक्लया अष्टमी भाद्रकृष्णया अष्टमी श्व-
तेदिनस पार्वतिन स्नानयानाव अनन्त्यश्वर धयानाम माहादेवयाके तपस्यायात प्रार्थनायायानाव धाल भोपरमेश्व-
र अनन्त्यश्वर रुपाजिगुली तपस्यान सन्तोषजुस्य विज्यायमालधकं पार्वतिन नानामाथन भावनायानाव तोत्रया-
नाव वर्तसंपुर्ण यात ॥ ४२ ॥ श्वनलीहनं पार्वतिन वर्धगङ्गातीर्थस विज्यात श्वथायजुल लघुरकण्ठगुप्त श्वतिथ्य-

५५

या स्नानदिनजुल फाल्गुण शुक्लया नवमी चैत्रकृष्णया अष्टमि श्वतेदिन पर्वकालस पार्वतिन स्नानयानाव वि-
श्वरूपेश्वर धयानाम माहादेवयाके सेवायानाव धाल भोविश्वरूपेश्वर माहादेव विश्वसंशार उधारयानाव विज्या-
यमालधकं छलपोलस्यन जितउधारयानाव विज्यायमालधकं पार्वतिन ना २ माथनं वरदानफोनाव अनेग माथनं
तोत्रयानाव वर्तसंपुर्ण यात ॥ ४३ ॥ श्वनलीहनं पार्वतिन फाल्गुणस्वम तीर्थमविज्यात श्वथायजुल स्वादिङ्गस
श्वतिथस स्नानदिनजुल फाल्गुणशुक्लया एकादमी कार्तिकशुक्लया अष्टमी चतुर्दसि श्वतेदिनस पार्वतिन स्ना-
नयाना श्रीमलिङ्गेश्वर धयानाम माहादेवयाके तपस्यायात भोश्वमलिङ्गेश्वर माहादेव जिगुतपस्या भावनानं छ-
लपोल सन्तोषजुयाव जिगुकृपातयाव विज्यायमालधकं पार्वतिन प्रार्थनायानाव वर्तसंपुर्ण यात ॥ ४४ ॥ श्वन-
लीहनं पार्वतिन गोशृगातीर्थस विज्यात श्वथायजुल लुभुसं श्वतिथ्या स्नानदिनजुल फाल्गुणशुक्लया द्वादसी
पौषशुक्लया पुर्णेमा श्वत्यादिनस पार्वतिन स्नानयानाह गोभेराटेश्वर धयानाम माहादेवयात पुजायानाव स्ववर्न-
या विश्रुयाव थमनंजक गोशृगाजक पारनयानाव थोगोशृगाजक पारनयानाव पुन्य गुलिउधालसा कोटि २
सादानयानाया पुन्यलाक थोगोशृगोदकजक पारनयानाव पार्वतिन थुगुलीप्रकारनं वर्तसंपुर्णयात ॥ ४५ ॥ श्वनली-
हनं पार्वतिन जयाविजयाधर्मसिला स्वद्वमसिपनी स्यन लिचकाव अननंगोदावरिस विज्यात पार्वतिनश्रावणशुक्ल-
या पुर्णेमाखुनु गोदावरितिथस स्नानयानाव अगस्त्यमुनिदर्शन यानाव हनं पार्वतिन जया विजया धर्मसिला स्व-

स्वस्था
५६

हमस्विपनीस्वनं लिचकाव अननं सिद्धमाहातीर्थस विज्यात श्वथायजुल मुन्युठिम श्वतीर्थया स्नानदिनजुल आ-
वणकुया पुर्णमास श्वत्यदिनस श्रीपार्वतीनं अस्नानयानाव भृङ्गेश्वर धयानाम श्रीमहादेव जिगुतपस्यावर्त संपुर्णयानाव जिमनोरथ पुर्णयानाव विज्यायमाल धकं पार्वती-
नं प्रार्थनायानाव व्रतसंपुर्णयात ॥ ४६ ॥ हनं श्वनली पार्वतीन मुनीकुण्ठ तिर्थस विज्यात श्वथायजुल एलदे-
शसं बाहालोखातुथिस श्वतिर्थया स्नानदिनजुल फाल्गुनया पुर्णमास श्वत्यदिनस पार्वतीन अस्नानयानाव तीति-
गेश्वर धयानाम श्रीमहादेवयाके तपस्यायात अन्येगउपचारनं दयकाव श्रीरुण्ड केसरी कपुरकस्तुरी लिहाए धु-
पथनार पुजायात पार्वतीन ना २ माथन पुजायानाव तोत्रप्रार्थनायानाव व्रतसंपुर्णयात ॥ ४७ ॥ श्वनली हनं
श्रीपार्वतीन उदकुण्ठतिर्थस विज्यात श्वथायजुल एलदेसशं कापक्षतुथिस श्वतिर्थया स्नानदिनजुल चैत्रकृष्णया
दुतीया माघकृष्णया चतुर्दसि श्वत्यदिनस पार्वतीन अस्नानयानाव कुपितेश्वर धयानाम श्रीमहादेवयाके तपस्या-
यात अन्येकविधी पुर्वकन पुजायानाव श्वनली पार्वतीन श्रीमहादेव पुजायानाव धाल भोपरमेश्वर श्रीमहादेव
जिगुलीपुजान भक्तिन छलपोल संतोखजुयमाल धकं धयाव व्रतसंपुर्णयात ॥ ४८ ॥ श्वनली हनं पार्वतीन गो-
कुण्ठतिर्थस विज्यात श्वथायजुल एलदेसशं कोनतिस श्वतिर्थया स्नानदिनजुल चैत्रकृष्णया चतुर्दसि श्रावणशु-
क्रया पुर्णमास श्वत्यदिनस पार्वतीन अस्नानयानाव सर्वेश्वर धयानाम श्रीमहादेवयाके तपस्यायानाव धाल भो

५६

सर्वेश्वर महादेव जिगुलीपुजाभक्तिन छलपोल सतोखजुयाव जितवरदान प्रमन्नजुस्य विज्यायमाल धकं पार्वतीन
प्रार्थनायानाव व्रतसंपुर्णयात ॥ ४९ ॥ श्वनली हनं रुद्रतिर्थस विज्यात श्वथायजुल वताबुस कोताखुवलपुम पो-
मिहोस श्वतिर्थया स्नानदिनजुल चैत्रकृष्णया अष्टमि कार्तिककृष्णया अष्टमि श्वत्यदिनस पार्वतीन अस्नानयानाव
गोलेश्वर धयानाम महादेवयात अन्येगविधी पुर्वकपुजायानाव पार्वतीन धाल भोपरमेश्वर महादेव जिगुनादया-
प्रमन्नजुस्य विज्यायमाल धकं ना २ माथन तोत्रयानाव व्रतसंपुर्णयात ॥ ५० ॥ श्वनली हनं पार्वतीन नवलीगो-
तिर्थस विज्यात श्वथायजुल नैगवातस श्वथायया स्नानदिनजुल चैत्रकृष्णया अष्टमी श्वत्यदिनस पार्वतीन अ-
स्नानयानाव चमरात्येश्वर धयानाम महादेवया स्येवायात भोमहादेव छलपोल शिके कोटि २ दण्डवतप्रणाम
जिगुभावभक्तिन छलपोल सतोखजुयाव वरदानविद्याव विज्यायमाल धकं पार्वतीन ना २ माथन भावनायानाव
प्रार्थनायानाव व्रतसंपुर्णयात ॥ ५१ ॥ श्वनली हनं पार्वतीन वक्षेश्वर धयानाम महादेवयाथास विज्यात श्वथाय-
जुल ईचंगुस श्वतिर्थया स्नानदिनजुल माघकृष्णया चतुर्दसि श्वत्यदिनस पार्वतीन जक्षतिर्थस अस्नानयानाव
पार्वतीन जक्षेश्वर धयानाम महादेवयाके तपस्यायात अन्येगसामाग्री दयकाव धुपदिपनैव्यय फलफुल पक्वान
दयकाव पुजायानाव पार्वतीन ना २ माथन तोत्रप्रार्थना यानाव व्रतसंपुर्णयात ॥ ५२ ॥ श्वनली हनं पार्वतीन
पिणारकीतिर्थस विज्यात श्वथायजुल त्रखाया एतास श्वतिर्थया स्नानदिनजुल चैत्रकृष्णया चतुर्दसि श्वत्यदिन-

स्वस्था
५७

पार्वतीन अस्नानयानाव बर्निवेश्वर धयानाम महादेवपुजायात गथेपुजातभालसा धुपदिपनैवद्य दयकाव पो
डशउपचारन पुजायानाव पार्वतीन धाल भोपरमेश्वर महादेव जिगुली पुजाभावन छलपोल सतोखजुयमाल ध-
विज्यात धव्यलस धर्मतिथ्यनकाव अस्नानसध्यातर्पणा यानावचोन थथायजुल चणुतिगामस थतिथ्या स्ना-
नदिनजुल ज्येष्ठकृष्णया अमावास्या थव्यदिनस पार्वतीन अस्नानयानाव धर्मेश्वर धयानाम महादेवपुजायाना-
व अन्येगउपचार दयकाव षोडसउपचारन पुजायात भावनायानाव पार्वतीन जपध्यानयानाव भोधर्मेश्वर म-
हादेव जिगुली पुजान छलपोल सतोखजुयाव विज्यायमाल जितकृपायानाव विज्यायमाल धकं पार्वतीन आसि-
ल्लिचकाव अणनं गोकरणम विज्यात विज्यानाव पितामह तिथस विज्यात थतिथ्यस स्नानदिनजुल थतिथ्यस
अस्नानयानाव विज्यात चैत्रकृष्णया अमावास्या भाद्रकृष्णया चतुर्दसि श्रावणकृष्णया अमावास्या थव्यदिनस
पार्वतीन अस्नानयानाव विज्यात पार्वतीन गोकर्णेश्वर धयानाम महादेवयाके तपस्यायात पर्वकालस जक निरा-
हारयानाव रात्रीस परणयानाव घेलया गतछोएकाव रात्रिस जागरतचोनाव जपध्यानयानाव अन्येगपुणनादी
पाठसस्त्रनाम पदलपाव पार्वतीन आज्ञादयकाव भोपरमेश्वर महादेव छलपोल गथीडह्मालसा दुखिदरिद्र उ

५७

धारयानाव विज्याकह्म छलपोलयाके कोटी २ नमस्कारधकं पार्वतिन वर्तसंपुर्ण यात ॥ ५५ ॥ थनलीहनं पार्वति-
न सखिपनीस्यन लिचकाव अननं रुद्रधया माहातिथ्यन विज्यात थथायजुल कोटिवाहालस थतिथ्यस स्नानदि-
नजुल चैत्रकृष्णया चतुर्दसि थतेदिनस पार्वतिन स्नानयानाव कोटेश्वर धयानाम माहादेवयाके धुपदिपनैवद्य प-
क्रान ताजुल फलफुलदएकाव पुजायात पुजाधुनकाव तोत्रप्रार्थना यानाव वर्तसंपुर्ण यात ॥ ५६ ॥ थनलीहनं
पार्वतिन वाग्मतीगङ्गा तिथ्यसविज्यात थथायजुल वथनिस थतिथ्यया स्नानदिनजुल चैत्रशुक्लया चतुर्दसि थते-
दिनस पार्वतिन स्नानयानाव वानेश्वर धयानाम माहादेवयाके स्थवायात गथेधलसा त्रिशूलडमरु शुशा सुवर्ण
या दएकाव माहादेवयात छायाव धुपदिपनैवद्य दएकाव पक्रान मिसा फल नानासुगन्ध स्नान चन्दन थमननं
फकोसामाग्री दएकाव माहादेव पुजायानाव जपध्यानयानाव तोत्रपाठ आदीनं यानाव परमेश्वरयाके पार्वतिन
आनिखफोनाव वर्तसंपुर्ण यात ॥ ५७ ॥ थनलीहनं पार्वतिन मयुरतिथ्यस विज्यात थथायजुल बरारस थति-
थ्यस स्नानदिनजुल चैत्रकृष्णया अष्टमी चैत्रशुक्लया दशमी थतेदिनस पार्वतिन स्नानयानाव गोपालेश्वर धयाना-
म माहादेवया सेवायात घेलकटिसाखल धउ दुरुमधी गवण्वाल सुखसुधी थमनंदएकाव फको पदार्थदएकाव मा-
हादेव पुजायानाव तोत्रप्रार्थना यानाव थवमननं लुवाञ्छायानाव गुगुलीवाञ्छा पुर्णजुयमालधकं पार्वतिन आ-
शिखफोनाव वर्तसंपुर्ण यात ॥ ५८ ॥ थनलीहनं पार्वतिन ज्ञानकण्डातिथ्यस विज्यात थथायजुल बालसुकीयथास

श्वतीर्थया स्नानदिनजुल चैत्रशुक्लया एकादसी श्रावण शुक्लयापुर्नेमा थोतेदिनस पार्वतिन नमस्कार यानाव पर्व-
त्यस्वर ध्यानाम माहादेव पुजायानाव अनेग गन्धधुपदीप नैवद्य पञ्चामृत घेल मधी खधी फलफुल दण्डकाव
पार्वतिन धाल भोपर्वत्यश्वर माहादेव जिगुली पुजास्तुतिनं छलपोल संतुष्ट जुषमालधकं पार्वतिन नानामाथनं
तोत्रयानाव छेमाफोनाव स्नानकाकाव वर्तसंपुर्ण ॥ ५९ ॥ थोनलीहनं पार्वतिन जलेश्वरतिर्थस विज्यात थोथास-
जुल गुयाकोस खुसियाधुस स्नानयानाव चैत्रशुक्लया तृतीया थोत्यदिनस पार्वतिन स्नानयानाव जलेश्वर धया-
नाम माहादेवया दर्शनयानाव अनेग सामाग्रीदण्डकाव विधीपुजायानाव थोनली तोत्रयानाव वर्तसंपुर्ण यात ॥
६० ॥ थोनलीहनं पार्वतिन गुजेश्वरीतिर्थस विज्यात थोथायजुल बुकस थोतिर्थया स्नानदिनजुल चैत्रशुक्लया च-
तुर्दसि आश्विनकृष्णया अष्टमी चतुर्दसी थोत्यदिनस पार्वतिन स्नानयानाव श्रीगुजेश्वरिदेविके भोगछायाव मा-
लछिपुजायानाव पद्मआनन्दन तपस्यायात भोपरमेश्वरधकं प्रार्थनायानाव वर्तसंपुर्ण यात ॥ ६१ ॥ थोनलीहनं
पार्वतीन आज्ञादण्डकाव भोसखी जयाविजया धर्मसिला आव रुद्रमहस्रतिर्थस वनेनुयोधकं आज्ञादण्डकाव थोत्य-
पार्वतिया आज्ञानेनाव सखिपनीस्यन विनतीयानाव भोश्री पार्वतिदेवी जिवसे विज्याहुनेधकं विनतीयात थोत्य-
सखिपनीसिया वचन भाखान्यनाव पार्वतिन रुद्रमहस्र तिर्थस विज्यात थोथायजुल वालावुचोस थोतिर्थया स्ना-
नदिनजुल चैत्रशुक्लया पुर्नेमा वैशाखशुक्लया अष्टमी कार्तिककृष्णया चतुर्दसि थोतेदिनस पार्वतिन स्नानयानाव

किरातेश्वर ध्यानाम माहादेवयाके तपस्यायानाव अनेग उपचार दण्डकाव पुजायात हुनं नानामाथनं जपध्यान
यानाव तोत्रयात भोकिरातेश्वर माहादेव जिगुली पुजानं तोत्रन छलपोल संतुष्ट जुषमालधकं पार्वतिन प्रार्थना-
यानाव वर्तसंपुर्ण यात ॥ ६२ ॥ थोनलीहनं पार्वतिन आकाश भैरवतिर्थस विज्यात थोथायजुल गोलदेशयाको-
नेस थ्वतीर्थया स्नानदिनजुल वैशाखकृष्णया नवमी मङ्गसिर कृष्णया आमावास्या थ्वत्यदिनस पार्वतिन स्नान-
यानाव भस्मेश्वर ध्यानाम माहादेवयाके तपस्यायात अनेग उपचारदण्डकाव षोडश उपचारनं पुजायात थ्वत्यधु-
नकाव माहादिपछोण्डकाव माहादेवप्रिटिन सुवर्ण दक्षिनावियाव ब्राह्मणयात बियाव हनंखरिभोजनयातकाव थ्व-
नली पार्वतिन तोत्रप्रार्थना यानाव वर्तसंपुर्ण यात ॥ ६३ ॥ थ्वनलीहनं पार्वतिन स्वद्वसखिन लीचकाव अननं
ब्रानकुण्ड तिर्थस विज्यात थ्वथायजुल ग्वलभोतस नालास आज्ञानेबास थ्वयास्नान दिनजुल वैशाखशुक्लया एका-
दसी माघकृष्णया अष्टमी पौषशुक्लया चतुर्दसि थ्वत्यदिनस पार्वतिन स्नानयानाव भुवनेश्वर ध्यानाम माहादे-
वयाके स्ववायानाव अनेग बिहिल घेलकष्टी हामोल तछो शादुरु थ्वतेधुनकाव जपध्यान यानाव तोत्रयानाव
आसिखफोनाव भोभुवनेश्वर माहादेव जिगुली मननं भालपावगुली वाञ्छापुर्णयाना विषमालधकं पार्वतिन प्रा-
र्थनायानाव वर्तसंपुर्ण यात ॥ ६३ ॥ थ्वनलीहनं पार्वतिन रुद्रस्नानतिर्थस विज्यात थ्वथायजुल मृगस्थलीगोलस थ्वतीर्थ
यास्नानदिनजुल वैशाखकृष्णयात्रयोदसी आपादशुक्लयापुर्नेमा थ्वतेपर्वकालस पार्वतिनस्नानयाना रुद्रगालेश्वरधया

नाम माहादेव्यास्यवायात गथेधालसा चतुर्कोनसमिछोएका रात्रीसजागर्नाचोनाव रात्रीयानिपहल वनवेळस पोड-
सउपचारदयकाव पुजायात हनं महादेवया सिळस क्षीरधाराहायकाव बेलपत्रन पुजायात हनं बेलपत्रन जग्यया-
नाव थमनं बेलपत्र पारणयानाव हनं लुया त्रिशुलदहचा दयकाव महादेव प्रितीन ब्राह्मणयात दानवियाव हनं
भोजनादियातकाव दक्षीणा वियावछोत थव्यधुनकाव पार्वतीन तोत्रयानाव प्रार्थनायानाव वर्तसंपुर्णयात ॥६४॥
थ्वनळी हनं पार्वतीन पशुपती महादेव पुजायात कार्तिकशुक्लया पुर्णेमासिखुन्ह अन्येगपदार्थ डयकाव पोदशस-
पचार दयकाहयाव त्रीशुलमडरु थुशा थव्यदयकाव महादेवयात दहलपाव ब्राह्मणयात दातर्भ्यवियाव हनं अन्ये-
गसामाग्री दयकाव अतित अभ्यागत भोजनयातकाव दक्षीणा वियाव अतित सतोषयानाव पार्वतीयात आसि-
र्वादवियाव थव २ आश्रमस विज्यात थ्वनळी पार्वतीन रत्नयासिंघाशन दयकाव ब्राह्मणपनीष्ट अगअलंकार स-
हित दयकाव पुजायानाव भोजनादियातकाव दक्षीणावियाव थवरत्नया सिंघासन महादेव प्रितीयानाव ब्राह्मण-
याताबिलं थव्यलस ब्राह्मणपनीस्यन पार्वतीयात आसिर्वाद वियाव थव २ आश्रमस विज्यात थ्वनळी हनं पा-
र्वतीन थवते चतुर्पष्टि लिंगजात्रायाय धुनकाव दकोसखि पनीतिचकाव पार्वतीन हेमाल ए पर्वतसं लिहाविज्या-
त थव्यलस हेमाल ए ब्राह्मण मेनकान थवपुत्री पार्वती सखिपनी सहितण यानाव वगुस्वयाव मुसुन्हुनहिलाव
मेनकान वायोपुत्री घकं पार्वतीबुयाव मुखचुम्बनादि यानाव धाल भोपुत्री पार्वती छनलुकामनायाना लिंगजा-

त्रयानाव हनं अनेगतपस्या दानपुण्ययानाव तिर्थजात्रायात थव्येन छनलुकामनायाना वगुळी पुर्णजुयमाल धकं आ-
मिर्वाद वियाव स्वह्ममचा आनन्दन विज्याकगुखजुल कुमारनं अगस्त्यमुनी यातकनगुखजुल नैमिसारन्य व-
नम सुतनं सौनकादि चयच्यादोल ऋषिपनीष्ट कनावविज्यात ईतिश्रीस्कदपुराणे माघमाहात्मे केदारखन्डे चतु-
र्पष्टिलिंगजात्राकथासपुर्ण अष्टमेध्याय ॥ ८ ॥ अस्मास्तोउवाच हनं पुनर्वाद अगस्त्यमुनी श्वरनं कुमारयाके विन-
तीयत भोकुमार छलपोलस्यन आज्ञादयकाव खडेनाव जिमनस महाउत्साहा जुवतिनी जिचित्तमंतोख मजुवनी
गथेधालसा थवह्मपार्वतीन देवयाके धर्मलु २ यातधकं थवखसमस्त विस्तारन कस्यविज्यायमाल धकं अगस्त्य
मुनीश्वरनं कार्तिक कुमारयाके विनतीयास्यालि थन कुमारन आज्ञादयकेत्यन स्कदउवाच थ्वनळी कार्तिक कु-
मारन अगस्त्यमुनी यास्वाळ स्वयाव आज्ञादयकाव हेअगस्त्यमुनी श्वरधकं छलपोलयात पार्वतीदेवि जन्मजुवगुख
पार्वतीन तपस्यायाकगुख चतुर्पष्टी लिंगजात्रायाकगुख थवखसमस्त छनतकनेधुन आवहनं पार्वतीन तपस्याया-
कगुख थवखसमस्त संपुर्णयाना जित कनेमालधकं छनएक चित्तयानाव न्यवधकं अगस्त्यमुनी श्वरयान कुमार-
रनं आज्ञादयकस्य विज्यात थ्वनळी हनं पार्वतीन पुनर्वाद लु व्रतयातधालसा आषाढया पुर्णेमासिखुन्ह शिव
लिंगस्थापना यानाव छन्हु एकभक्त यानाव छन्हु गोमुत्रपारन यानाव आमावास्य संक्राती अष्टमि एकादशि
चतुर्दशि नवमिवर्त थव्य निराहारयानाव वर्तयात हनं पार्वतीन महादेवयाके मळास्ये लुवस्तुकनइवमखु सम-

स्त महादेवयाके छायाव ब्राह्मणयात वल्लिबीयाव मोक्षे भोजनयात काव वल्लिथमन नयाव पारनयानाव शुगुली
प्रकारन वर्तयानाव ध्वनली पुर्णेमासिखुन्हु धुपदिप नैव्यद्यकाव समस्त महादेव प्रितीन वियावचोन हनं
त्रिपुरुषसदान विल हनं अन्नपान रत्नमणी माणीक समस्त पुर्णयानाव तेछोदानविल ध्वनली महादेव प्रितीन
भोजनादियातकाव महादेवयात तोत्रयानाव चोन भोपरमेश्वर महादेव जिनयानाव पुजाकर्मन छलपोल संतो-
खजुस्य विज्यायमाल मोईश्वर जिगुपायाह विज्यायमाल धकं प्रार्थनायानाव आषाढ मैनाया व्रतसपुर्णयात
॥ १ ॥ हनं पार्वतीन श्रावणमासया व्रतआरंभयात पुनर्बाद शिव लिंगस्थापना यानाव रात्रीस पुजायानाव त्रि-
न्यधान धयानाहालवाया बजिदयकाव घेलकष्टी साखलन वालाव महादेवयात छायाव ब्राह्मणयात वियाव थम-
नं पारनयानाव शुगुलीप्रकारन व्रतयानाव श्रावणमास पुर्णजुयाव षोडशउपचारन धुपदिप नैव्यद्य फलफुल
ताम्बुल दयकाव महादेव पुजायानाव हनं पुर्णेमासिखुन्हु पन्चवर्णयानाव सुवर्णया घलदान वियाव महादेवप्रि-
तीन भोजनादियात काव ध्वनली सुर्तिव्यायधुन काव महादेवयाके प्रार्थनायानाव तोत्रयात भोपरमेश्वर महादे-
व छलपोलया चरणकमलस कोटि २ नमस्कार जिअग्यानी मिसाजाती थोतेनं यानाभाक्तिन छलपोल सतोख
जुयमातुधकं धयाव शुगुलीप्रकारन प्रार्थनायानाव श्रावणमासया व्रतसंपुर्णयात ॥ २ ॥ ध्वनली हनं पार्वतीन
भाद्र मासयावर्त आरंभयात एक भक्तयानाव पर्व कालजक निराहारयानाव शिव लिंगदयकाव थापनायानाव

पुजामान्ययानाह चोन ध्वनली पुर्णेमासिखुन्हु अनेगउपचार दयकाव शिव लिंगदयकाव पुजायानाव ब्राह्मण-
यात पुजायानाव अन्येग उपचार दयकाव अन्येग पदार्थदयकाव भोजनादि यातकाव हनं पार्वतीन महादेवया
तोत्रयानाव प्रार्थनायानाव भोजगदिश्वर महादेव जिगुली भाद्रपदमासया व्रतसंपुर्णयात ॥ ३ ॥ ध्वनली हनं पा-
र्वतीन आश्विन मासयावर्त आरंभयात स्यबक महादेवयात पुजायानाव बेलपत्रन जग्ययानाव बेलपत्रन प र न
यानाव शुगुलीप्रकारन वर्त यानाव पार्वतीन पर्वकालस जक निराहार यानाव शुगुलीप्रकारन मास पुर्णजुयाव
पुर्णेमासिखुन्हु अन्येग उपचार दयकाव हामोलया देवस्थानदयकाव ध्वजपताक दयकाव देवथल्लस रत्नयाशिव
लिंगथापनायानाव हनं गौदान वियाव महादेवप्रितीन शुवर्णया जोनादयकाव ब्राह्मणयात दानवियाव इक्ष्वाभो-
जन यातकाव महादेवयात तोत्रयानाव चरणस कोटि २ नमस्कार यास्या प्रार्थनायानाव चोन भोश्रीमहेश्वर जि-
नयाना पुजातोत्रन छलपोल सन्तोखजुस्य विज्यायमाल धकं प्रार्थनायानाव आश्विन मासया वर्तसंपुर्णयात ॥ ४ ॥
ध्वनली हनं पार्वतीन कार्तिक मासया वर्तआरंभयात हनं संकर महादेव पुजायात चाकलमट आदि महारिप
छोयकाव क्षिरभोजन यातकाव घेलसाखल सहिनदयकाव महादेवयात छायाव श्वह्य महादेवया प्रशाड अर्द्ध-
भाग ब्राह्मण यात छायाव ध्वनली अर्द्धभागधमन पारनयानाव पर्वकालसजक निराहारयानाव चोन शुगुलीप्रका-
रन वर्तयानाव रात्रिस जागर्तनाचोनाव मासपुर्णजुयाव पुर्णेमासिखुन्हु महादेव पुजायानाव ना २ फलफुल छा-

स्वस्था
६१

याव हनं श्रीमहामारि धान्येया पोतायदयकाव सारिब्यधयास्वान वानकि जाकिया पोतान दिवाज्जानाव मत-
छोयकत्त हनं सारिधान्येन पर्वतदयकाव असंख्ये लिंग दयकाव थवपर्वतस अन्येगध्वजाछत्र पताक दयकाव
रत्नतोकपुयाव थवपर्वत महादेवप्रतीन ब्राह्मणयात विधीपूर्वकन पुजायानाव दक्षीणा वियाव सुवर्णया पर्वत-
स जगदिश्वर महादेवप्रतीन ब्राह्मणयात दानविल हनं सावान लिचकाव पितवर्नदान वियाव सुवर्णया अलं
कारन तियकाव महादेवप्रतीन ब्राह्मण पनीष्ठविल हनं कालशाया छेगुलीस हनं रत्नमणी माणीक सुवर्ण दान-
विल हनं सालिकी जाकिदयकाव थुकिया क्षिरभोजन घेलकष्टीसाखल त्रिमधु संजुक्तदयकाव ब्राह्मण सतोख-
जुयक भोजनयात काव विस्वेश्वर महादेवयात तोत्रयात भोपरमेश्वर जिगुली भक्तिन पुजान छलपोल संतुष्ट-
जुयाव दयाप्रमत्तजुमाल धकं प्रार्थनायानाव कार्तिक मासया वर्तसंपूर्णयात ॥ ५ ॥ थवनली हनं पार्वतीन मं-
सिरमासया वर्तआरंभयात थववर्ततिजुत्त उगाकुण्ड धयातिथस वनाव थवथायजुल सिखंधया छगुलिदु थुगुलीन-
क्षत्रस स्वह्ममखिनं सहितयानाव शिवलिंग दयकाव पुजायानाव चोन हामोल साखल घेलन संजुक्तयानाव
महादेव यात छायाव ब्राह्मण भोजनयातकाव थमन पारणयानाप हनं एक चितन हुवस्तुजुलसा महादेवयात
मछास्ये मनसंतोखमजुव थुगुलीप्रकारन वर्तयानाव पर्वकालजक निराहारयानाव पुर्णेमासिखुन्हु अनेग उपचार
दयकाव पक्वान दयकाव महादेवयात छायाव वावळि सुवर्ण चुनवक्षी तयाव सुभयरुपवर्त दयकाव सुवर्णया

६१

सिंघ सुवर्णया वृक्षे लुतादयकाव रत्नयास्वान होयकाव रत्नयाफल फुलमयकाव थवपर्वत महादेव यात छायाव म-
हादेव प्रतीन ब्राह्मण यात दानवियाव हनं वानथवह जयानाव रत्नन तोकपुयाव शुवर्णया अर्कान्तिय काव
गौदानइत्यादि दानवियाव ब्राह्मणयात भोजनयातकाव महादेव यात तोत्रयात भोपरवह महादेव जिगुभक्तिन
छलपोल हर्षमान जुस्य विज्यायमात्त धकं पार्वतीन प्रार्थनायानाव मन्सिरमासया वर्त संपूर्णयात ॥ ६ ॥ थवनली
पार्वतीन मासपती थुगुलीप्रकारन वर्त यानाव महादेवया दर्शनमलानी धकं आज्ञादयकाव हनं पुनर्वाद सखिपनी
स्वातस्वयाव आज्ञादयकल हेमाखि जयाविजया धर्मासिला जिमनस वर्तथाय इक्षाजुलतिनी छानधालसा महादे-
वया दर्शनमलाकनी धकं आज्ञादयकल थवत्यन व्रतयाय भालापातिनी धकं धयाव थवव्यलम सखिपनी स्वह्म-
स्यन धाल यास्यविज्याहुन्ये धकं धयाव पार्वतीन हनं पौषमासया वर्त आरंभयात मृतीन शिवलिंग दयकाव
नित्य २ पुजायानाव साजाकिन क्षिरथुयाव घेल साखलन कष्टिन संजुक्तयानाव महादेव यात डोहलपाव ब्राह्म-
णयात भोजनादि यातकाव थमन पारणयानाव मासपुर्ण जुयाव पुर्णेमाखुन्हु समस्त उपचारदयकाव अनेग-
स्वानछायाव महादेवपुजायात अन्येग द्रववस्तु द्वाफोलखां सुवर्णया ज्वनादयकाव महादेवयात तोत्रयानाव भो-
परमेश्वर महादेव जिगुलिपुजान भक्तिन छलपोल संतुष्टजुयमाल धकं पार्वतीन प्रार्थनायानाव पौषमासया व-
र्त संपूर्णयात ॥ ७ ॥ थवनली हनं पार्वतीन जुलसां माघमासया वर्त आरंभयात शिवलिंग दयकाव पुष्पधुप-

25

20

15

10

5

0

स्वस्था
६२

दिप दयकाव नैव्यद्यइत्यादि दयकाव सातिधानेया जाकी हामोलनं संयुक्तयानाव क्षिरदयकाव दुरुदयकाव ध-
ली घेलकष्टि साखलन संयुक्तयानाव महादेवयात डोहलपाव ब्राह्मणयात अर्द्धभागवियाव थमन अर्द्धभाग पार-
णयानाव युगुलीप्रकारन वर्तयानाव पर्वकालजक निराहारयानाव थुगुप्रकारन मासपुर्णजुयाव पुर्णेमासिखुनु पाड-
सउपचारदयकाव महादेवपुजायानाव अन्यगफलफुल्लयाव ब्राह्मणपनीष्ट सदायाथ्यं भोजनयातकाव दक्षिणवि-
याव महादेवयात प्रार्थनायाना भोपरमेश्वर जिगुलिश्रद्धाभक्तिन छलपोलसंतोषजुयाव विज्यायमालधकं पार्वतीन
प्रार्थनायानाव माघमासया वर्तसंपुर्ण यात ॥ ८ ॥ थ्वनलीहनं पार्वतिन फाल्गुणमासया वर्तआरम्भ यात मिवली-
ज्ञथापना यानाव पञ्चामृत आदी पुष्प धुपदीप नैव्यद्य षोडशउपचार दयकाव नित्यपुजा यानाव घेल मधी सा-
खलमधी दुदुगुदयकाव ह्यापायाथें श्रीमाहादेवयात डोहलपाव श्रीमाहादेवयात प्रार्थना यानाव ब्राह्मणपनीष्ट अ-
र्द्धभागवियाव ह्यापायाथें अर्द्धभाग थमनपारन यानाव मासपुर्णजुयाव पुर्णेमासिखुनु विधीपुर्वकथें श्रीमाहादेव
पुजायानाव अनेग फलफुल वस्तुपताक ध्वजा सुवर्न रत्नइत्यादी दयकाव श्रीमाहादेव पृतीनं ब्राह्मणयात दानवि-
याव भोजनादी यातकाव तछोया सतुदयकाव पञ्चामृतनं संयुक्तयाना भोगदयकाव माहादेवयात तोत्रयानाव
भोपरमेश्वर जीश्रद्धाभक्तिन छलपोल सन्तोषजुस्य प्रज्ञजुस्य विज्यायमालधकं पार्वतिन प्रार्थनायानाव फाल्गुणमा-
सया वर्तसंपुर्ण यात ॥ ९ ॥ थ्वनलीहनं पार्वतिन चैत्रमासया वर्त आरम्भयात श्रीविश्वेश्वर माहादेव पुजायानाव

६२

धुपदीप नैव्यद्य फलफुल्लदयकाव नित्य २ पुजायानाव तछोया सतुदयकाव घेलकष्टि साखल ह्यायाव मधीदयकाव
माहादेवयात लवहानाव स्ववब्राह्मणयात वियाव दानदातव्य यात अर्द्धभाग थमन पारनयानाव मासपुर्णयाना-
व पुर्णेमासिखुनु विधीपुर्वकन माहादेव पुजायानाव अनेग फलफुल वस्तुदयकाव ध्वजसुवर्नया जोनादयकाव स-
मस्तइत्यादि माहादेव पृतीनं ब्राह्मणयात दानवियाव भोजनादी यातकाव तछोयामतु पञ्चामृतनं संयुक्तयानाव
भोगदयकाव माहादेवयात तोत्रयानाव भोपरमेश्वर जिगुभक्तिमर्थान छलपोल सन्तोष जुयमालधकं पार्वतिन प्रा-
र्थनायानाव चैत्रमासया वर्तसंपुर्ण यात ॥ १० ॥ थ्वनलीहनं पार्वतिन वैशाखमासया वर्त आरम्भयात शिवलिङ्ग
स्थापना यानाव आकामनं जल धाराहाणकाव पञ्चामृतआदी पुष्प धुपदीप नैव्यद्य फलफुल सुखमुधी थमनं द-
यकाव एकफको सामाग्री षोडशउपचार दयकाव नित्य २ पुजायानाव घेलमधी साखल दुरुदयकाव ह्यापायाथें श्रीमा-
हादेव पुजायानाव डोहलपाव गोश्रृंगा दयकाव गोश्रृंगा पारनयानाव चोन गोश्रृंगा धयासायाड कुलिसचाड ल-
खतोनाया पुण्यगुलीदु धाळसां कोटि १००००० सादान वियागु फलदु उगुलीफल छपोल जकतोनानं फललाक-
धकं थथीडगु गोश्रृंगाजक पारनयानाव वर्तयात हनं पर्वकालस जक निराहारयानाव हस्तानक्षत्रनं संयुक्त अ-
गार अक्षयतृतियाखुनु माहादेव पृतिन दरिद्रब्राह्मणी पुजायानाव सुवर्णया कलम वृक्षदान वियाव हनं पार्वतिन
सुवर्णयामिसा सररुनखचीत यानाव रत्नया स्वानहोणकाव सिमाया कच्चास रत्नयाफ फुल सयकाव सिमाया गु-

40

लितक्षन दण्डाव तवगुलीसं युक्तयानाव थुगुली प्रकारनं दण्डाव पुर्नेमासिखुनु इक्षामोजनादी यातकाव पार्व-
तिन माहादेव पुजायानाव सालीकिया कैलास पर्वतदण्डाव चतुर्दिगस चतुर्कुनस रत्नया दिगदयकाव माहादे-
वयात रत्नयादिगपाल दण्डाव ध्वजापताका चाकलमत माहादिप इत्यादी माहाविधीनं पुजायानाव सुवर्णादशि-
णवियाव चन्दविबु सुर्यविबु सुवर्णयाघळस देछायाव चेकन पुर्णयानाव माहादेव पृतिनं सान्यस अलंकारन
मुषळपाव दानवियाव माहादेवयात तोत्र प्रार्थनायानाव भोपरमेश्वर श्रीमाहादेव जिश्रद्धाभक्तिन छलपोल स-
तोप जुयमालधकं पार्वतिन प्रार्थना यानाव वैशाखमासया वर्तसंपुर्ण यात ॥ ११ ॥ थ्वनलीहनं पार्वतिन जेष्टमा-
सया वर्त आरम्भयात नाहालवाया सतुदण्डाव पसुपती श्रीमाहादेवयात द्रहलपाव ब्राह्मणयात सदायार्थे दा-
न वियाव परस्यख थगनं पारनयानाव पर्वकालस जक निराहार यानाव व्रतयानाव चोन जेष्टशुक्रया तृतिया
वज्रमी थ्वखुनुव्रतयायत उत्रमुख यानाव चतुर्दिगसं मिछोयकाव सुर्ययातेज सिलशफयाव थुगुली प्रकारनं श्री-
पार्वतिन उपचार व्रतयानाव थ्वनली माहाताप जुयाव नदिहलपाव वन थुगुली प्रकारनं पञ्चमी वर्तयुनकाव
दसहरा खुनु ब्राह्मणया म्हुतुस जज्ञयानाव गथे ब्राह्मणया म्हुतुस जज्ञयात धालसा घेल कटी साखल दुरुपञ्चा-
मृतनं संयुक्तयानाव समस्त ब्राह्मणपनीष्ट त्रिसुलकाव थुगुली प्रकारन जेष्टमासया पञ्चामृत वर्तसंपुर्ण यात १२
धनं कार्तिककुमारनं अगस्त्य मुनियातकनाव विज्याकगुखं नैमिशारण्य वनस मुतनं सौनकादी चयन्यादोल कृ-

पिपनीष्टकन ॥ इतिश्री स्कंदपुराणे माघमाहात्म्ये केदारखण्डे मास वर्तकथा नवमोऽध्याय ॥ ९ ॥ हनं पुनर्वाद अ-
गस्त्यमुनिनं कुमारयाके डेन थ्वह्यपार्वतिन मेवधर्म लु २ यात जितकमे विज्यायमालधकं विनती चाखली कु-
मारन आज्ञादण्डेतेन स्कंदउवाच हेअगस्त्यमुनिस्वर छनत कनेतेना हेवधकं पार्वतिजन्म जुयगु पार्वतिन तप-
स्यायागु क्षिमनिगुली महिनाया वर्तयागु थ्वसमस्त छनत कनेधुन आवहनं पार्वतिदेविन पुनर्वाद तपस्यायागु
खं कनेतेनाधकं कुमारनं अगस्त्यमुनिया ख्वालखयाव आज्ञादयकल थ्वनलीहनं पार्वतिन क्षिमनीगुली १२ म-
हिनाया मास पुर्णजुवखुनु श्रीपशुपतीस विज्यायानाव माहादेवयात श्रीखण्डादी अस्तसुगन्धन स्नानयानाव पति-
टवर वस्तुनंपनी हिलकाव अनेग नखाक चन्दन पुष्पछायाव साधेलन चाकलमत छोणकाव नाहालवाया जा-
कि हामोल पञ्चामृतनं संयुक्तयानाव नैवद्यदण्डाव खतुक्रुतया सिसाफल आदी चौरासी महिदण्डाव धली दुरु
ध्यलकष्टी दुरुहाणकाव हनं पार्वतिन सुवर्णया द्रहलपाव डमरु त्रिसुल द्रोहल आदीनं सुवर्णया दण्डाव ध्वजा
चामर पताका दण्डाव माहादेवयात द्रोहलपाव माहादेवया ह्वने तयाव अष्टसुगन्ध धुपदीप थनाव चमरनगा-
यकाव माहादेव पुजायानाव अष्टाङ्गप्रणाम यानाव हनं रात्रीस जाग्रत यानाव श्रीमाहादेवया ध्यान यानाव चोन
हनं प्रव कालजक षोडस उपचार दयकाव श्रीमाहादेव पुजाया नावब्राह्मण पनिष्ट सादान वियाव क्षत्रु
आदीन दानवियाव माहादेव पृतिन वस्तु ब्राह्मणपनीष्ट दानवियाव इक्षामोजन यातकाव थ्वनली ब्राह्मण पनि-

स्वस्था
६४

स्यन सन्तोष जुयाव आमिर्वाद तल भोपार्वतिदेवि छलपोलया मनोवाञ्छा मनकामना तत्कारण पुर्णजुयमालध-
कं आमिर्वाद वियाव पार्वतिदेविके वेदाफोनाव समस्तब्राह्मण पनीस आनन्दजुयाव थव २ थायसवन थवनली
पार्वतिन जुलसां माहादेवयाके प्रार्थनायात भोपरमेश्वर माहादेव जिगुली कष्टपुजाभाकिन छलपोल सन्तोष जु-
याव जिजन्म कृतार्थ यास्यविज्याय मालधकं प्रार्थनायानाव कामनायात भोसमिस्वस्वर छलपोल गधिहृदधाल-
सा पापिष्ट दुष्टपनी नामयानाव माधु धर्मतिर्मा पनीष्ट रक्षायानाव भक्तिजन उच्चारयानाव विज्याकहयात को-
टि २ नमस्कार भोजुगान्तकाल आदीमदु अन्तमदु अटिट अभ्यागतह छलपोल अतीशुलधयाह छलपोल गु-
णातिथधयाह छलपोल जोतीनं जोगनं लुयकेमजीवह छलपोल थथीह परमेश्वरया चरनपादुकाम सहस्रकोटि
२ नमस्कारधकं प्रार्थना यानाव कामनायात भोपरमेश्वर माहादेव छलपोलया थायस सदानापं चोनेदय मालध-
कं पार्वतिन कामना यानाव वर्तसंपुर्ण यात थवनली तपस्याधुनकाव थुगुली कथन पार्वतिन श्रीमाहादेव भज-
नायानाव चान थवनली तपस्यायाकगु खँ थवतेजुल थवनली वैकुण्ठम श्रीमाहाविष्णुन जुलसां पार्वतिन धर्मकर्मन
पुण्यन तपस्यायाक खनाव मनस आतिआश्चर्य चायान मनस भालपा थवह पार्वतियात छलेयानाव चरित्रनी
खलवनेधकं भालपाव चोनवेलम बृहल्लोकन नारदमुनिश्वर विज्यानाव श्रीनारायणयाके विनतीयात भोपरमे-
श्वर श्रीनारायण जिगुली विमती न्यस्य विज्याहुने लुधालसा छलपोल यात जोज्ञ जुयाव चोनह कन्या-

६४

छह हेमाल पर्वतया ह्याचछह दयाव चोन अत्यन्तन पद्मसुन्दरी जुयाव चोन छलपोलया लक्ष्मीया
सिनं बानलाक बतीस लक्षननं सन्जुक जुयाव चोन छलपोल यात जोज्ञजुयाव चोन कास्यविज्या
हुनेधकं धयाव थव्यलस श्रीनारायणनं आज्ञादएकल भोनारद ऋषिश्वर झिजित विजुलाधकं धयाव थवेलस ना-
रदमुनिश्वरन धाल छायधन्दा कास्यविज्याना जिवनाव थथे थेकान लिसलदएकाव वयधकं धयाव वन थवनली
नारदमुनिश्वर हेमालयया थायस थेनकलवन थवनली पर्वतराज हेमालयया हेवने नारदमुनिश्वरनं विनतियात
भोहेमालय जिगुली विनति न्यस्यविज्याहुनि लुधालसा छलपोलया ह्याच पार्वतिहृद श्रीनारायणगत विस्य-
विज्याहुन्यधकं विनतीयात थवेलस हेयालयन अतिखुसिजुयाव धाल भोनारदमुनिश्वर जिवखेधकं धयाव थवे-
लस नारदमुनिश्वरनं थेकान दएकाव व्यलाकयाव नारदमुनिश्वर लिहावन थवनली नारदमुनिश्वर लिहावयाव
श्रीनारायणया हेवनेवनाव लिसलकन श्रीनारायणनं अतिहतासचायाव धन्य २ नारदधकं आज्ञादएकाव थवआ-
श्रमस विज्यात थवनली हेमालयनं थवह्याच कन्यादान विययात मालको सामाग्री ताललानकाव जज्ञजोत्तन
तयारयानाव लुलुधालसा विहि वल घेल कष्टि साखल हागोल तछो मालको तयारयानाव नारदमुनि सलताव
दिनकेनाव थुखुनुधकं थेकानदयकाव छोट थवनली तेतिस्कोटी देवता जक्षगन्धर्व किन्नर दैत्यदानव अप्सरा इन्द्रा
दि प्रभृती देवलोक सकले निमन्त्रणा याकल छोयाव गुरुबृहस्पती ऋषिलोक बोनकल छोयाव जज्ञयायन तयार

जुल थवेल्स श्रीनारायण थवनकल विज्यात थवेल्स हेमालयनं श्रीनारायण विज्याक खनाव गुरुबृहस्पतिन ज-
ज्ञातकाव चोन थवनली मेरुकानं थवह्मन्थाच यात अनेग जरिजरावतया वस्त्रनं पुनकाव तिसान तिष्काव मणि
माणिक तिसान तियकाव तर थवनली पर्वतराज हेमालयन गुरुबृहस्तीन जज्ञकर्म मालको संपुर्णयानाव कन्या-
दान विज्यात तयारयात थवेल्स जयाविजया धर्मसिला सखिपनीस्यन धाल भोपार्वतिदेवि जिपनी विनती ने-
स्य विज्यायमाल हुधालमा थनी छलपोलजा कन्यादान विज्येन खवलाधकं धयाव थवतेजयाविजया धर्मसिला
स्वह्मसखिया वचन भाखानेनाव थव्यलस पार्वतिन मुखधकं धाल थवेल्स हनं जयाविजया धर्मसिला स्वह्मस-
खिपनिस्यन धाल जिपनिस्त हेरुके मुम्बाल जिपनस्यन मासियालाधकं धयाव थवेल्स थवखगथेधकं पार्वतिन
सखिपनीके डेन थवेल्स जयाविजया धर्मसिला स्वह्मसखिपनी स्यन कन हाकनं खळिजां छलपोल वोनकलह-
ईन धकंधयाव थवेल्स सखिपनी वचन भाखाडेनाव पार्वतिन धाल आवगथेयायमालधकं जिनजा माहादेवयाभ-
जनायानाव चोनाधकं धंदाकयाव पार्वतियामनस विखाद चिन्तना यानाव खोयाव चोन थवेल्स सखिजया विजया
धर्मसिला स्वह्मस्यन फयाथ्ये बोधवियाव चोन अथ्यन बोधमजुयाव सखिजयाविजया धर्मसिला स्वह्मस्यन धा-
ल आमथ्यजुस्यली थनचानेमुखत अनजोग्य संपुर्णजुल छलपोलया बुवाज्यून थनचोनधकं तिष्काव छलपोलल-
एकाव वोनावयनीव आवज्जिजीस सुनानंमखन थायस शुलावचोने नुयोधकं धयाव थवते जयाविजया धर्मसि-

ळा स्वह्मसहित सखिपनीसिया वचनभाखाडेनाव पार्वतीन जुलसां अगम्यथायस सुयाग्वचर मदुथायस कण्ठ-
यादथुस खुसियाथायस शुलाव तययनं थवनली कन्यादान विज्यात वेळातेयाव हेमालयन थवपुत्री पार्वती वो-
नकलहळ थव्यलस पार्वती मदयाव चोन सकमनमालाव स्वलजुल स्वयास्वयाथास गननं लुयकमफयाव आ-
वगथ्य यायमाल धकं धयाव चोन हनं फचितजुल धकंधयाव गुरुबृहस्पती याथायसवनाव आव गथ्ययायमाल ध-
कं धन्दाकयाव चोन हनं स्नाहुतियानाव चोन थवगुरुबृहस्पती जुलसां आज्ञादयकल आमथ्यजुलसा जिमिस्थलु-
पाय आव शुगुदिनस मजिलधकं धयाव लज्याजुयकाव श्रीनारायण प्रभृतीदेव लोकयाके हेमालय पर्वतन वि-
नतीयानाव विदावियाव सकलदेवता लिहाविज्यात थवनली पार्वतीन खुसियासिथस चोनाव चळि जार्गतिनाया-
नाव माहादेवया मुर्तिभिन दयकाव पुजायानाव माहादेव आराधनायानाव चोन थव्यलस श्रीमाहादेव प्रतक्ष-
जुयाव पार्वतीया थासविज्यानाव आज्ञादयकल भोपार्वती छनछायजित आराधनायाना धकं श्रीमाहादेवन आ-
ज्ञायकाव विज्यात थव्यलस पार्वतीन जुलसां लाहात हाजळपाव विनतीयात भोस्वामि माहादेव जिन छ-
लपोल स्वामिलयमाल धकं भजनायानाव चोना हेईश्वर जितरक्षायाथ माल धकं अन्येगमाथन खोयाव विन-
तीयात जिजुलसां श्रीमाहाविष्णु यात कन्यादान विज्यात तयारयानाव जिथन विस्यवयाव सुलाळचोना भो-
स्वामि श्रीमाहादेव जितउधारयानाव विज्यामाल धकं अन्येगमाथन विषादचित यानाव विनतीयात थव्य-

स्वस्था
६६

लस श्रीमाहादेवन आज्ञादयकल भोपार्वती छनतजिन स्त्रीधायमजिवनी धकं छानधालसां छनबुवाजुन कन्या-
दानमवियक गथ्यजिन छनत स्त्रीधाए थ्वतन धायमजिवनी धकं आज्ञादयकल थ्वव्यलस पार्वतीन श्रीमाहादे-
वया चरन पादुकासं भोकपुयाव आवजीन गथ्ययायमाळ धकं धयाव थ्वव्यलस श्रीमाहादेवन आज्ञादयकल भो-
पार्वती श्रीमाहाविष्णु विज्याकयु म्यवताकारन मखु छन यानाधर्मया चरित्रखल विज्यात छनमनस शंदेहका-
यमते जितपुरष काएजुलसां श्रीमाहाविष्णुन उपदेस विळवईव वयावचनन्यव धकं आज्ञादयकाव श्रीमाहादेव अ-
तरध्यानजुयाव विज्यात थ्वनली श्रीपार्वतीन जुलसा अतिरसतायाव सखि जयाविजया धर्मसिला स्वहसखि
पनीसेन लिचकाव मामेनका पिताहेगालएया थाएसथेनकलवन थ्वव्यलस हिमालएन धाल भोपार्वती छग-
नवनाव चोना छनत कन्यादान वियधक स्वलजुयान छगननमदु धकं धयाव थ्वतेपिता हेमालएयया वचनडे-
नाव पार्वतीन बुवायावाकेडेनाव विनतीयानाव भाल भोपितामाता जिनजा श्रीमाहादेवया भजनायानाव चो-
नाधकं कन्यादान वियदुला धकं पार्वतीन विनतीयात थ्वव्यलस हेमालएन आज्ञादयकल भोपार्वती आमथेध-
यान जिनलुधाय धकं धयाव निहमचाया थीथीखल्हानाव चोन थ्वनली पार्वतीन जुलसा पुनर्वाद सखि जया-
विजया धर्मसिला स्वहसखिन लिचकाव अन्येगधर्म कर्मयानाव जुळ हनं गन २ तिर्थजात्रावन अन २ माहादे-
या मुर्तिदयकाव पुजायानाव हनं थ्वपार्वतीन माहादेव जितस्वामिजुय मालधकं श्रीगुर्येदेवतायात हिस्वपोल

६६

अर्घवियाव हनं अन्येमउपचार उपासनचोनीव एकादसिपनी उपासन आदिनचोनीव हनं अनैमाधर्ममाकसा पु-
राणआदिन्येनाव चोनीव हनं अनेगब्राह्मण ऋषिपनी पुजायानाव दक्षिणावियाव भोजनयातकाव हनं अन्येगाम-
धन व्रतयानाव श्रीमाहादेव पुजायानाव थय्यतु ताकालं श्रीपार्वतीन ईश्वरयाके भजनायातिहंतिरिहास्यताव
चोनीव हनं परबकालस कोटि २ ऋषिलोक भोजनयातकाव कोटि २ सादान वियाव कोटि २ सुवर्ण दक्षिणा-
वियाव भिक्षुकयात दण्डिपनीष्ट ऋषिलोकयात थुगुली प्रकारन धर्मदानं दानयानातं श्रीमाहादेव पुरुषमजुव
हनं श्रीपार्वतीन अनेगसखि जयाविजया धर्मसिला स्वहसखि पनीस्यन लिचकाव ना २ साधन अनेग तिर्थ-
सवनाव तिर्थजात्रा आदिन अनेग धर्मदान पुन्येयात हनं माहादेवया मुर्तिदयकाव धुपदिप तैय्यद फलफुल
ताम्बुल सुपसिद्धी दयकाव थमनंफको सामाग्रीताळ लाचकाव पार्वतीन श्रीमाहादेव पुजायानाव हनं पुजाधुन-
काव फको जपतोत्रयानाव परमेश्वर माहादेवया श्यानयानाव तपस्यायानाव चोन थुगुलीप्रकारन पार्वतीन त-
पस्यानाक धर्मदान पुण्ययाकस्वयाव चोनखनाव श्रीवैकुण्ठनाथ श्रीरानायणअन्यत सुसिजुयावगल्हगाया मंखन-
क गदामझजोनाथ आकासमार्गन कोहाविज्यानाव पार्वतीया थामथ्यनकल विज्यानाव श्रीवैकुण्ठनाथ श्रीता-
रायणनं आज्ञादयकल भोपार्वतीदेवि छनतपस्यान जिअती मंतोपजुयधुन धन्य २ ल थथीड वालखवेलस निसं
ग्रथीनपुतपस्यायापसामर्थ्यु भोपार्वती हनं अनेग थायस तिर्थजात्रायात हनं अनेग दानपुण्ययात हनं एकाद-

स्वस्था
६७

सि उपासन आदिन उपासनचोन हनं ना २ माथम जितपुजायात हनं रत्नमणी माणिकया तिसान तियकाव कोटि २ सादानविल हनं कोटि २ ब्राह्मण कोटि २ क्हाखिलोक थपनीष्ट अनेग प्रकारन पुजायानाव भोजनया- तकाव कोटि २ सुवर्णादि वस्त्रदानवियाव चोन हनं कोटि २ रत्नमणी माणिकदान वियावचोन हनं निराहारया- नाव थवलतदयक तपस्यायाक थवते भोपार्वतीदेवि थवतेया निमीर्तिम जिसंतोखजुयधुन भोपार्वती छनगुचरित्राजि- भं ल्हायनं मफतधकं धन्य २ छनहुकामुनायाना धयाव श्रीनारायणन आज्ञादयकाव थवते श्रीवैकुण्ठनाथ श्रीना- रायणया आज्ञानेनाव श्रीपार्वतीन आज्ञादयकल भोपरमेश्वर श्रीनारायण धन्य २ जिभाग्यनखना छलपोळया चरन्स कोटि २ नमस्कार भोश्रीनारायण जित वरदानमेवता मयव माहादेव छहजित स्वामियाना प्रसन्नजु- यमाल जितवरदान थवतेन गाकधकं पार्वतीन आज्ञादयकल थवते पार्वतीया आज्ञाडेनाव नारायणन आज्ञादय- कल भोपार्वती छननगदिश्वर माहादेव पुरुषलाएजुलसां जिनकनेछन एकचित्तयानावहव भोपार्वती समस्त व्र- तयासिन माहाउत्सव्रत अनेग तपस्यायासिब तवधने अंगतिथजात्रायासिन तवधन्य माहापुण्य दयाववोको ध- र्मव्रतयासिन माहाश्रेष्ठजुयाव चोनगुव्रत थवसेसारस श्रीस्वस्थानी परमेश्वर बाहिकन मेवधर्मवर्तनखु धकं भोपा- र्वती छनथवहा श्रीस्वस्थानी परमेश्वरया धर्मव्रतछन दवधकं भोपार्वती हनं थवहा श्रीस्वस्थानि परमेश्वरया धर्म- व्रतया प्रभावन छलपालेयाके जगदिश्वर माहादेव विज्याईव निश्चयनधकं नारायणन आज्ञादयकल थवत्यवैकु-

६७

णठ नारायणया आग्यानेनाव पार्वतीन आग्यादयकाव भोलोकनाथ नारायण थोधर्म व्रतयाविधी गथे लु २ सामाग्री दयकमाल थवसमस्त आग्यादयकस्य विज्यायमाल धकं पार्वतीन विनतीयानाव थवत्यपार्वतीया वच- नडेनाव माहाविष्णुन आग्यादयकल भोपार्वती छनएकचित्तयानाव डेव जिनकनेतेना ह्वापां पौषशुक्लया पुर्णेमा- खुन्हु थवधर्मव्रतदने उखुन्हुनिस्य नित्य २ मोललहुयाव सुविधस्त्रन तियाव यकभक्तयानाव एकचित्तयानाव भ- किपुर्वकन लछिदयक माहादेव पुजायायाव अनेग सामाग्रीदयकाव षोडसउपचार दयकाव मध्याह्नवेलास माहा- देव पुजायानाव थवनली हिनंछपुवाखन ल्हाय थवनली अर्घवियाव व्रतसंपुर्णयानाव थमन पारनयाय नित्य २ धुगुकयन व्रतयानाव चोन्य थवनली लछि संपुर्णजुस्यली माघशुक्लया पुर्णेमासिखुन्हु अन्येग सामाग्री दयकाव श्रीस्वस्थानी परमेश्वरया धर्मव्रतदमेयात लु २ सामाग्री दयकमाल भालसा जगाजल श्रीखण्ड रक्तचन्दन सि- दुर जजंमका ना २ सुगन्धस्वान धुपादिव नैव्यद्य फलफुल पक्वान ताम्बुल दक्षिणावस्त्रादि दयकाव सतछि- च्यापा अद्वितमधीदयके सतछि च्यागोद अक्षतदयकाव सतछि च्याफोलह्वाफोलस्वान दयके सतछि च्यापुजंज- मका दयके सतछि च्यापातग्वाळ दयके सतछि च्याकुतम्बव दयके थवत्यसामाग्री तालजातकाव श्रीस्वस्थानी प- रमेश्वर थापनायानाव षोडसउपचारन पुजायानाव थवनली थवगुली कामुनायानाव उगुलीकामुना पुर्णजुयमा- लधकं अर्घवियाव सतछि च्यापुवाखनल्हाय थमनफको जपध्यानयाय तोत्रपदर्थ आसिरन्नादफोने भोपार्वती थव-

25

20

15

10

5

स्वस्था
६८

त्यधुनक च व्यापार आश्रितमप्री व्यापु जजमका व्यापन असेन व्यापकोत्तम। मोलमान व्यापारतवाल व्याकु-
तरवच समोन्नमहित दयकाव पुरुषयात लवलहाय पुरुषमहतया अयपुत्रलवलहाय पुत्रमदतमा अयमिच्छोरायात
लवलहाय गिञ्जोरा मदतसा अयमाननहु कामुतायाता वपुली कामुतापूर्णजुयमाळ धर्म भयव नदिम बहल-
पावळोय मोपार्वति शुगुलीवर्तया विधीविधान अथेवकं तारामणतं पार्वतियात आज्ञादएकात्र विज्यात हतं
छत शुगुली वर्तनाव अयवलय छळोल याके अचित्तमप्री काएलातकात्र श्रीमाहादेव छळपोलयाके विज्या-
ईव निश्चयन धर्म सो पार्वति छत तपस्यान जीअतो सन्तोष जुयधुनवकं तथस्तु छतवायअं श्रीमाहादेव
छतत स्वामिजुय माळधर्म भोपार्वति आत्र शुगुली वर्तया विधान विधीपूर्वकं छततकनेधुन आत्र जीवनेतेलधर्म
वैकुण्ठनाय नारायण छळमां आज्ञादएकात्र अयविश्वम्भर सुती श्रीनारायणया आज्ञातेनात्र पार्वतिया मनस
आनन्द यानात्र श्रीनारायणया चरनस भोकपुयात्र पार्वतीत जुलमां आज्ञादएकल भोपरमेश्वर श्रीनारायण ध-
न्य २ छलपोल अय २ जिभगेनलात छलपोलया कृपान श्रीस्वस्थानी परमेश्वरया धर्मवर्तया खंडेनेधुन आत्र छ-
लपोल मनी पुजायायधर्म पार्वतिन षोडसउपचारजु श्रीनारायण पुजायात अयनली वाताप्रकारन पुजायानात्र च-
रणस भोकपुयाव फयात फयाअं मान्ययानात्र मनस अतीहर्षमान यानात्र चोत्र अयनली श्रीनारायण जुलमां
पार्वतिया पुजामान्य कयात्र पार्वतियाके वेदाकयात्र श्रीवैकुण्ठनाय नारायण अततं अतर अयनजुसात्र विज्या-

६८

त अयनली पावनेन श्रीनारायणयाके वर्तन कयाव मनस अतिहर्षमान यानात्र अनेम सखी जयाविजया धर्म-
मिला खलमखिपनिस्सत लिचकाव पार्वतिन षोडशुकुया पुर्णेमासिखुनु श्रीस्वस्थानी परमेश्वरया धर्मवर्तदत शु-
खहुनिस्य गथे नागयणं आज्ञादएकल अथे एकचित्तयानात्र निमन्त्रणायानात्र माहाकुची पवित्र भुषित छणका-
व नित्य २ गङ्गाजलतं पोल्हुयाव अतिपूर्वकनं माहापवित्र यानात्र ईश्वरयाके सनतयाव लक्षित श्रीमाहादेवपु-
जायालात्र विज्यात अयनली लळीत दयाव माधशुकुया पुर्णेमासिखुनु अनेम साभाप्री ताललम्पकात्र ना २ माध-
नं सा २ पदार्थ दएकाव सतछीच्यापा अनितमप्री सतछीच्यागुद अतत सतछीच्यापोल द्राकास्तान सतछीच्या-
पुजाजंसा सा सतछीच्यापात उवाल शतछीच्याकुत अय अयतेदएकाव गङ्गाजल श्रीखण्ड रक्तचन्दन पुष्प धुपदि-
प आर्घ्य नैवद्य कलकुल प्रकान ताम्बुल वस्तुगी कपूर बस्र दक्षीणा सुखसुधी ना २ पदार्थ दएकाव सखी ज-
याविजया धर्ममिला स्वहमखी इनीस्सत लिचकाव माधशुकुया पुर्णेमासिखुनु श्रीस्वस्थानी परमेश्वरया पुजा-
यानात्र शुगुलीप्रकारन धर्मवर्त पार्वतिन आरम्भयानात्र विज्यातधर्म कार्तिक कुमारनं अगस्त्य सुनिगात कना-
वविज्याकपु ख नैमिशारणे जम सुतमं मोनकादी चवच्यादोल ऋषिपनीष्ट कन ॥ इति श्री स्कंदपुराणे माधवा-
हातमे केदारखण्डे श्रीस्वस्थानी वर्तआरम्भ दसगोध्याय ॥ १० ॥ अगस्त्यउवाच अयनलीहनं प्रवर्तद अगस्त्यसु-
निनं कार्तिक कुमारयाके डेन पार्वतिन श्रीस्वस्थानी वर्तआरम्भ यातधर्मं आज्ञादएकस्य विज्यात डेनेधुन अथे-

६८

न जित्त सन्तोषमजुवनी श्ववर्तया विधान समस्त कस्य विज्यायमालभकं विनती यास्यली कुमारनं आज्ञाद-
एकल स्कंदउवाच कार्तिककुमारनं अगस्त्यमुनिया ख्वालस्वयाव आज्ञादयकल छन एकचित्तयाना डेव श्वस्व-
मस्तनं पुर्णयाडा जिनंकोसना श्वनली भोअगस्त्यमुनिश्वर श्वबेलस सुयस्वकोटि देवताया राजाइन्द्रन मनम
भालपाव आवतिनी पापिष्ठ तारकासुर दैत्यमोचके श्वपापिष्ठ तारकासुर मोचनयायत कारणदत्त गंधेवालमा श्व
हेमात्तय पर्वतया पुत्री पार्वतिदेविन श्रीमाहादेव पुरुषलाय निमिर्तिन श्रीस्वस्थानी परमेश्वरया धर्मवर्त आदिन
ना २ धर्मवर्तयानाव चोन आव श्रीमाहादेव पार्वतिव स्त्रिपुरुष जुयाव श्वबेलस पार्वतिदेवियाकेन पुत्रजात जु-
यिव श्वह्मवालस्वनं तिनी श्वपापिष्ठ तारकासुर मोचकिवधकं मनम भालपाव देवराज इन्द्रन तेतिस्कोटि देवता
बोनकल छेत श्वनली तेतिस्कोटी देवता येनकलवयाव देवराज इन्द्रन देवलोकया ख्वालस्वयाव आज्ञाकएकल
भोसकलदेवता लोक जिखडेवधकं लुधालसा ताकालदत्त पापिष्ठ तारकासुर दैत्यन झिजीम अमरावती तेलाय
राज्य भुक्तमान यानाव चोन श्वपापिष्ठ तारकासुर दैत्य मंहारयायत उपायदत्त लुउपाय धालसा पर्वतराज हेमा-
लयया पुत्री पार्वतिदेविन श्रीमाहादेव स्वामिलाय निमिर्तिन श्रीस्वस्थानी परमेश्वरया धर्मवर्तदन भोदेवलोकआ-
व श्रीमाहादेव पार्वतिदेवीव विवाह जुईव भोदेवलोक श्वत्यन निश्चयनधकं भोदेवआव माहादेव उत्तरापन्थस वि-
ज्यानाव सतिदेवि स्वयाव अत्यन्तन क्रोधयानाव कामक्रोध लोभमोह समस्त तोलताव स्वग्वद मिखातिलियाव

परं ब्रह्माया जपध्यान यानाव विज्यातधकं देवलोकया ख्वालस्वयाव देवराज इन्द्रन आज्ञादयकल भोदेवलोक
श्वह्म माहादेव जागर्तना जुएकेययात लुउपाय यायमालधकं आज्ञादस्य विज्याहुनधकं देवराज इन्द्रन आज्ञाद-
एकल श्वत्यदेवराज इन्द्रया भाग्वाडेनाव तेतिस्कोटी देवतानं आज्ञादएकल भोदेवराजेश्वर धन्य २ छलपोलस्वन
आज्ञादएकगुस्व सत्यनखव भोदेवराज आव जगदिश्वर माहादेव जागर्तना जुएके सुयांगम्यमहु भोदेवराजइन्द्र
श्वत्य निमिर्तिन कामदेव छहवाहिकन मेव देवतानमफुधकं देवलोकनं आज्ञादएकल भोदेवराजइन्द्र श्वतेन आ-
म कामदेव छोयाव जगदीश्वर माहादेवया हृदयस पुष्पवाननं ग्रहार यातकिव श्वबेलस माहादेवया जागर्तना
जुईवधकं धयाव श्वतेदेवलोकया भाषानेनाव देवराज इन्द्रन तत्कारन वायुदेवता छोयाव कामदेव वोनकलछो-
त श्वव्यलस वायुदेवतान तत्कारन वनाव कामदेव वोनावहल श्वव्यलस कामदेवन देवराज इन्द्रया चरणस भो-
कपुयाव कामदेवन आज्ञादएकल भोदेवराज इन्द्र लुनिमीर्तिन वायुदेवता छोयाव जितसलतके हयाकारन लुध-
कं धयाव श्वतेकामदेवया भाषाडेनाव इन्द्रन आज्ञादएकल भोकामदेव सेवताकरन मखु छवोनकल हयागु लु-
निमीर्तिनधालसा उत्तरापन्थस जगदिश्वर माहादेव कामक्रोध लोभमोह समस्त तोलताव दको इन्द्रीय बस्यया-
नाव स्वग्वल मिखा तिसीयाव परं ब्रह्माया जपध्यान यानाव तपस्या यानाव विज्यात भोकामदेव श्वह्म माहादे-
व थथेतयानं गये श्वब्रह्माण्ड रक्षाजुईव भोकामदेव श्वतेनिमीर्तिन छलपोल वोनकलहया आव छलपोल उत्त-

स्वस्था
७०

रापन्थस विज्यानाव गन माहादेव विज्यात अन थ्यनकल वनाव माहादेवया हृदयस पुष्पवाननं प्रहारयानाव जा-
गर्तना जुयकिव भोकाभदेव थ्यत तेतिस्कोटी देवताया खनेस्यविज्याय माल भोकाभदेव थ्यतेनिमीर्तिन छलपो-
ल वोनकल हयाधकं धयाव थ्यते देवराज इन्द्रया भाषानेनाव कामदेवनं आज्ञादएकल भोदेवराज इन्द्र अवस्यनं
जिन छलपोलया आज्ञार्थे उत्तरापन्थस वनाव पुष्पवान प्रहारयाना वयधकं थवकलात सहित यानाव अननंउ-
त्तरापन्थस थनकल वनाव कामदेवनं माहादेवयात याननं नमस्कार यानाव धनुष अहंकार शब्दवयकाव निर्घो-
स शब्दनं लायबुयाव हसपनस थनक लिगोन सालाव माहादेवया हृदयस लातक कामदेवनं पुष्पवाननं प्रहार-
यात थवेलेस माहादेवया हृदयस पुष्पवान कयाव जागर्तना जुयाव थवके पुष्पवान प्रहारयाक स्वयाव अत्यन्त-
तं क्रोध यानाव स्वगवद निखानं मिपिकयाव स्वतनास्यं तत्कारनं कामदेव भस्मजुयाव वन थवनली कामदेवया
कलात रतीनं थवस्वामी कामदेव भस्मजुवगु स्वयाव माहादेवया ह्येने वनाव विलाप यानाव माहादेवया चरन-
स भोकपुयाव विनतीयात भोपरमेश्वर माहादेव जिस्वामी कामदेवया लुदोपनधकं देवराज इन्द्रया आज्ञान जी-
स्वामिन पुष्पवान प्रहारयातधकं भोजगंताथ जिस्वनाव दयाप्रसन्न जुस्य विज्याय मालधकं भोसशिसेखर माहा-
देव जित स्वामिप्रसन्न जुस्य वर्गान विस्य विज्यायमाल भोमाहादेव जित स्वामी वरदान सविलसा छलपोलया-
त त्रिहत्या पापनंकेनिव गथेधालसा जिस्वामी कामदेवविनानं जिप्राण लेनिवगखु अवस्यनं जिप्राणत्याग याय

७०

थुगुलीया निमीर्तिन जिगुली विनती नस्थाविज्याय माल जिविधुवा यायमतेव भोजगदिश्वर माहादेव जिस्वामी
या अपराध क्षमायाय माल भोविश्वम्भरसुती माहादेव जिगुउपरस दया प्रसन्न जुस्यविज्याय माल छलपोलया
चरनस कोटि २ नमस्कार भोत्रीनयन छलपोल जुईव गथीडह धालसा दुष्टमंहार यानाव साधुजन पनी रक्षा-
यानाव विज्याकह थयीडह ईश्वरया चरनस कोटि २ नमस्कार भोपरमेश्वर त्रीभुवनया नाथ जिथबिड मिसा-
जाती अपराधनं हु छलपोलयात तोत्रप्रार्थना यायफईव दोलली १००० महुतुथुलाव चोनह सेपनागया गम्यम-
हु छलपोलया प्रसंसा यायममर्थमहुधकं अनेग प्रकारनं कामदेवया निमीर्तिन विलाप यानाव थवेरतिया विन-
डेनाव माहादेवन मनस अत्यन्तन करुणा चायाव माहादेवन रतिदेवियात आज्ञादएकल भोरती छन तोत्रयाक
खनाव जिअती खुमिजुयधुन भोरती छनथुगुली जन्मस छनस्वामी कामदेव वस्यहोने मदत गवेलस होनेदईधा-
लसा परब्रह्मा नारायणया वसुदेवयाके जन्मकायाव विष्णुया अवतार जुईव थवेलेस श्रीकृष्णया पुत्रजुयाव छ-
न स्वामी प्रद्युम्नधकं नामजुईव भोरतीदेवि थवेलेस तिनी छनस्वामी कामदेव वस्य होनेदईव भोरतीदेवि छन
दुखताय सुम्वाल छन मनोरथ दापरजुग फुई कलीजुया आरम्भस पुर्णजुईव थवेलेस तिनी छपनी निहोनेदई
व आवललीहा हुनीधकं आज्ञादएकाव थ्यते माहादेवया आज्ञानेनाव रतीदेविन स्वकथ्ये हर्षथ्येयाना मनस अ-
तिहर्षमान यानाव माहादेव चरनस भोकपुयाव वेदाकयाव रतीदेवि थवक्षस लिहावनजुल थवनली वैकुण्ठनाथ

स्वस्था
७१

नागयणनं विष्णुमायारूपजुयाव श्रीमाहादेव चोनथास थेनकलवनाव हेवनेलाकचोन विज्यानाव थवेलस माहादे-
वनं थवथास अत्यन्तसुन्दरी स्त्रिलक्ष्मनाव हाय २ गथीन वानलाकहा स्त्रिकं धयाव माहादेवनं घम पुयत व-
नं थवयलम घमपुयतनु थवहस्त्रीया गर्भमदयाव मचाबुल थवयलस विष्णुमायारूपीह भिसान माहादेवया हेव-
न्येवनाव आज्ञादयकल हेस्वामि माहादेव आव थनचोनान लुप्रयोजनदव कैलासपर्वतस विज्यायतुयो धकं धया-
व विष्णु मायारूपीया वचननेनाव माहादेवन आज्ञादयकल हेप्रीय वनेतुयो धकंधयाव निहा कैलासविज्याय ध-
का विज्यात थावेलस विष्णुमायारूपिह श्रीविष्णुन आज्ञादयकल हेस्वामि माहादेव थमचाजिनबुया थवताननं
थाहावन मफयाव माहादेवया हेवनेधाल थमचा भतीबुयाव विज्याहुन्य धकं धयाव थव पटासी वछि खुनाव
मचायात हिनकाव माहादेव यात विल थवनली विष्णु मायारूपीह विष्णु लिव २ चोनाव भती भती
माहादेव खनेमदुस्यली विष्णुअन्नर ध्यानजुयाव विज्यात थवनली थवयलस देवलोक सेन माहादेव वो
यजुवपुमतनी धकं स्वव २ थवकलातया पटासी भ्याथल जोनाव जुल स्वव २ धका गिजाण्यात थवयलस मा-
हादेवन स्वयाव स्वभालपाव थवहमचायात त्रिशुलन सुयावविल त्रिशुलन सुयवनतु स्वत्वाकदयाव वन छेलया-
गुत्वाकराजायाकुलेस जन्मकालवन हयापुत्वाक जोगीयाकुलस जन्मकालवन तुतीयागु त्वाक सालमियाकुलस
जन्मकालवन माहादेव ह्यापायाथास विज्यानाव पद्मआनन्दन चोनजुलो ईति श्रीस्कन्दपुराणे माघमाहात्मे के-

७१

दारस्वण्डे माहादेवविष्णुमायारूपी संवादे एकादशोऽध्याय ॥ ११ ॥ थवनली माहादेवन सतिदेवि सेकलुमनाव
सतिदेवयापुन र्नालुमनाव हायसतिदेवि धकं विलापयानाव थमथ्यगन धिज्यानाव सतिदेविया जिव गनजन्म-
कालवन स्वधकं मनसभालपाव ध्यानहाष्टिन स्वस्याविज्यात थवनली सतिदेविया प्रानजुलसां हिमालयपर्वया पुत्रजु-
याव जन्मकयाव चोनधकं ध्यानहाष्टिन स्वयाव गनसभालपाव आवथवपार्वतीन जिपुरुपलाय निमीर्तिन अनेग
तिर्थजात्रा यानाव अनेग दानपुनेयानाव हनं अनेग तपस्यायानाव हनं आव श्रीस्वस्थानी परमेश्वरया धर्मवत
आदिन दनावचोन आव थवपार्वतीया चरित्रस्वयधकं माहादेवम देवराजइन्द्रया भेषजुयाव वज्रजोनाव पेरव-
तकिमी गयाव पार्वतीया धर्मवर्तदनाव चोनथास थ्यनकल विज्यात थवनली पार्वतीया वर्तसंपुर्णजुयाव श्रीस्व-
स्थानी परमेश्वरयात अर्घवियत संखसं सादुरु साधार्थगङ्गाजल लुचकीतयाव आज्ञादयकल भो श्रीस्वस्थानी प-
रमेश्वर छलपोलपनीस्यन जित माहादेवछह पुरुषयानाव प्रमन्नजुस्य विज्यायमाल भोनिरञ्जन निकार वार-
भवार २ छलपोलया चरनसकोटि २ नमस्कार धकं धयाव अर्घसादुरुगङ्गा जलतस्य तुसिद्धार्थ हामोल गोचआदि
सुवर्णतयाव श्रीस्वस्थानी परमेश्वरया अर्घविल हनं पार्वतीन श्रीस्वस्थानी परमेश्वरया जपध्यानयाय धुनकाव तो-
त्रयात भो श्रीस्वस्थानी परमेश्वर छलपोल गथीडह धालसा देवयान देवजुयाव विज्याकहा छलपोलयात कोटि
२ नमस्कार भोपरमेश्वर धर्मयान धर्ममुर्ति छलपोल हनं ब्रह्मा विष्णु महेश्वरयाह छलपोल श्रीष्टीस्थिती सहा-

स्वस्था
७२

रयाकर्ता धयाह्य छलपोल हनं पञ्चमाहाभुत धयाह्य छलपोल रजोगुन तमोगुन सत्वगुन श्वस्वगुलीगुनं छलपोल
हनं आदिमदु अन्तमदु सरिखा अवयगदुह्य छलपोल आदिपुरष छलपोल हनं कालश्वरूप छलपोल तेजस्वरूप
छलपोल विस्वभस्मूर्तिह्य छलपोल हनं ब्रह्माण्डस्य गुलीप्रानिदत उलीप्रानिया जिवआत्माजुयाव विज्याकह्य छल-
पोल ब्रह्मस्वरूपह्य छलपोल भो श्रीस्वस्थानी परमेश्वर छलपोलयात स्तोत्रयायसामर्थमदु छानथालसां चतुर्मुख
ब्रह्मायागममदु भोईश्वर जितुसार्थदईव भो श्रीस्वस्थानी परमेश्वर छलपोलया चरनसंकटि २ नमस्कार भोईश्वर
माहादेवह्य जितस्वामियानाव प्रसन्नजुस्य विज्यामाल धकं ईनापयाचोन व्यलस भेषधारी माहादेवन पार्वती-
या ह्वेनं धेनकलविज्यात श्वनली पार्वतीन आज्ञादयकल भोदेवराजइन्द्रं छलपोलथन विज्यानायाकारनछु
आज्ञादयकस्य विज्याहुने धकंधयाव श्वतेपार्वतीया भाषाडेनाव इन्द्र भेषधारी माहादेवन आज्ञादयकल भोपा-
र्वती धन्य २ छनतपस्थान जिअती संतोषजुयधुन भोपार्वती छनं गाहादेव पुरुषलाय निर्मीर्तिन अनेग तिर्थजा-
त्रायान अनेग दानपुण्येयात श्रीस्वस्थानी परमेश्वरया धर्मवर्तआदिदन शुभस्वस्य माहादेव पुरुषकायत्यना माहा-
देवजुलसा वण्युका भोपार्वती हनं अतिधीनाहाल गृवास सुख्येनकोखायाव ज्याथदोहलगयाव खवल्हातीनं त्रि-
शुलपाछायाव जवल्हातिन डमरुथानाव बाघछालान जसहिनाव किसियाछुगुलिन न्ययाव सुतप्रेतपिशाचादिन
लितकाव एसनकायकाव लाक २ श्यप्याखनहुयाव दिगंबरजुयाव लज्यामदयकाव मसानयाभस्मान अङ्गसवुयाव

७२

अतिघोरमातजुयाव चोनीव भोपार्वती श्वत्यन छजुलसा अतिवेमलाइसुन्दरी जुयावचोन श्वतेन छनत मा-
हादेवस्वामि जोज्ञमजुव भोपार्वतिधकं छनत पुरुष काण्जुलसा जिस्वयाराजाजीपुरुषकाव भोपार्वति श्वबेलस छ
त्रैलोक्यया रानिजुईव भोपार्वति श्वतेन श्रीमाहादेवया भजना यायमुमाल जिस्वभजना यावधकं भेषधारी
इन्द्रन जुलसां आज्ञादयकल श्वत्यभेषधारी इन्द्रया भाखाडेनाव पार्वतीन अत्यन्त क्रोधथानाव आज्ञादयका भो
पापिष्ट देव्यन्द्र स्वव २ जीथथीड श्रीस्वस्थानी परमेश्वरया धर्मवर्तदनाव चोनाथाल माहादेवयात अनेग माथनं
निन्हायानाव बोलवियाव जिथाम चोनाव थथीड अगम्य खहातव स्वयाव भोपापिष्ट देवेन्द्र आवजीन छनतश्रा-
पविषयक आज्ञादयकाव श्वतेपार्वतिया भाषानेनाव भेषधारी इन्द्रन मनस त्रामचायाव तत्कारनं श्राप वियकव-
धकं भालपाव आज्ञादयकल भोपार्वति धन्य २ छन चरित्रस्वयधकं जिइन्द्र भेषकयाव छनत परिक्षा यायधकं
वया भोपार्वती छजुल धन्य २ जिजुलइन्द्र मखु श्रीमाहादेवधकं स्वव जिगुमुर्तिधकं भोपार्वति छन याना तप-
स्थान जिअती सन्तोस जुयधुन आव छन जिततयाव तयापु अचितमधी हिवधकं आज्ञादयकाव इन्द्रभेष तो-
लताव थवमुर्ति धरलपाव पार्वतियात दर्सनविल श्वबेलस पार्वतिन मनम अती हर्षमान यानाव श्रीमाहादेवया
चरनस भोकपुयाव मुसुहुन हिलाव आज्ञादयकल भोस्वामी जगदीश्वर श्रीमाहादेव धन्य २ जिभाजनखया भो
ईश्वर छलपोल स्वामीलाय निर्मीर्तिन अनेग तिर्थजात्रा यानाव हनं अनेग दानपुण्ययाना अनेग तपस्यायाना

अनेग धर्मवर्तयाभा थथेन छलपोलया दर्शनमहु हनं अनेग तपस्यायाना थथेन छलपोलया दर्शनमहु भोजग-
दिश्वर थ्वनली थथेचोनावेलस श्रीवैकुण्ठनाथ नारायण थनथेनकल विज्यानाव जितअर्ती कृपातयाव जित व-
दान प्रसन्नजुस्य विज्यात भोजगदीश्वर माहादेव लुवरदान धालसा छलपोल स्वामीजुय मालधकं आज्ञादएकल
हनं श्रीस्वस्थानी परमेश्वरया धर्मवर्त उपदेश वियाव जितउद्धार याना विज्यात भोस्वामी जगदीश्वर माहादेव
थ्वधर्मवर्तया प्रभावनं श्रीनारायणया कृपान छलपोल पुरुलाना भोस्वामी आव थ्वधर्मवर्तया प्रभावनं जिमनेर-
थ पुर्णजुलधकं धन्य २ जिभाजन स्व भोप्रभु श्रीमाहादेव आव थ्वअचितमघी छलपोलयात वियमजीवनी भो
जगदीश्वर माहादेव आव कन्यादान धुनकाव विय थ्वतेन आव जिबुवाज्युया थायम विज्यायनुयोधकं आज्ञाद-
एकाव अनेग जयाविजया धर्मसिला स्वहसखिपनी सेनलिचकाव श्रीमाहादेव सहितनं हेमालय पर्वतयाथायम
विज्यात थ्वनली माहादेवनं पार्वतिया थवकथास विज्याचकावतल थनपार्वतिन थवसामबुवाया थायम वनाव
पार्वतिन आज्ञादएकल भोबुवाज्यु झिजीछेस श्रीमाहादेव विज्यात वायो दर्शनयात विज्याहुनेधकं धयाव थ्वते
थवपुत्री पार्वतिया वचन भाषाडेनाव हेमालय पर्वत मेनकानं आज्ञादएकल भोपुत्री पार्वति झिजीछेस माहादे-
व विज्यातधकं छन धालवलसा जिपनी पत्यायमछव छानधालसा माहादेव छाय विज्याईव धकंधयाव थ्वतेमा-
मबुवाया भाषानेनाव पार्वतिन धाल भोबुवामाम स्वमखु जिचोना कथास स्वलहुनीधकं जिनमखु स्वहायम-

खुधकं पार्वतिन धयाव थ्वतेपार्वतिया वचन नेनाव हेमालयया मेनकाया मनस भालपाव गथे सियकलखें स्वयं-
फव छानधालस थवह पार्वतिन अतिनकष्ट नयाव तपस्यायाक थुमुया फलनं स्वएकुधकं धयाव पार्वतिन हेमाल-
य मेनका स्वह श्रीमाहादेव गनविज्यात अनथेनकल स्वहमचा विज्यात थ्वनली माहादेवनं पार्वतिनं लखया
देवने देनाव वस्त्रपण्याकलाधकं हनं माहादेवनं भालपाव थ्वकोथा लखया छवनेजा मखु लुवस्तुक जुलधकं मा-
हादेवनं भालपाव थवतुती थुनाव स्वत स्वयावनजा तुतिमण्याकधकं लखजा मखु हनंगवचछगवद कुतीनकाव छो-
त थ्वगचतीती न्हुयाव जुवखना माहादेवनं भालपाव लखजामखु थ्वकोठाजुल फतकिया कोठाखव जितमेव-
नं छायमधाइव थवथेथगनं भोलाखवधकं भालपाव सुमुकचोन थ्वनली थ्ववेलस हेमालय पर्वतया मेनकानं मा-
हादेव खनाव हनासनं माहादेवया चरनस भोकपुयाव चोन थ्वनली हेमालयनं माहादेवयात पादार्घ्य हस्तार्घवि-
याव भिगु आश्रमस तयाव सिधामनस विज्याचकाव तल थ्ववेलस थ्वनली हेमालयन मनस अती आनन्दया-
नाव थवपुत्री पार्वतियात माहादेव पुरुष लानाव मनस अतिहर्षमान यानाव थवकलात मेनकाया हेवने धाल
भोप्रीय मेनका धन्य २ छन भाग्यधन्य २ छन पुत्रीपार्वतिया भाग्य छन माहादेव थिनह छन पुत्रीया स्वामि-
जुल भोप्रीय मेनका आव माहादेवयात पार्वति कन्यादान वियदतधकं मनस अतिहर्षमान यानाव थवमननंभा-
लपा थ्वपार्वति कन्यादान वियात सामाग्री दएहेमालधकं हेमालयपर्वतनं थवकलात मेनकावस्य समधालया

25

20

15

10

5

0

स्वस्था
७४

नाव हेमालयनं अन्यग वस्तुक जरिजरावन पितृहयाव थवप्रती पार्वतियात अलंकार वस्त्रनं पुर्णयात
हनं श्रीपार्वतिया सखी जया विजया धर्मसिला स्वहा मल्लीपनिष्ट अन्यग वस्त्र दण्डकल हनं हेमालय पर्वत-
न थवकलात मेनकाया हेवने आज्ञादयकाव भोप्रियमेनका धन्य २ पुत्रिपार्वतीया भार्ये छानधालसा माहादेव
स्वामिजुत भोप्रियमेनका आव माहादेवयात पार्वती कन्यादान विष्णुमाल कामा सामाग्रीताल लाचकीव धकं
आज्ञावियाव थव्यलस वसिष्ठ प्रभृती कृषिलोक वोनकलोयाव दिनव्यलास्वतकिव धकं आज्ञावियाव हिमाल-
यया भाषाडेनाव मेनकान तत्कारनं सुयस्वकोटिदेता पनीनिमन्त्रणा यातकलछोयाव हनं जक्षगन्धर्व किन्नर अप्सरा
दैत्यदानव नागलोक नारदप्रभृती सुनिलोक स्वर्गमध्यपातालस दको प्रीथीविमदको ब्राह्मण वोनकलछोव धक आ-
ज्ञावियाव थव्यपर्वत राजहिमालयया आज्ञाडेनाव मेनकान वसिष्ठ प्रभृती कृषिलोक वोनकलछोयाव दिनकेन
थनवसिष्ठ प्रभृती कृषिलोकन भिडदिन खयाव आज्ञादयकल भोहिमालय नेस्यविज्याहुन्ये वैशाखशुक्लया अक्षय-
तृतीयाखुन्हु दिनधकं दिनविल थव्यलस हिमालयपर्वतन वसिष्ठप्रभृती कृषिलोकया आज्ञाडेनाव कन्यादानया-
यत तयारयात थवनली हेमालयन विश्वकर्मा वोनकलछोत थवनली विश्वकर्मावयाव हेमालयपर्वतन आज्ञादय-
कल भोविश्वकर्मा छलपोळस्यन जग्यकुण्डल दण्डकस्थ विज्यामाल धकं हेमालयन आज्ञादयकाव थव्य पर्वत-
राजहेमालयया आज्ञाडेनाव विश्वकर्मान जग्यकुण्डलदयकेतेन थवनली विश्वकर्मान अनेगरत्न मययानाव जग्य-

४७

कुण्डल दयकल हनं अनेग रत्नयाखम्बाज्यानाव हिरामणीक शुनाव सुवर्णया पलीनचिनाव जाज्जलमानयानाव
तल हनं जग्यमण्डपसं झिपुलीदिमास जरिजरायापताक बोयकाव तल इलानतयाव दिग पलीपताक बोयकाव-
किर्किनी जालपेनाव कोटि २ सुय्येयाथ्ये तेजपिकयाव जग्यमण्डप दयकाव तल हनं श्रीनारायण प्रभृती इन्द्रा
दिसुयस्वकोटि देवतापनीष्ट थास २ अनेग आसनतयाव रत्नयामिंहामन दयकाव जग्यमण्डपसचोयातल हनं माहादेव-
यातहिरामणी माणीकरतया सिंहासन सनयाव तल थाम २ सं व्यजमानप्यनाव थाम २ सामाग्रीतयाव तल
थास २ भन्डारितयाव तयारयानाव तल थव्यविश्वकर्मान जग्यमालातयार याकस्वयाव पर्वतराज हेमालयया
मनसअत्यन्तन खुमिजुयाव आज्ञादयकल भोप्रियमेनका आवसंपुर्णतयारजुल आव ब्रह्माविष्णु इन्द्रप्रभृती सुय-
स्वकोटि देवता वसिष्ठ प्रभृतीसुनी लोक पृथीविस दकोब्राह्मण कृषिलोक दैत्यदानव नागलोक जक्षगन्धर्व कि-
न्नर हनं देवकन्या यक्षकन्या गन्धर्वकन्या अप्सरादसदिगपाल थपनी वोनकलछोव धकं आज्ञादयकाव पर्वतरा-
जहेमालयन माहादेवयात पार्वती कन्यादान वियत तयारयात मालको सामाग्रीताल लाचकिव धकं आग्यावि-
याव थवनली सुयस्वकोटि देवतापनी निमन्त्रणा यातकलछोत हनं यक्षगन्धर्व किन्नर अप्सरादैत्यदानव नागलो-
क नारदप्रभृती सुनी स्वर्गमध्यपातालस ब्राह्मणवोनकलछोयाव अनेग आज्ञायानाव अष्टदिनखुन्हु थवखुन्हु भिड
दिनजुयाव माहादेवयात पार्वती कन्यादानविय धकं ब्रह्माविष्णु इन्द्रप्रभृती त्यत्तिस्कोटिदेवता वोनकलछोयाव

40

अक्षयतृतीयाखुन्ह पार्वती कन्यादान विज्यात तयारयात थव्यलम वसिष्ठप्रभृती ऋषिलोकेन चतुर्व्यद उचार्न-
यानाव चोन हनं मुनिब्राह्मणन अनेग पुराणपाठयानाव चोन हनं चतुर्मुखब्रह्मान जग्यमाळा दयकाव जग्यआ-
रंभयानाव विज्यात हनं देवकन्या यक्षकन्या गन्धर्वकन्या किन्नरकन्या नागकन्या थवपनी अनेग वस्त्रनपट्टिल-
पाव ना २ रत्नमालान कस्त्रायाव केसरी अर्गजानहस लनयानाव चोन श्रीनागयण प्रभृतीदेवता सिंहासनस वि-
ज्याचकाव थास २ व्यजमान प्यनावतल हनं गन्धर्वपनीस्यन मेहाएकाव अप्सरापनी प्याखनहुयाव ना २
गंगरजत्राय नाव चोन हनं अनेग सामाग्रीयास २ तयानतल थवनी मेनकान थवपुत्रिपार्वतीयात अनेग श्रीख-
ण्ड अर्गजान हसबुयकाव माहादेव रत्नया सिंहासनस विज्याचकाव तयाथास हनं पार्वतीयात अनेग रत्नमणी
माणिक थुनावतवगु आभरननं पुनकाव चित्रविचौत्रया वस्त्रनपुनकाव रत्नमालान कोखायकाव माहादेव विज्या-
चकावतयाथास पार्वतीतयएन थवनली हेमालयम माहादेवयात माहासुबेलास तेत्तिस्कोटिदेवतान स्वचकाव मा-
हामंगलजात्रायानाव थवपुत्रिपार्वतीया ल्हातजोनाव हामोलकुसतयाव मेनकान कमंडलुन जलधाराहायकाव ब्रा-
ह्मणन वाक्येयातकाव हेमालयपर्वतन माहादेवया ह्वेने आग्यादयकल भोविस्वभरमुर्ति माहादेव आव माहासु-
ब्यलाजुल आव थवजिपुत्री पार्वती छलपोलयात कन्यादान विज्यळालुल छलपोलया जातहु वत्रलु वत्रमदयक
हुकाय्येयायमजीव धकं पार्वतीया ल्हातजोनाव हामोलकुसतयाव चोन थथ्यहेमालया भाखाडेनाव माहादेवन

छताधाय मळात्ताव लज्याचायाव कोलुनाव सुमुक्त विज्यात हनं ब्रह्माविष्णु इन्द्रप्रभृती त्यत्तिस्कोटि देवतान य-
क्षगन्धर्व किन्नर वसिष्ठ प्रभृती ऋषिलोक आदिनं थथे चोनबेलस सत्यलोकनं नारदमुनीश्वर विज्यानाव सती-
देवियाहारनं जत्रदएकाव तयागु थवजत्र थानाव माहादेवया गितचरलपाव प्याखन हुयाव हेमालयपर्वतराजया
थास विज्यानाव नारदमुनिश्वरनं आज्ञादएकळ भोपर्वतराज हेमालय आम पार्वतिदेवि जगदीश्वर माहादेवया-
त कन्यादान विव छलपोलया मनस सङ्गाकाए मते गव्ह माहादेवया मायान श्रृष्टिस्थीति संहार दएकाव तल
गव्वेलस श्रृष्टीयायीव गव्वेलस संहारयाईव हनं ब्रह्मा विष्णुरुद्रधकं स्वह्यजुयाव विज्याकह्य थथीडह्य आदिपुरुष
या मामगदु वजुमदु जातमदु गोत्रगदु सर्वज्यापि जुयाव विज्याकह्य माहादेव भापर्वतराज हेमालये हनं त्यात्ति-
स्कोटी देवताया अज्ञाजु धयाह्य थवह्यहनं चतुर्दश भुवनस अनेग आत्मदेव गनुष्यआदिन वृक्षठपान कितपत-
ङ्ग थवपनी हृदयस विज्यानाव पापपुण्यया साळीजुयाव विज्याकह्य हनं निरञ्जन निराकार धयाह्य दकोप्रानेया
जिवजुयाव विज्याकह्य थवईश्वर माहादेवया महिमा जिनल्हाय सामर्थ्यमदु दोलळि १००० म्हुतुथुलाव चोनह्य से-
षनागया गम्यमदु जिपीता चतुर्मुख ब्रह्माया गम्यमदु जिवहलया लुमामर्थ दईव भोहेमालय थवतोनिमीर्तिन वि-
लम्बयायमत्यव वेलाजुल तत्कारन कन्यादान विहुन्य भोहेमालय धन्य २ छलपोलया भाग्य हनं धन्य २ मे-
नकाया भाग्य भोहेमालय आव विलम्बयानाव विज्यायमस माहादेवयात आम पार्वति कन्यादान विहुनेधुं

स्वस्था
७६

आज्ञादण्काव श्वत्सनारद मुनिया आज्ञान्यनाव ब्रह्मादी देवतान धन्य २ नारदधकं दको देवतान अनेग तोत्र-
यात श्वनली पर्वतराज हेमालयन मनम आनन्दन हर्षमान यानाव ब्रह्माविष्णु प्रभृती ऋषिगणन वेदाठ-
ना यातकाव चन्द्रमुख्ये साळीतयाव सुयस्वकोटि देवता श्रीनारायण प्रभृतीदेवने तयाव अनेग गितवाद्य यात-
काव प्याखन हुयाव नानामङ्गल जात्रायानाव श्वमेनकान कमण्डलुन जलधारा हाण्काव श्रीनारायणया आ-
ज्ञाये अक्षयवृतीया खुनु माहासुबेलास श्रीमाहादेवयात हेमालय पर्वतराजन् थवपुत्री पार्वति कन्यादान विल थान-
नली पार्वतिन माहादेव भवकात उलाव पुष्पमालान कोखायकाव चरनस भोकपुयाव अनेग प्रकारनं पुजायानाव
माहादेवया मुखदर्शन यानाव पद्मआनन्दन चोनधकं कार्तिक कुमारनं अगस्त्यमुनियात कनाव विज्याकमुखने
गिपाण्यवनस सुतन सौनकादी चयच्यादोल ऋषिपनीष्ट कन ॥ इतिश्री स्कन्दपुराणे माघमाहात्मे केदारखण्डे
श्रीपार्वति कन्यादान श्रीस्वस्थानी रपमेश्वर्यो कथा द्वादशमो ध्याय ॥ १२ ॥ अगस्त्यउवाच हनं अगस्त्यमुनीनं
कुमारयाके विनतीयानाव कुमारया खालस्वयाव लाहात निपां जोजलपाव न्यस्यांलि हनं कुमारनं आज्ञादण-
त श्वनली हेमालय पर्वतन श्रीनारायण ब्रह्मादी देवतान जज्ञमेषुर्ण धुनकाव षोडशउपचारन पुजाधुन ॥ २ ॥
पदार्थ दण्काव भोजन यातकाव तल हनं वसिष्ठ प्रभृतीऋषी नागप्रभृती मुनिलोक ब्राह्मणयात षोडशउपचार
नं पुजायानाव अनेग पदार्थ दण्काव भोजन यातकाव कोटानकोटि सुवर्ण दक्षीणा वियाव कोटि २ गौदजन

७३

वियाव थमफयार्थे भक्तिसाधारन पुजायात श्वनली ब्रह्मादीदेवतान वसिष्ठप्रभृती ऋषिलोकन हेमालयया भाव-
भक्तिसुयाव मनम अतिखुमिजुयाव आज्ञादण्काव भोपर्वतराज हेमालय धन्य २ छलपोल पनीमया भाग्य ध-
न्य २ मेनकायागर्भ छलपोल थिन्याह्य भाग्यमानी श्वसप्तदिप पृथ्वीस दुर्लभ धन्य २ छलपोल पनीस्याभाग्य भा-
पर्वतराज हेमालय छलपोल पनीस्या जन्मकाल वयाया कृतार्थ साफल जुल भोपर्वतराज हेमालय माहादेव थि-
ह्य छलपोलया जिलाजन जुल धन्य २ मेनकायागर्भ भोपर्वतराज हेमालय न्यस्यविज्याहुने ग्वह्यस्थन माहादे-
व दर्शन रक्ष २ समस्त तपस्यायानानं दर्शन पायमफु हनं जोगेस्वरपनीस्यन ध्याननं लुयकेमजीवह्य पिताकधा-
री माहादेव छलपोलया पुत्री पार्वतिया स्वामीजुल भो हेमालय धन्य २ छलपोलया भाग्य छलपोल समान
भागेवन्त मेव सह भोपर्वतराज हेमालय आवा जिपनी वन्यतेल वेदा विवधकं तेत्तिस्कोटी देवतान यक्षगन्धर्व
किन्नर अप्सरालोक वसिष्ठ प्रभृती ऋषिलोकन आज्ञादण्काव श्वत्स श्रीनारायण प्रभृती देवताया आज्ञा
डेनाव ब्रह्मादी देवलोकनं वसिष्ठ प्रभृती ऋषिलोक यक्षगन्धर्व किन्नर दैत्यदानव अप्सर नागलोक ना-
रद प्रभृती ऋषिलोक श्वत्सदेवातनं श्रीपर्वतराज हेमालयया पुजा मान्यकयाव थव २ आश्रमस लिहावि-
ज्यात हनं नारद प्रभिति वसिष्ठप्रभिति ऋषीलोक थव २ आश्रमस लिहा विज्यात हनं यक्षगन्धर्व किन्नर अप्स-
रा श्ववनी थव २ आश्रमस लिहावन श्वनली श्रीपार्वतीन श्रीमाहादेवयात सगुनसहित दयकाव व्यापात अची-

तमधी च्यापुजजंमका च्यागोदअक्षेत्र च्याफाळडाफाल स्वान च्याच्यलभ च्याकुनभच श्वत्यसगुन सहितदयका-
व श्रीमाहादेवयात श्रीपार्वतीन लवलहानावविल श्वनली पार्वतीन सगुनसहित लवलहानाव श्रीमाहादेवया चरनमभो-
कपुयाव आज्ञादयकाव भोप्रभुश्रीमाहादेव धन्य २ जिभाग्येन खया श्वलश्वकालदत छलपोल पुरुपलाय निमीर्तिन ना
२ धर्मदनाअनेग तपस्यायनाव ना २ थास तिर्थजात्रायानाव दानपुन्येयानाव धनितीनिकृतार्थजुल भोईश्वर श्रीनारायण
या उपदेसन श्रीस्वस्थानी परमेश्वरया कृपान छलपोलथिड्ड पुरुपलानाव धन्य २ जिभाग्येनखना भोप्रभुजगदिश्वर श्री
माहादेवआवजिगुदयाप्रसन्न जुयावथवर सिन्धेह प्रितीमालपाव कृपातयाव विज्यायमाल भोआदिपुरुष हनं जिनछगुली
बिनतीयाय नेस्यविज्याहुन्ये लुधालसा छलपोलया कृपान जिगुली श्रीस्वस्थानी परमेश्वरया धर्मवर्तगुप्तयानाव त-
पस्यावियमतव धकं धयाव ग्वह २ दुखीजुल ग्वह २ या दरिद्रजुल ग्वह २ पापिजुल हनं ग्वह २ या संतान-
मदु ग्वह २ या पुरुषमदु ग्वहया श्रीमदु श्वपनीष्ट उधारयायमाल श्वत्यनवर कृपाजुस्य विज्यायमाल भोप्रभु श्री
माहादेव श्वत्यया निमीर्तिन मनुष्यलोक उधारयायमाल थुगुली श्रीस्वस्थानी परमेश्वरया धर्मवर्तप्रसन्नजुस्य वि-
ज्यायमाल धकं पार्वतीन आज्ञादयकाव श्वतेपार्वतीया वचनडेनाव भोपार्वती धन्य २ छनभावभक्तीस्वयाव जि-
अती सतोपजुयधुन भोप्रिय छजुगीव माहासाधु हनं ज्ञाननं गुननं परिपुर्णजुयाव चोन हनं दुखि दरिद्रखनाव द-
यादु भोसुन्दरि आव अश्वस्थामाकृपि वोनकलछोयाव वपनीष्ट श्रीस्वस्थानी परमेश्वरया धर्मवर्त रसातलधया गुली

पातलस कवधकं श्रीमाहादेवन आज्ञादयकल श्वत्यविश्वम्भर विश्वनाथ माहादेवया आज्ञाडेनाव पार्वतीन अश्व-
स्थामा कृपिश्वरयात आराधनायात श्वव्यलम अस्वस्थामा कृपिथ्येनकलवयाव माहादेवया पार्वतीया निहासिया
चरनस भोकपुयाव ईनापयात भोपार्वतीदेवि हुनिमीर्तिन जितआराधनायाना आज्ञातु धकं बिनतीयात श्वव्य-
लम पार्वतीन आग्यादयकल भोअस्वस्थामाकृपि मेवताकारणमखु छलपोल आराधनायानाकारन मेतामखु छल-
पोल रसातल पाताळस नागलोक उधारयायतहुनी धकं नागलाकपनीष्ट उपदेस वियातथ्येमाल धकं पार्वतीन
आज्ञादयकल गथ्यवैकुण्ठनाथ श्रीनारायणन आग्यादयकल अथ्यपार्वतीन आज्ञादयकल श्वत्यपार्वतीया आज्ञा-
नेनाव अस्वस्थामा कृपिन पार्वतीया आज्ञामिलस तयाव माहादेवया पार्वतीया चरनस भोकपुयाव रसानल पा-
ताल वनेधकं विदाकयाव वन श्वनली माहादेवन सप्तकृपिश्वर वोनकलछोयाव वपनीह्वेने श्रीस्वस्थानी परमेश्वर
या धर्मवर्तया खममस्त सप्तकृपि श्वपनीष्ट वनावछोत धकं आज्ञावियाव श्वत्यमाहादेवया आग्याडेनाव पार्वती-
न सप्तकृपि आगधनायात श्वव्यलम सप्तकृपिथ्येनकल विज्यात श्वनली सप्तकृपिन माहारद्रया पार्वतीया निहा-
या चरनस भोकपुयाव पार्वतीया ह्वेने आग्यादयकल भोश्रीभवानी पार्वतीदेवि हुनिमीर्तिन जिपनी आगधना-
याना आज्ञातु मालको सगस्त आग्यदस्य विज्याहुने धकं धयाव पार्वतीन आग्यादयकल भोसप्तकृपिश्वर ने-
स्यविज्याहुने लुधालसा छलपोलपनी मक्षमण्डलस विज्यानाव श्रीस्वस्थानी परमेश्वरया धर्मवर्त ग्वह २ दरिद्र-

जुल गवहा २ दु खिजुल गवहा २ अनाथजुल गवहा २ पापिष्ठजुल गवहा २ यामत्तानमदु गवहा २ या पुरुषमदु गवहा
२ या स्त्रीमदु गवहा २ धर्मवर्तयाख विधीपुर्वकन समस्तकनाव उपदेसवियाव तथेमाल धकं गवहनारायणया
आग्यादत अश्वपार्वतीन सप्तकृषि श्वरया हेवने आग्यादयकाव श्वस्य पार्वतीदेविया आग्याडेनाव सप्तकृषि
नं माहादेवया पार्वतीया चरनस भोकपुयाव प्रदक्षेणायानाव विदाकयाव अननमेक्षमन्दलम दनेधकं प्रस्थनया
नाव श्रीस्वस्थानी परमेश्वरया धर्मवर्तजोनाव मक्षेमण्डलस काहविज्यात श्वनली माहादेवन पार्वतीया हेवने आ-
ग्यादयकल भोपिषपार्वती ताकालडट जिनकैलासया विचालमयानागु ताकालडट शुन्यजुयाव चोन आव शि-
जीमवनेतेल धकं आग्यादयकाव पिताहेमालयाके मातामेनकायाके विदाफोनेनुया धकं माहादेवन आग्यादय-
काव निहसिपुष हेमालयाथास विज्यानाव विदाफोन भोपिताहेमालए मातामेनका आव जिपनी वनेतेरवेला-
विस्य भोपितामाता ताकालडट सतिदेवि गदयाव कैलासशुन्येजुयाव चोन श्वथ्यया निर्भर्तिन जित विदाविम्य वि-
ज्याहुन्यधकं आज्ञादयकल श्वस्य माहादेवया आज्ञाडेनाव मनसजती हर्षमानयानाव हेमालएन आज्ञादयकाव
भोत्रैलोक्यनाथ छलपोलपनीस्यन जित पिताधकं आज्ञादयकस्य विज्यात भोईश्वर तेटिस्कोटि देवताया पिता
ह छलपोलस्यन जां अग्यानीन ययाथे जिपुहेवने तोकपुयाव जितपिताधकं आज्ञादयकस्य विज्यात भोईश्वर आव
जित अज्ञाननासयानाव ज्ञानसहुकिनाव विज्यामाल धकं सदाकाल छलपोलया नाम जिनुगलस थातकाव प्रस

प्रजुस्य विज्यामाल भोससिसेखर आव छलपोलयात पुजानीयाय धकं ययाव माहादेव पार्वतीनिह अ-
सिपुरुषयात अनेग रत्नमणी माणिक पुनातया सुवर्णया सिंहमनमा विज्यातकाव हनं हस्तार्ध पादार्ध
वियाव षोडसउपचार दणकाव श्रीभवानीसङ्कर पुजायानाव नानाप्रार्थना यानाव भोजनयातकाव अनेग व-
रत्नमणीमाणीक आदिनं माहादेव पार्वति निहसिया हेवने चोनाव अनेग विधिपुर्वकं पुजायानाव श्वनलीपु-
जाधुनकाव यथासक्ति जपध्यान यानाव अनेग माथनं तात्रयात भापरमेश्वर भवानी सङ्कर धन्य जिभागेनख-
व छलपोलव जिहयाचव चानस्यनाव जिमनस अती आनन्दजुल गधेभालसा शिरसमुद्रस श्रीनारायणव लक्ष्मी-
व चोनीव्यलस गधेसमुद्रया आनन्दजुल अथे छलपोलपनी विज्याक खनाव जिपनी अती आनन्दजुल भोपर-
मेश्वर गौरिसङ्कर छलपोल गथीडह धालसा थवमायानं थमनं तोकपुयाव मनुषया मायासं रुपसिद्धजुयाव अ-
नेग प्रकारनं किडाविलास यानाव विज्याकह थथीडह भवानी शङ्करया चानस कोटि २ नमस्कार भोजगदीश्व-
माहादेव हनं ईनापयाय छलपोल गथीडहधालसा समुद्रमथन याकेवलस कालकुट एसन थाहावयाव पृथ्वीभ-
स्सजुय तेनव्यलस छलपोलस्यन थवस कयाव नुनाव गलपोलस थातकाव देवलोक रक्षायानाव विज्याकह नि-
लकण्ठधकं नाप प्रख्याती जुल थथीडह निलकण्ठयात काटि २ नमस्कार भोमाहारुद्र हनंशृष्टीथिती थमनं याना-
व थमनं संहारयास्य विज्याकह थथीडह काळांतक यात कोटि २ नमस्कार भोईश्वर हनं त्रीपुरासुगवस्य जुद्ध

25

20

15

10

5

स्वस्था
५९

जुवेलम छलपोलया साजगथीड धालमा पृथ्वीस्थ चतुर्वेद सल चन्द्रसुर्ये घलचाक ब्रह्मासार्थी सुमेरुपर्वत ध-
नुक्त सेषनाग लिङ्गन माहाविष्णु वळी थ्वतेन तृनंदाया घाँचळपु फुतकेयात साजथथीड भोपरमेश्वर थथीड-
ह्य त्रीपुरासुर मोचकाव चोनह्य विश्वम्भर मुर्ती माहादेवयात कोटि २ नमस्कार भोपरमेश्वर परम्ब्रह्म थ्वपार्वति
जुल जगत्माता जुयाव चोनम जिपुत्री जुयाव कृपायाना विज्याकम थथीगु कृपायाकम यात सहस्र कोटी न-
मस्कार भोजगदिश्वर माहादेव ब्रह्माविष्णुरुद्रधकं छमनंस्वभजुया विज्याकम थथीडय माहादेवया चरनस कोटि
२ नमस्कार भोजगनाथ धकं ब्रह्माध्याम छलपोल माहाविष्णु ध्याम छलपोल माहारुद्र ध्याम छलपोल सप्त-
सागर ध्याम छलपोल स्थावर जङ्गम ध्याम छलपोल पञ्चमाहाभुत ध्याम छलपोल हनं निरञ्जन निराकार
ध्याम छलपोल पमुपती ध्याम छलपोल विस्यश्वर ध्याम छलपोल नारायण ध्याम छलपोल हनं सत्व-
गुण रज्ज्वगुण तमोगुण थ्वस्वगुली गुणनं छलपोल मृत्युया मृत्युम छलपोल धर्मया धर्मन छलपोल कालया का-
लम छलपोल गुणया गुणम छलपोल जन्मया जन्मस्वरूपम छलपोल सुयस्वकोटी देवताम छलपोल श्रृष्टीथिती
संहारया कर्ताम छलपोल अनाथया नाथम छलपोल विस्वरूपं छलपोल आदिगदु अन्तमदुम छलपोल अनन्त-
मुर्तिम छलपोल हनं अष्टवसु ध्याम छलपोल द्वादसादित्यम छलपोल हनं दसदिगपालम छलपोल थ्वब्रह्मांदस
दकोप्राणिया हृदयस विज्यानाव पापपुण्यया साक्षिजुयाव विज्याकम छलपोल भोवृषभध्वज छलपोलया महिमा

५९

जिन ल्हायमामर्थमदु गमचतुर्मुख ब्रह्मायागम्यमदु दोलछि १००० म्हुतुथुलाव चोनम सेसनागया गम्यमदु जिव-
हलंया लुसामर्थ दर्इव भोगौरिशङ्कर आवजित छलपोलया जपध्यान छलपोलया नाम सदाकालं जिनुगलस था-
तकाव प्रमन्न जुसेविज्याय माल भोपरमेश्वर माहादेव जिखनाव सदाकाल दयाप्रसन्न जुस्य विज्यायमालधकं हे-
मालयनं वारंवार नमस्कारधकं विनतीयात थ्वनळी अनेग प्रकारनं पुजामान्य यानाव मिखानं हर्षया खोविहा-
यकाव भवानीशङ्करया मुख दर्सन यानाव मनस अती हर्षमान यानाव गौरिशङ्कर दर्सन यानाव चोन थ्वनळी
माहादेवन पर्वतराज हेमालय मेनकानं तोत्रयाक स्वयाव मनस अती आनन्द यानाव मुहुसुनहिलाव हेमालय मे-
नकाया स्त्रीपुरुषया हवने माहादेवनं आज्ञादएकल भोपर्वतराज हेमालय धन्य २ छलपोलया तोत्र पुजानं जिअ-
ती सन्तोख जुयधुन भोपर्वतराज अधीपती आव छलपोलस्यनं जिगुली जपध्यान तोत्रनं सदाकाल छन नुगल-
मं तयाव नीव थ्ववेलम कैलासपर्व प्रवीलाईव भोहेमालय आव जिपनी कैलासवनेतेल ताकाल दत कैलास सु-
न्यजुय थ्वचोनधकं माहादेवनं आज्ञादएकाव थ्वसमाहादेवयाआज्ञानेनाव हेमालययामेनकाया अत्यन्तहर्षमानया-
नाव ध्वमुत्रीपार्वतियात अनेगवस्त्रनं अलंकारनतियाकाव अनेगरत्नमणीमानिकया आभरनपुनकाव रत्नमाला मोती-
मालानं पार्वतियात मोखाएकाव मिखानहर्षयाखविहाएकाव अनेगप्रकारनं पुजामान्ययानाव कैलासविज्यातकळथ्व
नळीमाहादेव पार्वतिनु हेमालयमेनकाया पुजामान्यकयाव अतिहर्षमानयानाव वृषभङ्गयानाव नंदिभृंदी प्रथमगन

40

स्वस्था
८०

चौसठियोगिनीगण सहितनं लिचकाव कैलासपवतस थाहाविज्यानाव पद्मआनन्दन सुखयोग यानाव विज्यातकळ
श्वनली छन्दुया दिनस श्रीपार्वतीन कोथासचोनाव कलन वुयावचोन श्वनली कळभुयधुनकाव कळसितुयकाव
श्रीपार्वतीन मुर्तिदयकाव जिव दानवियाव लुखाया पिनेतयाव थनसुग्गह दुत्तछोयाव हयमदुधकं पार्वतीन आज्ञा-
दयकाव द्वारपालतयाव तलं धुगुलीवेळस श्रीमाहादेव श्वनकलाविज्यात श्वव्यलस श्रीमाहादेव कथासहहावनेत्य-
न बेलस द्वाहाळस चोनहान दुमछोस्यतळ श्वव्यलस माहादेवन श्वद्वारपालवनापं त्वानाव द्वाल्सचोनहया छे-
लध्वनाव विज्यात श्वव्यलस माहादेवया ह्वेने पार्वतीन नेन लसचोनह गथ्ययानाव विज्याना धकं धयाव गा-
हादेवन आज्ञादयकल भोपार्वती द्वारपाल चोनहान जितदुत्त छोयावमहयाव जिनजुद्धयानाव जिनश्वया छेलध-
नवतयधुन धकं आज्ञादयकल श्वत्य माहादेवया आज्ञानेनाव पार्वतीन आज्ञादयकल भोस्वमि माहादेव त्राम
द्वारचोनमजा झिजीसकायमचा धकं धयाव पार्वतीन श्वपुत्रभावन स्वकयात श्वत्यपार्वतीन स्वकयाकस्वयाव
माहादेवन आज्ञादयकल आमथ्यजा जिन गमिया भोपार्वतीधकं माहादेवन आज्ञादयकाव श्वयात जिन जिवदा-
न वियावम्बाकाव वियधकं आज्ञादयकाव दुत्तपनी सलताव दुत्तयाह्वने माहादेवन आज्ञादयकल छपनी यथ्यं-
च्यागुळी दिगस चोनाव गोह्महापाखन वम्हयाछेल धेनाव थनश्वनकल हयभाल धकं आज्ञादयकल श्वत्य माहा-
देवया आज्ञाडेनाव श्वनली दुत्तपनीस्यन आज्ञासिलसफयाव माहादेव पार्वती निम्हसिया चरमस भोकपुयाव वि-

दाकथाववन श्वनली श्वदुत्तपनीस्यन प्यगुलीदिगस दिळावस्वळजुल श्वव्यलस स्वया २ थामसुमंदयाव आवग-
थ्ययाव धकं मनसभालपाव स्वळजुल श्वव्यलस मतहा किमीछिहजुल श्वकिमी दुत्तपनीस्यन खनाव माहादेव
या नामस्वकोल उच्चारनयानाव धनुकसचन्द्रवान वलादुयाव हसपतनथ्यनक लिग्वनसाळाव श्वकिसीयागलपत-
सतुनाव श्वचन्द्रवाननं प्रहारयात श्वव्यलस किमीया गलपोतस कयाव छिर्णजुयाववन श्वकिसीगथीडंभ धा-
लसा हेमालयवर्तथ्य चोन त्वयुववर्णजुयाव चोन गथ्यधालसा पर्वतचोनथ छेलधालसा पर्वतयात्वापलचोनथ्य
चोनं त्वापलमदु पर्वतचोनथ्य श्वयाक्षल पृथिवसजुनाव वानमलाक श्वछेल दुत्तपनीस्यन कयाव कुबुयाव कैलास-
पर्वतथ्यनकळहयाव माहादेवया ह्वेनेनतयावविल श्वव्यलस माहादेवन जुलमां श्वकिसीया छेलकयाव श्वछेल-
धेनावतयाह याम्हस श्वकिसीयाछेल छुनाव जिवदानवियाव स्वातकावविल श्वनली माहादेवन श्वयातनामहु-
एधकं नामहुत्त गथेधालसा किमियाळळुनाव विया या निमीर्तिन श्रीगणेशधकं नामलुनाव प्रक्षातियानाव गा-
हादेवन पार्वतीया ह्वेनेतयावविल श्वव्यलस पार्वतीदेवि अत्यन्तखुसिजुयाव श्वश्रीगणेश पार्वतीया काणजुयाव
आग्यादयकाव आनन्दनविज्यात श्वनली सुएस्वकोटिदेवताया राजाइन्द्रन अग्नीदेवता चोनकलछोयाव आज्ञा-
दयकल भोअग्नीदेवता माहादेव यथेतयान गथेथ्वव्रम्हाण्डरक्षाजुईव धकं भोअग्नीदेवता थोसंसारउधारयाव धकं
उत्तरापण्ठस कामदेवछोयाव जागतजुयकाव तया आवपार्वतीया कथान सुधातपिहामवल आवळलपोल यथेविज्या

25

20

15

10

5

सुस्था
८१

हुने धकं इन्द्रन आज्ञादयकाव अग्नीदेवतान देवराजइन्द्रया केविदाकयाव वनेधकंवन श्वव्यलस अग्नीदेवता माहा-
 देवया केंथामवधकं थनकथायालुखाम चोनपनीस्यन दुतनं मछोस्यतल श्वनली अग्नीदेवतान वायुदेवजुयाव
 खापाया कयवालनदुहावन गथेवनधालसा भिक्षुकजुयाव दुहावन श्वव्यलस माहादेव व पार्वतीव एकात्तजुया-
 चोनव्यलस वायुदेवता भिक्षुकजुयाव वयावचोनखनाव माहादेवया आर्तिकोभजुयाव भस्मयायत्यन श्वव्यलस पा-
 र्वतीन माहादेवया विनतीयात छायअतितजुयाव फोवयम्हयात नासयायमतेव छुंवियावछोव धकं धयाव माहादे-
 वन पार्वतीया खडेनाव छुंवियाछोय धकं धयाव विजछपासल वियावछोत धकं अगस्त्यमुनीया हेवने कुमारन
 आज्ञादयकुसु सुतन नैमिषारने वनस सौनवादि चयच्य/होल ऋषिपनीष्टकन इति श्रीस्कन्दपुराणे माघमा-
 हात्मे कदारखण्डे भिक्षुकममन त्रियोदसोध्याय ॥ १३ ॥ अगस्त्यउवाच अगस्त्यमुनीश्वरन कार्तिक कुमारयाके
 विनतीयात भोकुमार हनं अग्नीदेवता वायुदेवताजुयाव माहादेवया कथासदुहावनाव ना २ भिक्षुकजुयाव वनाया
 निर्मीर्तिन माहादेवन विजछपासल वियावहल धकं आज्ञादयकस्य विज्यात श्वस्वजिन डेनेधुन धकं अथेन जि-
 मनस मेते खमजुवनी श्ववियाख संपुर्णयानाव कस्यविज्याहुने धकं विनतीयात स्कण्डउवाच हनं कुमारन आ-
 ग्यादयकाव विज्यात भोअगस्त्यमुनी श्वनली अग्नीदेवतान थुगुली विजनुनावछोत श्वव्यलस श्वविजनुनाया
 निर्मीर्तिन अग्निदेवताया सरिसदयाव श्वव्यलस अग्निदेवतान अनर्थजुल धकं ज्ञानाव वयायश्वयाय मसियाव

८६

गङ्गाया तिरसवनाव कुसभोत छुगुलीखनाव अग्नीदेवतान श्वकुसभोतस होयावतल श्वनली थुगुली विजमिछोया-
 वचोन श्ववेतलस सप्तऋषीया कलात ब्राह्मणीपनी गङ्गास खानयात वन श्ववेतलस श्वब्राह्मणीपनी थवमालको स्वा-
 नसंध्या तर्पन धुनकाव लिहाँ वयतेनेघेलस श्वगीछोयाव चोन खनाव झिजीस्यन हुँमिकुयत वनेनुयोधकं धया-
 व छद्ममेनधाल मेवया मिछोएकाव तवगु मिक्वमत्यव धकं धयाव छद्ममेन श्वमिमिकुस्यं लिहावन वाकीखुमस्यन
 जक मिक्वयतवन मिक्वतवनपनी सिया गर्भदयाव ब्राह्मणीपनी ज्ञानाव आव गथेयायधकं धन्दाकयाव वयायहं
 मसियाव चोन श्ववेतलस सप्तऋषीनं गर्भदवगु सियाव छपनीया गथेगर्भात जुलधकं धयाव जिपनीस्यनजा मसि-
 याधकं सत्यवाचा यानाव श्वभालत पनिहेवने विनतीयात थयेन बोधमजुयाव ऋषिपनीस्यन ब्राह्मणीपनीष्ट आ-
 पविल छुश्राप विलधालसा छपनी तारागण जुयमालधकं आपविल श्वत्यसराप विवगुफयाव श्वब्राह्मनी पनीग-
 ङ्गातिरस वनाव गङ्गास ल्होयाव श्वब्राह्मनी पनिन अननं आकाशस थाहावनाव तारागनस खाविपुच धयागुली
 नगुतीजुयाव चोनवन श्वनली खुसियासिश ल्होयावत थुगुली विजनं कुमारछम उत्पत्तीजुयाव वल श्वकुमार ग-
 थिङ्मधालसा खुपात खाल्लजुयाव गङ्गाया काएधाए काव जन्म जुयाव विज्यात श्वनली माहादेव पर्वति ग-
 ङ्गा गणेश कुमार श्वपनी सकलें सुमेरुपर्वतस थाहाविज्यानाव आनन्दनं विज्यात श्वनली माहादेवनं गणेशकु-
 मार न्यह्यथवथास तयावतल श्वनली गणेशकुमार श्वपनीन्यह्य शुकुपक्षपा चन्द्रमा जायथें हि २ छिया तवधी-

40

कलजुयाव वल श्वनली गणेशकुमार न्यहास्यन माहादेव पार्वति गङ्गादर्शन यानाव आनन्दन विज्यात श्वनली
छन्हुया दिनस माहादेवनं गणेशकुमार न्यहासलताव आज्ञादएकल भोपुत्र गणेशकुमार आवलुपनी निमस्यन
सुमेरुपर्वत उलाव वायोधकं ग्वम्हमेन हापालातक उलाव वएफत वमयात निर्विघ्न यदिक्ष्यावियधकं माहादेवनं आ-
ज्ञादएकाव निमसित वेदावियाव छोट श्वनली माहादेवया आज्ञानेनाव कुमारन तस्कारन तयारयानाव म्हयखा
गयाव मामबुवाया चरनस भोकपुयाव वेदाकयाव माहाभेगन कुमारन सुमेरु पर्वत उलावने धकं वन श्वनली
गणेशन सुमेरुपर्वतया छत्वापल जकभयाव थववाहान त्यलुया हेवने वनाव गणेशन आज्ञादएकल भोयलु आव
गथेयायसाल कुमारन मामबुवाया भावथे सुमेरुपर्वत उलेयात तयार जुयावपन आव झिजीजक वनेभलसा मद
याव जिश्लीहा वयाधकं गणेशन धयाव थवत्यगणेशया आज्ञानेनाव त्यलुन धाल भोगनेस छलपोल छापंधा-
कायाव विज्यानाधकं धयाव थवत्यलुया वचन भाखाडेनाव गणेशन आज्ञादएकल आव गथेयायगाल धकं कु-
मारन सुमेरुपर्वत उलाव लिहावईव जिवाहान धालसा त्यलु प्वाथधालसा तवग्वल खनधालसा ताहाकल डाय-
मफु कुमारया धालसा म्हयखा वाहानगयाव बोसेवनाव थेनकलवईव थववाहान धालसा थथीडमधकं गणेशन
धाल थवत्यगणेशया आज्ञानेनाव त्यलुनधाल भोगणेश छलपोलयात जिन ज्ञानविए न्यमेविज्याहुने धकं गथेधा-
लसा श्रीमाहादेव पार्वति श्वपनी निहाविज्याक थास छलपोल विज्यानाव ताहात न्यपा जोजलपाव स्वचाक-

ल उलाव आज्ञादए किवधकं जिनजा सुमेरुपर्वत मुलेमसिया असुमेरु मुलेमसियाधकं धयाव पालिन्यपातस भो-
कपुयाव विज्याहुनेधकं थवेलस छलपोलयात निर्विघ्नपद दिक्ष्यावियाव वरप्रसाद विधुवधकं त्यलुन गणेशय हेवने
धाल श्वनली गणेशन त्यलुनसेनाथे मामबुवाया थासवनाव लाहात न्यपा जोजलपाव स्वचाकल उलाव विनती
यात भोबुवाज्यु मामजु जिन सुमेरु असुमेरु छलपोल निहावाहिकन मेवमसिया सुमेरुअसुमेरु छलपोल निहा-
जक सियाधकं धयाव चरनस भोकपुयाव दर्शनयात थव्यलस श्रीमाहादेवन जुलसां आज्ञादएकल हेगणेश छ-
नगुखनेनाव जी अतिलुसि जुयधुनधकं धयाव श्रीमाहादेवन जुलसां गणेशया न्हेवने आज्ञादएकल भोगणेश
छमाहा पद्मज्ञानी खव आव छनत वरप्रसाद कावधकं श्रीमाहादेवन जुलसां आज्ञादएकाव निर्विघ्नपद दिक्ष्या
वियाव वरदान विल लुवरदान विलधालसा स्वर्गमर्त्य पातालस छनत न्हापां पुजायानाव कार्ययातसा वहा-
या कार्ये मिद्ध जुगमालधकं श्रीमाहादेवन श्रीगणेशयात वरदान वियाव मक्षमण्डलस पुजाफया चोन हुन्य-
धकं श्रीमाहादेवन जुलसां आज्ञादएकल श्रीगणेशयात विदावियाव पुजाफयकल छोट श्वनली थथे गणेश-
यात वरदान विधुगु स्वयाव गङ्गान जुलसां मनस माहाक्रोध यानाव नोनापं मवास्य कोलुनाव चोन थथे
गङ्गान न्वनापं मवास्य चोन खनाव श्रीमाहादेवन जुलसां आग्यादए कल हेगङ्गा धकं छलाय आमथे
चोनाधकं माहादेवन न्यस्यली थनगङ्गान माहादेवयाके विनतीयात गणेशयात जफवरदानविल जिकाएधालसा

लिहावयमकाव चोनाव ग-
थेलिहावयमकाव धालसा कठया दधुसलानाव ह्यएखाया पपुतिस लिखककठनध्वक पियाव पपुतिसधालजुधाव
लिहावयमकाव चोनाव ग-
लसा लनधर्मकर्मयाव धकं माहादेवन आज्ञादयकाव आवलन अथ्यदुखन चोनानमाजिल छनकाएननानंथनके य-
गवहादेवता पुजायाय थ्वस्वजितन विस्तारनकसे विज्यायमाळ धकं गङ्गान विनतीयास्यली माहादेवन आज्ञाद-
यकल छनधलसदनजुलसा श्रीस्वस्थानी परमेश्वरया धर्मवर्तदव धकं माहादेवन आज्ञादयकाव थ्वस्व माहादेवया
आज्ञादेनाव गङ्गान धाल थ्वयाविधीगथे लुलुदयकेमाल थ्वस्वसमस्तकस्य विज्याहुने धकं गङ्गान धयाय माहा-
देवन आज्ञादयकल भोगङ्गा छनएकचित्तयानावडेव जिनकेनेतना धकं धयाव हापांपौषण्डया पुर्णमासिखुन्ह
निस्य थ्वधर्मवर्तदने थ्वनली गङ्गाजल श्रीस्वण्ड रक्तचन्दन सिन्दुरपुष्प धुपदिप नैव्यद्यफलपुल तांबुलकस्तुरी कपु-
र वस्त्रदक्षिणा सतछि च्यापाअचितमधीदयके सतछि च्यागवदक्षत्रदएके सतछि च्यापुजजंकादयके सतछि च्यापातग्वा
लदएके सतछि च्याकृतगवचदयके सतछि च्याफोलद्राफोलस्वानदयके थ्वस्वसगुमसहित दयकेमालधकं माहादेवन आज्ञाद-
यकावविज्यात थ्वनली श्रीस्वस्थानी परमेश्वरथापनायाय थ्वनली सतछि च्यापुवाखनलहाय थ्वमननको जपध्यानयाय
स्तोत्रयाय आसिकाफोने हेगङ्गाथ्वस्वधुमकाव च्यापाअचितमधी च्यापुजजंमका च्यागवदक्षत्र च्याफोल द्राफोस्वा-

न च्याव्यलगाव च्याकृतगवच थ्वस्वसगुमसहितदयकाव पुरुषयात लवोलहाय पुरुषमवतसा थ्ववकाएयात लवलहाय
थ्वकाएमदतसा त्यायकाएयातलवलहाय त्यायकायनमदतसा थ्वमननलुकासुनायाना वगुलीकासुनापुर्णजुयमालध-
कं धयाव नादसवहलपावछोत भोगङ्गाधुगुली वर्तयाविधीविधानथथ्यधकं माहादेवन आज्ञादयकल थुगुलीवर्तदवथ्वव्य
लस पुनोरथपुर्णजुव भोगङ्गा थ्ववर्तयाविधानछनत कनेधुनआवलन थुगुलीधर्मवर्तदव थ्वव्यलसथ्ववर्तगा पुण्ययाप्र
भावत कुमारननानंथेनकलवहवधकं माहादेवन आज्ञादयकाव थ्वस्वमाहादेवया आज्ञादेनावगङ्गान मनसअतिआ-
नन्दयानाव सुसुहुनहिजाव माहादेवया चरनस भोकपुयाव मनसभालपाव धेन्ध २ माहादेव धकं नमस्कारयात
थ्वनली गङ्गान कुमारननानंथेनेमाल धकं गङ्गान श्रीस्वस्थानी परमेश्वरया धमवर्तदन गथे माहादेवन आज्ञादय-
कल अथेपौषण्डया पुर्णमासिखुन्ह निस्येनित्य २ गङ्गास मोललहयाव एकभक्तयानाव माहासुचि सिल्लाजुयाव
श्रीस्वस्थानी परमेश्वरया धर्मवर्त गङ्गादेविन अरभयानावविथ्यात थ्वनली लल्लिदयाव माघशुक्रयाधुर्णथ्यनकल-
वयाव गङ्गादेविन अनेग सामाग्रिदयकल लुलुधालसा श्रीस्वण्ड रक्तचन्दन सिन्दुर जंजमका ना २ सुगन्धस्वान
धुपदिपनैव्यद्य फलपुलतांबुल पक्वान दक्षिणा वस्त्र सतछि च्यापाअचितमधी सतछि च्यागोद अक्षत्र सतछि
च्याफोल द्राफोलस्वान सतछि च्याव्यलगाव सतछि च्याकृतगवच सतछि च्यापुजजंमका थममदयकेको सा-
माग्रिताल लातकाव पौदसउपचारनं श्रीस्वस्थानी परमेश्वर पुजायानाव फकेजपध्यानयानाव स्तोत्रयात भोपर-

25

20

15

10

5

सुस्था
८४

मेश्वर श्रीस्वस्थानी परमेश्वर जिकाय कुमारनान थ्यनकाव प्रसन्न जुस्य विज्यायमाल धकं भोपरमेश्वर
श्रीस्वस्थानी परमेश्वर जिगुलमायानाव जिगुली पुजास्तोत्रन संतोखजुय माल धकं गङ्गान श्रीस्वस्था-
नी परमेश्वरयात अर्घविषाव व्रतसंपुर्णयात थ्यनलस स्वानलोकायत लातक कुमार थ्यनकलवयाय कुमा-
रन माहादेवया पार्वतीया गङ्गाया स्वहामिया चरनस भोकपुयाव नमस्कार यानाव विनतीयात थ्यन-
ली गङ्गान मनस आर्तहिर्मानयानाव सताछि च्यापाअचितनधी सताछि च्यापुजजंमका सताछि च्यागवद अ-
क्षत्र सताछि च्यापाश्वालसताछि च्याफोळ द्राफोलखान सताछि च्याकुनग्वच थ्यनसगुन सहितदयकाव माहादे-
वेया लवळानाव गङ्गान चरनसभोकपुयाव शाष्टांगप्रनामयानाव नमस्कारयानाव थाल भोप्रभु माहादेव जिका-
एकुमारयात वरप्रसादविस्य विज्यायमाल धकं कुमारयात श्रीस्वस्थानी परमेश्वरया चेटखान वियाव आसिरवाद
वियाव भोकुमारछन कल्यानजुयपाल धकं श्रीस्वस्थानी परमेश्वरया धर्मव्रतदना आव छनबुवाजुया थ्यासवनेनु-
योव धकं कुमारनापयोनाव माहादेवया थ्यासवनाव माहादेवया चरनस निहस्यन भोकपुयाव गङ्गादेविन मा-
हादेवयाके विनतीयात भोप्रभु माहादेवया आज्ञार्थे जिनकुमारनान थ्यनकलवयमाल धकं श्रीस्वस्थानी परमे-
श्वरया धर्मव्रतदनाव थ्यनली धर्मव्रतदनेधुनकाव श्रीस्वस्थानी परमेश्वरयात अर्घविषाव व्रतसंपुर्णयानाव स्वान
ककायतेनवेलस थ्यनलस कुमारथ्यनकलवल भोप्रभु माहादेव थ्यनलस जिमननं भालपा धन्य २ श्रीस्वस्थानी

८४

परमेश्वर धकं थनि छलपोलया धर्मव्रतदना जिकाएकुमार थ्यनकलवल धकं जिमनआन्दजुळ धक धन्य २
छलपोल धकं छलपोलयाकूपान जिमनोरथ पुर्णजुळ धकं भोप्रभु माहादेव आव जिकाए कुमारयात वरप्रसाद
विस्य विज्याय मालधकं गङ्गान विनतीयाक स्वयाव मनस अतिखुमी जुयाव माहादेवनं आज्ञादएकल भोकुमा-
र छन भाव भक्तिछनगु पराक्रम स्वताव जिअती खुसीजुयधुन आव छयन वायो छनत वरप्रसाद वियधकं आ-
ज्ञादएकाव माहादेवन कुमारयात वरप्रसाद विल भोकुमारधकं गनछन दाछु गणेश पुजायात अन छनत पुजा-
यायमालधकं माहादेवन आज्ञादएकाव कुमारयात वरप्रसाद वियाव मक्षमण्डलस पुजाफएकल छोट थ्यनलस
कुमारन माहादेवया आज्ञानेनाव कुमारन मनस अतिखुसिजुयाव पुजाफयाव चोन विज्यात थ्यनली माहादेवन
गणेशकुमार निहयात वरप्रसाद वियाव मनस अतिखुसि जुयाव माहादेव पार्वति गङ्गा स्वह्य सुमेरुपर्वतस आ-
नन्दन विज्यातधकं कार्तिक कुमारनं अगस्त्यमुनिया हेवने आज्ञादएकगुखं सुतनं नैमिषारन्य वनस सौनकादी
चयच्यादोल ऋषीपनीष्टकन इतिश्री स्कंदपुराणे माघमाहात्मे केदारखण्डे गणेशकुमार वरप्रसाद चतुर्दसो ध्याय
॥ १४ ॥ अगस्त्यउवाच हनं अगस्त्यमुनीनं कुमारयाके विनतीयात भोकुमार श्रीमाहादेवन गणेशकुमारयात व-
रदान वियाव मर्त्यमण्डलस पुजाफएकल छोटधकं आज्ञादएकस्य विज्यात थ्यनं जिनन्यनेधुन आव श्रीमाहादे-
व पार्वति गङ्गा स्वह्य सुमेरुपर्वत विज्याकगु खं थ्यनं विस्तारनं कस्य विज्याहुनेधकं अगस्त्यमुनिन विनतीया-

२५
 २०
 १५
 १०
 ५
 ०

स्वस्था
 ८५

सेलि हनं कार्तिककुमारन आज्ञादएकल स्कन्दउवाच हनं कुमारन आज्ञादएके त्यन भो अगस्त्य मुनिश्चर छन
 एकचित्त यानाव डेवधकं ध्वखं जिन विस्तार यानाव कडेतेनाधकं कार्तिक कुमारन अगस्त्य मुनिया ख्वाळस्व-
 याव आज्ञादएकल भोअगस्त्य मुनिडेव जिनकने त्यानाधकं ध्वनली तारकासुर भयानाम दैत्यजुया इन्द्रादीत्य-
 तिसकोटी देवता संग्रामन जयलपाव स्वर्गतया राजेन पितीनाव हयाव पृथ्वीमण्डलस कहावयाव चोन ताकाल
 दत माहाकष्ट नयाव चोन ध्वनली तेतिस्कोटि देवतामुनाव इन्द्रया थायस वनाव विनतीयात भोदेवराज इन्द्र
 जिपनी विनतीनेमे विज्याहुनेधकं लुधालसा ताकालदत पापिष्ठ तारकासुर दैत्यन क्षिजी सँग्रामन जयलपाव त-
 वगु ताकालदत हनं क्षिजीस माहादुख कष्टनयाव पृथ्वीमण्डलस कोहावयाव चोना आब गथेयाय माल पापि-
 ष्टतारकासुर मोचकेयात लुजतन दवला जतनयानाव मोचके मालधकं तेतिस्कोटी देवतनं विनतीयात ध्वनली
 देवराज इन्द्रन तेतिस्कोटि देवताया वाक्यनेनाव गुरु बृहस्पती सहितयानाव श्रीब्रह्मायाके सरनवने नुयोधकं आ-
 ज्ञादएकाव ध्वत्य देवराज इन्द्रया आज्ञानेनाव इन्द्रप्रभृती देवलोक सकलें ब्रह्मलोकस वन ध्वनली ब्रह्माया आ-
 श्रमस थेनकल वनाव देवलोक समस्तसेन मिखान खोविहाएकाव विनतीयात भोपितामह ब्रह्मा छलपोलया च-
 रनस सहस्रकोटि नमस्कारधकं इन्द्रप्रभृती तेतिमकोटि देवन नमस्कारधकं विनतीयात भोपितामह ब्रह्मा जिप-
 निसया विनतीनस्य विज्याहुनेधकं लुधालसा छलपोलयाके वरप्रसाद लानाव पापिष्ठ तारकासुर दैत्यन जिपनी

सव सँग्रामन जयलपाव जिपनी अमरावतिन पिनीनाव हयाव जिपनी अधिकालस माहासुखनं राज्य भुक्तमान
 यानाव चोनागु दँ १०००० द्विचोलद जिपनी पृथ्वीमण्डलस वनाव चोना अथेन जिपनिष्ठ उधारमजुवनी थोतेन
 छलपोयाके सनवया जिपनिष्ठ रक्षायास्य विज्याय मालधकं भोपितामह ब्रह्मा थोतारकासुर दैत्यन जक स्वर्गत भो-
 ग यातकाव तयाला जिपनिष्ठ मुस्वालला ध्वतेन ध्वपापिष्ठ तारकासुर मोचकेयात लुउपाय यासेविज्याय माल-
 धकं थुगुली प्रकारन तेतिस्कोटि देवतान विनतीयाक खनाव ब्रह्मान आज्ञादएकल भोदेवता तारका सुरयात जि-
 न वरदान वियाव छानवालसा ध्वतारका सुरनं तवधङ तपस्याया पाललात गवहान तपस्यायात बहान फलला-
 ईव मखुला ध्वनली फल मदतसा ध्वमरीरनं कष्टनयाव छायतपस्या यायुव थुगुली फललाय निमीर्तिन तपस्या-
 यात भोदेवता हनं दानपुण्य यात अनेग जग्य जागादियात धर्मकर्मयात थास २ वनाव तिर्थजात्रा यात छान
 थालसा धर्मलाय निमीर्तिन माहाकष्ट नयाव तपस्यायात ध्वतेन धर्माधिष्ठ पदारथ मैबता लुमडु गुलीत तवधङ
 धर्मयात वयात तबप्रवीलाईव हनं चिकीधङ धर्मयातसा चिकीधङ प्रविलाईव भोदेवता धर्मया अनुमार स्वया-
 व फलविईव भोदेवता ध्वतेन थोतारका सुरया तपस्या कथोर तपस्याजुयाव चोन ध्वतेन जिनवरदान वियावत-
 या जिनवियागु वरदान वियाव आम अमरावतिया प्रवीलात भोदेवलोके छपनीहतासचायाव लुयाय ध्वतारका
 सुरया पुण्यया प्रभावदतले स्वर्गभोगयाईव पुण्यमदतमान गवलतचोनिव हनंछपनिमेन मोचकिव मखुला हेदेबलो

स्वस्था
८६

क तारकासुर मोचकेयात कारनदत्त गथेधाळसा श्रीमाहादेवन हेमालय पर्वतया ह्मगाव श्रीपार्वति देविया
ईहिपाल याय धुनकाव अननं गङ्गासुधात ईहिपाल याय धुनकाव चोनधकं धयाव आपार्वतियाकेन श्रीगणेश
छहजातजुल हनं गङ्गायाकेन कुमारछहजातजुल धकं हनं थोनली गणेशकुमार निह्यतवधिकतजुयाव ध्वज्यलस
माहादेवन गणेशकुमार निह्यसुभ्येरुप्रवत उयकळछेयाव लिथ्यनकाव गणेशकुमार निह्ययात वरदानधियाव स
क्षमण्डलस पुजाफयकल छेयधुनकाव माहादेव पार्वती गङ्गास्वह्य सुभ्येरुप्रवतस आनन्दनविज्यात भोदेवलोक
आवळपनीस्यन माहादेव कैलासविज्याचकिव धकं ध्वज्यलस माहादेवयाके विनतीयानाव छानीस्यन कुमार
छहकोव धकं ध्वह्यकुमारतीनि ध्वह्यतारकासुर मोचकिव धकं ब्रह्मान देवलोकया स्वालस्वयाव ब्रह्मान आज्ञाद-
यकल धकं कार्तिककुमारन अगस्त्यमुनी यातकन हेअगस्त्यमुनी धकं छनएकाचितयानाव डेवधकं जिनकनेधकं
कार्तिक कुमारन आज्ञादयकल ध्वनली माहादेव कैलासविज्याचकिव धकं इन्द्रादिदेवता थिथीन्वात शिजीसथ-
थीडहवालजुयाव चोनधकं शिजीस्यनजा वातनपामतायानी धकं माहादेवया पार्वती गङ्गा ईहिपालधुन कावचोनगु
पार्वतीयाकेन गणेशजातजुल गङ्गायाकेन कुमारजातजुल धकं हेअगस्त्यमुनी धकं ध्वनली गणेशकुमारनिह्य
तवधिकलजुयाव माहादेवन वरप्रताद वियाव थास २ तयधुनकाव आनन्दन चोन भोदेवलोक आवतलेशिजीस्य-
वा नातनांपमताय धकं शिजीसथथीड हवाल जुयावचोन धकं सकलदेवमुनाव माहादेवयात कैलासविज्याचके

नुषोधकं ब्रह्माया आज्ञाडेनाव ब्रह्मयाके विदाकयाव साष्टांगप्रनामयानाव ध्वनली इन्द्रादिदेवता देवलोकसकलें
मुनाव सुभ्येरुप्रवतस विज्यातकल धकं कार्तिक कुमारन अगस्त्यमुनीया हेवने आज्ञादयकल ध्वज्यलस देवलो-
कन सुभ्येरुप्रवतस वनाव माहादेवया थामध्यनकलवन ध्वनली माहादेवन कैलास विज्यायधकं भालपाव पा-
वतीवगङ्गाव समधालयानाव श्रीमाहादेव श्रीपार्वती श्रीगङ्गा श्रीउगामहेश्वरजुलसां एकसरिरजुयाव वृषभंगयाव
सुभ्येरुप्रवतन पिहाविज्यात ध्वज्यलस इन्द्रादिदेवलोकन माहादेवया चरनस भोकपुयाव हतासन अनेगधुपथना-
व वामालायाव स्वानमालान वागातकाव वाजाथातकाव ना २ माथन जात्रायानाव तेरिस्कोटिदेवतान स्तोत्र-
यातकाव ऋषिलोकन वेदपारनयातकाव सिंहरताय स्वानमाला आदिन माहादेवयाके पुजायानाव कैलासप्रव-
तस यहाविज्यात धकं कार्तिककुमारन अगस्त्यमुनीया हेवने आज्ञादयकल हेअगस्त्यमुनीश्वर ध्वनली माहादे-
व आनन्दन विज्याकजुल हेअगस्त्य मुनीश्वर ध्वनली इन्द्रप्रभृती तेरिस्कोटिदेवतान लहातजोजलपाव माहादे-
वयाके तेरिस्कोटिदेवतान विनतीयात भोपरमेश्वर माहादेव आवदेवलोक उधरजुल स्वर्गतस तारकासुर दैत्यरा-
जाजुयाव चोन ध्वलध्वकाळदत धकं इन्द्रादिदेव सुयस्वकोटिदेवतान विनतीयानावचोन भोपरमेश्वर माहादेव
जिपनी रक्षयापमाल धकं भोजगदिश्वर माहादेव जिपनीस्यन छळपोलस्के विनतीयायतेना नेस्यविज्याहुने ध-
कं छुधालसा छळपोल उवाणठस विज्यानाव तपरयायानाव विज्याकवेळस ब्रह्मायाके वरदानलानाव तारकासुरन

अमरावती राज्ययानाव देवलोक सकल्ये जयलपाव पितीनावहल ध्वतन ध्वतारकासुर पापिष्ठमोचकेयात छल-
 पोलस्यन कुमारछहा दयादयकाव जिपनीष्ट प्रसन्नसुरय विज्यायमाल धकं तैटिकोटि देवतान माहादेवयाके
 विनतीयात थुगुली प्रकारन देवलोकया वाक्यनेनाव माहादेवन देवलोकया खालस्वयाव मुसुहुनहिलाव आज्ञाद-
 यकल भोसमस्तदेवलोक छपनीसिया भावभक्तिस्वनाव जिअती खुमिजुयधुन धकं आव छपनी त्रासचाय मुम्वा-
 ल जिन छपनीष्ट अवस्यन जिकाय कुमारभियजुल आव कुमारयात अभिस्थपनी वियमाल धकं ध्वनली कुमा-
 रघोनवलछोया अभिस्थप वियत तयारयात ध्वनली माहादेवन ध्वकुमारयात अभिस्थप वियधकं यनवेल्स कु-
 मागजुलसा डाडदयाव चोन ध्वव्यलस दुग्धप्रभाव सग्रामजुयाव चोन थुगुली प्रभातिर्थजुल थोतिर्थस देवलोक
 न कुमारयात बोनायनाव ध्वनली अभिस्थप वियत्यन ध्वनली प्रभातिर्थथ्यन कलवनाव अभिस्थप विययात त-
 यारयात ध्वव्यलस हेमालपरषत श्रीब्रह्मा विष्णु एकादसरुद्र चन्द्रमा द्वादससुर्ये अभिपंथवायु दसदिगपाल
 इन्द्र जन्मराजा इव्यर वरुन नैकुत्य वायुव्य ईशान विस्वकर्मा ध्वपनी सभस्त ध्वनकलविज्यात हनं ऋषि-
 लोक मुनिगन जक्षराक्षस मिद्धगन्धर्व अप्सरा गुह्यकमण स्वाहास्वधा पितृलोक ध्वपनी सभस्त ध्वनकलवल
 हनं नागराजा बालमुक्तिन सभस्त नागलोकन लितकाव ध्वपनी ध्वनकलवल हनं सुग्यरूपवत मेनाकप्रवत
 गेदमानपवत आदियानाव पर्वतदको ध्वनकल ध्वनली संपुर्ण दकोतिर्थवयाव थव २ मुर्तिमानजुयाव विज्यात

सप्तसमुद्र सप्तगण्डकी चतुर्दस भुवन नवक्षतारा सभस्त थव २ मुर्तिमान जुयाव वन हनं अस्तवसु द्वादशमा-
 स वमन्तकृतु शुक्लपक्ष कृष्णपक्ष अमावास्या सक्रान्ती पुर्णेमा नक्षत्रगन ग्रहतिथीवार जोगरासि होला वला स-
 हितयानाव विज्यात हनं धाता विधाता कर्म भावी लोभमोह क्रोध ध्वपनी सभस्त मुर्तिमान जुयाव विज्यात
 हनं पार्वति गङ्गालक्ष्मी सरस्वती सावित्रीसनि ध्वपनी आदियानाव देवकन्यापनी सललवल हनं सभस्त देवदे-
 विवयाव गुलिप्रानिदत उलिप्रानि ध्वनकलवल ध्वनली रत्नया सिंहासनस कुमार विज्यातकाव तल ध्वनली सुवर्णया
 थलस प्रभातीर्थया जलहयाव सुमङ्गलनं संजुगक्त थानाव अभीषेध गिल ध्वनली ऋषीलोक देवलोक सभस्तस्यनं
 अभिषेधकविल ह्यापां ब्राह्मणनं अभिषेधकविल ध्वनली नारायणनं अभिषेधकविल ध्वनली महेश्वरइन्द्र थापनीसेनअ-
 भिषेधकविल ध्वनली ऋषीलोक देवलोक ध्वपनी सभस्तसेन अभिषेधकविल ध्वनली अनेग गितवायथात हनं अ-
 प्सरापनी स्यन आकाशस चोनव पुष्प वृष्टियात हनं देवलोक सभस्तसेन श्रीकुमारया जए जुयमालधकं जए-
 शदयानाव माहाउत्साह यात थोतेधुनकाव श्रीब्रह्माजी देवलोकन आज्ञादएकल भोकुमार देवलोकया सेनापटी
 छलपोलजुल छलपोस्यन देवलोक रक्षायामालधकं विनतीयात ध्वव्यलस श्रीब्रह्माण गन्धर्वगन कुमारयात ल-
 वल्हात विष्णुन ब्रह्मासैन्य लवल्हात जन्मराजान पद्मसैन्य विल कुवेगन पेद्मसैन्य लवल्हात वरुनदेवतान पेद्म-
 सैन्य लव हात हनं चन्द्रमान पेद्मसैन्य लवल्हात सुर्येन पेद्मसैन्य लवल्हात हेमालयन पेद्मसैन्य लाल्हात सुमे-

स्वस्था
८८

रुपवर्तन पेक्षसैन्य लवल्हात समस्तदेवतान पेक्षमाहाविर लवल्हात बालसुकिनाम तक्षकनाग कर्कोतकनाग प-
द्मनाग माहापद्मनाग कुलिकनाग सङ्खपालनाग धतेनाग पनिसेन नागपास विगुली लवल्हात शुगुली प्रकारन
सुयस्वकोटि देवतान सस्रअस्रन संजुक्तयानाव अनेग सैन्यसमस्त कुमारयात लवल्हात हनं पार्वतिगङ्गा लक्ष्मी
सरस्वती सावित्रीसखी श्वतेसेन सस्रअस्रन सहितयानाव अनेग सैन्य लवल्हात हनं पुनर्वाद श्रीपसुपती माहा-
देवन माहाविर पेक्षसैन्य लवल्हात श्व सैन्यपनीया पराक्रम गथीङ्ग धालसा सुमेरुपर्वतधे तवधीकल सोवधाळसा
माहाविशद गलपोतसंघण्टदव लाहातीस खड्ग मुसल माहाभयानक मुर्तिजुयाव चोन थथीङ्ग विरह सैन्यपे-
क्ष माहादेवन लवल्हात हनं कुय्यरन लकोटि १००००००० जक्षसैन्य विल श्वपनी पराक्रम गथीङ्ग धालसा मा-
हादेवयाके वरदान लानाव चोनपनी सँग्रामस थवजिवावियाव लाईव मेवया मोचकिव थवसमयास्य लिहावईवमखु
श्वनली माहाविष्णुन वैजयन्तीमाला थवगीवास चोनगु ककायाव विल गथीङ्ग मालाधालसा थवद्वस थवमा-
ला लातले बलहीन जुयमदु थवमालाया गुणथथीङ्ग प्रभाव दव हनं उमा भगवतीन खुयपेकोटि योगिनिगन ल-
वल्हात थवयोगिनीगनया पराक्रम गथीङ्ग धालसा लक्षसेन थवपृथ्वी नुनाव थवचोन माहाभयानक मुर्तिजुयाव
चोन सुय्येथिगु तेज जुयावचोनगु वर्नजुलपी कुमारयात लवल्हात हनं भङ्गन कण्डलुस अतथनाव लवल्हा-
त हनं बृहस्पतीन थवलाहातीस चोनगु वृक्षान्दसविल शुगुली प्रकारन समस्त सैन्यन लिचकाव कुमारया मा-

८८

हास्वभाय मान जुयाव गथेधालसा भाद्रपदया पुनेया चन्द्रमाथे स्वभाय मानजुयाव चोन श्वनली कुमारन थव-
सैन्य माहाविर स्वयाव कुमारन आज्ञादण्डकल भोदेवलोक छपनीहतास चाणमुम्वाल थवपापीष्ट तारकासुर दैत्य
जिन अवस्यन मोचके जुल अवस्यनधकं २ प्रतिज्ञायात थवतारकासुर मोचके मफतसा जीमाहादेवया काण्मखु
छानधालसा तारकासुर मोचके निमीर्तिन जित छमिसेन जिबुवायाके फोनाव हल आव जित सुयस्वकोटि देव-
तान सस्रअस्र वियावहल श्वतेन तारकासुर मोचके अवसेन धकं प्रतिज्ञायात शुगुलीप्रकारन कुमारन प्रतिज्ञायाक
स्वयाव माहादेवन असन्तन हर्षमान यानाव थोथीन्वात आवतिनी झिजीसेन स्वर्गभोग थायदईव खनेधुनधकं
निश्रयजुल भोदेवलोक कुमारन प्रतिज्ञायाकगु खवलाधकं कुमारन प्रतिज्ञायाक खनाव समस्त देवलोक रसतायाव
विश्वकर्मान सुवर्ण रत्नमणीमानि हेरान संपुर्णनाव रथजुलि दण्डकाव ध्वजापताका बोणकाव छत्र जोजलपा
तयाव रथस कुमारयात वियाव थवरथस कुमारयात तयारयात थव्यलस अनेग बायथात गुलिसीन शङ्खघोषन
यात गुलिमिन गीतवादेथात गुलिमिन प्याखुन हुल शुगुली प्रकारन माहाहर्षमान यानाव तारकासुरया उपरसं
दरहात श्वनली थवदरयाशद माहासद जुयावचोन लुयासद धालसा हापां हर्षसद श्वनली लायबुयासद व-
नलीनगरयासद वनलीदिमरुयासद वनलीजत्रयासद वनलीशङ्खयासद भेरिसद नफेरियासद नरसिंघयासद-
घण्टयासद बाययासद तालयासद कण्ठ तालयासद धाकयासद माहालियासद अजुस्वायासद कयपिज-

25

स्वस्था
८६

20

15

शब्दधिकाशब्द वभुयाशब्द काहायाशब्द अवाजयाशब्द दाहायाशब्द खगजियाशब्द तिमायाशब्द पंचवाजायाशब्द
 देवदुतियाशब्द बाजायाशब्द प्याखनयाशब्द थथीयुशब्दन त्रिभुवन व्यासमानजुयाव माहाअर्घोरशब्दजुल था-
 शब्दनायाव देवकन्या पनीसमस्त वयाव अपसरापनी सहित यानाव आकामश चोनाव श्रीकुमारयात
 पुष्पवृष्टी यात हनं ऋषि लोक मुनी लोक पनीस्यन अनेग स्तोत्र आसीर बाद तथाव सुमंगल
 यातकाव श्वव्यलस हतालवनेयात धनुकलपु प्रस्थानयात श्वनली गणेशन तिहुयाह्वने धाल स्वव २
 नकतीनि वरदानविषाव हल थग्रीजितककाल धकं हतालवनेयात जितमानेसयास्य वनेत्यनधकं गणेश
 नधयाव श्वनली तिहुनधाल भोगणेशधकं छलपोलधन्दा कायमेव निश्चयन तयामखुनीव बुवाजुनलोहमनाव
 चोनधकं आव जिवनाव लुमनकावविध धकं धयाव श्वव्यलस तिहुजुलमा गणेशयाके विदाकयाववन श्वनली
 पुजायानाव तयागुलीधनुकया लिंगनयाखिपत छपुजकत्वाहानाव विहु श्वव्यलस हतालह्मगायत धनुककालवन
 वेलस लिग्धनचतफुनावतल श्वव्यलस स्वतनास्य विघ्नजुल धकं माहाधन्दाकयाव माहादेवया धामवनाव विन-
 तीयात भोमाहादेव हतालवनेत धनुककालवना वेलस धनुकया खिपतचतफुनावतल आव गथ्ययायमाल धकं
 विनतीयाकनेनाव माहादेवन आज्ञादयकल भोदेवलोक छपनी त्रासचायसुम्वाल धकं माहादेशन आज्ञादयकल
 विघ्नजुलमखु धकं जिनवरदान वियावतया गणेशयात वोनकलछोय लोलमन थुक्रियाकारनथुका तिलुवयाव लि-

८६

10

5

ग्वनचानाव थुगुली लुमनकावविल धकं धयाव गणेशयात धायकलछोत श्वनली गणेशमुध तवोनाव थुगुली
 प्रकारन कुमारया रथह्मयात श्वव्यलस देवलोकसंपुर्णयानाव कुमारवनापं विज्यात सुसुवलसा लक्ष्मीधर्म सत्य
 दयाजगत बुधीकालमास नक्षेत्र जोगतिथी बार रासी रितुपुर्णमासि सक्रांति अमावास्या नवग्रह हनं वायु समु-
 द्रनदि तिर्थदको पर्वतदको आकाम पृथ्वितेज आमावृक्षरता त्रिनपक्षी जक्ष राक्षस जोरनीगम सुयस्वकोटिदेव-
 लोक सहित चन्द्रसुय्ये अग्नीश्वते सहितयानाव श्वदरअत्यन्त सोभायमानयानाव श्वनली दुर्गन्धप्रभा तिर्थथेन
 कलवनाव समस्तस्यन थुगुली गन्धकिस अस्नानयानाव तारकासुर मोचकेकयमाल धकं बलफोनाव जयशब्द-
 यानाव समस्त देवलोकअ ब्रह्माविष्णु माहादेवन कुमारयात अभिस्यषधियाव श्वतेधुनकाव कुमारयात रथसतया-
 व संपुर्णदेवलोक सहितयानाव अमरावतिथ्यनकल विज्यात श्वनली माहामदन लायबुषाव सिंघनादयत श्व-
 शब्दतायाव तारकासुर दैत्यन कुमारया हतालववस्वयाव श्वमन्त्रीपनीसकल्ये मुनकाव समाधालयानाव तिघुन
 सैन्यमुनकाव रथसदनाव अनेगवाजायातकाव हसकोति सैन्यमुनकाव श्वतेसैन्यलीचकाव कुमारया थारुथ्यन-
 कलवन थनकुमारया तेजस्वयाव अथाहा सैन्यस्वयाव श्वतारकासुर त्रासचायाव जुद्धमयास्य विस्ववन श्वव्यल-
 स कुमारान श्वतारकासुर विस्ववनस्वयाव हतकावछोत भोपापिष्ठ तारकासुर लुमन विस्ववनेत्यना जिवनाप जु-
 द्धमयास्य वनेतेनाला गनविस्ववनेत्यना धकं छवतउधार जुगुलाधक हतकाव हनं लधर्मतारकासुर स्वतमा जि-

0

5

10

15

20

25

30

35

40

वनापं जुद्धयाव मखुतसा नामर्द्ध जुयधुनधाव धकं हतकावछोत कुमारन तारकासुरयात लिनावछोत थनतार-
 सुरन थवतकुमारन लिनावहल स्वयाव माहाक्रोधन लिखयाव कुमारनापं माहाअघोरजुद्धयात नेपक्षन अनेग
 सखबृष्टीयानाव निपक्षयोस्यना कोटि २ परजुल थव्यलस तारकासुरन ब्रह्मास्त्रकयाव देवलोकयाके दुव्वातवन
 थथयकेदुव्वात ववस्वयाव देवलोकसमस्त विस्यवन थवनली तारकासुरन चन्द्रमायाके दुव्वातवन चन्द्रमावस्य
 माहाजुद्धयात हनं इन्द्रयाके दुव्वातवन थनदेवराजइन्द्रन तारकासुर थवकेदुव्वात ववस्वयाव इन्द्रन अनेग सख-
 अस्त्रन प्रहारयात थव्यलस तारकासुरन इन्द्रयाके सखअस्त्रन प्रहारयानाव कोटि २ इन्द्रयास्यनापती मृत्युजुल
 थवनली तारकासुरन ब्रह्मास्त्रप्रयोग यायतेनाव इन्द्रजुलसा विस्यवन हनं अभियाके दुव्वातवनाव तारकासुरव
 अभिव माहाजुद्धयात थवनली हनं जन्मराजायाके दुव्वातवन तारकासुरव जन्मराजाव माहाअघोरजुद्धजुल थन-
 जन्मराजान तारकासुर वस्यजुद्धयाव मफयाव जन्मराजाया अघोरमुखयानाव वन हनं नृपक्षयायकाव चोनह
 राक्षमव तारकासुरव नापलानाव नेहस्या माहाजुद्धयात हनं तारकासुरन वरुणायाके दुव्वातवनाव जुद्धयाना-
 वचोन थवनली वरुनन थवतारकासुरन प्रहारयास्यहवगु सहलप्यमफयाव कुव्यरन माहाक्रोधयानाव तारकासुरव
 कुव्यरव निहिवरोवर जुद्धयानाव चोन थव्यलस तारकासुरया प्रहारसहलप्य मफयाव कुव्यर विस्यवन थव्य-
 लस श्रीकुमारया सैण्यचिलामचिलादनाव ववस्वयाव तारकासुरन सिंहनादयात थवतारकासुर वनापं हिकोटिमा-

हारथिदु थवतेसमस्तसेन सिंहनादयात थवेलस सिंहनादया शब्दनं त्रैलोक्य कंमानजुल थवेलस कुमारन थव-
 सैन्य चीला मचीला दनाव जुवस्वयाव कुमारन अत्यन्तन क्रोधयानाव माहावेगन तारकासुरयाके दुव्वात वना-
 व तारकासुरव कुमारव माहाजुद्ध जुल हनं तारकासुरया सेनापती सेनापनिसेन रासथयानाव पक्षकाटि
 १०००००००००० माहारथीदु थवयाके कुमारन तिक्षवान ३ स्वथुकयाव प्रहारयानाव तारकासुरया सैन्यव जुद्धया-
 त थवेलस सैन्य दको गोचकाव विलधकं कार्तिक कुमारन अगस्त्यमुनियात कन थवह्यस्र सुतन सौनकादि च-
 यच्यादोल ऋषीयात कन इतिथी स्कन्दपुराणे माघमाहात्मे केदारखण्डे तारकासुर खण्ड जुद्ध पञ्चदसो व्याय
 ॥१५॥ अगस्त्यउवाच हनं पुनर्वाद अगस्त्यमुनिश्चरनं कार्तिक कुमारयाके लाहात नेपां जाजलपाव चिनतीयात
 भोकुमार छलपोलसेन तारकासुरया सैन्य गोचकगु आज्ञादएकल डेनेधुन आव थवतारकासुर दैत्य गथे यानाव
 गोचका थवस्यं समस्त विस्तारन जितकस्य विज्याय मालधकं अगस्त्य मुनिश्चरन कार्तिक कुमारया ह्वेने चिन-
 तीयात थवतेअगस्त्य मुनिया वचनडेनाव कार्तिक कुमारन आज्ञादएकल स्कंदउवाच हेअगस्त्यमुनिधकं छन ए-
 कचित्त यानाव न्यब जिन कनेतेनाधकं कार्तिक कुमारन अगस्त्यमुनिया ख्वालस्वयाव आज्ञादएकल हेअगस्त्यमुनी
 थवनली तारकासुर दैत्यव कुमारव माहाकल्लोल जुद्धजुयाव निहिव वरोवर जुद्धयानाव चोन गथेधालसा निगुली
 समुद्र नापलाकथे माहाकल्लोल जुद्धजुयाव थीथीसिंहनाद यानाव लायवुयाव माहाअघोर सङ्ग्रम यानाव चोन

स्वस्था
९१

थीथीवाननं प्रहार यानाव चोन थववान प्रहार यागुली दिशाङ्गिगुलीस अंधकार जुयाव वन गथेधालमा आपाढ
कृष्णया रात्रीथे अंधकार जुयाव थीथीचिनालए मजिचाव थवथे थमनं प्रहारयानाव कोटिदैत्य मृत्युजुल हनं अ-
ग्निन वियाव हवगु तवधड मक्ति कुमारन थवलाहातिस कयाव पाछायाव केन थवसक्ती केनामात्रन कोटी २ दै-
त्य मृत्युजुल हनं कुमारया ध्वजाया सदन पताकाया सदन घलचाकया सदन कोटी २ दैत्य मृत्युजुल थवस्व-
याव कुमारन सिंहनाद यात हनं कुमारन ववनापं खुयकोटी योगिनीगनदु थवपनीस्थम लाष्टवुया सदन दैत्य
समस्त सफायाव तारकासुरया कोतान कोटी दैत्य मृत्युजुल हनं योगिनीगननं तारका सुरयात छचाकल घेरा-
वियाव त्वकपुयाव तल थवस्वयाव तारकासुरया माहाक्रोध जुल थवबेलस तारकासुरन ब्रह्मास्त्र प्रहारयानाव छो-
त थवबेलस ब्रह्मास्त्र कुमारयाके थेनेमलाव कुमारन थवकेचोनगु सक्ती कयाव प्रहारयानाव छोट थवबेलस थवस-
क्ति वस्वयाव ब्रह्मास्त्र ज्ञानाव विस्वयन थनसक्तिन ब्रह्मास्त्रयात लिनाव छोट ब्रह्मास्त्रव सक्तिव आकाससं चोनाव
याहाकलोल संध्यामजुल हनं तारकासुरव कुमारव थीथीअनेग समस्तन प्रहार यानाव संध्यामयात थवबेलस त्रि-
भुवनया महा त्राहि २ जुल पृथ्वीमातान भालाकुवुय मफयाव सप्तसागर समुद्र भयफायाव वागाक बेलथे जुल
यथीड बेलस तारकासुरया रथम माहाउत्साहजुल गृद्धजुतवळ दशदिशास अन्धकाल जुयाव वन असंख्य जं-
बुक वयाव तारकासुरया बलहिन जुवगु स्वयाव मृतक सरिरस माहा अघोरन हात्ताव तु २ तुलाव जुल गुली-

९१

सिवा लाहातमदु गुलीसिया तुतिमदु गुलीसिया वापिमदु गुलीसिया खिप्वात भतिगुनाव चोन थुगुलीप्रकारनानि-
पक्षया सैन्य पदलपाव चोन थवबेलस दैत्यया सस्रजस्रहानाव खुमिया मछेकलेस हनान खुमिया नाहाल लिला-
दात हानान परवतया वृक्ष थुगुली प्रकारन स्वयाव गृद्ध कोख ईमा थवपनी मण्डल कयाव हनं अनेक कवन्धन
लानयाव चुर्नभुत जुवगुली हानाव वन गुलीखुमिया पखेजुयाव चोन थथीड रक्तयोनंदि जायळपु स्वयाव दे-
वपक्षया असुरपक्षया माहाभय जायलपाव बल थथीडगु थायस कोटि २ कवन्ध भुतप्रेतपिसाच उत्पत्तीजुयाव
बल हनं कवन्धपनी स्यन लिपीनाव चोको दैत्यपनि लाकलाक नयाव थवस्कया नदिस जलपान यानाव माहा
सुखनजुल थथेजुवगु स्वयाव माहाभय उत्पत्तीजुल थवबेलस तारकासुरया रठया तेज हितजुयाव वन थवस्वया
य कुमारया जक रठया सैन्यया थवमाहातेज जुयावबल थथीडगु थायस आकाशस ब्रह्मास्त्रन मननंभालपाव थव
तारकासुर दैत्यया रूपस्याया बलमस्तधकं थवया जयजुय मदतधकं आवजी थवयाके बोनाया कण्ठन मळातध-
कं भालपाव ब्रह्मास्त्रन विस्ववनाव ब्रह्माया लाहातिस चोनवन हनंशक्तिलिहावयाव कुमारया लाहातिस चोनवल
थवबेलस तारकासुरनं ब्रह्मास्त्रधकं लिहामवगु स्वयाव साकिधालसा कुमारया लाहातिस चोनवलस्वयाव माहाविस्म
यजुयाव अनर्थजुलनकं भालपाव चिन्तनातया हाय २ धकं पराजयजुवबेलस थथेखमनेजुईवधकं थुगुलीसस्रयाभल
सान जुद्धयानाआव थुगुलीब्रह्मास्त्र जिफेमवल ब्रह्मानंलितकाल आवथवथायस संग्रामसाजिय मजुलधक भालपाव

स्वस्था
९२

श्वतारकासुरन संग्रामतोलाव कौचपर्वतपुलाव विस्ववन श्वस्वयाव सैन्यगनदको थव २ जिवरश्यायाय निर्मी-
र्तिन दसदिसास विस्ववन गुलीसिता देवलोकन लानाव मोचकल हनं गुलीसिता इवा २ मिक्जोनाव मोचहि-
लं थथयानाव कोटि २ दैत्यमोचकल थुगुलीप्रकारन दैत्यलोकसमस्त मोचकयधुनकाव कुमारन अज्ञादयकल
हेइन्द्रादिदेवलोक श्वपापिष्ट तारकासुर थुगुलीप्रकारन विस्ववनस्वयाव गनवनप्य स्वव २ धकं श्वकौचप्रवतपुला-
वचोन श्वकौचप्रवत गथीडगुधालसा देवयाअगम्य थायसथथीडगु थायसवना धकं उधारजुईव धकं श्वतारकासुर
विस्ववन आव श्वतारकासुर गनवनअनलिनाव मोचकेधक श्रीकुमान कौचप्रवतपुलाव वनेतेन थनकुमारन आ-
ज्ञादयकाव वन २ थायसउच्चारमदयक लिनावयन श्वव्यलस कुमारन कौचप्रवतपुलाव नेत्यन व्यलस चिभायभु
पुलेमफयाव श्वव्यलस कुमारन थवल्हातिसचोनगु सक्तीन श्वपर्वततिनाव चुर्णभुतयात श्वव्यलस श्वपर्वतस आ-
श्रमयानाव चोन पनी अनेगवानरपनी समस्तस्येया माहाभयजुयाव गुलीसियामचा बुयावचोन गुलीसियाप्राथ-
सदु गुलीसियामचा हसतयावचोन गुलीसिया विस्ववन गुलीसिया ज्याथजुयाव विस्ववेनमफयाव हाजकहाला-
वचोन थथीड विपरोतजुवगु स्वयाव बारंवारहालावजुल गुलीसिया विस्ववन गुलीसिया विस्ववेनमफयाव पर्व-
तनचियाव मृत्युजुल हनं अनेग पंक्षीपनी वसलपावचोनहु श्वपनीमाहा दुखजुयाव अथेयायह मसियावचोन गु-
लीसिया पर्वतन लहानाव मृत्युजुल गुलीसिया चिचिंगचिदनाव विस्ववन गुलीसिया खोजकप्वयाव चोन गुली-

९३

सिया स्थितातकाववन गुलीसिया गोलतुलाव चोन मचाबुयकाव बालखडुवातकाव चोन गुलीसिया नसामालव
नावचोन थथेचोन वेलस पर्वतनचीयाव मृत्युजुल हनं चलागुफा कस्तुरमाहारिन लन्तुमा कालसा कालपथुसा
लु जंबुक सिंध बाव भालु अनेक जिवाजंतु विस्ववको विस्ववन विस्ववेनमफयाव अनेग मृत्युजुल हनं श्वपर्वतस
अनेग विद्याधरपनीहु अनेगराक्षस दैत्यवसलपाव चोनहु श्वपनी खोयाव गन २ चोम्यधकं हाळावजुल गुलीसिया
विस्ववन गुलीसिया अननमृत्युजुल थुगुली प्रकारन अनेक जिवाजंतु पर्वतनहानाव मृत्युजुल श्वनली कुमारन
श्वकौचपर्वत चिभाएमान पुत्यमफयाव थवल्हातीस चोन सक्तीनप्रहारयानाव चुर्णभुतथनाव श्वपर्वतचायकाव
तारकासुर चोनथायस थ्यनकळ विज्यानाव श्वव्यलस तारकासुरन कुमारववस्वयाव धाल हाहाधकं देवलोक-
या अगंभ्यथायस थथीड थायसनाप जितउपाणमदत हाय २ गथीड विपरितजुल धकं थयाव मनसभालपाव आ-
वगथ्ययाय धकं आहि २ जुयाव तवधड पर्वतयागलसवनाव कम्पमानजुयाव चोन श्वव्यलस श्वतारकासुर थ-
थ्यवनस्वयाव कुमारन हसकावधाल हेपापिष्ट तारकासुर लमखक विस्ववनानजक लनता उधारजुईवला धकं ध-
याव कुमारन थवसक्तिन प्रहारयात श्वनली श्वसक्तिन श्वप्रवतचायकाव तारकासुरया हृदयस दुहाव-
नाव रक्तपानयानाव अननं पातालस क्हावनाव जलपानयानाव श्वसक्ति लिहावयाव कुमारया लहातीम चोन-
वल श्वनली तारकासुरन थवसक्तिकयाव विशवदनहाळाव गवल २ तुलावजुल श्वतारकासुर गवल २ तुलाशब्दन त्रै-

सुस्था
६३

लोक्य कंपमानजुयाव समस्त प्राणिगन त्राहि २ जुयाव चोन श्वव्यलम श्वप्राणदिको मुभाव साहुतीयानाव श्व
कौचपर्वतस चोकोजिवाजतुया माहाभणजुयाव दमदिशास विस्थवन श्वनली श्वशब्दतायाव देवलोक सकलस्य-
न आव जकतारकासुर मोचकलधकं धयाव श्वशब्द तारकासुर ग्वलतुवया शब्दशुका धकं धयाव हतासन दे-
वलोकन तारकासुर मोचकलधकं अनेग बुंदुभिवाजाथताकाव हनं अप्सरापनी देवकन्यापनी श्वपनीस्यन अका-
ससचोनाव कुमारयात देवलोकन पुष्पवृष्टियात हनं तारकासुर मोचकाव कुमारयात माहाउत्साह शब्दजुयाव
युनजुलसा सुगन्धवहलपाव वल वायुन माहासितल यानावविल हनं श्वतारकासुर गथ्यमोचकल धालसा पुरा-
पुर्वकालस देवास्रसप्रांस इन्द्रन वृतासुर गथ्यमोचकल अथ्य कुमारन तारकासुर मोचकावतल श्वतारकासुर
ममस्तया माहानिसल कंठधकं हनं तारकासुर मोचकाव समस्त देवलोकया माहा हर्षमानयानाव कुमारया
थामथ्यनफलवनाव धन्य २ कुमारधकं धन्य २ धकं बोधवियाव चोन श्वव्यलम ब्रह्माविष्णु माहारुद्र श्वनकल-
दयाव कुमारयात अनेग मानेयप्रसादविल हनं अनेग ऋषिलोक मुनिगन जक्षगन्धर्व किन्नर सिंधीमानर गुह्यकना-
गप्रभृतीलोक श्वपनीममस्तवयाव अनेगस्तोत्रयात अनेग आसिग्वादवियाव अनेगमान्यप्रसाद विल धन्य २ कु-
मारधकं प्रसादतले हनं गन्धर्षपनी वयाव गितवाजाथातकल हनं अनेग अप्सरापनी वयाव प्याखनहुयाव चोन
थथीड माहाउत्साहयानाव चोन व्यलम कुमारयातेज गथीड धालसा ह्यापायाम्यन माहातेज सुन्दरजुयावचान

९३

श्वतारकासुर मोचकाव माहातेजजुयाव स्व १ ककीस्वयमगाक अतेन्त स्वभायमान जुयाव सहश्रसुर्येउदयजुवथ्य
श्वकुमारयातेज स्वयाव देवलोकन श्रीश्रीखल्लानाव चोन हाय २ धकं श्वकुमार गथीडधकं माहासुरविर धकं
मेवसुमदु आवनहयवलमदु आवनलीवईवमदु हनं श्वकुमारजुलसा सुयापुत्रधकं श्वव्यलम गुलीमिन ब्रह्माया
पुत्रधाल गुलीमिन अग्नीदेवताया पुत्रधात हनं गुलीमिन माहादेवया पुत्रधाल गुलीमिन श्रीपार्वतीनन्दधाल हनं
गुलीमिन पार्वतीया कायमखुधाल श्वकुमारया मापरवमदु अवम्यन छानधालसा एकभक्तधकं खुपातखालदु श्व-
तेनखुहमामया पुत्रधकंधाल हनं खुहमामयापुत्रमपु श्वकुमारजुलसा गङ्गायाकाय गथ्यधालसा गङ्गानउत्पनीजु
वह्य गङ्गायाकायधकंधाल हनं गुलीमिन धाल हदेवेलाकेपनी सन्देहकाय सुम्वाल छानधालसा गङ्गायाकायन शि-
जीम तवधन्यमनु मोचकल ज्ञिजिसतवधन्यकार्ये सिद्धजुल एवह्यसिया कायजुलसा श्वजुलधकं धयाव श्वदेव-
लोकन श्व्यलहातधकं धायमफयाव श्वदेवलोकसमस्त सुमूकचोन श्वव्यलम हनं गुलीमिनधाल मोमुख छपनी-
स्यन श्वकुमारमेवभालपाव मेवमखु श्वह्यजा श्रीमाहादेवया थवअपथुका तारकासुर मोचकेनिमीर्तिन श्रीकु-
मारया अवतारजुल इश्वरपनीस्थेया असंख्यमहिमादेवह्य छानधालसा छह्यनक्षिह्य जुयफु शिह्यनमतलि जुयफु
हनं सहश्रजुयफु छानधालसा संसार रक्षायायअर्थन दुष्टसहायया निमीर्तिन ना २ अवतारजुयाव विज्याकह्य
थत्यन श्वकुमार योगीनिस्वरूप श्रीमाहादेवया असथुका श्वत्यश्रीमाहादेवया अममजुवसा श्वत्य पराक्रमदेवला

९४

स्वस्था
९४

धकं शुगुली प्रकारन देवलोकया थिथिविचार खल्लहानाव चोन थनली तारकासुर मोचकाव देवलोकसमस्तया
माहाअनन्दजुयाव जपशब्दयानाव माहारसन बाजाथातकाव अप्सरापनी प्याखनहुएकाव अनेगधुप थनाव वा-
सालायाव आकामन खानवागातकाव सिंदूर जात्रायानाव माहाहर्षमान यानाव देवलोकन श्रीमाहादेवगणेश
कुमार रथसविज्याचकाव समस्त देवलोकन लिचकाव माहामंगल जात्रायानाव ऋषिपनीस्यन वेदपारनयान-
काव अनेग स्तोत्रयानाव कैलामपर्वतस थाहाविज्यात धकं थनली देवराजइन्द्रन श्रीमाहादेव श्रीपार्वती, श्रीगङ्गा
श्रीगणेशकुमारन नमस्कारयानाव चोन थनली माहादेवन आज्ञादयकल हेदेवराजइन्द्र आव तारकासुर मोच-
केधुनकाव आव छपनी अमरावतीस सुखनराज्य भोगयानाव चोनहुनी धकं माहादेवन आज्ञादयकल थनमा-
हादेवया आज्ञाडेनाव देवराजइन्द्रन माहाहर्षमान यानाव माहादेवयाके विनतीयात भोपरमेश्वर माहादेव लल-
पोलयाकृपान जिन अमरावतीस वनावसुखन राज्यभोगयायदत धकं देवराजइन्द्रन माहादेवयाके विदाकयाव
चरयसभोकपुयाव इन्द्रादि देवलोकन लिचकाव देवराजइन्द्र अमरावतीम वनजुल थनली देवराजइन्द्रन अम-
रावतीस सुखन राज्यभुक्तमान यानाव चोन थनली देवराजइन्द्र याकेविदाकयाव थनदेवलोक सकल्ये थव २
आश्रमसवनाव आनन्दन सुखभोगयानाव चोन थनली दसदिगपाल देवता थव २ आश्रमस विज्यात हनं व-
ह्यादिदेवलोकन लिचकाव श्रीब्रह्माजुलसा ब्रह्मलोकस विज्यात हनं श्रीनारायणन वैकुण्ठपुरिस विज्यात थनली

९४

श्रीमाहादेवन देवलोकयात विदाविद्याव देवलोक थव २ थायसतयाव थन तेत्तिस्कोटि देवतायान थन्यविदा
वियाव माहादेवन मनस अतिआनन्दयानाव पार्वतीन कृडासुखभोगयानाव प्रथमगनन चावलउयकाव पद्मआ-
नन्दन विज्यात गथ्यधालसा तेत्तिस्कोटि देवनान लिचकाव गथ्यइन्द्र स्वभायमानजुल अथ्यजगदिश्वर श्रीमा-
हादेवया श्रीपार्वतीया स्वभायमान जुयाव थयीड कैलामस माहादेव पार्वतीगङ्गाआदिन विज्यातधकं कार्तिक
कुमारन अगस्त्यनीयात कनाव विज्याकपुख सुतनं नैमिषारणनेवनस सौनकादि चयच्यादल ऋषिपनीष्ट वन ई-
ति श्रीस्कंदपुराणे माघमाहात्मे केदारखण्डे अगस्त्यकुमार सम्वादे तारकासुरवध पष्ठदशो ध्याय १६ ॥ अगस्त्य
उवाच हनं अगस्त्य मुनीश्वरन कार्तिक कुमारया स्वालस्वयाव ल्हातनिपाजोजलपाव विनतीयाकस्वयाव थन-
कार्तिक कुमारन आज्ञादेकेतन स्कंदउवाच भोअगस्त्यमुनी लुनएकचित्त यानावेनव जिनध्वस समस्तविस्तार
यानव कनेतेनाधकं धयाव थन्यलम माहादेवन थवचित्तसलुयकल लुधालसा आव जिनपार्वतीयागु चरित्र
गुलितहुएस्वयवक आव थथेचोनमखुतधकं पार्वतीयात लुलनीयाय धकं भालपाव आवाजिथन चोनमखुत धकं भा-
लपाव मृगस्थीलसानाव चलाजुयावपसुनापं सुखभोगयानाव चोनधकंभालपाव आजिपिहावनधक पिहाविज्यात
थनली थनद्वामतयानी नादिभृङ्गयाह्वनेधाल भोडारपाल जितसुनान न्यनवलशा गवहशेन खलवलशा थनवन
वअनवनधक कडेमधुध ६ धयाव थकल माहादेन सुनानमसियक पिहाविज्याताव मृगजुयाव पसुवनाप

स्वस्था
९५

सुखभोग यानाव माहाआनन्दन विज्यात थव्हा माहादेवन चलाजुयाव पसुवनाप सुखभोगया-
नाव लखं लख चलान लितकाव चलाया नाएक जुयाव माहा आनन्दन विज्यात भो अगस्त्य मुनी
थवनली निदपेद दयाव पार्वतिन माहादेव मखनाव थनपार्वतिन माहादेव मालाजुल थवेलस माला
२ थाम लुएकेमफगाव माहाधन्दा कयाव जुल आव गयेयायनाल माहादेवगन विज्यातधकं नेनावजुल सु-
नानं मखनाधयाव नेना २ थाम खनाधावमदु नेनाधाव मदुधकं पार्वति हाळावजुल थव्यलम पार्वतिन गनवि-
ज्यातखेधकं ध्यानदृष्टिन स्वस्थाविज्यात थयेस्वगाव पार्वतिन लुयकल माहादेवजा मृगजुयाव पसुवस्य नापं सु-
खभोग यानाव चोनविज्यातधकं लुयकाव आव माहादेव थयेलुयान थव्रह्माण्ड गथेरक्षा जुईवधकं भालपाव
आव जिवनाध बोनावदयधकं भालपाव थोनली पार्वतिन माहादेव गनविज्यात अनाथेनकल विज्यात ॥ स्कन्द-
उवाच ॥ भोअगस्त्य मुनिश्चान्यवधकं थवनली जिमाम पार्वतिन पद्मसुन्दरी जुयाव मनुस्यया भेषजुयाव महाप-
वित्रजुयाव चोनगु बागमतिथा तिरम चोनाव लवहछग्वदसं फेकतुनाव पलेखान छफोलजोनाव विज्यातधकं थ-
वेलस जिमाम पार्वतिन बालुकान शिवलिङ्ग दण्काव थुगुली शिवलिङ्गम बागमतीया जलन अभिसेप यानाव
पञ्चाभृत उपचारनं पुजायानाव अनेग गान पुजायानाव शिवया सहस्रनाम पाठयानाव विनती यानाव भास्वा-
मी जगदिश्वर माहादेव ताकालदत छलपोल मृगरुपजुयाव विज्याकगु छलपोल मदुया निमीर्तिन हसगुली स्व-

९५

र्ग लुन्यजुयाव सिनुस्य चोनधकं आव छलपोलसेन थमथे थमनं चैन्य जुयाव ब्रह्मा विष्णु देवताईश्वरपान द-
र्मन विद्याव कृतायःहुनेधकं भोपरमेश्वर छलपोल मदुयाव वैकुण्ठस त्रैलोके अमरावती आदि सुन्यजुयाव चोन
हनं चतुर्मुख ब्रह्मान सत्यलोक तोलताव छलपोलया दर्शनयाव अर्थन थुगुली थायस थेनकल विज्याताव चोन
धकं हेपसुपतिनाथ हनं देवराज इन्द्रन छलपोल दर्शनयाव निमीर्तिन अमरावति तोलताव थन श्लेषमान्त व-
नस वयाव चोनधकं भोपरमेश्वर छलपोलया दर्शनयाव निमीर्तिन थपनीमेन माहाकष्ट यानाव वल आव थव-
नीष्ट दर्मन विसेविज्याहुनेधकं हेजगदिश्वर माहादेव आव हीतेगात ताकालदत छलपोल मृगजुयाव विज्याकगु
झिदोलद पर्येत समाप्तजुयाव वनधकं हेईश्वर आव थमथे थमन चैन्यजुयाव थवरुपि मुर्तिधालपाव दर्मनविसे
विज्याहुनेधकं पार्वतिन नानामाथनं प्रार्थना यानाव चोनधकं कुवारन अगस्त्य मुनिपात कनाव विज्यात भो-
अगस्त्यमुनि न्यवधकं जिमाम पार्वतिन थुगुप्रकारन प्रार्थना यानाव माहादेवया चैन्यमजु माक्षत पसुजुयाव
तिर्तिन्हुसे झिताव चलावथाननं लितकाव कोमल वाचनया ॥ जुलधकं हेअगस्त्यमुनी समस्त प्राणिना हृदएक-
गलम जिमाम पार्वतिन सहितयानाव पापपुण्यया साळिजुयाव समस्तप्राणिना चैन्यजुयाव विज्याकल आव
वसपोलया पयुयामुर्ति जुयाव अचैतन्य जुयाव वेवाहार पसुगावम नयाव जलधकं भोअगस्त्यमुनी थव्हा माहा-
देवनं जोगमायानं लवकपुयाव भालपेमफु मेवप्रानित कुभातपे फईवधकं भोअगस्त्यमुनी थवत्यन गवससेन मे-

वायाईव वक्ष्याके गायानं थियईव मखु अचनेन्य जुईवमखु मोहजुईव मखु सदाकाल थवक्ष्याके हृदयकमल-
स श्रीपशुपतीनाथ पार्वती सहितनं विज्याईव धकं कुमारन अगस्त्यमुनीयात कनाव विज्यात थवख थवतजुल
थवनली हनं भोअगस्त्यमुनी नेवथवनलीब्रह्माविष्णु देवगजइन्द्र स्वहस्यन कैलासवनाव माहादेवया दर्शनयाय
धकंवन थवनली माहादेव पार्वतीमदधाव चोन थवषनाव थवव्यलस ब्रह्माविष्णु इन्द्र सहितन माहादेव पार्वतीमा-
लजुल माला २ थायसलुएकेमफयाव थन द्वापरारस चोनपनीस्के डेन भोद्वापरार नंदिभिंदी माहादेव पार्वतीगन
विज्यात धकं थवव्यलस द्वापरारन धात जिमीस्यनजा मसीया गनविज्यात धकं धयाव थवतेद्वार पारया भाखा-
डेनाव ब्रह्माविष्णुइन्द्र स्वहस्यन धाल हेद्वारपाल छमिसेनखुनु मकन गनविज्यात कनाव खुनुलोवधकं धयाव थ-
त्य ब्रह्माविष्णुइन्द्रया भस्सडेना। द्वापरालनं धात म्हुतुननोनमवासं थुगुल वनधकं मोलभाखायानाव केन थ-
वेलस स्वहमेया माहुतीयानाव ब्रह्माविष्णुइन्द्र स्वहस्यन माहादेवया तोत्रयाय धुनकाव द्वापरालयाके डेनेधुमे-
ली माहादेवमाते अथेन वाग्मतीया तिरस स्वमेथेनकल विज्यात भोअगस्त्यमुनी थवेलम ब्रह्मान वाग्मतीया
तिरम स्वमेथेनकल विज्यात भोअगस्त्यमुनी थवेलम ब्रह्मान वाग्मतीया किनारास चोनाव चोनह्म हुहुजा अ-
वमेन पार्वतिस्ववधुनधकं गथीड पार्वतिघालसा साक्षात् माध्यानया श्रीसुर्ये चोनथे वाग्मतिसुधान्त जाहान
लिचकाव वालुवयागु माहादेवया सुतेज्यानाव माहादेव पुजायानाव चोनखनाव थवेलस ब्रह्मान माहाविष्णु

देवराजइन्द्रया खालस्वयाव आज्ञादएकाव भोमाहाविष्णु इन्द्र स्वव २ वाग्मतीया किनारास चोनह्म माहापद्म
सुन्दरी कन्याछह्म साक्षात् सुर्येकृतिन वयाव चोनथे थयीगु भयानकवसस निर्मण यानाव एकान्तन चोन थवह
सुजुईवखेधकं भोमाहाविष्णु देवराजइन्द्र देवकन्याला गन्धर्वकन्याला किन्नरकन्याला हनं मखु दैत्यदानव क-
न्याला हनं मखु कामदेवया कलात रतिजकला थवसुजुईवधकं भोमाहाविष्णु देवगजइन्द्र जिमनसजां थयीगु
थायस भिसाजात सुचोनेछाईव थवनस सुयाअगस्त्य गोचर जिवाजन्तु सिंघ व्याघ्र किसि आदिया भएदयाव
चोन हनं राक्षस भुतपिसचादिया भएदयाकाव चोन थयीगुथायस भिसाजाती गथेयकान्तन चोनेछालिव धकं
थवत्यन जिमनसजा थवह्मकन्या जगत्माता पार्वति जुयफुधकं भोमाहाविष्णु देवगजइन्द्र थवह्म कन्याया रुपछन
वनस्वयामजा थयीगुवनस माहामाया पार्वति मखतसा थयीगु तेजजुयमहु थुलीत सुन्दरी जुयमहु थथिगुथायस
निर्भयनं थथेचोने छालिषमखुधकं थवतेन निश्चयन थवपार्वतिदेवि जुयफुधकं भालपा गथेबालसा नन्दीन धाल
थवश्लेषमां तकवनस माहादेव हिलल विज्यातधकं झिर्जात कनाव थवतेन निश्चयन थवकन्या पार्वतिजुयुब गथे-
धालमा ग्बुलीथायस माहादेव विज्यात वगुलीथायस जोगमाया पार्वतिविज्याईव गुगुलीथायस जोगमावा पा-
र्वति विज्यात उगुलीथायस माहारुद्र विज्याईव माहारुद्र पार्वतिव गुवेलसं बाधाव मविज्याकधकं थवतेन सत्य-
न थवह्मपार्वतिस्ववधकं भोमाहाविष्णु देवराजइन्द्र आव वसपोलया थायस छलपोल निहानी विज्यानाव थवह्मपा-

वर्तिदेविभाके साहारुद्रया वार्तानेसे विज्याहुनेधकं ब्रह्मान आज्ञादणकल थ्वतेब्रह्माया आज्ञानेनाव साहाविष्णुनं
आज्ञादणका भोब्रह्मान्यव थ्वकन्याया थायस जिपनीवने मजिव छानधालसा जिपनी निम्हल्यायम्ह जुयाव चीन
स्वाजन न्वाकलवल धकाव चीनी वतमचायफु हनं माहादेवया समचार वार्ता केनेफु मकेनेफु थ्वतेन थ्वथायस
जिपनी वनाइं कथंमलाक भोब्रह्मा थ्वतेन थ्वकन्याया थायस छलपोल विज्यायमाल अलेजक कथनकाईवधकं
आव छलपोल विज्यानाव नेसेविज्या हुनेधकं छलपोल जुईवधालसा ब्रह्मासुर्ति हनं छलपोल खनेव मानेयाईव
थ्वतेन छलपोल विज्याहुनेधकं धयाव थ्वते माहाविष्णु देवराजइन्द्रया भाखाडेनाव खवभाळपाव माहादेवया स-
मचार न्यस्य विज्याहुनेधकं धयाव थ्वते श्रीनारायणया आज्ञाननाव थ्वेलस ब्रह्माया मनस खव भाळपाव
माहाविष्णु देवराजइन्द्रयाके वेदाकयाव थ्वकन्याया थायस विज्यानाव ब्रह्मान आज्ञादणकाव भोकन्याधकं छ-
लपोल सुजुईव छाथथीइ थयस खिजाती एकान्तन चीना थरींयु वारणतीया तिरसचीनाव मिथ्यान जितक-
नेमतेव जिमनसजा छलपोल जगत्माता पार्वतिजुयफु भाळपा खवधकं धयाव थ्वतेब्रह्माया आज्ञाडेनाव थ्वन-
ली पार्वतिन आज्ञादणकल भोब्रह्मा जिजुलसा पार्वतिधयाम खवखे छलपोलपनी विष्णु इन्द्रसहितन छाय थु-
गुली थायस विज्याना करन हुसमस्त वृत्तान्त आज्ञादणकस्य विज्या हुनेधकं पार्वतिन आज्ञादणकल थ्वत्यपा-
वतिया भाखाडेनाव थ्वत्यलस ब्रह्मान मिखापोए काव माहाविष्णु इन्द्रसल ताव स्वह्मस्यन पार्वतियाके तोत्र

याव भोपरमेश्वर भगवती छलपोल जुयीव गथींइ धालसा थ्वसन्सारया मामजुयाव विज्याकम आदिसक्ती ध-
याम छलपोल पुण्यविआ धयाम छलपोल अशा धयाम छलपोल थरींइय यागु पादुकास कोटि २ नमस्कार हे
माता हनं छलपोल गथींइय धालसा थ्वप्राणीया सरिरस चैतन्य जुयाव विज्याकम छलपोल जोगनिन्द्रा धयाम
छलपोल साहामाया धयाम छलपोल ईश्यासक्ति धयाम छलपोल किडासक्ती धयाम छलपोल सन्हारसक्ती ध-
याम छलपोल थरींयुसक्ती स्वरुजुयाव विज्याकम छलपोल साहामायाया पादुकास कोटि २ नमस्कार हेअम्बा
छलपोल जुयिव परम्ब्रह्माया सक्ती जुयाव विज्याकम्ह राजराजेश्वरी धयाम छलपोल गथींइय धालसा मधुकैत-
भ मोचकाव थ्वपृथिविस श्रुतीयाकम छलपोल द्वाहिखासुर सुम्भनिसुम्भ दैत्य मोचकाव थ्वपृथ्वी श्रुष्टियाकम छ-
लपोल कालसक्ती जुयाव थ्वचतुर्दस भुवनस चोकोप्राणी संहारयाकम छलपोल थरींयुकाल सक्तिया पादपद्मस
कोटि २ नमस्कार हेमाता रजाधयागुली छलपोल जोगमाया धयाम छलपोल जोगधाय छलपोल जोगयाफल
वियेवस छलपोल तन्त्रया मन्त्रदयकम छलपोल पुरानया मन्त्रदयकम छलपोल जज्ञयाफल विईवम छलपोल
थरींयुम छलपोलया चरनस कोटि २ नमस्कार हेजगतजननी विन्दुवासिनी धयाम छलपोल कामदया धयाम छ-
लपोल उद्धारयाकम छलपोल कार्यायोगिनी धयाम छलपोल गौरिधयाम छलपोल गुह्यकाली धयामछलपोल ता-
रा स्यामा धयामछलपोल अन्नपुर्णी धयाम छलपोल उमचण्डा धयाम छलपोल भैरवीधयाम छलपोल दुर्गाधयाम

स्वस्था
९४

छलपोल मातृका धयाह्य छलपोल महिष मर्दिनी धयाह्य छलपोल मृन्दरि धयाह्य छलपोल विरुपमुर्ति
काली धयाह्य छलपोल गिरीजा धयाह्य छलपोल सरस्वती धयाह्य छलपोल लक्ष्मी धयाह्य छलपोल
थथीह्य जगत्माता पार्वतीया पादुका पद्मस कोत्ति २ नमस्कार हेजगदम्बे गङ्गा जमुना छलपोल
हनं वारुणी विष्णु मती मनमती ध्यायता छलपोल हेमाता थथीगु छलपोलया सतमाम सहश्रनाम को-
त्ति २ प्रमाननंदयाव चोको थथीगुह्य नाम गोह्य स्थन सुमर्ना यात वक्षया ध्वसंसार हानाव माहा समुद्र थ-
थीगुसमुद्र गवक्षस्यनतरयाव कैलासशध्वहन वासलाईव हेजगमाता पार्वती थथीगुछलपोलया नाममात्रकयान
जिपनी ब्रह्माविष्णु इन्द्रधकं धायकाव श्रीष्टिस्थीति संहारकर्ता जुयावचोना थथीह्य छलपोलया चरनसकोटि
२ नमस्कार धकं भोपार्वतीदेवि धकं जिपनी स्वहमेवताधकं थनवयामखु लुनिमीर्तिन धालसा जिपनीस्यन वि-
नतीयाय छलपोलस्यन न्यस्याविज्याहुनी धकं छानधाळसा ताकालंदत छलपोलया स्वामी श्रीमाहादेव दर्सनम-
दुहनं कैलाससुंन्यजुयाव चोन ताकालंदत धकं ध्वत्यन श्रीमाहादेव दर्सनयाय अर्थन जिपनी स्वध्वश्लेषमात-
कवनस श्रीमाहादेवमाले धकं जिपनीस्वह्य थनवचा धकं भोपार्वतीदेवि आव छलपोलस्यन जिपनीष्ट श्रीमाहा-
देवदर्सन विद्याव कृपातयाव विज्यायमाल धकं भोगवतीहनं जिपनीरयन विनतीयाय माहादेवन मृगजुयाव जु-
वगु गुलितदतधालसा देवडाझीदोलद पर्येत्तदत कैलासश सून्येजुयाव चोन ध्वत्यन छलपोलसाहितन माहादेव कै-

९८

लाम शथहाविज्यामाव तेत्तिस्कोटि देवतायात दर्शनविद्याव कृपातयाव विज्यायमाल धकं हेजगमाता आव
जिपनीष्ट श्रीमाहारुद्रया दर्सन विद्याव कृपातयाव विज्याहुन्य धकं विनतीयानाव ध्वत्यलस ब्रह्माविष्णु इन्द्र ध्व-
पनीस्वम्हसया भावन स्तोत्रयाकगुस्वनाव ध्वपनीसया भाषान्यनाव ध्वत्यलस जोगमाया पार्वतीन मुमुहुनहि-
लाव श्रीब्रम्हा माहाविष्णु देवराजइन्द्र यास्वालस्वयाव थन श्रीपार्वतीन आज्ञादयकल श्रीदेविउवाच भोब्रम्हावि-
ष्णु इन्द्र जिखन्यध लुधालसा आव माहादेवया दर्सनलायजुलसा थुगुलीथायस दयावचोन थुगुलीथायसमदु-
ध्वश्लेषमातक वनया नैऋत्यकोनस तवधङ्क सरोवरछगुलि दयावचोन हनं ध्वथायस ऋष्याश्रम ग्राहाआदिन दया-
वचोन हनं ध्वथायस अनेग स्यसास्वान आदिन दयावचोन हनं वनथा जलुमृग आदिथाम २ दयावचोन अ-
तिमनोहर थानजुयाव चोन ध्वस्वयतुययापु थथीगुस्थानस जगदिश्वर माहादेवजुलसा मृगजुयाव वनकृदायास्य
विज्यात धकं भोसुरम्हश्रेष्ठ ब्रम्हा माहाविष्णु देवराजइन्द्र जिख छिनीस्थन मेनाव माहादेव नापलायजुलसा ध्व-
श्लेषमातक वनया नैऋत्यकोनेस मृगजुयाव अनेगमृगया वथानस वनावम्हितावजुल धकं भोब्रम्हाविष्णु देवरा-
जइन्द्र धकं ध्वम्हमृगरुष माहादेव गथ्यचोनी धालसा पापयाभातया गुलुगावर्ण अतिहिष्टपुष्ट जुयावचोनिव हनं
ध्वम्हमृगरुपया डकूलपुजक दयावचोनीव ध्वयाभिखा स्वर्गवलदयाव चोनी अतिसुन्दरि ध्वम्हचला हनं लखल-
ख चळापनीरयन लचकाव ध्वचागमती ईताथिता गायाव भिताव जुईव थुगुली थायस छलपोलपनी स्यनमा-

सुस्था
६९

लाव स्वस्याविज्याहुन्य भोब्रम्हाविष्णु देवराजइन्द्र श्वमाहादेवजुलसा थवमायान थमनतोकपुयाव साक्षात पसु-
जुयाव वाचनयाव मध्यपसुया व्यवहारजुल अथ्यमिहताव ति २ न्हुस्याहितावजुल धकं भोब्रम्हाविष्णु इन्द्र श्वमा-
हादेव थमईश्वरधकं थवतथमनमसियाव थवत्यन आवल्लपोलस्यन जुक्तिजतनयानाव थवरद्रमृगजेनाव स्वर्गस-
तएयव धकं थवज्यलस थवमानसतिनवईव मखु हनं विनतीन रतोत्रयानाव वोनकलसावईवमखु थवत्यन ललपो-
लपनीस्यन वलात्कारन मयास्य थवमहसृगरूप माहादेव चैत्तनेजुयाव मजिवधकं लानवातसा थवमायास थमनलु-
चाजुयाव पसुया जोनीमहेयाव साक्षातपसु जुयावचान धकं हेब्रम्हाविष्णु इन्द्र थवसंसारस ईश्वरन भालात्वतल-
नास्य थवशृष्टिरक्षामजुईव थवत्यन थवमह माहादेव थथ्यकुयमतेव मथ्ययाय थवयाचैत्तनेजुई गुली उपायचित्तलपि-
वधकं आज्ञाविद्याव थवज्यलस जगत्माता पार्वती अननं अंतर्ध्यानजुयावविज्यात धकं सेनमध्य श्रेष्ठकुमारन अ-
गस्त्य कृषितकन भोअगस्त्य मुनीहेव थवनली ब्रम्हाविष्णु इन्द्र स्वहस्थान पार्वतीया आज्ञाथ्य थवश्लेषमातकव-
नया नैकृत्यकोनस वनाव स्वहस्थन थाम २ माळावजुल धकं हेमुनीश्वर थवश्लेषमातकवन मथीडधालसा अने-
ग सिमा गुपिन परिपुर्णजुयाव चोन हनं अनेग सिमाफल पाक्येजुयाव चोन हनं अनेग ना २ जातयावनचर-
मिध वाच भृग वराहा स्त्रिपुरुषसहित थवपनीयासुष भोगकामकृदा यानाव सितलस्थानस पद्मआनन्दन चोन थ-
थीपुवनस ब्रम्हाविष्णु इन्द्र थवस्वहस्थन माहारुद्र मालेअर्थन बुलुहुनस्वलजुल भोअगस्त्यमुनी थवस्वहस्थन थथेस्व-

९९

लजुयाव बेलस स्वहस्थन थुगुली किरातेस्वरया दर्शनयानाव प्रदक्षीणा यानाव चोनबेलस बागमतीया तिसर स-
हस चलावधानस स्वहस्थन खन हेमुनिश्वर थवचला पनी मथेचोन धालसा थवचला वधान प्रभृती सकलस्यन
थाकल उराव दथुस रुद्रमृग तयाव पद्मआनन्दन चोन हेमुनीश्वर थवचला वथामया दथुस थवमाहारुद्रगये चो-
नधालसा नयरक्ष तागया दथुस पुर्णचन्द्रमाया स्वभालाकथे स्वभालानकाव विज्यातधकं भोअगस्त्यमुनी थवमा-
हारुद्रमृग स्वहस्थन खनाव याननं माहादेवयात कोटि २ प्रदक्षीणा यानाव थवभृमया वथान चोनयायस थैक-
लवनाव स्वहस्थन माहारुद्रयाके तोत्रयात भोपरमेश्वर मृगरुपी माहादेव ललपोल जुयीव गथिडधालसा शृष्टी-
स्थिती संहारकर्ता जुयाव विज्याकम थथीगुम ललपोलया पादपद्मन कोटि २ नमस्कारधकं हेईश्वर ताकालदत
कैलाम सुन्वजुयाव चोन आव थमये थमन चैतन्यजुयाव जिपनीष्ट ललपोलया रूप दर्शन विद्याव कैलास थाहा
विज्याहुनेधकं हेपसुपतिनाथ आव आम मृगरूप सोलताव कैलास पुरीस थाहाविज्या हुनेधकं हेपसुपतीनाथ जि-
पनीष्ट दर्शन विद्याव कृपायाना विज्याहुनेधकं नानामाथनं तोत्रयानाव थवमृगया समिपस स्वहं थेनकलवन
भोअगस्त्यमुनी थवज्यलस थवरुद्रचला वथान आदी ब्रम्हाविष्णुइन्द्र थवपनी वगुस्वयाव सकलें तिन्तीन्हुयाव वन-
स बिस्यवन थवस्वयाव श्रीनारायणनं भोब्रम्हा देवराजइन्द्र आथ मथेयाय शिजीस्वहस्थन ना २ माथन विनती-
यानान माहादेव चैतन्य मजुयाव लुयाथ मालधकं भोब्रम्हा देवराजइन्द्र स्वव २ थवमाहारुद्र शिजीखनाव वि-

स्वस्था
१००

सेवनधकं साक्षात् पसुजुयाव घाचनयाव गथेपसुया वेवाहारजुल अथे वेवहारयानाव तित्तीन्हुयाव वनस विसे-
वन स्वव २ धकं भोव्रह्माइन्द्र आव थथेचोनेमखुत झिजीस्वहा स्वखेचोनाव घेरावियाव जोनेनुयोधकं मानमतिन
तोत्रयानाव थवमाहा रुद्रया चैतन्य जुयीमखुत धकंधयाव थव्य श्रीनारायणया भाखाडेनाव स्वहमेन थथेयाय
माल खवभालपाव स्वहा थवनस दुहावनाव स्वहास्वखे चोनाव घेरायानाव हल थव्यलस थवचला वथानलाक
२ थायस विमेवन थवेलस ब्रह्माविष्णुइन्द्र स्वमसेन कपी २ वनाव वनेथास मदएकल पनाव कथन घेरायानाव
हयाव ह्यापां माहाविष्णुन थवमाहारुद्र मृगया डेकु इवामिकं जोनाव तल थवस्वयाव चतुर्मुख ब्रह्मा वान व-
नाव थाचलाया डेकुतवा दधुस जोव हेमुनिश्वर थथे ब्रह्मा विष्णुन थवमृग जोनावतव खनाव थवेलस दे-
वराजइन्द्रन माहावेगन वनाव थवमृगया डेकुया चोकास जोनाव चोनधकं भोअगस्त्यमुनी न्यबधकं थवेलस
थवमाहारुद्र मृग वेगन टि २ न्हुयाव आकाशस थाहाविज्यात थवेलस थवमाहारुद्र मृगया डेकुत त्वकधुलाव स्व
हयाके ह्यती छत्वाक २ लाहातिस दयावचोन हेअगस्त्यमुनी चोका तोकधुलाव इन्द्रया लाहातीस दधुत्वाकडे-
कुत ब्रह्माया लाहातीस खलत्वाक डेकुत विष्णुया लाहातिस स्वहयाके थवखडेकुत ह्यती छत्वाक २ लाहातिस
चोन स्वयाव यीथीवनस भालपाव धाल आव गथेयाय मालधकं धयाव उपकार थायधकं भालपाव उपकारम-
जुलधकं स्वहमेन माहाधन्दा कयावचोन थथेमनस भालपाव थनब्रह्मान जुलसां भोपरमेश्वर नारायण देवराज-

१००

इन्द्र आव गथेयायमाल अनर्थजुल झिजित स्वमयात हत्यानंकेन उपकार यानान अउपकार जुलधकं भोमाहा-
विष्णु देवराज इन्द्र आव झिजिसेन थथेचोनान कंथमलात स्वहमेन माहादेवयाके तोत्रयाय नुयोधकं धयाव थव
वेव्रह्माया आज्ञानेनाव थन माहाविष्णु देवराज इन्द्रम धाल जिवखे नुयोधकं धयाव थवेलस
स्वहमेन पञ्चपति माथयाके तोत्रयातधकं कार्तिक कुमारन अगस्त्यमुनिश्वर यात कनाव विज्याकगुल्लं नै-
मिषारण्य वनस सुतन सौनकादि चयच्यादोल ऋषिपनिष्ठ कन इतिश्री स्कन्दपुराणे माघमाहात्म्ये केदारखण्डे
अगस्त्यकुमार सम्बादे श्रीमाहादेव मृगसुखभोग ब्रह्माविष्णुइन्द्र तोत्रकथा सप्तदसमो ध्याय ॥ १७ ॥ अगस्त्यउ-
वाच ॥ हनं पुनर्वाद अगस्त्यमुनीश्वरन कार्तिक कुमारया स्वात्स्वयाव लाहात निषां जोजलपाव विनतीयात
भोकार्तिक कुमार छलपोलया कृपान माहादेव मृगजुयाव पसुवनापं जुलधकं छलपोलसेन आज्ञादएकल हनं ब्र-
ह्माविष्णु इन्द्र थपिं स्वमसेन माहारुद्रया थाम वनाव माहादेवयाके माथन भाव भक्तियानाव हयमजीयाव स्व-
मसेन सत्कारन माहादेव मृगया न्यकुत जोनाव तवेलस थवमृगया डेकुत त्वकधुलाव विसेवनधकं धाल हनं
थवडकु स्वमसिया लाहातिस लानाव माहाधन्दा कयाव तोत्र पाठयानाव चोनधकं छलपोलन आज्ञादएकल
धुगु खं न्यनेधुन अथ्यन डेकुगथे यात गनछोत वानानं छोटला मखु गनं थापना थासता थन ग-
थेयात थवखं संपुर्ण यानाव कस्य विज्याहुने धकं अगस्त्य मुनिश्वरनं जुलसां कार्तिक कुमारया स्वा-

ल स्वयाव लाहात निपाहा जोजल पाव विनयीयाकगु स्वयाव थन कार्तिक कुमारन आशा दपके त्यन
स्कंदउवाच भोअगस्त्यमुनी छनएकचित्त यानाबडेव जिनथवस्व समस्त विस्तारयानाव कनेतेना धकं धयाव थ-
व्यलस ब्रह्माविष्णु इन्द्र थवपनीस्यन भोपरमेश्वर श्रीपशुपतीनाथ छलपोलहुईव थवचतुर्दस भुवनया थाकरजुया-
व विज्याकहा थवमायान थवभेतोकपुयाव मृगयासुतिजुयाव वनहृहायास्य विज्याकहा थथीगुसुति माहारुद्रया
पादकापझम कोटि २ नमस्कार धकं भोपरमेश्वर हनं छलपोल गर्धीडहा धालसा जोतिस्वरुपजुयाव विज्याकहा
यात कोटि १ नमस्कार धकं भोपरमेश्वर जिपनीअनाथ धकं हेपरमेश्वर छलपोल गर्धीडहा धालसा तेजमय
आदिअत्तसियरुदु देवनेपिवने व्यापितमानजुयाव जोन थथीगुसर्वव्यापि जोतिस्वरुप माहादेवया चरनस कोटि २
नमस्कार धकं हेभगवान हनं छलपोल गर्धीडहाधालसा निरंजननिगकार साक्षात्प्रब्रम्हास्वरुप जोगध्यानन लुय-
केमजिब थथीगु अव्यस्तासुति जुयावचोनहया पादकमलस उकारन सहितन कोटि २ नमस्कार धकं हेजगदि-
श्वर माहादेव हनं छलपोल गर्धीडहाधालसा समस्तप्राणीया हृदयकमलस पार्थीसहितन जिवात्मा जुयावविज्या-
कम्ह थवहछलपोल चैतनेबस्तु छलपोल ज्ञानविज्ञान छलपोल सांतसुतिह्य छलपोल सुन्दरिसुतिह्य छलपोल
देवया देवधयाम छलपोल प्रकृतिया पुरुषधयाम छलपोल सिद्धवस्तुधयाम छलपोल अज्ञानफुलकाव तवज्ञानवि-
याव विज्याकम छलपोल सत्यधयाम छलपोल अहंभुयाभोक्ताम छलपोल व्यदधयाम छलपोल कामदेवभस्मया-

कम छलपोल त्रिपुरासुर मोचकम छलपोल अनाथया नाथ छलपोल देवयादेव छलपोल अतमुर्निधयाह छल-
पोल मृत्यूयामृत्यू छलपोल काळयाकालम्ह छलपोल माहाकालधयाम्ह छलपोल थथीगुआदि पुरुषया चरनकम-
लसकोति २ नमस्कार धकं भोपरमेश्वर मृगरुपी माहारुद्र जिपनीस्वनाव दयादस्य विज्यायमाल धकं हेईश्वर जि-
पनीस्वम्हस्यन छलपोलयाके तवधड अपराधयायधुन थुगुली अपराधक्षमायानाव जिपनीष्ट दरसन वियावकृपा-
याड विज्यामाल धकं छलपोलया पादपझस कोटि २ नमस्कार धकं थुगुलीप्रकारन ब्रम्हाविष्णु इन्द्र थवपनी-
स्वमस्यन कपासन पृथ्विसभोकपुयाव अष्टांगप्रणामयानाव माहारुद्रयाके क्षेमाफोनाव स्तोत्रयात धकं रयेनाश्रे-
हकुमारन अगस्त्य मुनियातकन स्कंदउवाच थवनली हनं कार्तिक कुमारन अगस्त्यमुनी श्वरयात कनावविज्यात
भोअगस्त्य मुनिडेव थवनली मृगरुपी माहादेवन ब्रम्हाविष्णु इन्द्रया भाषाभावभक्तिन संतोखजुयाव थवव्यलस
माहारुद्रन आकासन कोहाविज्यानाव आक्षादयकल ईश्वरउवाच भोब्रम्हाविष्णु इन्द्र छपनीस धन्य २ धकं वल-
प्रसादस्वनाव जिअरी संतोखजुयधुन गथ्वधालमा जिबथीडमया डेकुतछपनीस्यन त्वकधुल्यमामर्थहु थवत्यन
छपनीस्वग धन्य २ भोब्रम्हाविष्णु देवराजइन्द्र छपनीम्यनयाना स्तोत्रन जिपनी संतोपजुयधुन आव छपनीष्ट
अक्षयवलविथ छपनीमनस लुवरकोनेगु ईक्षाजुल उगुलिबरीवेथजुल छपनीस्यन फोवधकं भोब्रम्हाविष्णु देवरा-
जइन्द्र रथमप्रनुयन छपनीस्यन जिकेयाना स्तोत्र स्वमस्यन पाठयात अथवा छेस्कोछुनु चोयावदयकल अथवा

गवमस्यनेडेन श्वहमनुष्यया ७ सातपुस्तागुली जन्मस उलिजन्मस यानापाप पञ्चमाहापापपातक आदिसमस्तना-
स जुयावकुईव धकं हनं अन्तकालस जिगुलीपष्टपतीया उयोतिस्वरुपमुर्ति श्वगनदर्शनलायुव साक्षात मोक्षश्व-
महालायुव वमयागवलेस मापयागर्भस जन्मकायसुग्वाल धकं भोब्रह्माविष्णु देवर। जइन्द्र आव छपनीस लहातिस
चोड जिगुलीशृंगन छपनीस्वम आदियानाव समस्तप्राणीलोक उधारजुयुव धकं धयाव श्वत्यजेतिस्वरुप पष्टप-
ती स्वरुपया आज्ञाडेनाव श्वव्यलस ब्रम्हाविष्णु इन्द्र स्वमस्यन पसुपतेश्वरया चरनपादुकास कोत्ति २ प्रदक्षि-
नायानाव थन ब्रम्हान विनतीयात ब्राह्माउवाच हेपरमेश्वर जिपनीस्वमसया विनतीनेस्य विज्याहुन्य तुधालसा
मेवता वरदानयाहुप्रयोजन सदाकाल छलपोलया जपध्यान नाम जिगुलस थातकाव कृपायाना विज्यायमा-
लयकं हनं जिपनीस्वमया अपराधक्षमायानाव विज्यायमाल श्वत्यवर जिपनीस्तफोनेधकं भोपरमेश्वर माहादेव
हनं जिपनीस्वम विनतीयाथ नेस्याविज्याहुने तुधालसा ताकालदछलपोल मदयाव कैलाससूनेजुयावचोन आव
तेतिस्वे। टिदेवतायात दर्शनविषाव माहागोक्षस्थान कैलासपुरिस ब्रह्माविज्याहुने धकं भोपरमेश्वर माहादेव झि-
दोलददतछलपोल मृगजुयाव श्ववनसविज्यातधकं हेनाथ जगदिश्वर माहादेव नेस्याविज्याहुने तुधालसा आवछ-
लपोलया श्वशृंगतुयायमाल श्वशृंगगुगुलिथानस तयगाल आज्ञादयकस्य विज्याहुने धकधयाव श्वत्यसूरश्रेष्ठब्रम्हा-
याभाखानेनाव श्वव्यलस मृगरुपि माहारद्रन आज्ञादयकल श्रीमृगेश्वरउवाच भोसुरश्रेष्ठ ब्रम्हाजिसनेव तुधाल-

सा आव आमछनके चोनगु दथुत्वाक गनछलसा वागमती व चन्द्रप्रभा नदीव सङ्गम जुयाव चोन थायस थाप-
नायावधकं भोब्रह्मा धयायया नाम गोकर्नधकं नामलुनावतल हनं श्वशृङ्गयानाम जुल गोकर्णेश्वरधकं नामप्र-
ख्यातिजुईवधकं भोब्रह्माहनं भविष्यकने नेवधकं तुधालसा आमगेकर्नया थायस थुगुयायस कुवेरवयाव श्वगो-
कर्णेश्वरयाके तपस्यायाईव श्वह्य कुवेरयात जिन वरप्रसाद विषाव सुवर्णमय लङ्कापुरीस राजायानाव तयधकं
भोब्रह्माहनं कनेडेवधकं धयायस रावनकुम्भकर्ण वयाव तपस्यायाईव श्वम रावनकुम्भकर्ण यात जिन वरप्रसा-
द विषावछोय श्वम रावन कुम्भकर्ण श्वम कुव्यर जयलपाव लङ्कास न्हयनिगुजुगतक राजाजुयाव चानिवधकं
भोब्रह्मा श्वमरावनयात छलपोलस्यन तबधड वरप्रसाद विषाव छलपोलया ब्रह्मवरनं स्वर्गमध्य पातालस जयल-
विव श्वमरावन त्रैताजुगस मुक्तलपिव श्ववेलम माहाविष्णु रामचन्द्र अवतार जुयाव कोतान कोटिगक्षसन स-
हितयानाव रावन कुम्भकर्ण मोचकिवधकं भोब्रह्मा श्वगोकर्णेश्वरयाके गोमसेन तपस्यायात वमया श्ववेलस दुख
सन्तापदयमहु ईद्वलोकस माहाभाज वन्तजुयाव अन्तकालस मोक्षपदवी जुईवधकं भोब्रह्मा समस्त थासयासिन
थुगुली गोकर्न माहापुण्य स्थान जुईवधकं श्वगोकर्णेश्वरया माहारमा जिन लहायसार्थ मधुधकं माहादेवन आज्ञादप-
कल भोदेवराज इन्द्र आव छनके चोनगु डेकुत जिगुली डेकुचोका अमरावतीस यनाव थापना यानाव थुगुली
लिङ्गम छआदी तेतिसकोटी देवतान पुजा मान्ययानाव तयीवधकं भोदेवराज इन्द्र थुगुली लिङ्गम दशग्रीवरावन

स्वस्था
१०३

छनके हताल वईव अमरावती लुतयेयानाव थुगुली लिङ्ग रावननं जुलसां लिनाव यना थव्यलस दलिन समु-
द्रया तिरस थापना याईव थवयानाग दक्षीण गोकर्णेश्वरधकं नाम प्रख्यातीजुईव भोदेवराज इन्द्र थुगुली थाय-
स चोनाव गोमसेन जीके तपस्यायाईव वमयात परमपदवी वियधकं भोदेवराज इन्द्र थुगुली दक्षीण गोकर्णेश्व-
रया महिमा लहायजी सामर्थ्य मदुधकं माहादेवन देवराज इन्द्रया हेवने आज्ञादएकल हनं पुनर्वाद श्रीनारायण
या खवालस्वयाव माहादेवन आज्ञादएकल भोमाहाविष्णु डेसेविज्याहुने आमुछलपोल याकेचोनगु डेकुयापोल
पाताल यनाव भोगवती तिर्थया तिरस थापना याय जवधकं भोमाहाविष्णु आमु लिङ्गया नाम शृंगेश्वरधकं प्र-
ख्यातीजुयाव थवथायस तवधन्य पुण्ययाथान जुईव थवमशृंगेश्वरया माहात्मा लहायजी सामर्थ्यमदुधकं गुलीम्हु-
तुन धायमफत उलीसाहधकं भोमाहाविष्णु थवगुली शृंगेश्वरयाके वलीप्रभृती दैत्य दानवन तपस्यायाईव बालसु
किप्रभृती नागलोकन तपस्या यानाव जीके वरप्रसाद कयाव पद्मआनन्दन सुखभोग यानाव चोनिवधकं भो-
माहाविष्णु ग्यव आव जिन जुलमां भविष्यकनाव तके भो ब्रह्माविष्णु देवराज इन्द्र स्वमसेन एकचित्त यानाव
न्यस्य विज्याहुने भोब्रह्माविष्णु आव थववारमतीया तिरस जिचोने मृगरूप जुयाव चोनेधकं भोमाहाविष्णु थवन-
ली जुगान्त कल्पवन नास जियमथें थमन प्रतक्षजुयाव थववारमतीया तिरस थाहावयाव जिन दर्सन वियथुकाध-
कं भोमाहाविष्णु थवलत ब्रह्माव छलपोलव वसपोलव निमसेन थवब्रह्माण्डया भाला कयाव चोनेमालधकं गथे

१०३

जिन थवब्रह्माण्ड संसार रक्षायानाव तया हापाथें ब्रह्माण्ड रक्षायाय मालधकं भोसुरश्रेष्ठ ब्रह्मा विष्णु देवराज इ-
न्द्र थवथायस जिन थवथे थमन जिगुली जोतिलिङ्ग छलपोल पनिसेन दर्सन जुईवधकं ताकाल मुम्बाल धकं
भोमाहाविष्णु हनं कने न्यसेविज्याहुने थुगुली श्लेषमान्तक बनस जिगुली आदि सकिन गुह्यकाली मुर्तिजुयाव
थवथायस छलपोल पनिष्ट दर्सन जुईवधकं भोमाहाविष्णु थोमगुह्यकालि गोमसेन सुमर्णा यानाव चोन वमया
हुमनोरथ जुल उगुली मनोरथ पुर्णजुईवधकं भोमाहाविष्णु हनं थवमईश्वरयाके गोमसेन एकचित्तयानाव माहा-
पचित्र जुयाव चोन वाग्मतिम स्नानयानाव पञ्चउपचार सहितन दएकाव गोमसेन पुजायात वममनुष्य गोवेल-
स दुखकष्ट सोकसन्ताप दयमहु हनं ईहलोकस लक्ष्मी वृद्धि मानजुईव सचुलेदन जुईव पुत्रपुत्रि वधयजुईवधकं
हनं अन्तकालस कैलामस प्राप्तिजुईवधकं भोमाहाविष्णु डेवधकं कलीजुगस थवम गुह्यकाली जुलसां प्रतक्षजुया-
व समस्त लोकयात दर्सन वियुवमधकं भोमाहाविष्णु हनं भविष्यकने डेवधकं कलीजुगबल नास थवपृथ्वीस अ-
नेक दैत्यपनी उत्पत्तीजुईव हनं वाणामुर आदी यानाव थवमदैत्यपनिष्ट थवमछलपोलसेन श्रीकृष्ण अवतारजुया
व मोचकिवधकं भोमाहाविष्णु हनं थववारमतिम वानामुरदैत्य अवतारजुयाव थववारमतिगङ्गा थपना यानाव तईव
थववेलस नेपालभण्डलस पुखुली थेडेनकावतईव थववेलस छलपोलसेन थवानामुर आदियानाव लक्ष २ राजा-
पनिमोचकीव हनं थुगुली वाग्मती छलपोलसेन छोनावछोईवधकं भोमाहाविष्णु हनं थवपृथ्वीस जलासन धमिसपाल

स्वस्था
१०४

नदन्नचकु वजनाभ अघासूर बाकासूरकेमि पुतनाप्रलम्बकैम आदि श्वत्यदैत्यपृथ्विस कलिजुगजुलनास श्वपृथ्वि-
या अतितवभालाजुईव शुगुलीभाला छलपोलस्यन कतानाव साधुमजनयात रक्षायानाव भालाकास्य विज्यायमा-
ल धकं भोव्रह्माविष्णु देवराजइन्द्र धकं आव जिथ्ववाग्मतिषा तिरसमृगजुयाव पचीन्निचोने श्वलतछलपोलनि
स्वहस्यन श्वव्रह्महडया भालाकास्य विज्यायमाल धकं भोसुरश्रेष्ठव्रह्मा माहाविष्णु देवराजइन्द्र आव जिथ्ववा-
ग्मतीया तिरसमृगजुयाव चोनवने छलपोलपनिस्वस आमजीगुलिशृंग जिनधयाथास स्वर्गमध्यपातालस थापना-
यायतहुनी धकं भोव्रह्माविष्णु देवराज श्वहस्यन श्वजुलदेवता मनुष्य आदि श्वहस्यन भृगरूपीमूर्ति माहारुद्र
या दर्शनयानाव पंचोपचारनपुजायात वगहया श्वव्यलस पसुयागर्भस जन्मकायम्बाल सदाकाल जिभक्तजुयाव
माहाभाग्यवन्तजुयाव सुखन काळहनावचोनीव धकं भोव्रह्माविष्णु हनं श्ववग्मतीस श्वहस्यन स्यचाप्यन्दुत श्व-
थायत चोनाव अस्नानसंध्यायानाव जिगुली जोतिस्वरूप श्रीपशुपतीया दर्शनयानाव जिकेप्रार्थनायानाव जिगु-
लीरुद्रमंत्रन जपध्यानयानाव श्वहस्यनचो भवहमनुष्यया कल्पकल्पान्तपर्यन्त इन्द्रजुयाव चोनिवधकं हनं अन्त-
कालस जिकेरिनजुईव धकं भोव्रह्माविष्णु श्वम्हजोतीस्वरूप श्रीपशुपती नाथयाके श्वम्हस्यन तपस्याजग्यहोम
उपासन पुजाआदि श्वम्हस्यनयात श्वम्हयापुण्य उलीथुलिधकं परमानमदुधकं भोव्रह्मा माहाविष्णु हनं कनेडेव
धकं श्ववाग्मतीव ब्रह्मश्वरमुनीव संगम श्वम्हस्यन पञ्चव्रतस्नानयानाव देवतर्पणी कृषिर्पसनी पृततरपस धवनित्य

१०४

२ या पुजाविधीकर्म धुनकाव जोतीस्वरूप श्रीपशुपतीस्वरूपयाके सुचिपवित्रजुयाव शुगुलि वाग्मती ब्रम्हसरस्व-
तीव संगमजुयाव चोनयायसयात्सुन अस्नानयातकिव हनं श्रीखण्ड रक्तचन्दन अग्रजा अक्षतभिन २ स्वान-
माळा धुपदिप नैज्यय सांचेळयाआगती कर्पूर पञ्चामृत अनेगपदार्थ सुपसिद्ध ताम्बुलवस्तु दक्षिना आदिन दय-
काव श्वहस्यन पुजायात श्रीपशुपतीनाथ पुजायात श्वहमनुष्ययात पुण्यफल गुलितदुधालसा वाजाययजज्ञस-
तलि अस्वमेधजज्ञ दोललि लक्षकन्यादान कोटिमा सुवर्णया अलंकारंन तियाकाव ब्राह्मणयात दानविया या-
फल हनं कोटि २ तिर्थअस्नानयानायाफल लाकभकं श्वतेपुण्ययादोललि षडुथुलाव चोनमन चलिहिछिन गुलि-
धायफत उल्लिमहिधकं भोव्रह्मा माहाविष्णु श्वमपशुपती नाथ गथीहमधालसा साक्षात जोतिस्वरूप गियाजोती-
थ्य जाज्वलेमानजुयाव चोन हनं श्वथायम माहापुन्यया थानजुयाव चोम साक्षात कैलासथ्य थथीगुथानम श्व-
मश्रीपशुपतीनाथ श्रीगुज्यकाळी भवानी सहितन पद्मआनन्दन भगतजन उवारयाय अर्थनविज्यात धकं भोव्र-
ह्माविष्णु हनं श्वथायम अन्नपुर्णा गजराज्यश्वरी वासुकि योगिनीगन सिद्धचार योग्यश्वरपनी उधारगनपनी प्र-
थमगनपनी अनमदेवतापनी विज्यानाव चोन थथीगुथानम जिजुल शुगुली मृगरूपन श्ववाग्मतीया तिरसचोना-
व चोनेधकं भोव्रह्मा विष्णु कल्पकल्पान्त वननामं जिथमथ्य थमन प्रतक्षजुयाव थहावयाव छपनीष्ट दर्शनविय
धकं भोव्रह्माविष्णु देवराजइन्द्र श्वमगनुष्यन श्वमृगरूप माहारुद्रया माहात्मकन पशुपतीनाथया माहात्मेनेन हनं

वाग्मती रुद्रमती मनमती विष्णुमती ब्रह्मसरस्वती चन्द्र भागरती नदितिथ्या माहात्म्यनेन हनं श्वश्लेषमातक
 वनसया गुणवर्णाखन्यन छन छपनीस्वमव सम्वादजुवगुली खडेन अथवा ग्वमस्यनेल्हात अथवा ग्वमस्यनछन
 छपनीस्वमव सम्वादजुवगुली खनेन अथवा ग्वमस्यनल्हात अथवा ग्वमस्यनल्हातकल अथवा ग्वमस्यनचोथाव
 छेमखुनुदयकावतल श्वममनुष्ययात जिन धर्मअर्थकाममोक्ष श्वप्यताप्रकारन श्वमनुष्ययात जिन वप्रमाद विय
 धकं भोग्रहा माहाविष्णु देवराजइन्द्र आव जिवाग्मतीतिरस चोनबनेतेल धकं आव छलपोलस्यन जिगुलीशृं-
 गवनाव स्वदिनस थावभायानाव तथिबधकं आज्ञावियाव श्वव्यलस माहामृगरूपी माहादेवन अननं अन्तरध्या-
 न जुयाव विज्यातधकं कार्तिक कुमारनं अगस्त्य मुनियात कनावविज्यात अगस्त्यउवाव हनं अगस्त्य मुनीश्व-
 रन कार्तिककुमारया स्वालस्वयाव ल्हात निपांजोजलपाव विनतीयात भोकार्तिक कुमार छलपोलया कृषान मा-
 हादेवमृगजुवगु हनं शृंगत्वकधुवगु माहाविष्णु इन्द्र श्वपनीष्ट वरदानवियाव माहादेवमृगजुयावगु हनं वगुलीशृं-
 ग जिनधयाथासतिव धकं माहादेव जुलसा अन्तर्ध्यानजुयाव वाग्मतीया तिरसविज्यात धकं छलपोलस्यन आ-
 ज्ञादयकल अथ्यन जिसंतोखजुवनी गथ्यधालसा माहादेव छायवाग्मतीया तिरसविज्यात मखुअनविज्यातला
 मेल्यविज्यातला श्वखनेनेईक्षादनी छलपोलयाकृषान अमृतवरोवर कथान्यनेधुन आव अमृततोनेगुईक्षादनी धकं
 आलिपातसगथ्यजुल श्वखसमस्त विस्तारन कस्यविज्यायमाल धकं ल्हातनिपांहा जोजलपाव अगस्त्य मुनीश्वरन

कुमारया स्वालस्वयाव विनतीयात श्वते अगस्त्यमुनिया भोखा विनतीयाक स्वयाव धन कुमारनं आज्ञादएकेते-
 न ॥ स्कन्धउवाच ॥ भोअगस्त्यमुनी छन एकचित्तयानाव न्यव जिन विस्तारयानाव कनेतेनाधकं धयाव का-
 र्तिक कुमारनं आज्ञादएकल भोअगस्त्यमुनी श्वनली माहादेवन वाग्मतीया तिरस चोनाव ध्यान यानाव वि-
 ज्यात छान धालसा मृगजुयावंगु पसुपतीनाथ जुयाव पापफुकेशकं माहादेवन वाग्मतीया तिरस विज्यानाव त-
 पस्यायास्य विज्यात माहाकष्ट नयाव गुलित तपस्यायात धालसा दोलछी १००० दसम तपस्या यानाव ना २
 माथन तपस्यायानाव माहादेवया चेष्टा दयाव पाप समस्त फुतकाव अचैतन्यगु चैतन्यजुयाववल श्वव्यलस मा-
 हादेवया मनन भालपाव भोअगस्त्यमुनी आव जिन थनचोनान कथन मलात ताकालदत जिमदयाव कैलास
 सुन्यजुयाव चोनधकं आव जिथन चोना ताकालदत आव जिमैलास पुनीवनेधकं मनन भालपाव अननं अन्त-
 रध्यान जुयाव विज्यात श्वनली माहादेव मदयाव पार्वतिन जुलसां थास २ पतीं मालावजुयानं लुएके सकयाव
 गनंमदु आव गनवनेधकं भालपाव आवजीन जगदीश्वर माहादेवया ध्यान यानाव चोनेधकं भोअगस्त्यमुनी श्व-
 नली माहादेव वमे होनेवाज्झा यानाव पार्वतिन ध्यानयानाव विज्यात भोअगस्त्यमुनी श्वनली माहादेवन कै-
 लास थेनकल विज्यानाव पार्वतिया थास थेनकलवन श्ववेलस पार्वतिन माहादेव विज्याकखनाव हतासन द-
 नाव माहादेवयात स्वचाकल उलाव पालीन्यपां भोकपुयाव विनतीयात भोमाहादेव श्वलथोकाल दत छलपोल

स्वस्था
१०६

गनविज्यानाथकं छलपोल मध्यमव कैलास सुन्यजुयाव चोबधकं माहादेवयाके पार्वतिन विनतीयानाव दुहावी-
ज्याहुनेधकं माहादेव कैलासपर्वत विज्यातकाव तल भोअगस्त्यमुनिधकं थ्वनली माहादेव पार्वतिव निहकैला-
स विज्याकजुल थ्वेलस छन्हुया दिनस पार्वतिन माहादेवयाके विनतीयात भोमाहादेव जिन छताविनतीयात
हेस्याविज्याहुने लुधाळमा तववारवन छलपोलमेन जित छलय यानाव जुल आव जिछक सुलावचोनेधकं माहा-
देवया हेवने पार्वतिन विनतीयात भोप्रभु जगदिश्वर माहादेव छलपोलमेन जित तववारवन छलेयामे विज्यात
छलपोल विज्याकथायम सकभन जिन मालाव लुएकाव छलपोलया दर्शनबायधुन आव जिवने थायस छलपो-
लमेन लुएकेफतसा छलपोल माहाविरखव धकं धयाव थ्वेलस माहादेवन सुमुहुन हिलाव आज्ञादएकल भो-
पार्वति छगनवन अनजिन छनत लुएके कासा छगवने ल्पना हुनीधकं माहादेवन पार्वतिया हेवनेवाल ध्वत्यथव
एरुप माहादेवया आज्ञानेनाव थ्वेलस पार्वतिन जगदिश्वर माहादेवया चरनस भोकपुयाव अननं अन्तरध्या-
न जुयाव विज्यात भोअगस्त्य मुनिन्यवधकं थ्वनली माहादेवन जुलमां मनस भालपाल थ्वपार्वति मिसाजाती
मखा वगनवन अनजिन ध्याननं लुएकाव चोनावहएधकं भालपाव माहादेवन पार्वतिवनपु पुल्लए मयामें याद-
मदएका विज्याव थ्वनली माहादेवन जुसां एस गजी धतुर नयाव एमनं काएकाव मिखाद्यासुक कनाव नन्दी
भृन्गी जवखवतयाव विज्यात भोअगस्त्यमुनी न्यव थ्वनली माहादेवया मनस भालपा आव पार्वति गनवनखें

१०६

मालवनेधकं भालपाव पिहाविज्यात थ्वनली ह्वापां स्वर्गस मालेधकं विज्यात अन माला २ यास लुएके मफ-
याव थ्वव्यलम माहादेवया मनस भालपा थ्वपार्वतिनंजा स्याल यातमखुधकं जिमनस चोनाधकं थ्वजाख्याल
यातमखु धाथेंजित थ्वजा छलेयातखव धकं भालपाव आव गनमालवनेधकं माहादेवया मनस हतास चायाव
पातालस मालेधकं स्वर्गनं कहाविज्यात भोअगस्त्यमुनी न्यवधकं थ्वेलस पातालस मालेधकं मालावजुल माहा-
देवन माला २ थाम गनलुएके मफयाव आव गथेयाय मालधकं भालपाव बयायहँ मसियाव चोन हनं माहादे-
वन भालपा थ्वहपार्वति लुएके मफतसा थ्वपार्वतिनजा धीकार याईव जितधकं भालपाव आव जिथन चोनेम-
वन भालपा थ्वहपार्वति लुएके मफतसा थ्वपार्वतिनजा धीकार याईव जितधकं भालपाव आव जिथन चोनेम-
खुत मक्षमण्डलस मालवने धकं भालपाव अननं अन्तर्ध्यान जुयाव विज्यात मक्षमण्डलस विज्यात भो अग-
स्त्यमुनी न्यवधकं थ्वनली माहादेवन थास २ पती ध्याकोपती झालपती सकभनं मालजुल मंदिलपती स्वलजु-
ल थनमहु आव गनमालवनेधकं स्वया २ थाम गनलुएके मफयाव आव गथेयाय मालधकं भालपाव विज्यात
थ्वेलस माहादेवया मनसभालपाव आवगथेयायमालधकं माहाधंदाकयाव विज्यात थ्वहपार्वतिजा लुएकेमफयाव
थथेंमलुएकं वनेवालमा पार्वतिनलुधाईव लुएकावनेवालमा माला २ थामगनंमदुधकं आवगथेयायमाधकं मनसहता
चायावआव जिनं गनमालवने माला २ थामगनंलुएके मफुतधकं धन्दाकयाव मालजुल थ्वेलसपुल्लकालिया थाए-
सथ्यन थ्वथायजुल माहापुण्यया थायसजुयाव चोन माहदुर्गा वनजुयावचोन थ्वन्यलस भृगनाना वनजंतुदयाव

स्वस्था
१०७

चोन ध्वज्यलस माहादेवया अतित्यानुयाव चोन ध्वजली श्रीगूज्यकालीया मन्दिरस विज्यात भोअगस्य मुनी-
नेव ध्वज्यलस माहादेवया मनसभालपाव आव ध्वपार्वती लुपकेयात विना तपस्यामयास्य मजिलधकं भालपाव
आव ध्वम श्रीगूह्यकालीयोक् तपस्यायानाव जिनध्वम पार्वतीनापलायधकं भालपाव चोन भोअगस्य मुनीन्यव
ध्वज्यलस माहादेवन श्रीगूह्यकालीस विज्यानाव तपस्यायास्य विज्यात ध्वजली माहादेवन गूह्यकालीस माहा-
कष्टन तपस्यायानाव विज्यात छानधालसा श्रीपार्वतीलुयके निमीर्तिन माहाकष्टनयाव तपस्यायानाव विज्यात ध्व-
ज्यलस श्रीगूह्यकालीन त्रैलोक्येनाथ माहारद्रन ध्वके तपस्यायाकस्वयाव मनसअति विसमयचायाव ध्वज्यलस
गूह्यकाली प्रतक्षजुयाव विज्यात ध्वज्यलस गूह्यश्वरिन आज्ञादयकल भोनाथ माहारुछाय छलपोलस्यन माहा-
कष्टन जिके तपस्यायानाव विज्याना आज्ञादयकस्या विज्याहुनेधकं जिनलुयायमाल जिबहलनजा छलपोलया-
त हुयायफईव धकं छलपोलया लुमगाक छलपोलस्यन माहाकष्टनयाव जिकेतपस्यायानाव विज्यात आज्ञादय-
कस्य विज्यायमाल धकं धयाव भोअलस्यमुनी नेवधकं ध्वजली ध्वज्य गूह्यश्वरिया भाषाडेनाव मनसहर्षमानजु-
याव आज्ञादयकाव भोगूह्यश्वरि डेव मेवताधकं तपस्यायानासखु छानधालसा जिन पार्वतीया चरित्रस्वयधकं
जिन छलपयानाव ना २ रुपकयाव किमतजुयाव चोना अननदलुपकाव पार्वतीजिथास थ्यनवळवल ध्वजली
ना २ रुपनमृग आदिरुपस जिगनवन अन २ लुयकाव पार्वती जिथासथेनकलवल जितदर्शयायतवईव ध्वजली

१०७

जिनवरित्र स्वयधुनकाव कैलासश चोनवना ध्वजली छन्हुयादिनस पार्वतीन जिक्यविनतीयात हेनाथ छलपो-
लविज्याक थासपतिक जिनलुयकाव जिनदर्शनयानाआव जिननेथास छलपोलस्यन लुयकेफतसा छलपोल माहावि-
स्ववधकं धयाव वन आव जिनध्वम पार्वतीमालजुया माला २ थास लुयकयेरुफुत धकं धयाव ध्वज्यलस गू-
ह्यकालीन आज्ञादयकल भोत्रिभुवननाथ पार्वती जिनकेनेस्वस्य विज्याहुनेधकं जवल्हातिसदो १००० छि स्ववल्हा-
तिसदो १००० छि ल्हातिसतयाव पार्वतीकयेनकाव छलपोलया पार्वती ग्यमखव कास्यविज्याहुने धकं धयाव कये-
नावपल ध्वज्यलस माहादेवन ध्वज्यलस धायमफयाव कोलुनावसुमुक नोनमवास्य विज्यात धकं भोअगस्य मुनी-
डेव ध्वजली गूह्यकालीन माहादेवन नोनमवास्य चोनखनाव ल्हातनिपा थपुक्पुयानाव लुमया लुमतुयानावकेन
ध्वज्यलस माहादेवन मनस अतिहर्षमान जुयाव सुमुहुनाद्विलाव पार्वतीप्रितीयानाव माहादेवन कैलासथहा वि-
ज्याकजुळ गूह्यकाली अन्तर्ध्यानजुयाव विज्यात धकं कार्तिक कुमारन अगस्य मुनीयात कनावविज्याकगुख
नेभिपारनवनस सुतन सौनकादि चयन्यादोल ऋषिपनीष्टकनाव विज्यात इति श्रीस्कन्दपुराणे हेमवतखण्डे मा-
घमाहात्मे केदारखण्डे अगस्य कुमारसंवादे गूह्यश्वरि अन्तर्ध्यान विशोध्याय २० ध्वजली अगस्य मुनीश्वरन का-
र्तिककुमारया स्वालस्वयाव ल्हातनिपां हाजोजलपाव विनतीयात पार्वतीनन्दन छलपोलया दयान पार्वतीन गा-
हादेवयात छलयाकगू इनं गूह्यश्वरिन माहादेवयात पार्वतीवरदान धियावगु थ्वखलपोलया दयानन्यनेधुन अ-

२५ ध्यान जित्तसन्तोखमजुवनी गथ्यधालसा ध्वनली गथ्यजुल ध्वक्कस्य विज्याधमाल धकं अगस्त्यमुनीन का-
 र्तिककुमारया स्वालस्वयाव विनतीयाव ध्वव्यलस कार्तिककुमारन आज्ञादयकेत्यन स्कन्दउवाच भोअगस्त्यमुनी
 छलपोलन एकाचिन्तयानाव न्यव जिन विस्तारयानाव कन्यत्यना धकं धयाव ध्वनली माहादेवव पार्वतीव कैला-
 सध्यानकल विज्यानाव शिवसक्तिजुयाव विज्यात भोअगस्त्यमुनीन्यव माहादेव गथीङ्गधालसा जिनकनेडवध-
 कं माहादेवधयामजा जवल्हातिन दमरुथानाव खववल्हातिन त्रिशुल पाछयाव भस्मन अङ्गसबुयाव बागछाला-
 न जसहिनाव किसिया क्षुल्लिनन्ययाव थास २ नसंकाविमुखन तियाव मनुष्यया ललमालान वखायाव नन्दी-
 भृन्दी जवल्हातिन पार्वतीखव मुलेसं फेकतुएकाव एमगाजिधतुरनया एसनकायकाव मिखाह्याउक कनाव च्य-
 ग्रामदयकाव माहाआनन्दन विज्याकव्यलस भोअगस्त्य मुनीडेव ध्वव्यलस नैकृत्यदिसान दसगृवरावणन
 माहादेवयाथास ध्वनित्यचार प्याखनहुलवने धकं कैलास पर्वतसथेनकलवन ध्वव्यलस दसगृवरावणन माहादेव-
 गनविज्यात अनथेनकलवनाव माहादेवया चरनस भोकपुयाव चोन ध्वदसगृवरावणया द्विशं माहादेवयाथास
 प्याखनहुलवनीव भोअगस्त्य मुनीन्यव ध्वव्यलस दसगृवरावण ध्वनित्यचार रागकयाव मेहालाव तालथाना मृ-
 दंगथाना ना २ तरहया प्याखनहुयाव सेवायानाव चोन ध्वव्यलस भोलानाथ माहादेवन दसगृवरावणया प्या-
 खनहुवगुसनाव अत्यन्तन खुसिजुयाव आज्ञादयकल भोअगस्त्यमुनीन्यव छनगुस्यवान जित्तोख जुयधुन आवछ-

१० न हुफोनेत्यनाधकं धयाव आज्ञाविद्याव ध्ववेलस ध्वरावगाया मनस अतिखुसि जुयाव मुसुहुन हिलाव माहादेव-
 या चरनस भोकपुयाव लाहात निपां जोजलपाव विनतीयात भोत्रैलोक्यनाथ जितजां छलपोलया दयान सग-
 स्तनंगाक धनदर्व्यन गाक जननंगाक भोनाथधकं रावणनं विनतीयात भोअगस्त्यमुनी डेव ध्ववेलस धालसा
 माहादेवजुल एमगजी धतुरनं काएकाव अचैतन्य जुयाव चोन माहादेवन पुनर्वाद आज्ञादयकल हेदसगृवरा-
 न छनजा जिके छतामफोसें गगाकधकं आज्ञादयकाव विज्यात ध्ववेलस रावणया मनस भालपा आवजिन लु-
 फोनेधकं भालपाव आव थथेमबुत वत्तीसलक्षणनं संयुक्त जुयावचोनह माहादेवया खवमुलेस फेकतुनाव चोनह
 पार्वति फोनेधकं भालपाव ध्ववेलस ध्वरावणनं विनतीयात भोजगदिश्वर माहादेव जितजा छलपोलया दयान
 समस्तन गाक आव छलपोलया दयादतसा जिनफोने नेस्यविज्याहुनेधकं धयाव रावणनं फोन जितजा सेवता
 मय छलपोलया खवमुलेस चोनह फोनेधकं धयाव फोन भोअगस्त्यमुनी डेव ध्ववेलस माहादेवन जुलसां दस-
 गृवरावणनं धयाथे धवमुलेस चोनह पार्वति लवहानाव विल ध्ववेलस रावणनं ध्वद पार्वतिजोनाव माहादेवया
 चरनस भोकपुयाव वेदाकयाव पार्वति लुकुन्डिनाव यन थथेपार्वति दसगृवरावणनं फोनाव यनधकं वैकुण्ठनाथगा
 हाविष्णुनं सियाव धनजा अनर्थजुईनधकं भालपाव विष्णुलोकन कहाविज्यानाव आज्ञादयका भोमाहापुरुष ल-
 मुजुईव गननंयया छनजातलु नामलु छायछन आमथिङ्ग मिसाजाती लुकुन्डीना हया आगछन मुजुईव छन

स्वस्था
१०९

फस्ताखं स्थायमते सत्यथें जितकने मालधकं धयाव श्वतेस्त्रिरुप माहाविष्णुया भाखानेनाव श्वनली रावणनंभा-
ल भोमाहासुन्दरी छन एकचित्तयानाव न्यव जिन विस्तारन कनेधकं धयाव श्वनली थनराणनं कन भोसुन्दरी
जिनजुलसां लङ्काया रावण जिनजुलसां हिनछनु कैलाशस माहादेवया थास प्याखनहुल वनाव चोना आव सदा
याथें थनी सुथहापंदनाव कैलाश थाहावनाव माहादेवया थास प्याखन हुयाव चोना श्ववेलस माहादेव सन्तो-
पजुयाव जित थोहपार्वति वरदान वियावहल आव जिन श्वहपार्वति जोनाव थवछे वनेधकं वयाधकं धयाव
श्वसरावणया भाखानेनाव श्ववेलस मिसारुप माहाविष्णुनधाल भोरावण जीखैवे छन आम पार्वतिधकं चोना-
ला आमजा पार्वतिमुख आमजा माहादेवया मायान दएकाव वियावहलधकं धयाव थनदसग्रीव रावणनं धाल
भोसुन्दरी छन छुस हाना जिनजा माहादेव खुसियानाव माहादेवया खवमुलेस चोना पार्वतिफोनाव हयाख-
वधकं धयाव श्ववेलस मिसारुप विष्णुन धाल हेरावण छपनीत मजुलसा छन देश २ श यनाव स्वव श्ववेलस
छनत छनदेशया लोकन छनत धिकारयाईव दसग्रीवरावन थिन्याह्य जुयाव मिसाजात थवहसतयाव हलधकं
छनत जातसँ थ्याकीवमुख छनत नामधे भाईव भोरावण छन पार्वतिफोनाव हयजुलसा जिनकनाव छोयधकं
धयाव थनरावणनं धाल हेसुन्दरी जिनजा पार्वतिधकं जोनाव वया आव छनमुखधकं धास्यली छनमेथान क-
नेगस्य जिनधालसा माहादेव जिनधयाथें दएकाव तयधुन पार्वति धयाह्य गथेचोन समस्त जितकने मालधकं

१०९

धयाव श्ववेलस मिसारुप विष्णुन धाल हेरावण छनधयाथें माहादेव दस्यली छनत धन्दामदत आव जिनकना
छोय डेव आव छनवनाव माहादेवया हेवनेधाव भोमाहादेव वजां पार्वतिमुख छलपोलसेन जितहेलकाव विया-
वडोत श्वहजा मयव वियजुलसा छलपोलया धुछेगुया तलस चोना हियधकं धयाव श्ववेलस थनधयाह्य वियावह-
ईवधकं धयाव श्वतेस्त्रिनेनाव श्वरावण खुसीजुयाव थवहस चोना पार्वतितोलताव कैलाशस थहाबीज्यात श्ववे-
लस विष्णुन पार्वति थवथाम वैकुण्ठस यनावतल भोअगस्यमुनी डेव श्वनली माहादेवया गजीया रसन तोल-
ताव चोनेवेलस रावणनं वनाव माहादेवया चरनस भोकपुयाव विनतीयात भोनाथ छलपोलसेन जितजा छल-
ययानाव हेलकाव छोट वहजा पार्वतिमुख जीत छलपोलया कृपादतसा आम छलपोलया धुछेगुया तलस चो-
नह्य फोनेधकं धयाव फोन श्वस्य दसग्रीवरावणया भाखानेनाव श्ववेलस माहादेवया मनस भालपाव जिनजा
पार्वति थवयात वियाव छोटधकं जिनधालसा एसगजी धतुर नयाव चोना एसनं काएकाव भालपेमफयाव चो-
नधकं माहादेवन थवतथमनं भोलानाथस्वधकं भालपाव विज्यात भोअगस्यमुनी डेव श्ववेलस माहादेवनआ
व श्वपार्वति गनवनधकं ध्याननं सोस्यविज्यात माहाविष्णुन छलेयानाव थवयात थनछोयावहल धकं पार्वति
थवथास यनावतल धकं ध्यानदृष्टिन लुयकाव स्वत श्वनली माहादेवन भालपा आव जिन कयाव
वियधकं धुछेगुया तलस छुमद लुवीयाव छोपधकं भालपाव थओगु मायानं गिसा छस उत्पत्ती या-

स्वत्या
११०

नाव धुल्लुगुलीन पिकयाव रावणयात लवहानाविल श्वव्यलस दसग्रीवरावण खुसिजुयाव श्वमिसाजोनावव-
न श्वनली माहाविष्णुन पार्वतीजोनाव कैलासथ्यनकल विज्यानाव माहादेवया हेवने आज्ञादयकाव भोमाहादेव
छलपोललुजुल छाय दसग्रीवरावणयात पार्वती विद्यावछोया धकं आज्ञादयकाव श्वव्यलस माहादेवम आज्ञा-
दयकाव भोविष्णु जिजुलसा एसगजिया भ्रमलसचोनाया निर्मीर्तिन लोलमनलुयया छलपोलन वचण्यात धं-
न्यधाय छलपोलधकं ना २ गुनवर्नायानाव चोन श्वव्यलस माहाविष्णुन पार्वतीविद्याव माहादेव पार्वतीनिह-
याके विदाकयाव वैकुण्ठस विज्यात भोजगस्यमुनी डेव श्वव्यलस माहादेव पार्वतीनिह कैलासस
शिव शक्ति जुयाव विज्याकजुल भोजगस्यमुनी छन एकचित्त यानाव डेव जिन कन्येत्यना श्वनली
गथ्यजुलधालसा माहादेव पार्वतीनिह चोनव्यलस छन्हुयादिनस माहादेव कैलासन पिहाविज्यानाव हितलव-
नेधकं मनससंतोखजुल वरधयाव गथीनगुधालसा माहाजलामयजुयाव चोन पुष्टये लखनं पुर्णजुयाव मिखानहा-
एमदु उलिधुलिधकं थाहाथ्यकनामदु थरीजागु समुद्रस माहादेव विज्यात श्वसमुद्रम अनेगजिवाजन्तु वसल-
पाव क्रिडाभोगलपाव चोनधकं श्वनली अनेगकृपिपनी नागकन्या राजहंस ना २ जलजन्तु वसलपाव चोनदु
थरीगुतिथेम माहादेव विज्यानाव राजहंस नापांहिताव विज्यातधकं भौमुनी श्वनली माहादेवन मानसगेवरस
विज्यात व्यलस अन्तपुरिस माहातपसि सत्यवाजि जालन्धरधया नाम जोगिछह वसलपावचोनदु श्वयाकला-

११०

तया नाम विद्राधकं श्वविद्राया माहामत्यवादि हनं अतिमुन्दरिधकं श्वपनीनिह कथासचोनाव चोनव्यलस जा-
लन्धरन थवकलात विद्राया ख्वालतुखयाव आतमुन्दरि मृसुकाहिलाव चोन श्वव्यलस जालन्धर वारंवारहिला-
वचोनगु विद्राखनाव थनविद्राया मनसजुलसा थवस्वामि जालन्धरया ख्वालस्वयाव विनतीयात भोप्रभु जाल-
न्धर छलपोलस्यन जिखनाव वांवारहिलाव विज्यात छायहिलाव विज्याना कारन्हु कस्यविज्यायमाल धकं वि-
द्रान जालन्धरया ख्वालस्वयाव विनतीयात श्वव्यलस श्वत्यविद्राया भाखाडेनाव थनजालन्धरन विद्रायाहेवनेवा-
ल भोस्त्रिम्यवताकारन छखनाव जिहीळामसु छनखाल ह्वापायाथेमसु छनउनजा शिनीदुमया तेजथे रातिसमा-
नजुयाव चोन जिमनसजा साक्षातेवकन्याथ्य छनखाल छनतेजखनाव जिअतिखुसिजुयधुन धकं भोस्त्रिमेवता-
कारनखनाव मसुछहापायासिब वानलानाव चोनखनाव कारनधुका धकं धयाव श्वत्यथवस्वामि जालन्धरया आ-
जाडेनाव थनविद्यानधाल भोप्रभु जिगुविनतनिस्य विज्याहुने हुधालसा श्वसंसारस वानलाकहा जिजामसु जि-
यामिन वानलाकम त्रैलोक्येनाथ श्रीमाहादेवया स्त्रिपार्वती वादिकन मेवसुमदु धकं जिजालुवानलाक पार्वतीया
झिबोळवोखुनु वानलाकला धकं धयाव श्वत्यविद्याया भाखाडेनाव थनजालन्धरन आज्ञादयकल श्वस्वभाथेखवला
जिजालुतिवानलाकहा सुमदुधकावचोना आमथेजुलसा आव जिनपार्वतीया चरित्रखलवने पार्वतीयात छलयाय
जिह्वलाखलवनेधकं विद्यायाके विदाकयाव जालन्धरन पार्वतीयात छलयायधकं वन भोजगस्य मुनीडेवधकं

संस्म।
१११

श्वनली जालन्धरन माहादेवया भेषकयाव किसिया छेपुलीनमेयाव बाघछालान जसाचिनाव विबुधन तियाव मु-
ण्डमालान कोखायाव ह्यछमंविभुतिन बुयाव ज्याथशुसागयाव स्वल्हातीन त्रिशुलजोनाव जवल्हातीन दमरु-
थानाव कैलासपर्वतस थाहाविज्यात श्वव्यलस दमरुया सत्तातायाव पार्वतीन हतासन कण्ठलुजोनाव पिहाव-
यावस्वल्हात माहादेव विज्यातधकाव स्वयावचोन श्वव्यलस जालन्धरव पार्वतीव भातिपाकव्यलस निहास्यन
स्वयावचोन श्वव्यलस पार्वतीयामनस हुंहुववह माहादेवस्ववला मण्डलाधकं पार्वतीया मनसभालपाव चोन व्य-
लस जालन्धरव पार्वतीव निहाया दृष्टिचुलानाव थनजालन्धरन मुर्क्षजुयाव नोनापमवास्य स्वालहाउदाव बाबु-
काव चोन पलासुधा छियमफयकाव चोन जालन्धरन पार्वतीया स्वालस्वयाव मुक्षजुयाव चोन श्वव्यलस पा-
र्वतीन थथेजालन्धर मुर्क्षजुबगुस्वयाव पार्वतीया मनस माहाकष्टचायाव श्वसुजुईव माहादेव विज्यात धकाव-
चोना माहादेवमखु श्वजा जिस्वात्तसनाव मुर्क्षजुयाव चोन माहादेवजुलसा जिस्वात्तस्वडेवतु मुसुहुनहिलाव
स्वाल्हलहाईव श्वजाजिस्वात्त स्वडेवमुर्क्षजुयाव चोन श्वजामाहादेव मखु माहादेवथे चोनह त्रिशुलदमरु था-
नाव भिक्षाफोनजुईम जालन्धर धयामजुईव श्वनजाजित हुयायधकं वलधकं भालपाव पार्वतीन माहादेवयाना
मकयाव पार्वतीनहतासन कैलासपर्वतगयाव विस्यवस श्वव्यलसद्वारपालनदिभृङ्गीयास्वाल्हलस्वयाव आज्ञादयकल
हेद्वारपाल छिमीस्यन थनसुगवमवळता पार्वती थनअनधकं धायमहु छोयावहएमते धकं धयाव थाहावनाव कथा-

१११

स वनान माहाधन्दा कयाव चित्तअद्वलजुयाव वयायहँ मसियाव चोन आव गथेयाय मालधकं माहादेव गनवि-
ज्यात थन सुमदुथास जालन्धर थनवयाव जित हुयायधकं पार्वतीया माहाधन्दा कयाव चोनधकं भोअग-
स्त्यमुनी न्यवधकं श्वनली पार्वतीन माहादेव आवतलें मविज्याकधकं आव जिथथे चोनेमखुत माहादेव ब्रह्मावि-
ष्णु श्वशनी स्वहानं छह छहानं स्वह श्वमिलाकं वेगलदुलाधकं पार्वतीया मनस भालपाव आवजिन विष्णुआरा
धना यायमालधकं भालपाव श्ववेल्हस पार्वतीन भोवैकुण्ठनाथ विष्णु छलपोलसेन लुस्वयाव विज्याना जिथनी
थर्थाजागु अवस्थजुयाव चोनधकं पार्वतीन विष्णु आराधना यास्यविज्यात भोअगस्त्यमुनी श्वनली वैकुण्ठ मा-
हाविष्णुन पार्वतीन आराधना याकस्वयाव हतासन माहाविष्णुन गरुडयाव सङ्खचक्रगदा पञ्चशाना यानाव
वैकुण्ठथन पिहाविज्यानाव कैलास पर्वत थनकल विज्यात कैलास पर्वतथेनकाव जगत्माता पार्वतीया थासवना-
व भोपास्वती छलपोलसेन छाय जितआराधना यानाकारन लु जीन लुयायमाल ब्रुगुली जिनयाय छाय
छलपोल स्यन हतास छायमते धकं मालगु आज्ञादए कस्य विज्याय माल धकं धयाव श्वते वैकुण्ठनाथ
माहाविष्णुया भाखाडेनाव थनपार्वतीन आज्ञादएकल भोमाहाविष्णु जिगुली विवस्थाकने न्यस्यवीज्याहुने हुधा-
लसा माहादेव छेममवीज्याक पीढाविज्यानाव चोन श्ववेल्हस माहादेवया भेषकयाव त्रीसुलपाछायाव डगरु था-
नाव कैलासपर्वतस थाहावल्ह श्ववेल्हस जिनजुलसां माहादेव विज्यातधकं भालपाव तुनीचाएकाव हएधकं वना

स्वस्था
११२

श्वबेलस जिगुखाल खनाव मुर्छाजुयाव वन जिमनस भालपा श्वजां माहादेव मखु माहादेव जुलसा छाय मु-
छां जुईव श्वजां जालन्धर जुयमालधक भालपाव थनवीसेवयावधकं सगस्त विस्तारन पारवतीन विष्णुयात कन
माहादेव आवतले मविज्याया निर्मीर्तिन छलपोल यात सलता जिथर्थीगु दुखजुयाव चोन छलपोल थिन्यापीं
विष्णुधाएकाव जित जालन्धरनं छलेयातकाव लुस्वस्य विज्यानाधकं पार्वतिन आज्ञादएकल भोगस्यमुनी डे-
वधकं श्वनली श्रीवैकुण्ठनाथ माहाविष्णुन आज्ञादएकल भोजननी माता पार्वति छलपोलया आमलित दुख
जुस्यली छलपोल हतास चाएमते थुकिया उपाय जिन याय जिथर्थीजाह्य विष्णुदएकाव स्वयाव चोनेला थुगुया
जतन जिनयाय जालन्धरन छलपोल यात छलेजव दृष्टीयात नास जिन आव जालन्धरया कलात विन्द्रायात
छलेयात वनेधकं विष्णुन आज्ञादएकल श्वबेलस श्वते वैकुण्ठनाथ माहाविष्णुया भाखाडेनाव पार्वतिन आ-
ज्ञादएकल भोगिष्णु आव छलपोल थये वनाव विन्द्रायात छलेयानाव थन जिथास ठिसल हयमालधकं धयाव
श्वते जगतमाता पार्वतिया आज्ञाडेनाव माहाविष्णुन आज्ञादएकल आव जिनजुलसां जालन्धरया कलात वि-
द्रायात जिन छलययात वने माहादेव गन विज्यात जिन माताव थन छोया हयधकं माहाविष्णुन पार्वतिया-
के विदाकयाव विज्यातधकं भोगस्यमुनी डेवधकं श्वनली माहाविष्णुन माहादेव गन विज्यातधकं मालजुया-
व न्यवजुयाव मानसरोवरस विज्यातधकं लुएकाव आव जिमानसरोवर वन्यधकं वैकुण्ठनाथ माहाविष्णुन गरु-

११२

ड गयाव सङ्खचक्रगहा पद्मजोनाव हतासन वानाव मानसरोवर वन श्वनली मानसरोवरस माहादेव राजहन्स
वस्यहीताव चोन बेलस माहाविष्णुन गयावनह्य गरुद बोयावनगु पपुतिया सदया तेज गुगुसद धालसा माहा-
सद जुयाव मर्थीगुसद धालसा पायोया सदथे हुनुनुनुनं सदवयाव चोन श्वसद्वयु माहादेवन तायाव लुयास-
दधकं माहादेवन सोयाव विज्यात श्वलुयासद राजहन्सया पपुसनकलया सदला मखु लखया सदला मखु
वायुदेवताया सदलाधकं आकाशस थमोयाव विज्याक बेलस आकाशस माहाविष्णुन गरुदगयाव वेगन वान
वखना माहादेवन आज्ञादएकल श्वविष्णु छायहतासन वानवलधकं कारनमदएक वईवमखु धकं माहादेवया म-
नस भालपाव चोन श्वबेलस वैकुण्ठनाथ श्रीमाहाविष्णु थनकल विज्यात भोगस्यमुनी न्यवधकं श्वनली
माहादेवयात याननं नमस्कार यानाव चोन श्वते माहाविष्णुया खालसोयाव माहादेवन आज्ञादएकल भोगि-
ष्णु छायहतासन वानवया कारणलुधकं धयाव माहादेवया आज्ञानेनाव थन माहाविष्णुन विनर्तीयात भोजग-
दीश्वर श्रीमाहादेव धकं मेवता कारण जिथन वयामखु धकं छलपोल थन विज्याक व्यलस अन्तपुरया
जालन्धरवयाव जगतमातापार्वती यात छलेयातवल जालन्धरन कैलासमथेव पार्वतीविस्यवनाव चोन श्वत्यन
आवछत्तपोलयात कडेधकं वया जिनजा जालन्धरया कलातविन्द्रायात छलवनेधकं वया माहाविष्णुन माहादेवया-
के विनर्तीयात श्वत्यविष्णुया भाखाडेनाव श्वनली माहादेवन आज्ञादएकल भोगिष्णु धाथ्यखवला धकं धयाव

थनमाहाविष्णुनधाल छलपोलया थ सचोनाव गथ्यमिथ्या खल्हाय धकंधगाव थव्यमाहाविष्णुया भाखाडेनाव थ-
नमाहादेवन क्रोधयानाव धाल भाविष्णु निराअपराधस जिपार्वतीयात छलयातवल आवजिन थवजालन्धरयात
मस्यास्येतोलेमखुन थनजा आदिकयात सुनानजित लुयायफुला ध लधकं मिखाह्याउँक कनाववाकटटनहेयाव तु-
तीवनस्वानाव लहातनेपावोवोस्यानाव धाल भोविष्णु आव छनविद्रायात छलयानाव जिथामवगमाल धकं आव
जिकैलाशवनेधकं आज्ञादयकाव माहादेव कैलाशपर्वतस विज्यात भोअगस्त्यमुनी डेवधकं थनली माहादेव कै-
लाशविज्यानाव गनपार्वतीचोन अनंधनकलवन थन पार्वतीन माहादेव विज्याकखनाव हतासन तुतीचाएकाव
चरनश भोकपुयाव विनतीयात भोप्रभु जगदिश्वर माहादेव छलपोल पिहाविज्यकव्यळस जालन्धर धयाम
जोगीन छलपोलया भेषकयाव वळ जिन छलपोलधकं पिहानयाव स्वयाववोना जालन्धरन त्रिशुलपाछायाव द-
गरुथानाव कैलाशथाहावल थाहावएगलाव थवजालन्धर माहादेवमखु जालन्धरन जितछलकल भालपाव हतास-
न जिविस्यवनाव चोनाधकं पार्वतीन विनतीयात थव्यपार्वतीया भाखाडेनाव माहादेवन आज्ञादयकळ भोपार्व-
तीआम जालन्धरयात मस्यास्ये तोलेमखु थवजालन्धरन आदिकमिचण्यात सुनानवनाप जोरयायमफुधकं जु-
ल आविष्णुया लीमलनीवएके विद्रायात छलवनेधकं माहादेव पार्वतीनिह्य खल्हास्य विज्यात भोअगस्त्यमुनी
डेवधकं थनली वैकुण्ठनाथ माहाविष्णुन जालन्धरया भेषकयाव अन्तपुरिस विद्राया छेसवन थव्यलस विद्रा-

न जालन्धर विज्यातधकं लखजोनाव तुतीसितकाव तलेथतवोनाव कथास भिंगुलासालायाव लाशामकेक तुत-
काव विद्रान जालन्धर भेषविष्णुया खालस्वयाव विनतीयात भोप्रभु जालन्धर छलपोलस्यन पार्वतीछलयाय
धकं वनाव छलयाय फुलामफुला गथ्यचोनवानलाकला मलाकला धकं विद्रान नेनाव थनविष्णुनधाल पार्व-
ती छलयायमफु पार्वतीखनेव जिजा मुर्छाजुल धकं धयाव विद्राया हेवने धाल मोछि विद्रा जिख नवधकं
धयाव थव्यविद्राव माहाविष्णुव सन्वादछयाव माहाविष्णुया खल्हाकगूया व्यवस्तास्वयाव विद्रान थवजा
जालन्धरमखु थवजा विष्णुजुईव छानधालमा जालन्धर पार्वतीयात छलयातवन आव विष्णुन जितछलयाय
धकंजुलधकं मनसलुयकाव आवजिन छताउपाययायमाल धकं विद्रान मनसलुएकाव थनविद्रान धाल भोप्रभु
जालन्धर जिनधयागु खडेनमा जिनछलपोलन धयागुनेन्य धकं विद्रानधाल थव्यविद्राया भाखाडेनाव थन वि-
ष्णुन थन जितलुयाय धकं भालपाव विद्राया ख्यालस्वयाव आज्ञादयकळ भोविद्राछन धयागुवसलान न्यनजुल
जिनधयागु छनन्यनेमाल धकं धयाव निहासिया थीथीसत्य वाचायानाव धाल थनली विद्रानधाल भोप्रभु जा-
लन्धर आवजिनधयागु खडेनेजुलमा छलपोलन धयागुडेने आवजिपिहा छकवनाववए जिहुहामवएक छलपोल
कथान पिहावयमहु धकं सत्यवाचायातकाव थनविद्रान विष्णुकथाम कुनःव विद्रापिहावनाव चोन थनली हि-
छिन विद्राहुहामवस्यचोन थथ्यचोचो प्यन्हुखुन्हु वगलिलछिदयावन विद्रासहुहामवयाव कथासकुनाव तवहा वैकु-

ण्ठनाथ विष्णुन मनसभाळपाव आव गथ्यायमाल धकं विद्वान जितजकपतन लानावतथल विद्रायात छल-
 यायधकं श्यपिहावने धालसा सत्यबाया यानातयाहु वनेधालसा सत्यभगजुईव धकं मवनेधालसा श्वकथास
 जिगोलत चोने श्वविद्वानजा जितसियकल थुकियाकारन जितकथास कुनाव थवपिहावन धकं माहाविष्णुया
 फसातजुयकाव चोन भोअगस्यमुनी नेवधेकं श्वनली ताकालदस्यली विष्णुलिहातमवयाव कैलासश माहादेव
 न पार्वतीया हवनेधाल भोपार्वतिधकं विन्द्रायात छलवनह आवतले लिहामवनी श्वविष्णु वनला सवनला ग-
 नवन कारण मदएकाजां विष्णु थथेचोनेमहु धकं माहादेवन अन्तर ध्यानयानाव सोस्यविज्यात श्ववेलस मा-
 हादेवन पार्वतिया हेवने धाल भोपार्वति विन्द्रायात छलवनह विष्णुजां विन्द्राया कथास कुनावतल छाय थो-
 विष्णुकथास कुनावतल आवतले लिहामवधका चोना थथेकुनाव तबाव विष्णु लिहामवलधकं विन्द्रायात छल-
 वनह आव थथेतयमजीव श्वपिकायमाल धकं सुछोयधकं मनसभाळपाव माहादेवन श्वमायान भिक्षुकछमद-
 यकाव थोजोगीया हेवने माहादेवन आज्ञादयकळ भोभिक्षुक आवछवनाव अन्तपुरस जालन्धरया छेसभिक्षा-
 फोनाव विद्वान कथासकुनाव तवमछमफोनाव हयमाल धकंधयाव माहादेवथा चरनस भोकपुयाव श्वजोगी
 जालन्धरया छेस भिक्षाफोनुवने धकं कैलास परवतन कहावल धकं स्कंदकुमारन अगस्यमुनीयात कनाववि-
 ज्याकगुख सुतन नैमिषारचे वनस शौनकादी चयच्यादोल ऋषिपनीष्टकन ईति श्रीस्कण्द पुराणे माघमाहात्मे

रु.स्व।
 ११४

११४

कदारखण्डे भिक्षुकगमन एकोनविंशोऽध्याय अगस्यउवाच श्वनलीहने अगस्यमुनीन कार्तिक कुमारया स्वास्वयाव
 ल्हातनीपा जोझलपाव विनतीयात भोकुमार छलपोळया कृपान जालन्धरवयाव श्रीजगतमाता पार्वतीयात छलव-
 तधकं आज्ञादएकल भोकुमार श्वखँ न्यनेधुन विष्णुवनाव विन्द्रायात छलवनह विष्णुकथास कुनावतलधकं आ-
 ज्ञादएकल न्यनेधुन अयेन जिचीत सन्तोषमछवनी गथेधालसा विन्द्रान कथास कुनावतवह विष्णु अनसचो-
 नला मखु पिहावलला गथेधालसा श्वखँ न्यनेईच्छा इनी छलपोलस्यन आज्ञादएकस्य विज्यायमालधकं अग-
 स्यमुनीन कार्तिक कुमारन आज्ञादएकल भोअगस्यमुनी न्यवधकं जिन छनत जालन्धरन पार्वतियात छलया-
 कगु विष्णुन विन्द्रायात छलयाकहा कथास कुनावतवगु छनतकनेधुन आव श्वनलीयाखँ जिन कने छनएकाचित्त
 यानाव हेव जिनकनेतेना धकं स्कंदकुमारन आज्ञादएक स्यन स्कन्दउवाच भोअगस्यमुनी छन यकचीत्त या-
 नाव न्यव थनयाखँ जिनकनेधकं श्वनली माहातपस्वा जोगिन जुलसां अन्तपुरीम जालन्धरया छेस वनाव जो-
 गी अनी मोहनजुय काव क्षिमखुदया वैसजुएकाव अदिकन वानलातकाव चोन स्वय नापां घयापु धकं थर्थी-
 जाह्य जोगी जालन्धरया छेस भिक्षाफोने धकं वनाव छेस दुहा वनाव जोगिन जुलसां भिक्षाफोन थोवेल-
 स विन्द्रान जोगिन भिक्षाफोनगु सलतायाव हतासन स्वस्यली भिक्षाफोन वलह्य जोगिस्वनाव विन्द्रान अतिरस-
 तायाव विन्द्राया मनस श्वजोगिजां अतिकन वानलाक श्वतीवानलाकह भिक्षुकजा जिन मखना श्वनजा जि-

छेम न्हापां भिक्षाफोन वलधकं न्हापां छेम भिक्षाफोन वलधकात् भिक्षालु वियाव छेय मालधकं सास्त्रस धयाव-
तवगुदु आवाजिन थवभिक्षुकन धयागु वियाव छेयधकं विन्दानधाल भोजोगि छनजिके छुफोनाधकं छनफोनागु
लीजिन विषधकं धयाव थवविन्द्राया भाखाडेनाव थन जोगिनधाल भोविन्द्रा जिनफोनागु सत्यन वियखव-
लाधकं वियजुलमा जिनफोनेधकं छानधालमा जिमीसेन धयागु मनविईव दाताव विखारीव विखारिन धयागु
ली मनविईव दातान विलसा विखारिन काईवधकं भिक्षुकन धयागु खन्यनाव थन विन्दान धाल भोभिक्षुक छ-
यछन धन्दाकया छुसेदेह कायमुम्यात् अवसेन जिन छनधयागु वियधयाव थवविन्द्राया भाखाडेनाव थनली
भिक्षुकन धाल भोविन्द्रा जिनफोनागुली सत्यन वियखवलाधकं वियजुलमा सत्यवाञ्छा यावधकं धयाव थवत्य
भिक्षुकया भाखाडेनाव थन विन्दानधाल भोभिक्षुक छनधयागु सत्यनवियजुल धकधयाव थवत्यविन्द्राया भाखा-
डेनाव थनभिक्षुकन धाल भोविन्द्रा छनसत्यन वियजुलमा जित मेवतामयव छनवियजुलमा आमु छनकथास
चोनह्म छमफोनेधकं धयाव भिक्षुकन फोन थवते भिक्षुकया भाखाडेनाव थन विन्दानधाल भोभिक्षुक छनआम-
थ धाईवमताया आमथे धायमतेव कोथासचोनह्म छनपछाय मेवताधन वस्तु अन्नराज मेवताभाव धकं वलताधा-
यमत्य धकं धयाव थवत्य विन्द्राया भाखाडेनाव थन भिक्षुकनधाल भोविन्द्रा मेवतासकतान गाक धनवस्तु अन्न
जन छुमयव जितपासा छल्लमाल जिवालसा याकचाधकं छनसत्यदत्तसा कथासकुनाव तथाह्म विय छनसत्यस

दुसा जिनकुधाय धकधयाव चोन भोअगस्यमुनी देवधकं थनली विन्दान आव छुवाय भिक्षुकन थथेधाईव-
मताया जिजां कमातनुल थथेमविय धालसा सत्यकुत धकं मनस अंदलयानाव चोन थनली भिक्षुकन धाल
भोविन्द्रा वियजुलमा विय कीवियमखुमा वनेतेल धकधयाव थवत्य भिक्षुकया भाखाडेनाव थनविन्दान धाल भो
भिक्षुक आव छुवाय वियजां महु मवियधालसा जिसत्य चोलवन सत्यकुतके मजीव सत्यकुतसा भोभिक्षुक
क नर्कवास छुईवधकं आव छुवाय जिबोलवन कावधकं धयाव कोथास कुनाव तवह्म वैकुण्ठनाथ माहाविष्णु
वियावछेत थनली भिक्षुकन विष्णुजोनाव पिहावन थनली भिक्षुकन विष्णुपिकाय धुनेव भिक्षुकरुप छुवाव
वह्म अनवन थनवन मदएकं वन भोअगस्यमुनी देवधकं थनली वैकुण्ठनाथ माहाविष्णु पिहाविज्यानाव आव
जीकैलास वनेमाल गवल गवकालरत जीथनचोनाधकं कैलास माहादेवया हेवने छुवायखेधकं धन्दाकयाव वि-
ष्णुनं गरुड गयाव सङ्खचक्रगदा पद्मज्वनाव हतमन वानवयाव माहादेवन विष्णु वलधकं सियकाव सद्धतए-
केवकंभालपाय पाँचजन्यराह्म पुयाव गरुडगया माहाविष्णु वेगनवनाव थवेलस गरुदयापपुया सद्धन विष्णुया संखपु-
यामद्धन चक्रया सद्धन लसखानह्म पार्वतिखनाव मुर्छाजुवह्म जालन्धरया चेष्टादयाव वपदनाव थवकुया सद्धध-
कं स्वतनास्य माहाविष्णु वानवनखनाव थनजालन्धरया मनसभालपाव चोन विष्णुधुंगुण्ठकैलास ईधुथी धु-
जुलधकं पार्श्वसियात मनजिनछलेयाय फईवधकं विसेवन जिजुलसां पार्वतिखनेमात्रन मुर्छाजुवाव चोनेमालधकं आ

स्वस्था
११६

वलिपातम वनेपालसा थनचोनानं कथमलातधकं आवथवशठधुनी लिहावनेधकं भालपाव जालन्धरन थवक्षवव
भोगस्यमुनी न्धवधकं थवनली वैकुण्ठनाल माहाविष्णुन कैलासपर्वतम थाहावनाव माहादेव पार्वतीगन वि-
ज्यात अनभेनकल विष्णुविज्यानाव माहाविष्णुन माहारुद्र पार्वतीनिहयात नमस्कार यानाव छेवेतापाक चोनव-
न थव्यलस माहादेवन विष्णुवयाव चोनस्वनाव माहादेवन आज्ञादयकल भोविष्णुछलाय तापाकचोना थनवा-
योधकं हनं छायछविद्रायात छलवनम थवलतगथ्यवित धकं हनं विद्रायत छलयाय फुलामफुला गथ्यजुल स-
मस्तकन्यमाल धकं धयाव थव्य माहादेवया भाखाडेनाव थनगाहाविष्णुन धाल भोमाहादेव जिन विनतीयाय
नेस्याविज्याहुन धकं जिनछलपोलया आज्ञाथ्य विद्रायत छलयायधकं वना जिजूतासा जालन्धरया भेषकयाव छे-
सद्हावना थव्यलस विद्रान जिततुतिमितकाव छमएनाव कठासतयाव जिकेनेन भोजालन्धर पार्वतीधयाम गथ्य-
चोनवकं विद्रानजिकेडेन जिनसमस्त विस्तरनवनाव जिनधया आव जिखभतीडेव धकधया थव्यजिभाखाडेना-
व विद्रान जितकथास कुनाव विद्रानवनवन मदयकवन धकं छायजितकथास कुनावतल धालसा जिनछता-
लोलमन विष्णुमायान लोकपुयाव वनेलोलमन हतासन वनाव जितविष्णुधकं सिएकाव कथासकुनावतल धकं
त्रावजिजा छलनपिहावया धकं धयाव थव्य माहाविष्णुया भाखाडेनाव माहादेवन धाल भोविष्णु विद्रायात छ-
लवनाव विद्रानछलायत कावचोनाला धकं आवली खुनुआमथ्यवनेमते विष्णुमायान लोकपुयावहुनी धकं धाल

११६

भोगस्य मुनीडेव धकं थवनली माहादेवन जालन्धर वनापवतालहनेत इन्द्रादिदेवता ब्रह्माविष्णु इन्द्र जक्ष
गन्धर्वकिन्नर भुतप्रेत विषमजोर पिमाच तेतिस्कोटि देवतामुनकाव चोन जगतगाता पार्वतीयात छलवनम जा-
लन्धरयात हताळवनेत छिमिकेदुदु सखअस्त्रजोनाव वषमाल धकं माहादेवन आज्ञादयकल थव्यमाहारुद्रया
भाखाडेनाव ब्रह्माविष्णु इन्द्रजक्ष गन्धर्व किन्नर भुतप्रेतपिमाच तेतिस्कोटिदेवता जालन्धरस्याईन धकं हर्षमा-
नयानाव थवकेदयाव चोनसुसख अस्त्रजोनाव माहादेवया हेवडेचोनाव तयारजुयाव चोन थव्यलस नार्दयाहे-
वडे माहादेवन आज्ञादयकल भोनार्द आवछवना जालन्धरयात थवमाहादेवजा जालन्धरव हताळवडेन तयारजु
यावचोन धकं छनकनहुनी धकं माहादेवन आज्ञादयकल थव्यमाहादेवया भाखाडेनाव नादरमुनीन कैलासपर-
वतन क्हावयाव जालन्धरया छेसवडेधकवन भोगस्यमुनी डेवधक थवनली पार्वतीयात छलवनम जालन्धरन
छेथ्यनकलवन थव्यलस विद्रान थवस्वामि जालन्धर विज्याकस्वनाव हतासन तुतिमितकाव तलेयनाव कथास-
जिगुआश्रमस विज्याचकाव जालन्धरया खालस्वयाव लहातनिपा हाजोजलपाव विनतीयात भोप्रभु जालन्धर
जिगु विनतीडेय विज्याहुडे धकं हुधालसा छलपोलन पार्वतीयात छलयाक विज्यकम थवलतगथ्य विस्तर-
जुल पार्वतीयात छलयाय फुलामफुला थव्यसमस्तकस्य विज्यायमाल धकं धयाव थव्यविन्द्राया भाखाडेनाव थ-
नजालन्धरन धाल भोस्त्रि थोखसमस्त जिनछनतकने जिजाकाचितन पित्यात ननिनय लिपतस जिनकेडेधकं

25

20

15

10

5

0

थाल थोत्यथस्वामि जालन्धरया स्वडेनाव विन्दान ना २ माहचाढियाव भिमिगुवस्तुहयाव निमसया थीथी-
 स्वालस्वयाव मुसुदुनहिलाव अडेगल्यालयानाव मुखा भोजनयायधुनकाव जालन्धरन विन्दायास्वालस्वयाव
 थाल भोविद्राजिनजा पार्वती छलयाय धकं वनागुजिनकने छनएकचित्तयानाव नेव धकंधयाव थनजालन्धरन
 कन भोविद्राधकं जिन माहादेवया भेषकयाव विसियाक्षगुलीन डेयाव कायछालान जसाहिनाव विन थाशथाश
 सहिनाव मुद्रमालान कोश्यायाव हामविबुतिन बुयाव थुसागयाव स्ववल्हातिन त्रिशुलपाढ्यायाव जवल्हातिन ड-
 मरुथनाव वैलासरवत्तस थाहाबनाव भोविन्द्रा थोव्यलस पार्वतीन दमरुयासलतायाव हतासन कमण्डलुजो-
 नाव तुनिचाएधकं वल थव्यलस जिनपार्वती स्वनाव जिनलुधायमफयाव मुर्छाजुयाववन धकं लिपातस जि-
 न्यष्टादयाव स्वयानजा पार्वतीमदयाव थोनस्वनाव जिनभालपाव पार्वतीया स्वालस्वयागात्रन जिजामुर्छाजुल पा-
 र्वतीन नापलातसा गथ्यजुईधकं भालपाव लिहाबया धकंधयाव थोन थव्यथस्वामि जालन्धरया भाखाडेना-
 व थनविन्दानधाल भोप्रभु जालन्धर जिनछता विनतीयायडेस्य विज्याहुडे धकं लुधालसा छलपोलन पार्वतीया-
 त छलयावन व्यलस थव माहाविष्णु वयाव जितछलयातवल छलपोलया भेषकयाव वल थव्यलस जिनसि-
 यकावकया थवया तलेयोनाव लुगुवातखल्हानाव कथास ताकाल कुनावतया भोप्रभु थनली भिक्षाफोनवल-
 स भिक्षुकन फोनावयन धकं भोप्रभु जालन्धर छलपोलस्यन पार्वतीयात छलयायतवन थन विष्णुवयाव जित-

लख।
 ११७

११७

जित छलयायत वलधकं विन्दान जालन्धरयात कन भोअगस्यमुनी न्यवधकं थनली जालन्धरन माहा क्रोध-
 यानाव थाल भोविन्द्रा आमथे जुलसा पार्वतीयात छलयायस्य सन्तोष मजुवनीधकं माहादेवमे स्वायमालसां
 हाकनं जिन पार्वतीयात छलवनेधकं विन्दायाके विदाकयाव जालन्धर पिहावन भोअगस्यमुनी थव्यलस ना-
 रदमुनीन जुलसां जालन्धरया छेपवनेधकं वनहा लजेस नापलानाव थन नारदन थाल भोजालन्धर छगन वने-
 त्यनाधकं धयाव थवजालन्धरन थाल भोनारद जिजुलसा भिक्षाफोन वनेधकं वयाधकं धयाव थव्य जालन्धरया
 भाखानेनाव थन नारदन थाल छायछन फष्टाख्हाना छवनेधका वगु जिनमसिवला धकं छन पार्वति छलयायत
 वलधकं माहादेवजा छवनापं स्वायधकं वलधकं धयाव थव्यनारदया भाखानेनाव थन जालन्धरन थाल हेनार-
 द थव्यं धाथेंसवला धकंनेनाव थव्वेलस नारदनथाल धाथें खवमखुमान जिन धाईवलाधकं धयाव नारदमुनीन
 लिहावन भोअगस्यमुनी डेवधकं थनली जालन्धरन छेलिहावनाव विन्दायात कन भोविन्द्रा माहादेवजा जि-
 वनापं स्वायधकं वलधकं नारदन कनवल आव जिगथेयाय जिजक काथर जुगावचोनेला जिजां माहादेव नापं
 स्वालवने आव जितपासामहु जिधालसा यकचाधकं विन्दायाहेवने धयाव थोन थवतेस्वामी जालन्धरया भाखा
 डेनाव विन्दानधाल आव सुपासा बोनावयने दकदेवता वयापक्ष जिथवळेस दाजुकीजापिं बोनाव यवधकं धयाव थव
 तेविन्दाया भाखानेनाव थन जालन्धरन थाल भोविन्द्रा आव जिन जुलसां छवधयाथें जिन दयावचोको राक्षस

5

10

15

20

25

30

35

40

स्वस्था
११८

मुनकाव माहादेव नापं ल्यालवने छन छेमभिनक विचालयानाव चोषधकं धयाव विन्द्रायाके विदाकयाव जाल-
न्धरन लखलख राक्षसमुनकाव माहादेवसें ल्यायधका वन भोगस्यमुनी न्यव ध्वनली नारदन कैलास येन-
काव माहादेवगा चरनम भोकपुयाव नारदन विनतीयात भोपरमेश्वर माहादेव छलपोलया आज्ञार्थे अन्तपुरस
वनाव जालन्धरयात कनाव जालन्धरन आज्ञादएकल भोब्रह्माविष्णुइन्द्र जक्षगन्धर्व किन्नर भुतप्रेत पिचासारी
तेतिसकोटी देवता आव वनेतेल नुयोधकं माहादेवन आज्ञादएकल ध्वते माहादेवया आज्ञानेनाव थन ब्रह्मावि-
ष्णुइन्द्र जक्षगन्धर्व किन्नर भुतप्रेत पिसाच विषमज्वर तेतिसकोटी देवतान थव २ सस्रअस्र जोनाव जालन्धरव
नापं ल्यायधकं कैलासवतन कोटावयाव चोन भोगस्यमुनी न्यवधकं ध्वनली ब्रह्माविष्णु इन्द्र जक्षगन्धर्व
किन्नर भुतप्रेत पिसाच विषमज्वर ध्वपनी स्यन पराक्रम पाललाचक छटाचनं गाचकं विमदन लायबुयाव ध्ववे-
लम जालन्धरन लायबुया सद्धतायाव आवजक माहादेव वलधकं भालपाव चोन ध्ववेलस देवलोक सकलें जा-
लन्धरया थाम वनाव माहाकलोल जुद्धयात देवतान लायबुया सद्धन राक्षस ब्राही २ जुयाव विस्यवन राक्षम-
न थमन फयागु सस्रअस्र देवलोक याके प्रहारयानाव छोट ध्वतेराक्षसन प्रहारयाक स्वयाव थन ब्रह्मान तमोयु-
णप्रयोग यानाव छोट ध्ववेलम ध्वमस्र जालन्धरयाके मजुमें छखेजुयत वनखनाव ब्रह्मान थवगु सस्र लिकयाव
ब्रह्मा सुमुकन चोन हनं विष्णुन पाञ्चजन्य सङ्गपुयाव बिल ध्वमस्रया सद्धन राक्षस मुर्छाजुयाव वन जालन्धर

११८

सुधात ब्राही २ जुयाव चोन ध्ववेलम हनं इन्द्रन वज्रकयाव प्रयोगयानाव जालन्धरतु स्वयाव प्रहारयानाव छोट
त ध्ववज्र वगुमद्धन मुर्छाजुयाव चोन राक्षसपनी चेष्टादयाव वपदनाव स्वतनासे इन्द्रन वज्र प्रहारयाछा हवगु
सोयाव राक्षस दकोस्यन लायबुयाव आकामनं वज्रज्वनेतेना ध्ववेलस इन्द्रन जुलसां राक्षसन वज्रज्वनेतन स्व-
नाव वज्रलीकयाव इन्द्र सुमुकचोन ध्ववेलस हनं सुयमुकोटी देवतान थवक्य तु २ गु सस्रअस्रनं प्रहारयानाव
छोट ध्वदेवलोकन छोयागु सस्रअस्र जालन्धरयाके सियसुधामदु यानापं मयामेंचोन ध्ववेलस जालन्धरन जुल-
सां देवतान थवके सस्रअस्र प्रहारयाक सोयाव थन जालन्धरन जपतपध्यान यानाव देवताममस्त त्रिसेवन भो-
अगस्यमुनी न्यवधकं थुगुकथन संध्यामयानां देवतान जालन्धरयात जपलपे मफयाव बैकुण्ठनाथ माहावि-
ष्णुन जुलसां जगदिश्वर श्रीमाहादेवया थाम वनाव विनती यात भोपरमेश्वर श्रीमाहादेव देवलोकन
जालन्धर यात जयतप्य मफुधकं देवलोकन जा जालन्धर याके सियमदु छान धालमा ब्रह्मा याके
माहा कष्टन तपस्या यानाव माहादेव बाहिकन मेव देवतान मोचकेमदु छान धालमा वरदान लात-
काव तलधकं आव छलपोलन बाहिकन देवलोकन जालन्धरयात मोचके फईवमखु धकं माहाविष्णुन जुलसां
श्रीमाहादेवयाके विनतीयात ध्वत्यविष्णुया भाखाडेनाव माहादेवन आज्ञादएकल भोविष्णुविना विद्रायात छ-
लमयास्येजा जालन्धर मोचकेफईवमखु आवछवनाव विद्रायात छलयातहुनी जितजालन्धरवस्ये जुद्धयाव धकं

रवस्था
११९

धयाव विष्णुन विद्रायात छलयातवेछोत थनली महादेवन माहाक्रोधयानाव त्रिशुलपाछायाव जालन्धरतुस्-
याव दुव्वातवन थव्यमाहादेव थवस्ये दुव्वातवगुस्वयाव गक्षसदको विस्यवन थव्यलस जालन्धरन ध्यानया-
नाव आकाससं थाहावन थव्य जालन्धर आकाससं विस्यवनस्वयाव थन माहादेवन जालन्धरयात हतकाव
छोत भोजालन्धर छआसकन वनाधकाजक छनरक्षाजुईखनाला धकं आज्ञादयकाव थव्यलस माहा-
देवन माहाक्रो धयानाव आकाससं थाहावनमाव माहादेवव जालन्धरव माहाकलोल जुद्धयानाव चोन
श्रीमाहादेवव जालन्धरव आकासमार्गस माहाकलोल जुद्धजुयाव चोन वेलस विष्णुन जालन्धर-
या भेषजुयाव त्रिशुलपाछायाव जवल्हातिन डमरुथानाव विद्रायाछे थवनकलवन विष्णु गथ्याविज्यात धालसां
स्वकोखको वको थववसेकयाव विष्णुमायान त्वकपुयाव विज्यात थव्यलस विद्रान थवस्वामि जालन्धर वि-
ज्यातधकं कमण्डलुन तुतिसितकाव तलेथतएनाव भिगुआश्रमस विज्यातकाव विद्रान थवस्वामि जालन्धरया
खालस्वयाव ल्हातनिपा हाजोजलपाव विनतीयात भोप्रभु जालन्धर माहादेवव छलपोलव जुद्धयाकवनाया ग-
थे २ जुलधकं आज्ञादयकस्य विज्याहुडेधकं थव्यविद्राया भास्वाडेनाव थनभेषधारि माहाविष्णुन आज्ञादय-
कल भोविद्रा माहादेववस्य ल्वाना ल्वायमफयाव विस्यवन धकं आवाजि अतिनपित्यात नयगुलुदुला हियोधकं
धयाव थव्यलस विद्रान ना २ मेवामठिचढि मेवामिष्टांग हयाव निहसिया थीथीखालस्वयाव सुखाभोजनया-

११०

नाव ना २ माथन ख्यालयानाव चोन थवनली नएधुनकाव रात्रिसनिह छपाळासास चाउलाछि विद्रायाके नार
माथन ख्यालयानाव छलयात भोअगरस्यमुनी धकं थवनलीन सनावस्थलि विद्रादनाव कंधानपिंहावयाव छेस
वपुनजुल बैकुण्ठनाथ माहाविष्णुन शंखचक्र गदापद्मजोनाव चोन थव्यलस विद्रावयाव स्वतनास्ये जालन्धर-
मखु माहाविष्णुयाव चोनखनाव विद्रान माहाक्रोधयानाव धाल भोपापिष्ट विष्णु छनजा जितललनलात जाल-
न्धरया भेषजुयाव छनजितजा छलनलात जिब्रतीव्रताधर्म भंगयात धकं विद्रान माहाविष्णुयात ना २ माथन
नवानावचोन थव्य विद्राया भालाडेनाव माहाविष्णुन धाल भोविद्रा छनस्वामि जालन्धर माहादेवन मोचकल
आवलनत स्वामि माहाविष्णु थीहल जुयावचोहलदत सबल्लायधकं विष्णुन विद्रायाव बुझेए यानावचोन छपत्या-
ळमजुलसा खचिलनावस्वव जालन्धर मोचकगु समचारवईव धकंधयाव चोन भोअगरस्यमुनी डेवधकं थवनली
माहाविष्णुन विद्रायात छलजुयव माहादेवव जालन्धरव ल्वानाव चोनव्यलस जालन्धरया बलहिनजुयाववन
थथ जालन्धरया बलहिनजुगु सोयाव आवजक विष्णुन विद्रायात छलयात धकं भालपाव माहादेवन माहाक्रो-
धयानाव स्वखलमिखान मिपीकयाव वाक.ए.ए.न ह्याव जवल्हातीन त्रिशुलजानाव त्रिशुलन थवालन्धरया हद-
यससुयाव माहादेवन जालन्धर मोचकल भोअगरस्यमुनी डेवधकं थवनली माहाविष्णुव विद्राव खल्हानाव चो-
न थव्यलस माहादेवन मोचकाव जालन्धर विद्राचोनगु चुकयाथुस लानक माहाशब्दन कुतिनवल थव्यलस

सूखा
१२०

माहाविष्णुन धाल भोविन्द्रा खवगखुहुचुकस कुतिनकहल खवधकं धयावेकन थवयलस विद्रानखयाव थवस्वा-
मि जालन्धर जुयावचोनखनाव विखान एवविहायकाव ना २ माथन विळापयानाव थवस्वामिलुमनाव विळाप-
यानाव चोन थवयलस जालन्धर नापचोन वपी लुमानिमबाकिपी छेसवयाव माहादेवन जालन्धर मोचकलध-
कं धालपल भोअगरस्यमुनी डेवधकं थनली विद्रान विष्णुयात धाल भोमाहाविष्णु छनजित प्रतिव्रता भङ्गया-
नावविल जितछलए यानावथुगा जिस्वामि मोचकल आवजी जालन्धरवनाप सतिवेनेतल धकं जिप्रतीव्रता भ-
ङ्गयानावविल आवछनत श्रापविय धकं धयाव विद्रान श्रापविल भोमाहाविष्णु छनजित प्रतिव्रताभङ्गयानाव
छलएयानाव जिस्वामि मोचकल आवजिसतीवडे जिगुश्रापफयमाल धकंधयाव श्रापविल भोमाहाविष्णु आव
लिह्वाकजुयाव जन्मजुमाल धकं विन्द्रान श्रापविल थवयलस माहाविष्णुन हाकंमाजुयाव चाडेमखु तुलसि-
गा जुयवजन्मजुल थथ्यजुव स्वायाव हाकन विद्रान घाचजुयाव जन्मजुयमाल धकं श्रापविल थोवयलस वि-
ष्णुन कूमजुयाव जन्मकाल थथेजुवस्वायाव विद्रानहाकन विष्णुयात माहाकल्पवृक्ष सिमाजुयाव जन्मकायमाल
धकं श्रापविल थवयलस विन्द्रान श्रापविएव उगलासिमाजुयाव जन्मजुल थुगुप्रकारन विन्द्रान श्रापवियाव
थवयलस विद्रा जालन्धर नापसतिवडे धकाव चोन हाकन श्रापविल खवजुयाव जन्मजुयमाल धकं श्राप-
विल थवयलस विष्णुन शालिकग्रामजुयाव जन्मकाल थवयलस विन्द्रा जालन्धर नापसतिवेडजुल भोअगरस्य

१२०

मुनी न्यवधकं वैकुण्ठनाथ माहाविष्णुन विन्द्रान विवगु श्रापकयाव छेनपिहावयाव साहादेव विज्याकगु थास व-
नाव माहादेवयात नमस्कार यानाव विष्णुन विनतीयात भोपरमेश्वर माहादेव छतपालया आज्ञार्थे विन्द्रायात
छलययानाव वयधुन आव कैलामाविज्याहुनीधकं धयाव माहादेव ब्रह्माविष्णु इन्द्र जक्षगन्धर्व किन्नर भुतप्रेत पिमा
च विषमज्वर तेतिस्कोटी देवतान जुलसां माहादेवन जालन्धर गोचके धुनकाव सकल देवताया हर्षान यानाव
वासालायाव खानवा गातकाव सिन्धुर होलाव नानावाजा श्रातकाव माहामङ्गल जात्रायानाव माहादेव कैला-
स विज्यात भोअगरस्यमुनी डेवधकं थनली पार्वतिन जगदीश्वर माहादेव विज्याक खनाव हतामन कमन्दलु
जोनाव तुताचाएकाव चरनस भोऋषयाव दुहाविज्यातकाव तल थनली माहाविष्णुन माहादेवयातकन भोमाहादेव
जिन विन्द्रायात छलयात वना छलधुनकाव चोना थवेलस जिगु मुर्तिकयनाव थवेलस विन्द्रान जित श्राववि-
यावहल विन्द्रासती वनेधकं धयाव चोनधकं समस्त विस्तारनकन आवजित विन्द्रानवियाव वगु पापमोचन याय
आव तुलसीनी जुयधकं माहाविष्णु तुलसीजुयाव कार्तिकमहिनास पुजायातकाव माहाविष्णुन पापमोचकल थव
नली माहाविष्णुन घाचजुयाव जन्म जुयमालधावगु विष्णुन कुमजुयाव सर्वत्रकार्यस पवित्रजुयाव माहाविष्णुन
पापमोचकल थनली माहाविष्णुन माहाकलावृक्ष जुयाव जन्मजुय मालधाव थवेलस उलगसिमा जुयाव सा-
मवार अगावास्या खुनु माहापवीत्र जुयाव चोनगु चाकल उयकाव माहाविष्णुन पापमोचकाव साहादेव पार्वति

स्वस्था
१२१

निहायाके विदाकयाव माहाविष्णुन गरुदगयाव सङ्खचक गदापद्म जोनाव वैकुण्ठम विज्यात थ्वनली हनं व्र-
ह्मान ब्रह्मलोकम विज्यात हनं इन्द्रन औरावत किसीगयाव अमरावती विज्यात थ्वनली हनं जक्षगन्धर्व किन्नर
तेतिस्कोटी देवता थव २ आश्रमस विज्यात भोअगस्त्यमुनी डेवधकं थ्वनली माहादेवन जालन्धर मोचकाव
ब्रह्माविष्णु इन्द्र जभ्रगन्धर्व किन्नर तेतिस्कोटी देवतायात विदावियाव माहादेवन पार्वति खवमुलेम तयाव नंदी
भृन्दी प्रथमगन विषमज्वर भुतप्रेत पिसाचन चाकल उएकाव सिवसक्तिजुयाव कैलास पर्वतस सिवमक्तिस्वरूप
जुयाव विज्याक जुल हनं गोहमनुस्वेन थुगुली श्रीस्वस्थानी परमेश्वरया धर्मवर्त कथाहा न्यनीव गोहस्यन ध-
लंदन गोहस्यन हातकल गोहस्यन थमन लहात गोहस्यन छसखुनु दएकाव तल थ्वपनीमिया मदाकाल स-
नुनास जुईव परलोकस कैलास पुरीस वासजुईव हनं अग्नीया भय राजायाभय चोरया भय सत्रुयाभय अपचा-
रयाभय गोवेलस दईवमखु इहलोकस माहासुखी जुईव परलोकस कैलास पदवी लाइव हनं माहापातकी जु-
लसा ब्रह्महत्या केनसान दकोपाप मुक्तजुयाव वनीव दिव्यदेह सरिर जुईव श्रीस्वस्थानी परमेश्वरयाके लिनजुई-
हनं गथेपार्वतिन थुगुली व्रतया प्रभवन माहादेव पुरुषलानाव चतुर्दस भुवनस रानीजुयाव विज्यात अथेभ-
की श्रद्धान सयुक्तयानाव गोहमनुस्वेन थुगुली धर्मवर्तदन ब्रह्ममनुस्वेन जुलसां थुगुली पदवी लाईव निश्चय-
नधकं स्कन्दकुमारन अगस्त्यमुनी यात कनगु ख नैगिसारन्य वनस सुतसौनकादि चयच्यादाळ ऋषिपनिष्टकन

१२१

इतिश्री स्कन्दपुराणे माघमाहात्म्ये केदागखण्डे अगस्त्य कुमारसन्वादे स्वर्गकथा वर्णन द्वाविंशो ध्याय ॥ २२ ॥
अगस्त्यउवाच ॥ हनं अगस्त्यमुनीन स्कन्दकुमारया ख्वालस्वयाव लाहात निपाहा जोत्रलपाव विनतीयात भो-
स्कन्दकुमार छलपोलया दयान अमृत वरोवर कथाहा न्यनेधुन स्वर्गया कथाहा संपुर्णयानाव डेनेधुन अथेन अ-
भृततोनेगु ईक्षादनीधकं स्वर्गकथाहा धुस्यली पातालयाख छलपोलन कस्यविज्याय माळधकं कार्तिक कुमारया
ख्वालस्वयाव अगस्त्यमुनीन विनतीयात थ्वेलस कार्तिक कुमारन आज्ञादएकल भोअगस्त्यमुनी स्वव छनए
कचित्तयानाव डेव जिन संपुर्णयानाव कनेधकं अगस्त्यमुनी श्वरया ख्वालसोयाव कार्तिक कुमारन आज्ञादएकमे
विज्यात थ्वनली नागलोक उद्धार याय निमीर्तिन माहादेवन पार्वतिया हेवने आज्ञावियाव आवळन अस्वस्था-
मा ऋषीबोनाव वपनीष्ट श्रीस्वस्थानी परमेश्वरया माहाउत्तम जुयाव चोनगु धर्मवर्तया विधिपूर्वस कथाहा क-
नाव पातालम सक्रमनं उद्धार याकल छोवधकं धावगु नेनाव पार्वतिन अस्वस्थामा ऋषि बोनकल छोयाव अ-
स्वस्थामा ऋषीयात पार्वतिन श्रीस्वस्थानी परमेश्वरया वर्तया विधान समस्त थथे मालधकं संपुर्णयाना कनाव थ्वते-
पार्वतिया आज्ञाडेनाव अस्वस्थामा ऋषिन पार्वतियाके बेदाकयाव सप्तपातालया मुलजुयाव चोनगुरसातलधयागु पा-
ताल मण्ड तम अस्वस्थामा ऋषिथ्यनकल विज्यात भोअगस्त्यमुनी डेवधकं थ्वनली अस्वस्थामा ऋषिन थननागलो-
क वसलपावचोनथास अस्वस्थामा ऋषिवनाव डेनेजुल थथेजुगु छन्दुयादिनस सेखनागया छेथेनाव भोअगस्त्य

स्वस्था
१२२

मुनीडेवधकं ध्वनागलोकया छेभर्षी डधालसा सुवर्णया छेभणिमाणिकन दयकाव चोन स्वयनापयेचापु अदिकन
सोभालाक ध्वशेमनाग यथीड जुयावचोन हनं माहापद्मनागयाछे गर्थीडधालसा सुवर्णमणी मुक्तादि हेरान
दयकाव माहाजाज्वले मानजुयाव चोन हनं अन्तनागयाछे गर्थीडधालसा मणीमुक्तादिन दयकावतया अत्त-
न स्वभाएमान यानाव मण्डपसहितन दयकाव मनोहरस्थान यानावतळ ध्वनली हनं वासुकी नागयाछे गर्थीन
धालसा मणीमुक्तादिन दयकाव तयाथास हेराअदिनायाव श्रीसूर्येयातेजथ्य जाज्वलेमान यानाव स्वसोसोयय-
गाक यथीपुछे दयाव चोनहन तक्षकनागयाछे गर्थीडधालसा सुवर्णयाछे मणीमुक्तादि शुनाव हेरानथास २ त-
याव अत्यन्तन स्वभायमान जुयाव अनेगतरहया मण्डलदयकाव तळ हनं कर्कोटकनागयाछे गर्थीडधालसा ग-
णीमुक्तादिन दयकावतया श्रीसूर्येयातेजथ्य माहासोभाएमान जुयाव चोन हनं संखपालनागयाछे गर्थीडधालसा
मणीमुक्तादिन दयकावतया अनेगलगमह सहितन दयकाव माहासोभाएमाननं दयकावतळ हनं कुलीकनागया-
छे गर्थीडधालसा सुवर्णयाछे मणीमुक्तादि थास २ तयाव तळ अतिवानलातकाव दयकावतळ हनं वरुणनागया-
छे गर्थीडधालसा मणी मुक्तादि थास २ तयाव अनेग तरहया मण्डलदयकाव अत्यन्तन सोभायमानन वानला-
तकाव तय गुछे माहाजाज्वले मानजुयाव ध्वत्यनव नागयाछे आश्रमयथीड जुयावचोन थुगुली रसातलस मणी
मुक्तादिन दयकाव तवगुली नवनागया मण्डल माहाजाज्वलेमान ध्वपनीसया आश्रमन जुयावचोन श्रीसूर्ये-

१२३

या तेजचोनथ्य तेजजुयावचोन नागलाकयाथानस हसगुलां पातालस सिलोमणिजुयाव चोन यथीड थानस
ध्वनागलोक पनी गयेचोवीव धालसा पातिपतांबरया बखनतियाव सुवर्णया तिसा हेरामणी मुक्तादि शुनावतया
तिसान तियावचोनीव माहासुन्दररुप जुयाव चोनी वधासिन तवजियानाव फयानफयाथ्य ह्मती २ वानलात-
काव चोनीव ध्वनली नागया कलातजुयाव माहापद्म सुन्दरिजुयाव चोनीव साक्षातदेवकन्या चोनथ्य चोनीव
सोसोसोयममाक आकाशस तारामनथीकथ्य ध्वनागनागिनी पनी तिसायातेजन नृपुथिकथ्य थिक यथीड मनोह-
रस्थानस समस्तन संयुक्तजुयाव चोन हनं लुवस्तुधाल बबस्तुलुव हनं हेरामणीकन संपुर्ण धनआदि दयकाव
चोन यथीड थायस नवनागपनीसया मण्डलजुयाव चोनधकं ध्वनली रसातल धयापातालस छगुली थायस सं-
खचुर्णधया नागध्वयास्त्रि हेरामणी धयानामनागिनी अतिसत्यवादि जुयावचोन ध्वपनी निहस्त्रिपुरुष जुयावचोन
छन्दुया दिनस नष्टोतेगदयाव अतिदुखसियाव हामवसतन पुनेमफयाव हाहांकार जुयाव बयाहेमसियाव धव
कलान हेरावतीन्मम नागिनीयात बुझययात हेरावती धया नामनागिनी माहासतिजुयाव चोन ध्वपनी निहस्त्रिपुरुष
जुयावचोन ध्वपनी माहादरिद्र जुयावचोन यथ्यदारिद्रजुस्यन लोभमोहमदु ध्वपनी छन्दुयादिनस नष्टोतनमद-
याव माहादुखजुयाव ध्वह्म स्तुचुर्णधयानाव नागन थवकलान रत्नवतीनामियाके विदाकयाव ध्वह्मनागन प्रदे-
सवन ध्वनली हनं कृपादत्तधयानाम नागयाकलात प्रभावती धयानामनागिनी थोपनीनिहस्त्रिपुरुषजुयाव चोन

१२३

थोपनीसत्यबादि जुयावचोने ध्वपनी दैत्ययाजुलसा लिनाव माहादुखजुयाव नयतोमफयाव थवकलातयाके वि-
दाकयाव ध्वहनाग प्रदेशवने धकं पिहावने धकंवन हनं धृतनागधयाहनाग ध्वयाकलात मृगावती धयानाग
नागिनी ध्वपनी डेहासिपुरुष सहितन रसातलस वसलपाव चोन ध्वनागपनी माहादरिद्रजुयाव नयतोमफयाव
माहाहाकारजुयाव हासवस दबकेमफयाव ध्वमण्डिलस चोडेमफयाव थवकलात मृगावतीयात कांतलपाव धृष्टरा-
ष्ट्रधयानाम नागप्रदेशवन धुळी प्रकारन दुखजुयाव संस्त्रुणं रत्नचुणं कृपादत्त धृष्टराष्ट्र ध्वपनीप्यहनाग तुसु-
जुयाव थवछेतोस्तताव परदेशवन ध्वव्यलस नागिनीपनी माहादुखजुयाव हेरावतीधया नागिनीध्वमण्डिलतोळतव ग-
नवनेगनचोने धकं वयायहेमसियाव माहाजङ्गलमवनाव गुफाछे दुहावनाव माहादुखसियाव पापयामग्रामस पदल-
पाव माहादुखसियाव चोनधक ध्वव्यलस हनं रत्नवतीनामनागीनि थवस्वामि नागराजापरदेश वनाव आव ग-
ध्ययायमाल धकं थवगृहेवासतोळताव गुफाछे छगुलिसदुहावनाव माहादुखसियाव चोन हनं प्रभावातिनाम ना-
गिनीनि थवस्वामि मदयाव गनवनेगनचोने धकं थवआश्रम तोलताव माहादुर्गवनस गुफाछगुलीस दुहावनाव सु-
सुकचोनाव ध्वनली हनं मृगावतिन वनाव गुफाछगुलीस दुहावनाव पापयामग्रामस दुखसियावचोन ध्वनली हे-
मणी गुलीस ध्वतछगुसलवनाव धीधीबिचाल यायनफु ध्वनली ध्वप्यह नागिनीपनी छगुलि गुफास माहादुखन
धीधीफुथवबोधवियाव माहादुखसियाव चोन छन्दुया दिनस जुलसा श्रीपार्वतीन छोस्यहया अश्वस्थामा ऋषि-

१२३

श्वर दुखीदरिद्र उधारयाय धकं रसातल पातालया मण्दीरस थनकत विज्यात ध्ववेलस अश्वस्थामा ऋषीनैस्य
पन्नाग बालसुकी नाग तक्षकनाग अनन्तनाग कर्कोतकनाग महापद्मनाग सङ्खपालनाग पद्मनाग ध्वपनी मंदी
लखनाव अश्वस्थामा ऋषी माहासुखी जुयाव मनस अतिआनन्द यानाव अश्वस्थामा ऋषीन आज्ञादणकाव भो
सेषनाग बालसुकीनाग भोतक्षक नागलोक थन दुखीदरिद्र सुसुखाधकं न्यनाव जित ध्वपनीष्ट उधारयायधकं
जिथन वयाधकं धयाव थन सेषनागन बालसुकी नागन तक्षकनागन आज्ञादणका भोअश्वस्थामा ऋषिश्वर थ-
न नागलोक दुखीदरिद्र जुयाव हाकनं महासुखी जुयाव चोनधकं धयाव जलस चोनपनी सङ्खचुर्न रत्नचुड कृपादत्त
धृष्टराष्ट्र प्रभृतिनागपनी वसलपाव चोन थन वयाकलात पनी हिवावती रत्नावती प्रभावती मृगावती ध्वपेह नागिनी
थवस्वामी नागराजा परदेशवनाव माहादुख जुयाव जङ्गगुफास छगुलीस ध्वपेह नागिनी माहादुखसीयाव चोनध-
कं केनाव छोत ध्वनली अश्वस्थामा ऋषीश्वरन नागिनी पनी चोनयास वनाव ऋषीश्वरन नागिनी सलतावचो-
न ध्ववेलस नागिनीपनी स्यन जुलसां सलतु सलतायाव गुफास पिहावयाव स्वतनास्य ऋषीश्वरन चोनखनाव
ध्ववेलस नागिनीपनि सेनघाल भोअश्वस्थामा ऋषीश्वर छलपोल छाय थनविज्याना धकंधयाव थनऋषीश्वरन
आज्ञादणकल भोनागिनी जुलसां दुखिदरिद्र उधारयाय धकं जिथनवया धकंधयाव थवते अश्वस्थामा ऋषीश्वर-
या वाक्यन्यनाव नागिनीपनी अतिखुमि जुयाव विनतीयात धन्य २ छलपोल दुखिदरिद्र खनाव दयादु धन्य

स्वस्था
१२४

२ जिपनीसया भाजधकं आवतिनी जिपनी उधारजुईवधकं धयाव अस्वस्थामा ऋषीयात आदर भाव यानाव सिं-
धामनश विज्यातकाव तल थनली अस्वस्थामा ऋषीश्वरन आज्ञादएका भोनागिनी छपनीसेन सुद्धचित्त यानाव
न्यवधकं जिन धर्मदकोस मिरोमनी जुयाव चोनगुली वर्तस छगुलीकने गथेधालसा सत्यजुगस हेमालयपर्वतया
हयाच पार्वतिन श्रीमाहादेव पुरुष लायनिमीर्तिन दनागुली धर्मवर्त श्रीस्वस्थानी परमेश्वरया धर्मवर्त कन्यधकं
धयाव नागिनीपनी सेन विनतीयात आमधर्मवर्तया विधी विधान गथेयाय मालधकं धयाव थवेल्स अस्वस्था-
गा ऋषीश्वरन आज्ञादएकल भोनागिनी न्हापां पौषशुक्रया पुर्णेमासिखुनु वर्तजोन्य पुर्णचन्द्रमायात मत विय
थुखुन्हु निते नित्य २ माहादेव पुजायाय दिनछु वाखनहाय लछि संपुर्ण जुईव माघशुक्रया पुर्णेमाखुनु माहा
पवित्रजुयाव निरलय यानाव अनेग सामाग्री ताललाचकाव हु १ धालसा गङ्गाजल श्रीखण्ड रक्तचन्दन ना
२ सुगन्ध स्वानदयके सतछी च्यापाव ग्वालदयके सतछी च्याकुत ग्वचदएके सतछी च्यापु जजंमका दएके स-
तछी च्याफोल द्वाफोस्वान दएके सतछी च्याता स्वानदएके थमन दएके फको सामाग्री ताललाचकाव हसकनस
ॐकार चोमे थापनायाय गङ्गाजलन स्नानयाचके श्रीखन्द रक्तचन्दन सिंदुर जजंमका ना २ स्वान दएकाव श्री
स्वस्थानी परमेश्वरया धर्मवर्तदने थत्यधुन काव श्रीस्वस्थानी परमेश्वरयात अर्घविय सङ्घस सादुरुसिद्धार्थ हा-
मोल छु नवरत्न पाहा थतेतयाव अर्घविय थतेधुनकाव वाखन ल्हाय वस्त्रदछिना छाय थतेवर्त पुर्णयानाव

१२४

स्वान कोकाय थनली च्यापा अचितमयी च्यापुजजंमका च्यातग्वाल च्याकुतग्वच च्याग्वदअक्षत थते सगुन
सहितयानाव दतसा थवस्वामी यात विय मदतसा काययात विय कायमदतस मित्रकाययात लवलहाय मित्रका-
यमदतसा थवमननं लुकामुना याना उगुली कामुना संपुर्ण जुयमालधकं धयाव नदिय वहलपाव छोय भोना-
गिनी थवेल्स छपनी दुखनाम जुयाव वनीव छनस्वामी नागराज थेनकल वईवधकं आज्ञादएकाव नागिनीपनी
अत्यन्तन खुसिजुयाव विनतीयात भोजस्वस्थामा ऋषिश्वर छलपोलया चरनस कोटी २ नमस्कार आव छलपो-
लसेन जिपनी उधारयाय माल आव हापां छलपोलसेननि वर्तदनाव विज्याय मालधकं धयाव विनती यानाव
अस्वस्थामा ऋषिश्वर थव थायस विज्याचकाव तल थनली मालको सामाग्री ताललाचकाव पौषशुक्रया पुर्णेमा-
सि वयाव वर्तदन थुखुनुनीमें नित्य २ मोलव्हुयाव मध्यान बेलास माहादेव पुजायानाव चोन थनली लछिपं-
पुर्णजुयाव माघशुक्रया पुर्णेमासिखुनु माहापवित्र जुयाव निरलययानाव श्रीस्वस्थानी परमेश्वर स्थापना याना-
व गङ्गाजलन स्नानयातकाव श्रीखन्द रक्तचन्दन नानासुगन्ध स्वान धुपदिपनैव्यद्य पक्कान फलफुल तान्मुल
वस्त्र दछिना सतछी च्यापा अचितमयी सतछी च्यापात ग्वाल सतछी च्याफोल द्वाफोस्वान सतछी च्या-
पु जजंमका सतछी च्याकुत ग्वच सतछी च्याग्वद अक्षत नाना सुगन्ध स्वान थमनं दयके फको सामा-
ग्री दएकाव श्रीस्वस्थानी परमेश्वर यात वर्तदने श्रीअस्वस्थामा ऋषी पुरोहित यानाव वर्तदन्य-

स्वस्था
१२५

ध्ववेलस वरुत सम्पूर्ण यानाव अर्घ विय वाखन न्यने धुनकाव ध्वनली अनेग स्तोत्रन छलपो-
ल संतोखजुयमाल भोश्रीस्वस्थानी परमेश्वर जिपनी पापिनीजुयाव चोनपनी जिपनिसया पुजातोत्रन छलपोल
संतोखजुयाव विज्यायमाल धकं छलपोल गर्थडिहा धालसा देवयानदेवजुयाव विज्याकम ब्रह्मधयामछलपोल मा-
हाविष्णुधयाम छलपोल श्रीमाहादेवधयाम छलपोल स्थावरजंगमधयाम छलपोल योगिनीपनिस्यन लुणकमजि-
वम छलपोल भोपरमेश्वरछलपोलया सहिसा जिनल्हाय सांमर्थमदु जिथर्थीछ बहलपापिनीजुयाव चोनागया हुसा-
गर्थदईध दोलछिबुतु थुलावचोनम शेषनागया सांमर्थमदु जिवहलया लुसामर्थदईव छलपोलया सहिमाल्हायजि-
न सांमर्थमदु जिथर्थीछ पापिनीजुयाव चोनाम नागिनीया पुजान स्तोत्रन छलपोल संतोखजुयाव विज्ययमा-
ल धकं स्तोत्रप्रार्थनायानाव खानजाकी तायजोनाव निपालदातीन हाजोजलपाव मिखानिया तिसिनाव श्रीस्व-
स्थानी परमेश्वरया ध्यानयानाव चोनवेलस पुर्वदिसान दोलछिभूय्येया तेजजुयाव श्रीस्वस्थानी परमेश्वर प्रतश्च-
जुयाव श्रीस्वस्थानी परमेश्वरन आज्ञादयकल भोनागिनी छपनिस्यन यानाभक्तितन जिसंतोखजुयधुन छपनि-
स्यन लुकासुनायाना वगुलिबरदान फोवधकं आज्ञादयकाव विज्यात ध्वतेपरमेश्वरया आज्ञाडेनाव नागिनीप-
निमेन बारंवार दण्डवत्प्रनाम यानाव ना २ माथन विनतीयात भो श्रीस्वस्थानी परमेश्वर जिपनीस्त वरदानवि-
व भेवता छतांभव छलपोलया जपध्यान छलपोलया स्तोत्रपाथ छलपोलयानाम जिपनीनुगलस थातकाव प्र-

१२५

सन्नजुस्य विज्यायमाल धकं हनं जिपनीरवामि नागराजा माथनध्वनकाव जिपनी उधारयास्य विज्यायमाल ध-
कं विनतीयानाव चोन स्वयाव ध्ववेलस श्रीस्वस्थानी परमेश्वर संतुस्तजुयाव तथास्तु विपधुनधकं आज्ञादय-
काव श्रीस्वस्थानी परमेश्वर अन्तरध्यान जुयावविज्यात ध्वनली नागिनी पनीस्यन अश्वस्थामा ऋषियात पु-
जायानाव दक्षिनावियाव स्वानककायाव चोनवेलस श्रीस्वस्थानी परमेश्वरया धर्मवर्तया पुण्ययाप्रधान ना-
गलोक ध्वनकलवल ध्ववेलस नागिनी पनीस्यन मनस अत्यन्तन खुसिजुयाव च्यापात अचितमधी च्यापात-
गवाल च्याफोल द्वाफालस्वान च्यापु जंमका च्याकुतगवच च्यागवदअक्षत सगुनसहितन दण्काव प्यमनागिनी
पनी थव २ पुरुषयात सगुनसहितन लवलहानाव चरनस भोकपुयाव नागिनी पनीस्यन विनतीयात भोस्वामि
नागराजा धन्य २ जिपनीसया भाग्य धन्य २ अश्वस्थामा ऋषिश्चर वसपोलया कृपान थर्थीगु स्वरस्थानी परमे-
श्वरया धर्मवर्त दनकाव जिपनी स्वामि नागराजा वनापहोनेदत धन्य २ जिपनीसया भाग्य भोनागराजा जि-
पनी छगुलिसंवतसर वन छलपोलया दर्शनमदु थनिया दिनस चरणारविन्दु दरसनयाय धुन धकं धन्य २ जि-
पनीसया भाग्यधकं थर्थी खलहानाव चोन ध्वनली नागिनीपनी अतिखुसि जुयाव अश्वस्थामा ऋषिश्चरयात
हस्तार्घ पादार्घवियाव मिष्ठुआश्रमस विज्याचकाव फयाथ्य पुजामान्य यानाव भोजनादि यानकाव दक्षिना वि-
याव रिदावियाव विज्यातकल ध्वनली नागिनी पनीस्यन सताछि अचितमधि पारनयानाव नोसिनाव मुखसु-

25

20

15

10

5

0

स्वस्था
१२६

धिनयाव मनस अत्यन्तन खुमिजुयाव चोनबेलस थवर्तया पुण्ययःप्रभावन नवनाग पत्नीस कल्येवयाव थवमं-
ण्डिलस तयाव पद्मआनन्दन सुखभोगयानाव पद्मआनन्दन सुखन श्रीस्वस्थानी परमेश्वरया धर्मवर्त दनाव
नागनागिनी पत्निस्यन माहासुखन कालहनाव चोनधकं कार्तिक कुमारन अगस्त्य मुनियात कनाव विज्याकगु-
ख नैमिषारंन्य वनससुतन सौनकादि चयच्यादोल ऋषिपत्नीष्ट कनजुल ईति श्रीस्कन्द पुराणेमाघमाहात्मे के-
दाखण्डे रसातल पातालया कथा नागलोकउद्धर त्रयविशोध्याय ॥ २३ ॥ थुळि पातालया कथा हेरम्ब परमदेव
कार्येसिद्धि विनाएक सौभाग्य रुपसपनदेहिम्य सुखसपदं हनं अगस्त्य मुनीनं कार्तिक कुमारया स्वालस्वयाव
लहायनिपा हाजोजलपाव विनतीयात भोकार्तिककुमार छलपोल्या कृपान रसातल पातालस नागलोक उधार
जुव थुगुळीस्व डेनेधुन अथेन जित सतोखमजुवनी गथ्यधालसा मनुष्यलोक उधारजुल धकं थवस्व संपुर्णयाना-
व कस्यविज्याहुन्य धकं अगस्त्य मुनिश्वरन विनतीयास्यली हनं कार्तिक कुमारन अगस्त्य मुनीश्वरया स्वाल
स्वयाव आज्ञादयकेत्यन स्कन्दउवाच हेअगस्त्य मुनीडेव धकं माहादेवन जिमाम पार्वतीयात कनाव विज्याकगु-
ख थवस्वजिन डेनाव तयागुख जिन छलपोल्यात संपुर्णयानाव कडेत्यना छनएकचित यानाडव धकं थवनली
मर्त्यमण्डलस दक्षिणदिसास ब्रह्मपुरि धयानाम नगरछगु दयावचोन थवनगरस अडेग ब्राह्मणपनि वशलपाव चो-
नहु हनं अडेग धनधान्य परिपुर्णजुयाव चोन अत्यन्तन शोभायमानजुयाव चोन अतिननेहरस्थान जुय व च-

१२६

नहं थवदेसया समीपस गङ्गाहानाव चोन थवनगरस तवदुखिजुयाव चोन शिवभक्तधया ब्राह्मण सतिनाम ब्रा-
ह्मणी थवपत्नी निमस्त्रिपुरुष जुयाव वमलपाव चोन हनं थवपत्नीसया पुर्वजन्मया पापन काणमचामदु म्हयायचामदु
धनमदु थर्थड माहादरिद्रजुयाव चोन थथ्यमाहादरिद्र जुलसा लोभमोहमदु हनं शूलिब्राह्मणया कर्मगाळउली
गववेसलमतोतु हनं गवबेलसअभिथ्या खमल्हाक अतिसत्य वादिजुयाव चोन थर्थड ब्राह्मणनिम स्त्रिपुरुष थवदेस-
श वमलपाव चोन थथेदुख सियावचोनगु ताकालदत छन्हुयादिनस शिवभक्त ब्राह्मणन शतिनाम कलातयाहेव-
न्यवनाव भोस्त्रिशति आवझिजीस माहादरिद्र जुयावचोन थवतेनिमीर्तिन धनदयके छनजिनपरमेश्वर श्रीगणेश
याके गगलवारपति च्यान्हु २ छक श्रीविनाएकयाके स्यवायायनुयो धकं शतिनाम कलातयाहेवडे शिवभक्त ब्रा-
ह्मणन समधालयानाव धाल थवत्यथवस्वामिया आज्ञाडेनाव शतिनाम कलातनधाल भोप्रभुशिवभक्त ब्राह्मणाजि-
वयनुयो धकं थोथी समधालयानाव धनदयकेईक्षान निमस्त्रिपुरुष मङ्गलवारपति च्यान्हु २ याहापां मङ्गलवारप-
ति नासश्चास अतिकष्टनयाव सिद्धिगणेशयाके स्यवाजुल थथ्येनुमाहाकष्टन पिदच्याद दयाव बेलस छन्हुयादि-
नस सिद्धिगणेश थवपत्नीसय स्यवान संतुष्टजुयाव थवशिवभक्त ब्राह्मणस्त्रिपुरुष निहामिया भक्तिखनाव सिद्धिग-
णेश प्रतक्षजुयाव थवमुर्ति धरलपाव थवब्राह्मणयाहेवने श्रीगणेशमन आज्ञाविल भोब्राह्मण छनजिके ताकालदत
अतिकष्टन जिक्सेवायात छुनिमीर्तिन छुमनोवाँछायानाव वगुलिबरदान वियफो धकं श्रीगणेशन आज्ञादयकल

5

10

15

20

25

30

35

40

स्वस्था
१२७

श्वेत्य श्रीगणेशया आज्ञान्यनाव मनस अति हर्षमानयानाव स्वचाकउलाव श्रीगणेशया चरनस भोकपुयाव
निमस्त्रिपुरुषम धाल भोपरमेश्वर श्रीगणेशन लुधालसा पुर्वजन्मस रूपनावतयामदु यानिमीर्तिन थुगुलिजन्मस थ-
श्रीड माहादरिद्रजुल भोलवोदा श्वेत्यन धनदयर्कइछान छलपौळयाके अति माहाकष्टन सेवायाना भोपरमेश्वर ग-
णेश श्वेत्यन जिदरिद्र मोचनयानाव धनप्रसन्नजुस्य विज्यायमाल धकं जितवरदान थुलिनगाक धकधयाव श्व-
त्यदरिद्र ब्राह्मणया भाखान्यनाव विनाएकन आशादयकल भोसिवभक्त ब्राह्मण थानिच्यान्हुस शदायाथें नास-
चास मङ्गलवारखुनु जिकेसेवायाउयो थनजिह्वन्य ह्वस्तुचोन वगुलिवस्तु कयानहिव श्वनली छेयनाव प्यन्हुत
वातानिग्वळन थपुकपुयानाव तिवधकं श्वनली प्यन्हुदुखुनु उलावस्वव श्वव्यलस छनत धनपरिपुर्णजुयाव चो-
निवधकं श्वेत्यन छनतवप्रसाद वियधुनधकं आवळपनी लिहाहुनि धकं आज्ञावियाव श्वेत्य श्रीगणेशया आज्ञा-
डेनाव मनस अतिआनन्द यानाव विनाएकया चरनस भोकपुयाव विदाकयाव थवळे लिहावन श्वनली श्रीग-
णेश अन्तरध्यान जुयाव विज्यात श्वनली गणेशया आज्ञाथ्य च्यान्हुखुनु नासचास मङ्गलवारखुनु श्रीगणेश-
याके सेवाजुल श्वव्यलस सिद्धिगणेशया ह्वन्ये ग्वजालुग्वदखन श्वनली सदायाथ्यें श्रीगणेश पुजायानाव थ-
मनफको जपध्यानयानाव स्तोत्रयानाव मालको समस्त पुजाधुनकाव श्रीगणेशया ह्वन्यचोनगु ग्वजा छवद-
कयाव गणेशयात प्रदक्षिनायानाव भोकपुयाव थवळे लिहावन श्वनली गणेशया आज्ञाथ्य वातानिग्वदन थपु-

१२७

कपुयानाव तल श्वनली प्यन्हुत तयाव प्यन्हुखुनु उलावस्वत श्वव्यलस थुगुग्वजा सुवर्णजुयाव चोन थननिम
स्त्रिपुरुषया मनस अतिहर्षमानयानाव सुवर्णया ग्वदजाकयाव अनेकवस्तु दयकाव हनं ग्वदजाया प्रभावन को-
टि २ धनउतपत्तिजुयाव वल हनं अनेग छेदयकल हनं अनेक रत्नमणीक आदिदयकल हनं कोटि २साहुयाबुड्या
नावकाळ हनं दोल दोल सा मे सलकिसि लक्षे २ च्यलभ्वाति दयकल श्वनली थुगुलीप्रकारन गणेशया कृ-
पान धनसंपत्ती परिपुर्णजुयाव वल श्वनली ना २ पदार्थभोगयानाव शिवभक्त ब्राह्मण सतिनाम ब्राह्मणि स्त्रिपुरुष
निम सुखभोगयानाव पद्मआनन्दन भोगयानाव चोनजुल हापां श्वब्राह्मण गथ्यचोन धालसा हिनछखा क्षहि-
ळाव शिक्षाफोनाव हिनछपोलजक अज्जलातकाव चोनम आव अनेग पदार्थदयकाव सुवार भंडारिन दयकाव
पद्मआनन्दन सुखन कालहनाव चोन हनं अनेग रत्नमणी माणिकया तिसान तियाव जरिजवापया वखन पुना-
व अनेग सुखभोग यानाव सतिनाम ब्राह्मणि सहितन निम स्त्रिपुरुषस्यन सुखन कालहनाव चोनजुल धकं भोअ-
गस्त्यमुनी श्वनली छन्हुयादिनस थ्वाशिवभक्त ब्राह्मणन सतिनाम कळातया ह्वनेधाल भोब्रह्मणीजु पुर्वजन्मस दा-
तव्ययानापुमदु यानिमीर्तिन आवथुगुली जन्मस माहादरिद्र जुयाव जन्मजुळ भोब्राह्मणी श्वेत्य निमीर्तिन आव
श्रीविनाएक या कृणान शिजीस तवंपत्ति जुळ आव थुगुली जन्मस प्यनावतयपतसा हनं लिपाथुगु जन्मस
माहादरिद्र जुईवमदु भोब्राह्मणी श्वेत्यन आव गङ्गाया तिरसवनाव गङ्गास मोललुयाव हिनलक छित

स्थिति
१२८

का १००००० सुवर्ण ब्राह्मणयात भिक्षुकयात दरिद्रयात दान विधुनयोधकं धयाव श्वते श्वपुरुष शिवभक्त ब्रा-
ह्मणया भास्वान्नाय थन ब्राह्मणीन धाल भोप्रभु धन्य २ छलपोल दानपुण्य धर्मया यथात कृपानजुव सत्यन
खव छलपोलस्यन आज्ञादण्डकायुखें दुयेंदान कर्म यानाचोने धकं धर्मयाना धनकुडवमखु धकं परलोकम थवतधकं
थीथीन्यहा पुरुषया साहुती यानाव थनली सतीखुनु निस्य गङ्गाम मोललहुयाव हिनलकछी तका सुवर्ण दान-
विगाव श्रीहृन्हर पुजायानाव सिद्धिगणेश पुजायानाव थवछेस लिहावम थवइष्टदेवता श्रीमाहारुद्र पुजायाना-
व अनेग पदार्थ दण्डकाव भक्षभोजन यानाव अनेग पुरानादी वाखन लहातकाव भिड २ ब्राह्मणपनी भिड प-
ण्डितपनी थवक्षम जिज्यातकाव स्मृतीआदी स्वयाव नानापदार्थ भोगयानाव ताकाल पय्येत थुगुली प्रकारन का-
रहनाव चोनजुल थनली छन्हुया दिनस थवब्राह्मणपनी वृद्धबुढा काल जुयाव निह्वल्ली पुरुष समधाल यानाव
भोप्रीय सती आव शिजीस वृद्धबुढाकाळ जुल श्रीविनायकया कृपान अनेग सुखभोग यायधुन आव थव धन-
सम्पत्ती जुको दयाव लुयाय भोसती शिजीस मचातगढु थवतेन थवधनया प्रयोजनमढु भोप्रिय मचाखाचा मदव
थवधनत्रक दयावहुयाय मचाखाचा दतनास्थ भोप्रिय छनजिथीजुल जिज्याथजुल छनकेधालसा मचात दयुव-
गखुन थवत्य निमीर्तिन सन्तान दयकेहनं सिद्धीगणेश याके सदायाथें सेवाजुयनुयो धकंधयाव थवत्य थवस्वामी
शिवभक्त ब्राह्मणया भास्वान्नाय दजिवखें नुयोधकं धयाव थिथीसाहुती यानाव सदायाथें नासंचास मङ्गलवार

१२८

पती च्यान्हु २ सँ नानापदार्थ दण्डकाव खोदमउपचार दण्डकाव धुपदिप नैवेद्य फलफुल ताम्बुल पक्वान छाया-
व सिद्धीगणेश पुजायानाव सेवाजुल थथेतु माहाकष्ट नयाव एकचित यानाव पुत्रदण्डके वाञ्छा यानाव अतित-
वकष्टनं सेवाजुल थथेतु पिदखुद दयाव वल थनली अती भक्तिपुर्वकन मननं माहाकष्ट नयाव नानाप्रकारन से-
वायानाव छन्हुया दिनस श्रीगणेश प्रतक्षजुयाव थवब्राह्मणया ह्वेने गणेशन जुलसां आज्ञादण्डकल भोशिवभक्त
ब्राह्मण छलपोलया सेवान निअतिसन्तोष जुयधुन लुकामुन्नान माहाकष्टन जिके सेवायाना उगुळी वरफोवधकं
आज्ञाविगाव थवते गणेशया आज्ञान्यनाव मनस अतिहर्ष मानयानाव शिवभक्त ब्राह्मण सतीनाम ब्राह्मणी निह्व
स्त्रिपुरुषन गणेशया चरनस भोकपुयाव लाहात निपां जोजलपाव विनतीयात भोपरमेश्वर सिद्धीगणेश छलपो-
लया कृपान जित समस्तन गाक छलपोलसेन प्रसन्नजुस्य तयाय धनसंपत्ती पियकाव तयायात पुत्रछन जितवर-
दान विसंप्रसन्न जुयमाल धकं भोविघ्नराज थवत्य निमीर्तिन छलपोलयाके माहाकष्ट नयाव सेवायाना भोपर-
श्वर सिद्धीगणेश छलपोलया चरनस सहश्र कोटी २ नमस्कार भोश्रीलम्गेदर जित वरदान थवतेनगाक धकं ध-
याव थवत्य शिवभक्तया भास्वान्नाय गणेशन आज्ञादण्डका भोब्राह्मण न्यव थनीन च्यान्हुस सदायाथें नासंचास
मङ्गलवारखुनु सेवायाव थनली सदायाथें जितपुजायाव थवेल्म जिन्हेवने पण्डिलसा छमसेन छनथास वया-
व चोनिव छनवस्वयाव सायात पुजायाव पुजायुनकाव गौमाताया पेया पण्डिकासँ भोकपुयाव प्रदछीना यानाव

२५

२०

१५

१०

५

०

स्वस्वा।
१२९

छन स्वयाव चोड थवेत्तस भण्डिलसान सौखिफानाव हईव थवेत्तस छन सासौखि आकासन फयाव काव थ-
तेधुनकाव थव छेयनाव बाता निग्बलन थपुकोपु यानाव तिव थवनली पेन्हुखुनु उलाव थव्यलस छनमनोर-
थ पुर्णजुईव धकं भोशिवभक्त ब्राह्मण पुत्रजकमखु पुत्रीजुईव छनधालसा छन पुर्वजन्मस स्वायामदु थवेत्या नि-
मीर्तिन पुत्रीजुयीव धकं सिद्धीगणेशन आज्ञादणकल थवेते गणेशया आज्ञाडेनाव मनस अति आनन्द यानाव ग-
णपतियात मालको पुजाधुनकाव थमन फको जपध्यान यानाव प्रार्थना बानाव तोत्रपाठ यानाव चरनस भो-
कपुयाव वेदाकयाव निह्मअस्त्री पुरुषया थवळेस लिहावन थवनली सिद्धीगणेश अन्तरध्यान जुयाव विज्यात थव-
नली गणपतिया आज्ञाथें खोदस उपचार दणकाव च्यान्हुखुनु नामंचास निमस्त्रीपुरुष सेवावन थवनली गणेश
खोदसउपरन श्रीगणेश पुजायात थवेत्तस भण्डिलसा छमत्रयाव चोनखनाव शिवभक्त ब्राह्मणन गणेशयात मा-
लको पुजाधुनकाव थमन फयाथें जपध्यान तोत्रपाठ यायधुनकाव श्रीलम्बोदरया आज्ञाथें थमन वगुस्वयाव ह-
तासन थवगोमाता यात खोदस उपचारन पुजायानाव थवेत्तस भण्डिलसान सासौखिफानाव हल थवेत्तस
शिवभक्त ब्राह्मणन हतासन वाथाक दनाव स्ववेलस भण्डिलसान सासौखि फानावहल थवेत्तस शिवभक्त ब्रा-
ह्मणन हतासन वाथाक दनाव स्वयाव आकासस सासौखि फयाव काल थवनली गौमाता अननं अन्तरध्यान
जुयाव विज्यात थवनली मातको शिवपुत्र पुजायाय धुनकाव गणेशयात प्रदक्षिना यानाव थव छेस लिहावन

१२६

थवनली गणेशया आज्ञाथें थुगुली सौखि वातानिग्बलन थपुकेपु यानाव तल थवनली पेन्हुखुनु उलाव स्वत
थवेत्तस अत्यन्त माहाज्ञ सुन्दरी कन्याछम जातजयाव चोन मर्थडिम धालसा वत्तसलक्षणन मयुक्त मध्या-
हकालया श्रीदुर्गथें तेजथुलाव चोन निखा धालसा पलेस्वानया हलथें केसधालसा गरुदयाथें लाहानिषा तुतिनि-
पां धालसा मत्ताहाकिसीया स्वचोनथें खालधलसा पुर्णचन्द्रमाथें जंधालसा लक्ष्मीयाथें पालोधातसा सवित्री
याथें अत्यन्तन यज्ञसुन्दरी जुयाव लिथेलाथें नास्थानाव वाताम जातजुयाव चोन थवेत्तस शिवभक्त ब्राह्मणया
सतीनाम ब्राह्मणीया माहाभानन्द यानाव वातान थकयाव कोठाम यता भितक निदान यानाव तल थवेत्त-
स थवालस यात दुरुवनकेयात स्वतनास्य दुरुमयाव आ गयेयाय मालधकं भाळपव आव सिद्धीविनायक
याके फोनेनुयो धकं सदायाथें नामंचाम श्रीगणेशवाके वनाव खोदमउपचारन निमस्त्रीपुरुष पुजायानाव सि-
द्धीगणेश अराधना यानाव थवेत्तस शिवपुत्र प्रतक्षजुयाव आज्ञादणकल शिवभक्तलन हुफोनेत्यगा सोवधक आ-
ज्ञादणकल थवय विघ्नराजया आज्ञान्यनाव मनम अविरमतायाव धाल भेविनायक छलपोलया कृतान समस्त
धन मनचोदत आव छलपोलया दयान गौमातन विम कन्या थवालस यात दुरुवनके यात स्वतनास्य द-
रुम थवत्यन थवम वालखयात रक्षा प्रसन्न जुमेविज्याय मालधकं धयाव थवय शिवभक्त ब्राह्मणया भास्वाडे-
नाव गणेशन जुलसां विधुन हुनीधकं आज्ञाविवाव शिवभक्त ब्राह्मण आज्ञाशिरन फयाव विनायकया च-

५

१०

१५

२०

२५

३०

३५

४०

रसस भोकपुयाव वेदाव याव निमस्त्रीपुरुषया मनस अतिहर्षमान यानाव थवळे लिहावन सिद्धीगणेश अन्तर-
ध्यान जुयाव विज्यात थनली ब्राह्मणीन दुरुचनके थकं दुरु वामा २ यानाव स्वतनामें विनापकया दयान स-
हप्रधारा दुरुदायाव वल थवेत्तम थव्राह्मणीया मनस अतिरस तायाव मचाकयाव दुरुनोनकाव भिनक निदान
यानाव लहिनाव तल गये जनक राजाया सिता उत्पत्ती जुयाव आनन्दजुल अथे शिवभक्त ब्राह्मणया आन-
न्दजुल थनली सतिनाम ब्राह्मणिन गाहानिदान यानाव कथास चोनाव लहिनाव चोन थनली मर्जातये हि
नुखुनु व्यनकाव अनेग ब्राह्मणपनी भिक्षु लोकायान कोटि २ सुवर्ण दक्षिना वियाव कोटि ३ सादान वियाव
ग्रहमान्ती यातकाव थवत्य धुनकाव भिड ब्राह्मण चोनकल छोयाव मालको कृया कर्म धुनकाव नामकर्म यातक-
ल थनली जोतिक चोनकल छोयाव जातक दयकाव थनली जोतिक ब्राह्मणपनी मेन ममस्त कृया कर्म धुन-
काव नामकर्म यानाव शिवभक्त ब्राह्मणया ह्वेने आज्ञादणकल भोशिवभक्त ब्राह्मण छलपोलया पुत्रीयानमि जु-
लसां गोमयजु थकं प्रख्याती जुयुव छान थालमा गोमातान वियाव निमीर्तिन थवात्तखया नाग गोमयजुथकं
थायुवथकं जोतिक ब्राह्मणनं थयाव थवत्य जोतिकब्राह्मणया आज्ञाडेनाव मनस अती आनन्द यानाव अनेग प-
दार्थ दणकाव ब्राह्मण पनिष्ट भोजन याचकाव सुवर्ण दक्षिना वियाव अनेग प्रकारन पुजामाना यानाव वेदावि-
याव छोन थोनलि ब्राह्मण पनी थम २ थायस वन थनली थवात्तख गोमयजु कथन शुक्लपक्षया चन्द्रमा वये-

जुवथे हि २ त्रिया तवधीकल जुयाववल हनं भती २ हितल जुयमल हनं कथन ज्याजि भतिपति यायात ठ-
खकाल वनेफत अक्षतलयय आदिन फगाव वल थथेतु पिदखुद दयावत्त थनली शिवभक्त ब्राह्मण सतिनाम
ब्राह्मणी निमस्त्रीपुरुष अत्यन्तन खुसिजुयाव मामबुवान थया भोपुत्री गोमयजु आव छमाहाज्ञानी छनगु व्यवहा-
र खनाव जिपनी अतिखु गी जुयधुन धन्य २ छयथीड बालख वेत्तस निस्यं ज्ञानगुन परिपुर्ण भोगोमयजु आव
छन जिपनी देगुलीयायत अक्षत लेययानाव चोव जिपनी गङ्गास स्नानयात वनेथकं मामबुवान गोमयजु यान
अक्षत लेयकाव निमस्त्रीपुरुष गङ्गाम स्नानयात वन थनली स्नानयाय धुनकाव श्रीहरिहर पुजायानाव सिद्धी-
गणेश पुजायानाव हिन लखछो तका १००००० सुवर्ण दानवियाव थवळे लिहावयाव थवईष्ट देवता माहारुद्र पु-
जायानाव थवमात्तको निस्य कर्म धुनकाव अनेग पदार्थ दणकाव भोजन यानाव स्वप्नमावा गाहा आनन्द या-
नाव चोन थुगुली प्रकारन शिवभक्त ब्राह्मणया दान पुण्ययानाव स्वर्गतस चोडह्य इन्द्र दि देवलोक त्राही २
जुयाव थथे शिवभक्त ब्राह्मणया थर्मा दानं इन्द्राणि देवता ज्ञानाव तेतिमकोटी देवतान लिचकाव मनस अति
विश्वादया चित्त यानाव कैलान पर्वत थनकल वनाव श्रीगहारुद्र पार्वतिगा चरनस भोकपुयाव भिखान खोवि
हायगाव लाहात निगां जोत्रलपाव वचन खा २ तुतकाव अती करुणानं विनती यात भोजगदिश्वर माहदेव
जिन इनापयाय न्यस्य विज्याहुने लुधालसा मर्त्यमण्डलम ब्रह्मपुरनाम नगरस शिवभक्त ब्राह्मण थयामछम दव

स्वस्था
१२१

श्वयाकृतानया नाम मतिना ब्राह्मी श्वनब्राह्मणन छलपोलया पुत्र गणेशयाके माहाकष्टन तपस्यायानाव छ-
लपोलयापुत्र गणेश संतोखजुयाव कोटि २ धनवग्गमाद विद्या भाईश्वरआव श्वब्राह्मणन गणेशया कृपान ध-
नवागिणजुयाव श्वब्राह्मणन गङ्गास मोलद्वयाव हिनळकछितका सुवर्णदान विद्याव हरिहर पुजायानाव श्वत्य-
धुनकाव छलपोयात पुजायानाव अननपानयाईव भोजगशिश्चर माह देव श्वयाधर्मकर्म दानयायानापुन्यन जि-
अमरावति थिरमज्जल भोजुगांतकाल श्वत्यनिमीर्तिन अव जिपनीरक्षायाना विज्यायमाल भोव रुना ए हन ई-
नापयानेस्यविज्याहुडे लुवालसाहन श्वब्राह्मणया सन्तानमदयाव छलपोलयापुत्र मिद्धिगणेश याके माहाकष्टन म-
ङ्गलवारपति नासचाम च्यान्ह २ स अनेग पदार्थदणका धुपदिपनैव्यय फलकुळतांम्बुल पकानदयकाव पुजा-
यानाव तपस्यायात श्वव्यलम छलपोलयापुत्र लं वोदर प्रतक्षजुयाव वतिसलक्षननसजुक्त अतितेजयन्त माहा-
पद्मसुन्दरि थर्थाडम पुत्रिल्लम वरदानविद्याव भोकरनामए श्वत्यन श्वाशिवभक्त ब्राह्मणया तपस्यातेजन स्वर्गस-
चोड देवलोक थिरनचोनेमजिल रक्षयाड विज्यायतेल भोकरनामए मामादेव श्वत्यन देवलोकया ख्वालस्वयाव
जिपनीसवया दया प्रसन्नजुस्य विज्यायमाल धकं माहादेवया हेवने विनतीयानाव श्वतेदेवराज इन्द्रया भाखा-
डेनाव माहादेवन आज्ञादयकाव भोदेवराजइन्द्र छपनी त्रासचा सुम्वाल जिनउपाय यानाव छपनीरक्षायाय निश्च-
यनधकं छपनी लिहा नि धकं माहादेवन आज्ञा विद्याव श्वत्यमाहादेवया आशडेनाव इन्द्रादिदेवलोकगन माहा-

देवया चानस भो कपुयाव विष्णुकाव प्ररक्षितानाव सुपस्वमोर्ति देवतान लिचकाव देवराजइन्द्रन अमराव-
तिम न श्वनली माहादेवन इन्द्रादि देवलोक उद्धारयाय निमीर्तिन भिक्षुकरूप धरलपाव खवलहातिन त्रिष्टुलपा-
लयाव जवलहातिन डमरुथानाव जटाधरिजुयाव भस्मन अंगसवुयाव कपालिक जोगिजुयाव ब्रम्हपुरि नगरस-
शिवभक्त धयनाम ब्राह्मणया लेम भिक्षाफोन धकं विज्यात धकं कर्ति कुमारन अगस्त्य मुनिश्वरया ख्वाल-
स्वयाव कनावविज्यात धुपकयाहा नैमिस्त्रान्य वनमसूतन सौनकादि चयन्यादाल कृपिपनीष्टन इति श्रीस्कन्दपु-
राणे भावमाहात्म्ये केदारखण्डे श्रीमाहादेव मर्त्यमन्दलगमनं देवलोकउद्धार चतुर्विंशोऽध्याय ॥ २४ ॥ अगस्त्य-
वाच हनं अगस्त्य मुनिश्चरन कर्तिक कुमायाहेवने लहातनिपा हाजोजलपाव विनतीयात भो कर्तिककुमार मा-
हादेव इन्द्रादि देवलोक उद्धारयाय निमीर्तिन भिक्षुकरूप धरलपाव भिक्षाफोन विज्यातधकं छलपोलस्यन आ-
ज्ञादयकस्यलि न्यनेधुन अथ्यन जिचितसंतोख गजुनि शुक्रियख विरतारयानाव कश्यपविज्यायमाल धकं अ-
गस्त्यमुनान वार्तिक कुमारया ख्वालस्वयाव विनतीयात हन श्राकुमान आज्ञादयकल हेअगस्त्य
मुनी छन कचितय नाव न्यवधकं जिनश्च स्व संप्रणयाना वनेतेना धकं कुमान अगस्त्य मुनिश्वरया ख्वालस्व-
याव आज्ञादयकल हेअगस्त्यमुनिडेव धकं श्वनली श्वाशिवभक्त ब्राह्मण सतिनाम ब्राह्मी श्वपनी निम्हास्त्रिपुरुष
सद्वायाथ्व गुणयजुन अक्षतलेयकाव गङ्गास अस्नानयातवन श्वव्यलम गेखधरि माहादेवन भिक्षाफोन्य धकं

शिवभक्त ध्यानाग ब्राह्मण्या छेम विज्यात श्वव्यलस थनग्वमयजुन मामबुवाया देगुलियायत अक्षतलेयाव
चोन श्वव्यलस माहादेवन डमरुथानाव भिक्षाफोनाव चोन थनग्वमयजुन मामबुवायात अक्षतलेयाव चोन श्व-
व्यलस गमयजुन अहंकारनधाळ भोभिक्षुक जिमामबुवायात गङ्गाअस्नानथाय धकं विज्यात भिक्षाविईवमदु
जिजुलसा जिमामबुवाया देगुलियायत अक्षतलेयावचोना भोभिक्षुक स्वचिन्निलनाव चोव जिमामबुवा लिहाम-
दनी लिहाविज्याईन धकं धयाव लनकावतल थनली ताउतन लिहामवयाव थन ग्वमयजुन अक्षतलेयधुनका-
व भिक्षाजोनाव कोहावयाव धल भोभिक्षुक जिमामबुवाजु आतले लिहामवनी जिजुलसा अक्षतलेयावचोना
भतिनिर्विलम्बजुत दुखत यमतेव भिक्षानियो धकं धयाव चोन थन ग्वमयजुया वचन भाखाडेनाव थन भेष-
धारि माहादेवन आज्ञादयकल गोब्राह्मणी थोव्यतलनकावतयाव नकतिनी भिक्षानायो धकं वल आमभिक्षा जि-
तमएव छनविजुलसा छनबुवा मामया देगुलियायत लयावतयागुलि अक्षतहिव धकं धयाव थन भेषधारि
माहादेवया आज्ञाडेनाव ग्वमयजुन धाळ भोभिक्षुक श्रीमाहादेव पुजायाय धकं तयागू अक्षतजा विषमदु छ-
नयलसा श्वभिक्षाकाव मयलसा लिहाहुनि धकं धयाव थन ग्वमयजुया छिदभाखाडेनाव भेषधारि माहादेवन
आज्ञादयकाव भोपपिनी ब्रम्हणी आमअक्षत मविलसा छनत अभिसापविफव धकं भेषधारि माहादेवन आज्ञा-
दयकाव श्वव्यलस थानावचोड डमरुत अभिश्राप विल डमरुत श्रापवियकल थनडमरुत अभिसापविल भोपा-

पिनी छन अहंकारन जित भिक्षामविल आवछन श्राप वियकवधकं धयाव श्राप विल भोपापिनी ब्राह्मणी छ
हमदावुवेतम ७ न्दये ७० दाज्यायव विवाह जुयमाल हनं छन मामबुवान माहाकष्ट नयाव माहादेवयाके सि-
द्धिगणेशयाके तास्यान दणकाव तयाधन सम्पत्ती सगस्त नासजुयमाल हनं छन अतीमाहा दरिद्र जुया दुखिजु-
याव हनं मामबुवा खुलान सृत्युजुयमाल श्वपेता छमत श्राप वियधुनधकं श्राप विवाव भेषधारी माहादेव अ-
ननं पिहाविज्यानाव अननं अन्तर ध्यानजुयाव कैलास विज्यात थनली गोमयजुन जुलसां भिक्षुकाया अभि-
श्राप फयाव स्वयावचोन थनली शिवभक्त ब्राह्मण सतीब्राह्मणी निमज्जीपुरुष गङ्गास स्नान यानाव लछीतका
सुवर्ण दाक्षिना वियाव श्रीहरीर पुजायानाव थवळे लिहावन श्ववेलस छेथेनकाव स्वतनास्यं थवपुत्री गोमयजु
स्वोयावचोन छन छुदुखजुल छनत सुनान स्वएकल कारनहु सगस्त विस्तारन धावधकं धयाव थन मामबु-
वाया आज्ञाडेनाव थन गोमयजुन धाळ भोपितामाता डेसे विज्याहुने छुधालसा छलपोलपनी गङ्गास स्नानया-
यधकं विज्यात जिजुलसां अक्षतलेयाव चोना श्ववेलस भिक्षुक छमस्यन भिक्षाफोनवल श्वव्यलस जिनधाया
भोभिक्षुकधकं जिमामबुवाजु गङ्गास मोललहुल विज्यात जिजुसां अक्षत लेयाव चोना भिक्षाविईवमदु स्वचिनी
चोवधकं जिनधाया श्वभिक्षुकन छलपोल पनी विज्याईवधकं लनावचोना अथेन छलपोल पनी मविज्याक जि-
न अक्षत लेयधुनकाव भिक्षाजोनाव कोहावयाव जिनधया भोभिक्षुक जिमामबुवा आवतते लिहामवीज्याक जी

स्वप्ना
१३३

जुलसां अक्षत लेयाव चोना छदुख तायमसव थ्वभिक्षानावधकं जिनधाया थ्वत्य भाग्वाडेनाव भिक्षुकन धाल भो
ब्रह्माणीधकं आमभिक्षा जिनमकाल वियजुलसा छन मामबुवायात लेयावतयागु अक्षत दिव मवीलसा छनत
अभिप्राप वियधकं भोपितामात थ्वबेलस जिनधाया भोभिक्षुक थ्वअक्षतजा वियमदु जिमामबुवाया दिगुलीया-
त लेयावतया अक्षतजा वियमाजिव छन यलसा थ्वजाकीकाव मयलसा लिहाहुनीधकं धयाव भोपितामाता थ्व-
बेलस भिक्षुकन अत्यन्तन क्रोधयानाव थासेचोनागु डमरुन जित अभिप्राप विल भोपापिनी धकं छन अहंका-
रन जित भिक्षामविल आव छनत श्राप वियधकं धयाव थ्वबेलस जित छलपोल निम स्त्रिपुरुषयात श्रापवील
भोपितामाता थ्वबेलस लुश्राप विलधालसा भोपापिनीधकं छहमद दुबेलस न्हये ७० द दुमज्याथ ब्राह्मणव बि-
वाह जुयमालधकं हनछन मामबुवान श्रीगणेशयाके माहाकष्ट नयाव तपस्या यानादणकाव तयाधन सम्पत्ती न-
नान जुयमालधकं हन छनत तवकष्ट नयाव माहादरिद्र जुयाव अभामिनी जुयमालधकं हन छनमामबुवा खु-
लाछी सृत्यु जुयमालधकं थ्वपेता छलपोलयात जितन थ्वभिक्षुकन श्रीमाहादेव रुपन थासेचोना डमरुन श्राप-
विल भिक्षा मकासे पिहावन भोमातापिता थ्वत्य निमीर्तिन जिगुमनस खयफुधकं भालपाव खयाव चोनाधकं
धयाव थ्वत्य थवपुत्री गामयजुया वचन भाग्वाडेनाव मामबुवान धाल भोपुत्री गोमयजुधकं छखेय सुम्बलध-
कं आसुभिक्षुकया वचन माहादवया आज्ञामखु छनत्राम चायमुम्बाल धकं आसुभिक्षुकन धयान जुयुवमखु छ-

१३३

न मनस धन्दाकाए सुम्बालधकं बोध वियाव तल थ्वत्य मामबुवाया आज्ञान्यनाव बुझयजुयाव चोन थ्वनलमिो
भयजु खुदफुनाव हमदाया भागजुयाव बल थ्वनली सिवभक्त ब्राह्मणन मनस भालपाव आव गोमयजु ईहिपा-
लयाय अवसरजुल थ्वत्यन ब्राह्मण स्वतकल छेयमालधकं मनस चिन्तना यानाव सतिनाम कलातयाके धाल
भोस्त्रीमति आव गोमयजु विवाहार थाय बेलसजुल आव छनजिन भिडब्राह्मण स्वतकल छेवजिनछेयधकं सा-
हृतियानाव पेगुलिदिशाम दछिनया लँथेनक स्वतकल छेव थ्वनली पेगुदिशाम भिडब्राह्मण मालेधकं वनपनी-
सेन ब्राह्मणलुयके मफयावछान धालसा जगदिश्वर माहादेवन श्रापविधावतया निमीर्तिन भिडब्राह्मण मलुल थ-
थेल्हयके मफयाव चतुर्दिगस वनपनी असामर्थ जुयाव लिहावयाव चतुर्दिमाया वार्ताकनाव भोब्राह्मण जिपनीसेन
जा गनानंब्राह्मण लुयकेमफया जिपनीसया भलसामदुधकं लिसल कनाव थ्वतेवार्ताखिनेनाव शिवभक्तब्राह्मणन थम
नम्बलवनेधकं भालपाव सतिनाम कलातयाके विदाकयाव थमनखलवन थनदे सदिलावखलजुल स्वयाथासगननं
भिडब्राह्मणलुएके मफय वधयेखलजुयान मलुयाव असामर्थजुयाव थबेलेलिहावन धकं शिवभक्त ब्राह्मणयामनस भाल-
पाव गङ्गायातिरन लिहाल थ्वव्यलस गङ्गास अख्यानयानाव चोनह ब्राह्मणपनी खलजुलखयाखया थासभिड ब्राह्म-
णमदथाव गङ्गायाल लिस्यखयावल थ्वव्यलस भिगुलोहलुगवदस फेकतुनाव गायत्रि जपयानाव चोन शिवमर्गा
धयानाम ब्राह्मणलुमखन थ्वब्राह्मण मथाड धालसा धुमिलुयाव चोनम हसपोतन मताव मिसाधालसा सिधुमि-

स्वस्था
१३४

स्व मित्राकुसिस्वाक मित्रायालग हनं भलवाताहावम सासकत्थ भुयुग कुतुन लालप्यत्तहैन लालहावम हामनहि
सुत्तुन हावम हाकुखाल ह ७० यदयाज्याथ हधाळसा स्वतितिकमलाकम माहाभयाक्रमुर्ति थर्थीम ब्राह्मण छ-
म शिवभक्त ब्राह्मणनखनाव अतिविस्मयचायाव मित्रालिमकाभयाव चोन थव्यलस शिवसर्मा ब्राह्मणन थवके
मित्रालिमकाभयाव चोन खयाव हतासन सध्यातर्पन धुनकाव शिवभक्त ब्राह्मणया थासथ्यनकलवनव शि-
वसर्मा ब्राह्मणन धाल भोब्राह्मण छलपोल शुजुयुव छलपोलया नामलु गनानविज्याना छायजिके मित्रा लिम-
कास्यस्ययाव चोनायाकार्णलु लुनिमीर्तिन थनविज्याना धयाव थनशिवभक्त ब्राह्मणन धाल भोब्राह्मण जिगुली-
वार्ताकने न्यस्याविज्याहुन्य धकं जिगुनामजुलसा शिवभक्त ब्राह्मण धयामजीका भोवृद्धब्राह्मण जिमेवताधकं जि-
थनवयामखु जिम्हयाच छमअति पद्मसुन्दरि दव आवथ्वपुत्रि खुदफुनाव ह्यदकेनाव चोन आव थ्वमपुत्रि कं-
न्यादान वियधकं मिहम ब्राह्मणछम मालजुया माला २ थासगनमदु प्यगुलीदिसास स्वतकलछायधुन देसदेस
पतीकं हिलाव सोपधुन स्वया २ थासगननंलुयके मफयाव आवभलसामदयाव छेलिहावेने धकं थुगुळीलनवया
हनं गङ्गातिरस प्वजययाय धकं थनवया थानानमदु भोब्राह्मण थ्वत्य गङ्गाया समिपस ब्राह्मणमदु विचारयाना-
व स्वयाचोना थ्वत्य निमीर्तिन जिथनवया धकं भोब्राह्मण छलपोल शुजुईव नामलु लुकारन हतासन संध्या-
तर्पनधुनकाव जिथासवया जिकेहुज्यादवला कार्णलु जिथासवया लुज्यादवला समस्तविस्तारन धावधकं धयाव

१३४

थ्वत्य शिवभक्त ब्राह्मणया भाखाडेनाव शिवसर्मा ब्राह्मणनधाल भोसिवभक्त ब्राह्मण जिगुली विनतीडेस्य वि-
ज्यायमाल हुधालसा जिनकंन्या दानकायधकं झिमखुदहुवले निमेमालजुया आवतले सुनान जितकंन्या दान-
विवमदुनी आबाजिभाजन छलपोल नापलात धकं धन्य २ जिभाजनखन भोसिवभक्त ब्राह्मण धकं जिमताकालदत सु-
नानकंन्यादान विवदइलाखे धकं पृथ्विस भ्रमणपाव जुया छलपोलस्यन कंन्यादान वियधकं मालजुल आव
आमधंन्या दानजित विस्य विज्यायमाल भोब्राह्मण ईश्वरन छलपोलव जिबनाप लातकाल धन्य २ जिगुभाज-
खव भोपिता शिवभक्त छलपोलया चरनस कोटि २ नमस्कार आवअथ्य थय्यधकं आज्ञादय विज्यायमत्यव
विवाहारमधुनी थ्वत्यन निमस्या कार्येसिद्धल आव थनचोनाया कारनमदु भोपिता शिवभक्त थ्वतेजिगुली वि-
नतीन्यस्य विज्यायमाल जिस्तनाव दयातस्य विज्यायमाल आव छलपोलया छेमवनेनुयो धकंधयाव थ्वत्यलस
थ्वज्याथ ब्राह्मणया भाखाडेनाव शिवभक्त ब्राह्मणनधाल भोशिवसर्मा ब्राह्मणडेव जिम्हयाचहुईव गर्थीडम धा-
लमा छाराखुदया वैमतिनी छलपोलजुईव थर्थीडम ज्याथ ह ७० यदयावैमजुल मचाव ज्याथगथे विवाहारया-
य भोवृद्ध थ्वत्यन जिपुत्रिछनतअजोशे जिम्हयाचहुईव पद्मसुन्दरि रतिवममान छलपोल माहाभयंकर अघोरमु-
र्ति धकंन्या छनतअजोशे धकं धयाव थ्वत्यशिवभक्तया वचनन्यनाव शिवसर्मान धाल भोशिवभक्त ब्राह्मण छ-
लपोलस्यन आमथ्यधकं आज्ञादयवस्य विज्यायमत्यव छलपोल बाहिकन थसंसारस मेवब्राह्मणन जितकंन्या-

स्वस्था
१३५

दानविदमदु भोपिताशिवभक्त ध्वत्यन आमकन्या जितदानविषय विज्यायमाल धकं मविलसा छनतव्रह्महत्या
श्रापविद्याव धुगुलीप्रानमोचके निश्चयनजुल ध्वत्यन ब्रम्हहत्याकायला छनमह्याचकन्यदान वियला नितस छता-
वेकनियाव धकं धावधकं ध्वत्यवृद्ध ब्राम्हणया भाखाडेनाव शिवभक्त ब्राम्हणन वयायहमसियाव अतिधन्दाक-
याव चोन आव गथययायमाल ध्वत्याहण हत्याकायला छनमह्याच वियला नितसछता यायमाल आवगथ्य-
यायमाल थर्थिड विरुपब्राम्हण यातगथ्ये जिपुत्रि स्वमयजु कन्यादानविषय मवियधालसा गथ्यब्रम्हहत्यान केनि-
व ध्वज्या ध्वब्राम्हणन प्राणमोचकिव निश्चयनयानाव चोन थर्थिड विपरितन दैवनसास्ती यानाव उखुनुफोनववम
मिष्ठुक श्रीगाहादेवन खनिवसपोलया डमरुन वियाश्रापनअवसेन मजुयमदुध्वत्यन ईश्वरया अभिश्राप जिनमस्त्र-
यकेमफु विधातान यातकोथे यायमाल आव लुयाय ब्रह्महत्या छता जिकायमखु वरुथ्व बृद्धब्राम्हणयात जिपुत्री
गोमयजु वियमालस दैवन कपा स चोयातवगुलि मजुकेमफु लुयाय जिह्वाचया थर्थिड भाशविसेखन श्रीमा-
हादेवया अभिश्राप वियावतवगु लिचुवलात ध्वमस्त्रयके जिन गम्यमदु गोहृईश्वरन इन्द्रया गम्यमदु गोहृराच-
गुया गम्यमदु जिवहलया लुगम्यदईव दैवन गोसाल चिनाव तयधुनगुली ज्यास अदिकन खलहानाया ज्यामदु
धकं ध्वत्यमनस भालपाव ध्वज्याथ ब्राम्हणया ह्वेनेधाल भोसिवसर्मा ब्राम्हण आव लुयाय छलपोलस्यन आम-
लितहत्या यास्यलि अवस्यन छनतजिपुत्रि स्वमयजु कन्यादान वियजुल आवथनचोनाया फारममदु छवननुयो

१३५

धकंधयाव नापंचोनाव छेवन ध्वनली थयलेथेनाव सतिनाम कलात मत्तताव वनयन मनिनाम ब्राह्मणीन थयपु-
रुष विज्याक खनाव हतासन ताहाफ जोनाव कोहावया तुतिसितकाव पालिनीपास भोकपुयाव ब्रह्मणीन डेन
भोपुरुष आम छलपोलव नापंचम सुजुईव गनया छायवोनाव हया ध्वयानामदु जातलु लुकाय्येन वानाव हया
समस्त वृत्तान्त शास्त्रादएकस्य विज्याने धकंधयाव ध्वत्य कलातया भाखाडेनाव शिवभक्त ब्राम्हणन धाल भोस्त्री
न्यव झिजी गोमयजुयात विवाहार यायधकं देश २ हिलाव भिडब्राम्हण खलजुया गनमदयाव छेलिहा वयधकं
वया गङ्गाया तिरस ध्वमब्राम्हणया गायत्री जपयानाव चोन जिध्वया थामथेनकल वना ध्वब्राम्हणन जिखताव
हतासन संध्या तर्पन धुनकाव जिथासवल जिक्यडेन भोब्राम्हणधकं छतपोल सुजुईव गननंवया लुनिपीर्तिन थ-
नविज्याना नामलु कारनलुधकं जिकेन्यन ध्वबेलस जिनधया भोब्राम्हणधकं जिजुलसां शिवभक्त ब्राम्हण धया-
नामधकं जिनजुलसा भिडमब्राम्हण खलजुया आव गनमदयाव ध्वगङ्गाया तिरस मालेधकं वयाधकं जिनधया
भोसती ध्वबेलस जिगु भाखान्यनाव ध्वमब्राम्हणन धाल भोपिताधकं जितकन्यादान विवदईलाखे धकं जिधि-
खुद दुबेलनिसें पृथ्वीस भ्रमलपाव खोजेयानाव जुया आवतले सुनान कन्यादान विवमदु ध्वत्यन छलपोलया पु-
त्री जित कन्यादान विवधकं जिकेफोन ध्वबेलस जिनधया भोब्राम्हणधकं जिपुत्री जुईव पञ्चसुन्दरी हन बाल-
खतिनी छलपोल जुयुव थर्थिडज्याथ गथेज्याथव मचाव विवाहार याय छनत जिपुत्री अजोगेधकं जिनधया भा-

स्वस्था
१३६

स्त्री श्वस्य जिगु भाखाडेनाव श्वशिवमर्मा ब्राह्मणधाल भोशिवभक्त ब्राह्मणधकं आमकन्या जित मविलसा छ-
नत ब्रह्महत्या वियाव थुगुली प्राणपोचके भोशिवभक्तधकं निश्चयधकं हत्यायानाव प्राणतोलयत तयार यानाव
जिह्वनेधाल भोब्राह्मण धकं आवलुधायधकं ब्रह्महत्या काणला छनपुत्री वियळा निताम छता तरकारनधावध-
कं जिह्वनेधाल श्ववलस जिगुमनस भालपा आव गथेयायमाल आदेशन केन श्वपुत्री गोमयजु गथेविण मवि-
यसा ब्रह्महत्या गथेकाणधकं गनस चिन्तना यानाव ब्रह्महत्या छताजा काणमुखु वरु श्वयात गोमयजु कन्या-
दान वियधके आदेसादे लहानाव श्वब्राम्हण थनवोनाव हया भोप्रिय श्वस्य निमीर्तिन श्वशिवमर्मा ब्राम्हण-
यात गोमयजु कन्यादान वियमाल श्वतेनिमीर्तिन थनवोनाव हयाधकं धयाव श्वस्य थवपुरुषया वचनेडेनाव स-
तिनाम कलातन धाल भोप्रभु शिवभक्त जिगुली विनती न्यस्य विज्यायमाल लुधालसा आमथिड अघोर सुर्ति-
ज्याथ ब्राम्हणला जिगुली गोमयजु यात वहलमला भोसामि श्वब्राम्हण गथिडम धालसा ख्यालधालमा हेग्वा-
लथे मिखायालम मिखाफुसी स्वाक सर्वाङ्गमहनापं भुयुम धलवा ताहाकम हसपतन मतावम ह्वासन हिसुडहन
वम्ह म्हुतुन लालपेलेहन हावम्ह म्हधालसा स्वतिक मलाकम्ह अतिभयांकर सुर्ती थथिडम्ह ब्राम्हणयात गथे
जिगुली गोमयजु कन्यादान विय भोप्रभु जिगुली जुईव अतिकोमल जुयाव चोनम्ह तेजधालमा मध्यान्ना सु-
र्यथे ख्यालधालसा पुर्णचन्द्रगथे साक्षात् लक्ष्मीसमानम्ह वाक्यधालसा कष्टिसमानम्ह थथिडम्ह गोमयजु पद्म-

१३६

सुन्दरी आमथिड घिनाहावा ब्राह्मणयात गथे वियतेना भोपुरुष श्वस्यन आमब्राह्मणन हत्याविलसा छलपोलया-
त गेलिवला मेवया ह्यायमचा मन्नुधवाव ब्रह्महत्या वियधकं ख्यानान छलपोल त्रासचाय मुम्बाल भोस्वामी
श्वब्राह्मणन ब्रह्महत्या विलसा जिगोलस फय छन छसङ्काकाय मुम्बाल बालखव बृद्धकालव गथे विवाहार याय
हेददमव ह्येददुम्हव गथे कन्यादान विय भोप्रभु शिवभक्त थथे मवीयधकं पापन केनसा जिगुभालाजुल अप-
किर्तिन सनेमत्यल दोलछि हत्यालातसां श्वज्याथ ब्राम्हणयात छता वियमखु निश्चयन छलपोल सेन विचार
यानाव डेसेविज्याहुने श्वपृथ्वीस श्वछम जकलात ब्राम्हणधयाम भोप्रभु श्वतेन आम ब्राम्हणयात वेदावियाव
लिछोवधकं धयाव श्वस्य शिवभक्त ब्राम्हणव सतिनाम ब्राम्हणीव संवाद जुवगु खन्यनाव शिवमर्मान धाल भो-
मातासती न्यसेविज्याहुने श्वसन्सारम ज्याथदव ल्याम्होनदु बालखन दव गुलिमीया मचागा जिथीकलात गु-
लिमीया ज्याथया मचाकलात गुलीसिया माहादुखी जुयाव चोन गुलीसिया माहासुखी जुयाव चोन गुलीसिया
ल्यासल्याम्हो स्त्रीपुरुषजुयावचोन ईश्वरन उथेगेनका श्रुष्टीमयाक गुलीसियाकलात लिधुहेसुतयाव चोन गोमया
कलातमदु गोमयाधनमदु गोमया मचाखनामदु गोमयाधनया पारवारमदु गोमयाधनजकदु गोमया मचाखना
जकमदु गोमयाधनदु भोमाता श्वमन्सारम विधातान सुयातसुख वियावमतव भोमाता श्वमन्सारस हानानं कुम्हा-
या चलचाहिलथे हिलुहिलाववनेव कथनसकलज्याय जिथिजुयाववनी सदाकाल उभेमचोन भोमाताश्वतेनिमीर्तिन

स्वस्था
१३७

अपाखहाना गुनमदु आमकंन्या जितमविलसा अवस्यनब्रह्महत्या वियाव प्रानमोचके निश्चयनजुल भोमतामती
श्वतेन जिनप्रतीज्ञाययुन विपलाखतसा विस्यविज्याहुन्य मविलसा छानीनिग स्त्रिपुरुषयात अमिथापवियाव छ
न र्दालम थुगुली प्रानमोचके निश्चयन धकं धयाव प्रानयामायामकास्य ब्रह्मान्दस वायुधकयाव प्रानतोलतेतया-
र यानावचोन श्वनली शिवभक्त ब्राह्मणन थवळेस प्रानतोलतेत तयारजुवखनाव हतासन वपदनाव हरिहरिध-
कं हालाव शिवसर्मा ब्राह्मणयोहवने धाल भोत्रह्मण आस्य आस्य जिगुखडेव प्रानतोलतस्य विज्यायमत्यव नि-
श्चयनमत्यन छनता जिपुत्रि गवमयजुकंन्या दानविए भोब्राह्मण मिसातस्यधयान जिनमावियला भोशिवसर्मा
धिर्जनियाव निश्चयन छलपोलयात जिपुत्रिविय धकं श्रीकार्तिक कुमारन अगस्य मुनीश्वरयात कनाव विज्या-
कगुख नैमिसारनेवनस सुतनसौनकादि चएच्यादोल ऋषिपनीष्टकन ईति श्रीस्कन्दपुराणे मावयाहास्मे कंदारख-
ण्डे शिवसर्माशोध पंचविंशोध्याय ॥ २५ ॥ अगस्यउवाच हनं अगस्यमुनी श्वरन कार्तिक कुमारया ख्वालख-
याव त्हातनिपा हाजोजलपाव विनतीयात भोकुमार श्वरगवमयजु गथेकंन्या दानविल श्वखविस्तारन कस्यवि-
ज्यायमाल धकं विनतीयास्यली हनं कार्तिक कुमारन आज्ञादयकेत्यन हेअगस्यमुनी धकं छनएकं वित्तयानाव
डेव धकं जिन श्वखसंपुर्णविस्तारन कनेतनाधकं भोअगस्यमुनी श्वरधकं कार्तिक कुमारन आज्ञादयकळ स्कन्द-
उवाच श्वनली हेअगस्यमुनी श्वरधकं थन शिवभक्त ब्राह्मणन थवकलातया ह्वेनेधाल भोप्रिएसती आदिकख-

१३७

लहानाया गुनमदु जिसडेव लुधालसा उखुनुयादिनस भिक्षुकन भिक्षाफोनवल उखुनुमालकोधुन भोसती वखुनु-
भिक्षाफोनववम्ह भिक्षुकजुलसा श्रीजगदिश्वर माहादेव श्वतेनिमीर्तिन माहादेवया आज्ञालङ्घनायाय जिईवमखु
भोसती माहारुद्रया श्रापतेटिस कोत्तिदेवता छगुपक्षेजुयाव वलसा थुगुलाश्राप वसजुयुवगखु वजकहालावछाय दैवन-
गथययातकल अथ्यमपाकगाक थ्वत्यन दैवलङ्घनायाय सुयाअगम्यमदु ग्वम्हस्वर्गतया राजाजुयाव चोनम्हइन्द्रयाअ-
गम्यमदु छवहलयाहुअगम्यदईव भोपुत्री भोस्त्रिसती थ्वत्यन आवअधिकन खलहानायाज्यामदु हेमती पुनरवादहनं
जिनछताखकने लुधालसा सुवर्णमतीतिर्यस तपानिछम्हदयावचोन थम्हतपामिन ब्राह्मणयाह्वेने धाल आज्ञादयकळ
हेब्राह्मण छनपुत्रपुत्रिछम्हमदुधकंडेन श्वनली जिनमदुधया थयेजिनधयायु वचननेनावतपश्चिन जिगुलहातकयाव स्वत
नारय तपाश्चिनआज्ञादत हेब्राह्मण छनपुर्धजन्मस पुत्रन्याम्हदव छनफुकिजीपतारि वरनिम्हजुयावचोन छपनीस्यन क-
रपातिवाग्नफुकिजसकल नामजुयाव सिईलाधकं थ्वसंपतिकयाव सुखभोगयाय वाछायनाव उगूलिसपाति लोभयाना
भालपाथ्ये उगूलिमपति छनतदयाववल उगूजन्मया पापनथुगुजन्मस दरिद्रजुयाव संचानमदत हेब्राह्मण दैवमयो-
गन धनसंचान पुत्रपुत्रीदत सान छिनमात्र म्हानाचोनमात्र थेजुकजुईय पुनर्वादहन दुखयादुखहे प्राप्तजुईव
आज्ञादयकळ श्वनली जिनधया हेतपश्चिजित थुलियाउपाय छुदवधकं डेना पुनर्वादहन तपाश्चिनधात हेब्राह्मण
धनसंचान धकं तपस्यायानाव फोनेत्यव श्रीपरमेश्वर सतोखजुयमाल धकं फोदधकं आज्ञादयकस्य विज्यात

स्वस्था
१३८

हेछिहंन शिजिस्पन तपस्यायानाव धनगंतानफोना अथेभिक्षुकन श्रापविल हेसति आजामकना नचुललात ब्रा-
म्हणन आज्ञादयकल आवकन्यादान विययात मालको सामाग्रीताल लातकिव धकं शिवभक्त ब्राह्मणया भा-
खाडेनाव मतिनामब्राह्मणीन अनेगमायन विलापयानाव धाल आवगर्थाड आसर्थ्ये गचावज्याथव विवाहाजुव
गुमयमाल आव जिह्याचया ललात्तस थथ्यस्वमन्य धालसा निर्विवेके विधातान हेददुवालख हयददुहज्याथ
स्त्रिपुरुषयानाव जिपनीथर्थीड अवस्थानकेन भोप्रभु शिवभक्तदेव वखुन्ह पण्डितपनीस्यन जातिकस्यन जिह्ने
वनेवाल लुधालसा भोब्राह्मणीन्यव धन्य २ छनभाजे थर्थीड पुत्रिदव गर्थाड धालमा वनिसलक्षनन संजुक्तजुया-
व चानम भोब्राह्मणी धकं जिह्नेदन्यधाल लुधालसा छनपुत्रियात भाजवत्तजुईव रानीजुईव अन्यगकलंकन मा-
न्ययायु थवालख अधिकन लक्षनलाक थचोनथास लक्ष्मीन वासयायुव धकं जिह्नेवने अनेग जेतिक पंडित
पनीस्यन जिह्नेवनेधाल थवशास्त्रायावृथास्व मन्यवआव थर्थीड विपरितस्वयमाल धकं लुधापापन जिह्याचया थ-
थीडम्ह ज्याथपुरुषलात जिह्याचनजा हुपापयानामदु जिपनीस्यन कुअकर्म अपकीर्तियानामदु थथ्यन थर्थीड
विपरितस्वयाव चोन्यमाल जिगूजन्म धिकारस्व लुविचालमदु आवउखुनु भिक्षाफोनववम भिक्षुकजुल श्रीमाहा-
देवसुनी थवमाहादेवन थर्थीड वालखयात थथेश्रापविण अजोन्नथर्थीडम वालखस्वयाव जिपनीमदु बेलस छल-
कपतन लानाव भिक्षुकयारुपजुयाव जिपुत्रि स्वमयजुयात अभिश्राप वियाव विज्यात आवहुयाय जिह्याचया

१३८

कवालस गंचेचोन अथेजुयव दैव लक्ष्मी याय जियीवमलु दैवन यानाथे जुईव जिपुत्री गोमयजुया थथिड भा-
गे जुयाय सुनान मचाव विमेषन माहादेवया अभिश्राप मोचनयाय तेतितफाटी देवता जिह्याचया पक्षजुया-
ववलसां थश्राप वेंसजुयमदु थवयन दैवलक्ष्मी याय जिईमखुधकं दैवममान बलयन्त सेवमदुधकं भोप्रभु शि-
वभक्त आव लुयाय ईश्वरन यानाथे जुयुव शिजीजक हालाओ लाय गमाल अथेयाना विज्य हुनेवकं भयाव थ-
त्य थव कळातया भाखाडेनाव शिवभक्त ब्राह्मणन धाल भोस्त्रिसती धन्य २ छत्रिजात जुनेन अनेग ईश्वरयात-
द्रिमा मिव भोसती आव थवशिवमर्मा ब्राह्मणयात मिड २ पदार्थ दणकाव वलियातकिओ भिगुकोठास भिगुला-
मालयाव तिव थेनेछोवधकं थवत्य थवपुरुषया आज्ञाडेनाव तत्कारन अनेग पदार्थ दणकाव शिवमर्मा ब्राह्मणयात
वेनियातकाओ भिगुकोठास भिडलासा लायाव थेनेछोत थवनली ओषा बेलियाथ धुनकाव कोठाम दनवन थ-
नली रात्रिम मतिनाम मामन जुलमां थपुत्री गोमयजुया हेवने धात भोपुत्री गोमयजु आव छनत विवाहार
यातेल थवृद्ध ब्राह्मण छनत पुरुषजुल भोपुत्री गोमयजु छदुखताय मत्य डेव वखुनु भिक्षाफोनव वल्ल भिक्षु-
कन अभिश्राप वेंम जुयमदु वमभिक्षुकजुल पिनाकधारी श्रीमाहादेव थवमाहादेवया श्रापनकेन ह्येददुहा ज्याथव
छहेददुबेलम विवाहार जुयमालधकं धयाउली समस्त चुललात भोपुत्री गोमयजु छजुत न्हेददतखव थवशिवम-
र्मा ब्राह्मण न्हे ७० येददतखव थवत्यन श्रीमाहादेवया डमरुन विवाश्राप छन भोगयायमाल मयामगाक लुयाय

स्वस्था
१३९

भोपत्री छनमनस विषादजुयाव केनेमलय दैवलङ्घना याय जिईवमखु विधातान यातकाथें यायमाल छनमनस
संदेकाए मस्यव भोपत्री गोमयजु छनललातस चोयाव तयागुली सुनान मचाव थवस्य निमीर्तिन छुदुखताए म-
तेव जिपनीमया छुंदोषमदु छनभोग थथीइ जिपनीसेन छुयायधकं फयाथें बोधवियाव तलपाव चोन थवनली थव
सतीनाम मागया आज्ञानेनाव अतिज्ञानी जुयाव चोनह गोमयजुन जुलसां धाल भोमाता छलपोल पनिष्ट
छुंदोषमदु जिगुर्कस चोयाव तवगुली मेतेयायमफु भोमाता गुखुनु श्रीमाहादेवन विगुश्राप सुनानं मस्यके सा-
मर्थमदु जिगुलळातस चोयाव तयागुलि सुयात पाल्ताय भोमाता जिअहंकार जुयाव फुत उखुनुफोनव वद्धभि-
क्षुक जिमनम श्रीमाहादेवधकं भालपा छान्धातसा जिअहंकारन भिक्षामचिसे लनकाव तया जिनअक्षत लेया-
वचोना आव वसपोलया अभिश्राप केनकाव चोनेमाल भोमाता गोम्हमनुखेन न्हापालातक भिक्षाफोनवयुव थव-
म्हभिक्षुक श्रीमाहादेवतुं भालपाव भिक्षाकुय माल भिक्षामछुतसा अवसेन जितकेनथें श्रापन केनिव भिक्षाछुना-
व छोटसा वम्हमनुखेयात ईहलोकस माहासुखि जुयाव परळोकस स्वर्ग प्राप्तजुईव भोमाता थवत्यन न्हापाला-
तक फोनव वम्ह श्रीमाहादेवतुं भालपाव भिक्षाकुम्ह यात थवम्हया स्वर्ग गतिलाईव भिक्षामछुतसा ईहलोक-
सं परलोकसं गतिमदु भोमाता जिअहंकारन थुगुली श्रापनकेन भोमाता थवतेन मनम अहंकारन मनुष्य लोकनाम
छुल जिअहंकारस मनसतुलुयाव निमीर्तिन श्रीमाहादेवन भिक्षुकटा धरलपाव डमरुन अभिश्राप प्रियाव जि-

१३९

अहंकारयात कोताइ विज्यात भोमाता थवतेन तेतिस्कोटी देवतान जिपक्षजुयाव वलसां भेषधारी श्रीमाहादे-
वया डमरुन विवगु लङ्घना यायफईव मखु भोमाता थवत्यन विधातान गथे गवसाळ चिनाव तल अथे मया म-
गाक हनं विनती न्यस्य विज्याहुने छुधालसा आसुव्राह्मण ज्याथजुलसां धुमिजुलसां खूजुलसां कांजुलसां मा-
हादरिद्र जुलसां माहानागा जुलसां कुष्टन थियाव चोनसां माहापातकी जुलसां भिनसां मभिनसां जिगुर्कस
चोनथेंवल छलपोल पनिष्ट छुंदोषमदु भोमाता पुर्वजन्मया पापन कयन थथीइ पुरुषलायत दैवन ह्वेनेलानकाव
तल छुयाव भोमाता पिता दैवनसुयात सुखवियाव मतव गथेधालसा श्रीरामचन्द्रयात नापं दैवन लिनाव वन-
वास वनेमाल माहाकष्ट नया वनेमाल जुदिस्थिर माहाराज यात दैवनलिनाव वनवास अनेग दुखकष्ट नयाव
चोनेमाल हनं श्रीमाहादेवया सती दैवनलिनकाव कालकुत गलपोतसं थातकाव तयमाल थवपनि त्रैलोक्या
देवता मन्त्री दैवनलिना माहादुख सियाव चोनेमाल भोमाता जुदिस्थिर राजासमान धर्मात्मा मेवराजामदु व-
लिसमान दाता प्रतापी मेवपि सुंदवला परुगम वसमान धनुषधारि मेवदवला कर्न समान दाता
मेव सुन्दमदु श्री रामचन्द्र समान श्री माहादेव समान तवधळ देवता मेव सुन्दवळा भो माता
थवपनी थि देवता मदु भो माता थवत्य निमीर्तिन दैव लङ्घना याय गवम्ह दैवतान मफु थवत्य ईश्वर
विधातान ह्वापालातकं ललातस चोयाव दयागुलि सुनान मस्यकेमफु भोमाता सुखदुख जुल थवकपालस

संख्या
१४०

मिटेजुईवसु धर्मयाक्रमण सुखभोगयायुव पापकर्मयाक्रमण महादुखन कष्टनयुव भोमाता जिनपुर्वजन्मम या-
नापापया निमीर्तिन थर्थीड ज्याथपुरुषलत भोमाता कर्मस चोस्थतयागुली सुनानद्वयमकु भोमाता थ्वत्यन वि-
धातान तवधाड मधाव चुकधनमधाव गथेधालसा तवाधिवलन सलकिमी चिकीधिकलसा पाईकुमिचा थ्वपनी-
ष्ट दुखमुख दयकाव श्रुष्टिस्थिती यास्यतल भोमाता थ्वत्यन गथेईश्वरन यातकल अथ्यमयामगाक समुन्द्र हे-
वन्यचोन धकं लखआपाल वयुवमपु थलसहेको जकवईव भोमाता थ्वत्यसमुन्द्र हानान कर्मपाल हानाव भा-
लोपमकु थ्वत्य निमीर्तिन अधिक खल्हानाया ज्यामदु गुनमदु भोपितामाता थ्वत्य निमीर्तिन भाविथुका सचा-
अम ब्राह्मण ज्याथजुलसा दरिद्रजुलसा कृष्टनधियाव चोनसा जिगूभाविनवल गथ्यमाल अथ्येयानाव विज्याहु-
न्य धकं धयाव थ्वत्यलवपुत्रि थ्वमयजुया वचनन्यनाव मामबुवान धाल भोपुत्रि स्वमयजु धन्य २ छखव थर्थी-
ड वालखजुस्यन अनेगगुनज्ञान अनेगपुराणादि कथाहासमष्ट शिवधन्य २ थर्थीड ज्ञानछनत सुनानकन छहस-
दादुबारखन गथ्यपरमेश्वरया महिमासिल थ्वज्ञान गथेलाना भोपुत्रि स्वमयजु धन्य २ छखव छनतवधन ज्ञा-
नलात आवलनत जिपनीस्यन स्यन्यमाल मखुत छमाहाज्ञानी जुल भोपुत्रि स्वमयजु धन्य २ छनज्ञानधकं स्व-
हमाचा न्वानाचोनजुल थ्वनली प्रातकालजुसेली शिवभक्त ब्राह्मणन शिवसर्मा ब्राह्मणया थासवनाव शिवभक्त
ब्राह्मणन मउवोनकल छोयाव लुसिधनकाव सरुतकाव भिगुवस्त्रन पुनकाव भिड पदार्थ भोजनयातका-

१४०

व लछिनिला भिनक लहिनावतल थ्वनली शिवसर्मा ब्राह्मणन भतिचा वानलानाव वल हनहेष्टपुष्ट जुया-
ववल त्याह्यथ्ये वलथुलाव ह्यापायासिन झिदेवानळाव वल थ्वनली शिवभक्त ब्राह्मणन सतिनाम कलातया हे-
वनेधाल भोस्त्रिस्तति आवथ्व शिवसर्मा ब्राह्मणयात कन्यादान विययातमालक सामाश्रिताळ लातकिव हने थ-
थ्यंथवथिती हातानाता पनीवोनकलछोव धकंधयाव थमनभिड जोतिस ब्राह्मणपनी वोनकलछोयाव दिनस्वत-
कावतल थनगुरु प्रोहितब्राह्मण पनीस्यन जग्यमाला दयकाव थ्वजापताका व यकाव थास २ स्वानमाळातयाव
अतिधान लातकाव तयास्यानावतल थ्वनली अनेग सामाश्रिताळ लातकाव विहिधेलकष्टि हामाल तछो ज-
ग्यजोलन मालको तातलातकाव माहामङ्गल जात्रायानाव माहासुव्यलास भिड ब्राह्मणपनी स्यन चतुर्व्यद पा-
णियातकाव जग्यकुंडल्या हेवने अष्टमङ्गल पुर्णवल आदिन तयाव हने पुहकुमारि पातापिताम्बर अनेग रत्नस-
णीकया तिमान नियकाव जग्ययाह्वने अष्टमङ्गलया हेवने तयावतल हने गमयजुयात अनेग मणीकया आ-
भरन पुनकाव रत्ननालान कोसायकाव भिनगु वस्त्रनपुनकाव माहासुव्यलास जोग्यगोत्र गर्गवृषिया आज्ञाडेना-
व पुरोहितन वाकेयातकाव शिवभक्त ब्राह्मणन शिवसर्मा ब्राह्मणयात हामालकुस जलतयाव स्वमयजु कन्या-
दानविल थ्ववलय स्वमयजुन शिवसर्मा ब्राह्मणयात हामालकुस जलतयाव शिवसर्मा ब्राह्मणया चरनमभोक-
पुयाव स्वानमाला कोसायकाव अनेग ब्राह्मणयात सुवर्ण दक्षिनावियाव वस्त्रदानियाव लकाछि २ सादान वि-

स्वस्था
१४१

याव ब्राह्मणपत्नीयात अनेग पदार्थदयकाव भोजनयातकाव विदाविद्याव छोट थनली समष्ट्युनकाव थव थि-
तीपनीष्ट भोजनयातकाव विदाविद्याव छोट थनली स्वमयजुन थवस्वामि शिवसर्मा ब्राह्मणयात भिड पदार्थद-
यकाव भोजनयातकल भिडगु बलपुनकाव माहानिदानन लहिनावतल हनं भिडऔषधिचिकन बुयकाव हष्टपुष्ट-
जुयंक लहिनावतल हनं वया यथ्यस्वछंदन छुयकावतल थनली शिवसर्मा ब्राह्मणन स्वमयजु कळाललानाव
थवमरिर हष्टपुष्टजुयाव ना २ पदार्थ दयकाव भोजनयानाव पद्मसुन्दरि स्वमयजुव लिस्य भोगयानाव ना २
मायन क्रिदासंभोगयानाव ताकाल प्रमआनन्दन स्वमयजुव लिस्य भोगयानाव माहासुखन कातहनाव चोन
धकं कार्तिक कुमारन अगस्त्यमुनीयात कनाव विज्यात गुख नैमिपारने वनशसुतन सौनकादि चयच्यादोल क-
पिपनीष्ट कनाव विज्यात ईति श्रीस्कन्दपुराणे माघमाहात्मे केदारखण्डे स्वमयजुवंन्यादान पट्टविंशोध्याय ॥२६॥
अगस्त्यउवाच हनं अगस्त्यमुनीन कार्तिक कुमारया खालस्वयाव ल्हाननिपा हाजोजळपाव विनतीयात भो-
मार छलपोलया कृपान स्वमयजु वंन्यादान विवगूखडेन्गधुन अथ्यन जिचित्तसंतोख मजुवनी गथ्यधालसा स्व-
मयजुव शिवसर्माव गथ्ये २ जुलधकं थवख विस्तारयानाव कस्य विज्यायमाल धकं विनतीयास्यली कार्तिककु-
मारन आज्ञादयकेत्यन स्कन्दउवाच भोअगस्त्यमुनी छनएकचित्त यानावन्यव जिन थवखकन्यत्यना धकं कार्ति-
ककुमारन अगस्त्यमुनी श्वरया खालस्वयाव आज्ञादयकल भोअगस्त्यमुनी थनली थथेतु पिदच्याद दयाववन

१४१

थनली छनया दिनम शिवसर्मा ब्राह्मणनं थवमननं भालपाव आव जिवाकालदत जिथनचोनापु हनं जिमरिर
हष्टपुष्टजुल आव थनचोनानं निस्तार मजुल थवनेन थवछेस गथे २ जुलखें विचार याकमदु ताकालदन थनचोना-
पु थवतेन आव थवछेनि लिहावनेधकं भालपाव वेदाकाण्ठकं मनस भालपाव मामबुवा थवकलान चोनथास व-
नाव शिवसर्मा ब्राह्मणनं धाल भोपिना माता आव जिथन वयापु ताकालदन आव जिछेस गथेजुलखें सुनान
विचारयाक मदु थवत्यन आव जिवनेतेल वेदाविवधकं धयाव चोन थवत्य शिवसर्मा जिचाभाजुया भाखाडेनाव
मामबुवा कलातन स्वहस्यन धाल भोशिवसर्मा जिचाभाजु न्यमेविज्याहुमे आमथेथकं आज्ञादमे विज्यायमत्यव
गथेधालसा थनचोनसां अनचोनसां छलपोलया छेमखुला थवसम्पत्तीन छतपोलया भोजिलचा भाजु जिगर्मा-
याजक सुंदवला काण्ठालसां हयाच धालसां छलपोल छह्य भोपुत्र जिकेदुथे पुथें नयाव आनन्दन चोव भोपु-
त्र छेविज्याय धायमत्यव छलपोलया छेम सोतकल छेयमालसां जिन स्वतकल छेय छलपोल विज्याय सुम्वा-
लधकं धयाव थवत्यसस पिताया भाखाडेनाव शिवसर्मा ब्राह्मणनधाल भोपिता न्यमेविज्याहुने जित गनेधायम-
त्यव गथेधालसा जिवनाधकं लिहा मवयमखु पिला न्यालाया ख्याल जिजक सुयाभलमान चोने छेसत्रक भ-
थे २ जुवनजुव विचार यानाव तत्कारन लिहावय जिवालसा छलपोल बाहिकन गतीमेवमदु गथेधालसा माम-
बुवा धातां छलपोल ईष्टमित्र धासां छलपोल देवगुरु धासां छतपोल भोपिता थवतेन छलपोलानी तोलताव जि

रूस्था
१४२

गनबने छयनधालमा नयमदुह यात नकाव कला मदुमयात कलात वियाव तवह छलपोलत जियाखामख
पिलान्याला धयागुली निघुली वनथे वनिव भोपितामाता छलपोलपनीत जिन सेनेमालमखु अनेग पुराणादीस
नितीमिस्य विज्याक ज्ञानगुण परीपूर्णन छयाव विज्याक पनी छलपोल पनीष्ट जिन विनतीयाय मालमखु थ्वतेन
आव जिवने गनेधाय मस्यव ननानं वेशविसे विज्याहुने धकंधयाव थ्वस शिवसर्मा जिलचाया वचन भाखाडे-
नाव शिवभक्त ब्राह्मणनं धाल भोजिलवा भाजु आसथेधकं धात जिन छुधायधकं धयाव थ्वते ससपिताया भा-
खाडेनाव शिवसर्मान धाल भोपितामाता छलपोलपनी तोलतव जिगनवने छेमजक स्वयाव तुरन्तन छिहावयाव
छलपोलपनीत दर्सन यायनवय धकंधयाव थ्वते शिवसर्माया वचन भाखाडेनाव गोमयजुन धाल भोखामी छल-
पोल विज्याय धायमतेव छलपोल मदएकाव जिजक गथेचोने गिसाजातिया पुरुष विनान गतीमदु निश्चयन
छलपोल विज्याय जुलसा जिन नापंवयधकं निश्चयन धकंधयाव थ्वते गोमयजुया भाखाडेनाव शिवसर्मान धा-
ल भोप्रिय गोमयजु छन आमथे धायमतेव छजुल मचाया भावतिनी हनं छवोनाव यनेधालसा जिगु छेस धन-
सम्पत्ती दुगुमखु जिन छुनकाव तय थन छन जुलसां ययायथे पदार्थ नयाव चोनह हनं छजुयाव अतिकोमल
सरिर जि छेवने तापाकनो पर्वतगयमानी ताँन गयमानी हनं ताँनव चिकु धायमदु फयवल धकंधायमदु वागात
धकं धायमदु पित्यात प्यासचाव धायमदु थ्वस पेता धायमदु छुधालसा अतिकोमल माहासुखी छयाव चोनह

१४२

छन गनपिहावने मनह थर्थीडह गथे पर्वत गएकाव यने हतं लजेस अनेग वनजन्तुया भयदव हनं छजुईव
माहापद्म सुन्दरी जुयाव चोनह छसुनान खनमा हरन यानाव यनिव जिजुल थर्थीडज्याथ थ्वयलस छव जिव
वायमाली भोसुन्दरी हनं लैस खुयामय दव सिंघज्याथ नाना वनजन्तुया भयदव हनं छन्याय फईवप्रखु भो-
खि गोमयजु थ्वसन छवय धायमतेव छन मामबुवाया मेवायानाव चोव जिधालसा पिला च्यालाया ख्याल
जिआमा जुल छनके अथेन निला पिला धयागुली निघौलि वनथे तत्कारन वनिव हतास चायमुम्वाल जिजु-
लसा छेस गथेजुल मजुल विचार यानाव वय जिन ननान छनगु ख्याल खलवय जिगुआमा छजुल छनके भो-
सुन्दरी थ्वसन छन आमथे धायमसव आव जिन धयाथे मामबुवाया स्वया यानाव चोवधकं धयाव थ्वस थव
पुरुषया आज्ञान्यनाव गोमयजुन धाल भोप्रभु जिगुली विनती नेसेविज्याहुने छुधालमा छलपोल मदएकाव वा
बुली सुधात जिगुली प्रान लेखिवमखु भोप्रभु छलपोलया छेस धनसम्पत्ती मदतमान छलपोलसेन छुनल उगु-
लि जिन नयाव चोने छलपोल द्यान लातमा जिन द्यानलात छलपोलया छुगती जुल उगुली गती जिजु
ल छलपोलया सुखन जिगुख छलपोलयादुखन जिदुख भोखामि लसखुधातया वनजन्तुया भयदुधकं आज्ञाद-
स्य विज्यात छलपोलदतनाम छुयाभए पर्वतगयमालसा चिकुसा तातोसा पसनधालसा पित्यातसा प्यासचाल-
सा थ्वसप्याता जुलसा छलपोलनापंवने दतसा जिमाहासुखजुल भोप्रभु थ्वसन जियानाव तकेधायमते जिद-

स्वस्था
१४३

तसा छलपोलया सुखजुईव छलपोलस्यन जिवानाव तष्केधालसा थु लीप्रान तस्कारन मोचके निश्चयन सित-
साम्बातसा छलपोललिस्वयव धकंधयाव थ्वत्यथवास्त्रि ग्वययजुया वचनन्यनाव शिवसर्मान धाल भोप्रानप्रिय
छनआमथे हथ्यायानाव छिनछुधाय आवन मामबुवायाकेनी विदाकाव धकंधयाव थ्वत्यथव पुरुषया आज्ञाडेना-
व ग्वमयजुन गामबुवायाके विदाफोन भं पितामाता आवजिस्वामि वनां वने जितविदाविस्व विज्याहुने धकं
धयाव थ्वत्यथवपुत्रि गोमयजुया वचननेनाव मामबुवानधाल भोपुत्रि गोमयजु छवन्यधायमतेव जिपनीसया का-
पधालसा म्ह्याचधालसा छयावचादत भोपुत्रि गोमयजु छमदतसा थ्वप्रान लेनिवमखुत सुनानजिपनीत लहिना-
वतईव सुनान लखकयाव तोकिव छमदतसा जिअनर्थजुल भोपुत्रि जिपनी ज्याथजिथीव वानावतष्केमतेव ग-
थ्यधालसा चद्रमा मदुगुरात्रिथ्ये जिपनीसया अंधकालजुल भोपुत्रि जिपनी अंधकालयानाव छवनेधायमतेव
गथ्यधालसा श्रीरागचन्द्रव सितामदयाव गथ्यदंशरथ राजान प्राणतोलताव स्वर्गवाशवन अथ्यछमदतसा जि-
पनीधउछि सुधांत प्राणलेनेमदु भोपुत्रि ग्वमयजु आवजिपनीसया वचनडेनाव जिपनीनिह्म स्त्रिपुरुषया सेवाया-
नाव थ्वधनमंपती निदानयानाव दुथ्यप्रथ्यनयाव आनन्दन चोव भोपुत्रि ग्वमयजु छनभालतधालसा पिळाच्या
लाया ख्याल पिलानेला धयागुली घौठिवनथ्ये वनीव गोमयजु थ्वत्यानगीर्तिन जिपनीतोलताव जिपनी अनर्थ-
यानाव छनेधायमत्यव थ्वत्यन जिपनीसया विनतीन्यस्य विज्यायमाल धकं अनेग प्रकार्ण विलापयानाव मि-

१४३

खान पविहायकाव म्ह्याचयाके विनतीयात थ्वत्यपिताया माताया विलाप आज्ञाडेनाव भोपितामाता आमथे
आज्ञादयकस्य विज्यायमत्यव जिनविनतीयाय नेस्य विज्याहुन्य छुधालसा मिसाजातया पुरुषयादिकन धर्ममदु-
गनिमदु कापमचाया पितामाता वाहिकन धर्ममदु गतिमदु भोपिता छलपोलपनी यात जिनस्यनेमालमदु स्य-
नेमालानोपछु अनेग पुरातस्मृति आदिन सिताव विज्याकहा थ्वत्यन जिपुरुष ज्याथजुल लसछु जुलसा सुना-
न वयात क्षयाईव हने थ्वसंसांश म्ह्यायमचा बालसजुतल्ये मामबुवाया छेसचोनीव तवधिकलजुवनामे पुरु-
षया छेमवनीव म्ह्याचमचा ज.तिया मामबुवानापं चोन्यमदु भोपिता मि स्त्राच्याखचिजक चोनाववय जिपनी
नापंथय धकंधयाव थ्वत्यन धन्दाकास्य विज्यायमत्यव आव जित गन्यधायमराव न्नान विदाविस्व विज्याहु-
न्य धकंधयाव विदापोनाव चोन थ्वत्यपुत्रि गोमयजुया भाखाडेनाव मिस्यान पविहायकाव अनेग विलापया-
नाव जिआजन म्ह्याचवोनाव अनेग पदार्थ भोजनयातकाव अनेग वस्त्रपितहयाव निम्हयात वियाव हने भिड
२ वसतन पुनकाव मणी माणीकया तिसानतिथाव फयाथे आदरयानाव अनेग रत्नमणीक हिराआदिन वियाव
अनेग मान्ययासाव निह्मस्त्रिपुरुष डुलिमतयाव धकापिन्यत मामबुवान निह्म स्त्रिपुरुषन लस्वलवन थ्वनली शि-
वभक्तब्राह्मणपनीस्यन दुल्यात सलतावधाल भोडुल्यापनी जिम्हयाचजिलचाभाजुपनी लस्वयाववायो धकंधयाव हने
शिवभक्त ब्राह्मणन जिचाभाजु म्ह्याचया छेवनेधाल भोशिवसर्मा गोमयजु लमोयावहुनी धकंधयाव छपनीस्यन

स्वस्था
१४४

जिपनी लुमनाववायो धकं भयाव थव्यपिताया आज्ञाडेनाव शिवसर्मा गोमयजु थवपनि निह्य स्त्रिपुरुष डुलिन-
कोहावयाव निह्य स्त्रिपुरुषस्यन पितामाताया चरनम भोकपुयाव विदाकयाव डुलिसचेनाव निह्य स्त्रिपुरुषस्यन
पितामाताया चरनम भोकपुयाव विदाकयाव डुलिसदनाव निह्य स्त्रिपुरुष वन थवनली जिचाभाजु म्हायाव गो-
मयजु वनगु खन्यदतले मिखालिमकास्य स्वयावचोन थवनली खन्यमदयाव निह्य स्त्रिपुरुषस्यन शिमागयाव स्व-
यावचोन थथेन स्वयमदयक वनाव वयाचहेनमियाव मिखान स्वविहायकाव हाय २ पुत्रिधकं सिमान चोनाव
विलापयानाव चोन थव्यलस दैवया संगोगन सिमाकचा लव्यनाव सिमान कुतिनवयाव शिवभक्त ब्राम्हणव
सतिनाम ब्राम्हणी पृथ्विस तवशब्दम कुतिनवयाव नवद्वारन हिल्लोयाव मृत्युजुल थव्यलस श्रीमाहादेवया दुत-
पनीवयाव भिगु विमानसतयाव गन्धर्वन मेहायकाव अस्मापनीस्यन च्वाहोलन गायकाव अनेग गितवाद्य-
थातका दिव्यदेह धारनयातकाव कैलासमथनयन थवनली शिवभक्तब्राह्मण सतिनाम ब्राह्मणीन माहादेवया पार्वती-
याके म्यवायानाव पद्ममोक्षलातकाव माहादेवया दरसनयानाव चोनजुल थवनली शिवसर्माब्राम्हण स्वमयजु डुलि-
सदनाव पद्मआनन्दन जनेर खल्लहानाव वन थवनली दुर्गावनान्तस थेनाव वनहलावळळी निलाया लथेनाव ब्र-
मेगवनजन्तु स्वयाव न.२ सिमापलस्वयाव अनेग वृक्षलता स्वयाव भिड २ सरोवरस्वयाव वासय.नाव अनेग मि-
सापलनयाव नानाप्रकारन निह्य स्त्रिपुरुष खल्लहानाव अतीहर्षमाननवन थवनली छन्दुयादिनस माहादुर्गा वनान्त

१४४

स थेनाव रात्रीजुयाव अनशम यात थव्यलस श्रीमाहादेवया डुमरुन वियाश्रापन गोमयजुया हामचोको शिव-
सर्माया हामचोको सामबुवान वियाहवगु धनसम्पत्ती दको रात्रीम खुनखुयाव यन थवनली प्रातकाल जुयाव हे-
लन चायाव स्वतनामें थव २ हस चोनगु तिसामडु मामन वियावहवगु धनसम्पत्ती महु थव स्वयाव हाहाकारन
स्वयाव अनेगन विलाप यानाव गोमयजुन जुलसां दुल्यात सलताव धाल भोदुल्यापनी आव गथेयाय थनिया
दिनस पापिष्ट खुवयाव जिपनीया धन साष्टन खुनखुयाव यन झिजीस त्यानुयाव मिमीर्तिन छपनीसया जिप-
निसया निह्यस्या स्यानाथें हेतवयाव चोन आव गथेयाय धिक्कार जिपनीसया कपाल भोदुल्यापनी आव छप-
नी लुनकावयने दको धनसम्पत्ती फुकं खुनखुमेयन थवनेन आव छपनी लिहाहुनिधकं जिमीमेन नकेसकुत वि-
यमकुत थथिड अभागे जिजुल लुयाय भोदुल्यापनी जिमाम बुवायाके जिपनीसया भास्वामेवा थेनकिव जिपनी
थनत लस्वयाव थकाधकं कव हनं छलपोल पनीमेन वियाव हयागु धनसम्पत्ती फुकं खुनखुमेयन धकं थवस्व-
कनेमाल हनं जिपनी निह्यसिया स्त्रिपुरुषया भास्वाडेनाव कुसल जुवलाधकं भयाव हळधकं धाव हनंसगिरिनीदा-
न यावधकं विनती यानाव हळधकं धाव हनजिपनी निह्यस्त्रिपुरुष सेन ह्यांकवलाधकं कव भोदुल्यापनी लमस्व-
यावहुनी जिनधाको खँजिमाम बुवायाके थेनकेमाल धकंधयाव थव्य गोमयजुया आज्ञाडेनाव दुल्यातस्यन जु-
लसांधाल माजु आमथें आज्ञादत्तमा जिपनी वनेतेल दुखतायमत्या छळगोल पनीसेन आज्ञादत्तगुखँ छत्तपोल-

स्वस्था
१४५

या मामुवाया ह्वेने जिपनीसेन विनती याय छलपोल हतास चोसे विज्यायमत्यव लंसस्वयाव बुलुहुन विज्या
हुनेधकं निहास्त्रिपुरुषया चरनस भोकपुयाव वेदाकयाव च्याह्मदुल्यात थुगुळीथाम तोलताव लिहावळ धकं का-
तिरकुमारन अगस्त्यमुनी यात कनाव विज्यातगुखं नैभिसारन्य वनस सुतन सौनकादी चयच्यादोल ऋषिप-
निष्टकनाव विज्यात इतिश्री स्कंदपुराणे माघगाहात्मे केदार खन्डे दुल्यापनी लिछोगुखं सप्तविंशो ध्याय ॥२७॥
अगस्त्यउवाच ॥ हनं अगस्त्यमुनिन जुलसां कार्तिक कुमारया ख्वालस्वयाव लाहात निपां जोजलपाव विनती-
यात भोकुमार छलपोलया कृपान शिवसर्मा गोमयजुया खुत्रंगुखं दुल्यापनी वेदाकयाव लिहावनधकं छल-
पोलसेन आज्ञादणकस्य विज्याकगुखं जिपनीसेन हेनेथुन अथेन जिचीतस सन्देहदनी गथेधालसा शिवसर्मा
गोमयजु थनली गथेजुल थवखं विस्तारन जितकसे विज्याहुनेधकं विनतीयासेलि थन कार्तिक कुमारन आ-
ज्ञादणकल स्कंदउवाच ॥ हेगअस्त्यमुनी न्यवधकं थनली गोमयजुन जुलसां अनेग विलाप यानाव अनेक दु-
ख कष्टनयाव वन वनहिळाव पर्वतन थाहा कोहा वनाव निहास्त्रिपुरुष सेन अती दुखिजुयाव हिलिनाव सि-
साफल जक आहारा यानाव गाहाकष्ट नयाव थनली छन्दुया दिनस माहाउच्च धाय ताजायाव चोड पर्वत था-
वनाव चोन थथेनकाव झुकाळ जक तयाव अथेचोन थवेल्स गोमयजुन धाल भोप्रभु न्यस्य विज्याहुने जि-

१४५

अती पित्यात प्याम चाल गनकयाव लखभती त्वनकिव हनं जिगभेनि जुयाव चोन न्यासीवने असामर्थ जुल
आवथपर्वतन कोहावने मफुत पित्याक प्यामचावन पिदलपाव तलधकं धयाव पर्वतया चोस ग्वल २ तुळाव
नाग नागिनीन स्वासतयाथे झुकाळ जक तयाव अथे ग्वलतुलाव चोन थनली शिवसर्मान जुलसां गोमय-
जु ग्वलतुलाव चोन खनाव आव गथेचाय धकं मनस चिन्तना यानाव चोन आव लुनके लख गनकयाव त्व-
नके थपर्वतस जुल सिमा स्वानमदु वृक्षलता सदु लखमदु थवजुल थथीडज्याथ आव गथेयाय विषेसन प्वाथ-
सदुह्य थथीडह्य गथे मनकसेपने जिजुईव नकेधाय धालसा छतांमदु माहाअनर्थ जुल धकं शिवसर्मा ब्राह्मणया
माहाधन्दा कयाव थवकलातया ह्यम पचिपची यानाव शिवसर्मा ब्राह्मणन धाल भोप्रभु गोमयजु थथीड पर्वत-
या चोम गथे आमथे चोना थथीड थायस गन लखदईव गन अन्नप्रान दईव थवत्यन बुलुहुन कोहा वनेनुयो
लख सिसाफल कन्दमुल कनेदईव थथीडथाम फयसवयाव चोनथास लुदईव भोप्रानप्रिय झिजीमया छे तापा-
तमखुत बुलुहुन वनेनुयो धकं भोप्रिय दाव थथीगु फयेसवगुयायस आमथे चोनेमते धकंधयाव थवत्य पुरुषसया
आज्ञान्यनाव गोमयजुन जुलसां माहाधिर्न यानाव बुलुहुन कथेनकाव चोन थनली पर्वत कस हिळाव सिसा-
फल नयाव तृप्तीजुणकाव लखतोनाव थाम २ दिनाव शिवसर्माया छेथेनकल वन थनली थवळेस थेनाव झाव
दिनाव जवस्व सोयाव चोन थशिवसर्मा ब्राह्मणया छेगथिड धालसा ह्वेने हत्तरवन लिवने कलिलवन दथु-

स्वस्था
१४६

समुद्रजल खरनदयकाव दुस्वतन पलिनचिनाव तैतखाळे गथिपु भेतखाळेवाल्मा मात्वा पिस्वानजक गयावचोन
न्यतजक लायावतया थवथायसजुल चन्द्रजोति नगर्या वगहिसिं दयावचोन थवशिवसर्मा ब्राह्मणया छेखनाव गोम-
यजुन जुलमा अनेगविलापयानाव गिस्वानखविहायकाव क्षयाहवालस्वयाव मनशअतिविलापयानाव थनगवमयजुन
शिबसर्माभाक्तियानाव हुयाय जिगुमसवलधकं मनसभालपाव दुश्यप्रथ्यनयाव थवपुरुसयास्यवायानावचोन थवन
लीछन्हुया दिनसज्पाथ शिवसर्मान गवमयजुया ह्वेनेधाल भोब्राह्मणी आवजिन गिक्षाफोनवने छेसनिदानयानाव
चोव गथ्यधालसा जिल्हातिस खर्चयायत वस्तुक लुखुनुदुगुमखु मेयथासवईया आसादुगुमखु छेयाआसादुगुमखु
हुवस्तुनयाव भुक्तमानयाय धकं भोप्रिय हने छनगर्भस वालवदयाव चोन थथेमचावुलसा गथ्ययाय थवत्यन आ-
वबुला च्याला लखाचिगेयात वुयवसानहनेयात खर्चलुमदु हुगाय भोप्रियझिजीस थर्थीड दग्दिजुयाव चोन थय-
तया निर्मर्तिन जिवनेत्यल पिदाविहुने छनसरिस भिनक निदानयानाव छेमभिनक विचारयानाव चोवधकं
धयाव थवत्यय पुरुषयावचन डेनाव गवमयजुनधाल भोप्रभुन्यस्य विज्याहुने जिथथीड देसया बाहिरिस वाना-
वतयव छलपोल गिक्षाफोनवन धकं आझादयकल जिसरिरजुय थर्थीड छेसधालसा धनसंपत्तीदुगुमखु किसि-
वासिमदु थर्थीड थानस जिगुनयाव चोने सुयाभरसान चोने थवत्यन विज्याय धकं धायमत्यव खुलापो च्या-
लालखाचि व्ययातवयवसा हनेयातमदु सामडुजिव थायस जजमान पनीस्के फोनावतोरययाय छलनजक वा-

१४६

नावतय धायमत्यव हुशेनयाव थवचन्द्रजोती नगरस जजमानपनीस्के गिक्षाफोनाव तरेयाय विस्वखन छलपोल
ज्याथजुल डायगफुत गिस्वानमहुत हसपोतनमताल थर्थीडह गथोपरदेससं गिक्षाफोनवने भोप्रभु थवत्यन जिगुली
चिनती यनाव जितदया प्रमंन्नजुयाव जितरुपायानाव विज्यायमाल छलपोलजक विज्यायमत्यव थन थर्थीड दे-
सया बाहिरिस गथ्यजियाकतन चोने सुनान जिसरक्षायाईव सुयाभरसान चोने छेमधालसा अन्नखुनुमदु भोम्वा-
मि सहश्रकोटि नमस्कार जिगुली चिनतीनेस्य विज्याहुने धकं विज्याजक धायमत्यव हने फोनमवन्य धालसा
द्यानळान सुनान जित विलवयुव धकं शिवसर्माया तुतिनिपाम भोकपुयाव गिस्वान खविहायकाव घसघन पु-
नाव अनेगप्रवारन विलापयानाव चिनतीयात थुगुलीप्रकास धास्यनी शिवसर्मा वुझयमजुयाव हने गवमयजुया
ह्वेनेधाल भे प्र नप्रिय छनआमथ्य धायमत्यव पंचयाके लोयकेमाल जिजुलमा लडिवाछिया ख्यालजक छनम-
स हतासचयमत्यव छनाअमथ्य खयाव जिगन्यधायमत्यव हुयाय थर्थीड दग्दिझिजीस भोप्रि गवमयजु हने
छन नयमदनमा थवचन्द्रजोती नगर्या प्यह्याह्या जजमान झिजीमदव थोपनीस्के गिक्षाफोनावनव जिनननान
लिहावय छनधन्दाकायमत्यव आव जिवनेत्यल छनसरिभिनक निदानयानाव जिमदुधकं खयाव नस्यमानस्य
जुयमत्यव नायाखमखु धकं गवमयजुयात फयाथ्यवोध वियाव कोनलपाव हने खुलापोचियात वयवसानदयके
आत मनसभालपाव शिवसर्मा ब्राह्मण प्रदेससं गिक्षाफोने धकं पिहावनजुल थवनली देसहिलाव वन्यसाहितु-

स्वस्था
१४७

हिलाव माहाकृष्णयाव भिक्षाफोनाव जुल थनली छुहुया दिनस देसछगुलिखनाव थवशिवसर्मा ब्राह्मणजु-
लसा तागिडभु डायवझायाव बन व्यलस छगुलिस्थानस देसछगुलिछल थवदेसया समिपस गङ्गाहानव चोन थव-
गङ्गाया समिपस अत्यन्तन मनोहरयानाव आश्रमछगुली दयाव थवआश्रमस ज्याथ जिथीनिह वसलपाव चो-
न थवथायस अनेग सिसारवान वृक्षलतादयाव ना २ खानहोयाव चोन अनेग सिशाफल शयावचोन थर्थीगु
मनोहरस्थानस थवशिवशर्मान खनाव अतिरसतायाव थवथायश थेनकलवनाव गङ्गास मोललहुयाव मालको सं-
ध्यातर्पन धुनकाव देगुलियाय धकं ननसभालपाव ज्याथजिथी चोनथास आश्रमशवनाव सिमागयाव स्वानथो-
यधकं थाहावन थवव्यलम दैवयासंयोगन सिमाकचा लवेनाव थवव्यलस थवशिवसर्मा ब्राह्मणजुलसा नवद्वारन
हिलहोयाव मृत्युजुयाव जन्मद्वारन थवव्यलस श्रीमाहादेव थवरूपजुयाव कैलासथाहा विज्यात थवव्यलस श्री-
पार्वतीन खनाव कमण्डलुजोनाव तुतिचायकाव दुहाविज्यात थवव्यलस श्रीमाहादेवया खालखयाव मुसुहुनहि-
लाव धाल भोस्वामि पुरुषधयापी पापिखव छानधालसा बफरा गोमयजुयात छलवलकरयानाव थर्थीगु वनस ए-
कान्तस वानाथकल आव जिलुममातिनी विज्यात बांलाकहा स्त्रिखनाव जितन लोलमनलाव चोन आव थथी-
ह गोमयजु सुखसंचोनह वनसवानावतल आव लुयानाव नईव धकं पार्वतीन विनतीयात थवस पार्वतीया भा-
खाडेनाव श्रीम हादेवन आज्ञादयकल स्वयंकधयापित पापनयायमाल धमनयायमाल आवलिपातस सुखिजईव

१४७

तिनी छन धन्दाकाए मुम्बार थनली गोमयजुन अनेग विलाप यानाव हाएकष्टधकं खोयाव अनेग दुखती-
यावचोन थनली खुलापेला दयाव नन थवज्याथ शिवसर्मा लिहा मवयाव थवगोमयजुन अनेग कष्ट नयाव चद्र-
जोति नगरस जजमान पनिस्के भिक्षाफोनाव गुली ब्राह्मणया कर्म यायमात उगुली कर्म मर्जातथें यानाव चो-
न थनली पिलाचाला संपुण जुयाव सेंलि मचावुल गथिडहा वालख धालसा अत्यन्तन सुन्दरह वतीसलसनन
संयुक्त समस्त राजलसनन संधुक यानाव चोन थथिडहा पुत्रजात जुव खराव मनस अती आनन्द यानाव म-
र्जातथें खुन्दुया खष्टिगाजात यानाव विष्णुयान मतछोय काव झितुन बेतकाव भिमन्यनुखुनु चन्द्रजोति नगर-
स जोतिक ब्राह्मण पती वोनकल छोयाव नामकर्ण यातकाव थन जोतिक ब्राह्मणन आज्ञादएकाव भोब्राह्मणी
थववालखया नामजुल नवराजधकं प्रख्याति जुयुव भोब्राह्मणी हने थमचाया जातक फलस तव नम्पत्ती पद-
वि लायुवधकं चोन लुभलसा थववालख हयपुम्ता थकाईसधकं हने छन माहापुस सिवकाव अती मान्यया-
नाव तयुव थववालखने तवसम्पत्ती थुलाव राजातुं जुयफव गथेभालसा थया अङ्गस राजाजुयुग चिह्नदयाव
चोनधकं जोतिक ब्राह्मणन आज्ञादएकल थवल जोतिक ब्राह्मणया भाखान्यनाव मनस अती आनन्द यानाव
जजमान पनिस्के फोनाव तयादामने फयाथें ताल लातकाव दुथेंफुथें भोजन यातकाव थमन फयाथें दक्षिणा
वियाव बेरावियाव विज्यातकल थनली गोमयजुन जुलमां थववालख माहाविदानं लहिनाव चोन जजमान प-

स्वस्था
१४८

निस्के फोनाव कपास फेज्या कयानं दुथेंफुथें नयाव श्ववाळख लहिनाव चोन श्वनली श्वनवराज मालख जुलमां
शुक्लपक्षया चन्द्रमा जावथें तवधिकल जुयाव वल हनं भती भती हितल जुयाव थयेन नवराज ब्राह्मणया बु-
वाज्यु लिहा मवयाव गोमयजुन जजमान पनिसके भिक्षाफोनाव नवराज ब्राह्मण यात प्रतिपाल यानावतल हनं
गोमयजुन कपास फेज्याकयाव वजिलहुज्या जुयान जजमानपनिसके फोनानं दुथेंफुथें सामाग्री ताल लातकाव
पेलास फलप्रासना यातकल हेलास अन्नप्रासना यातकल पिदास चूदाकर्म यानाव हूमपनन प्वालखन हेदसत्र-
तवन्ध यानाव जोनाविल गायत्रिवियाव विद्यामेनके छोट थन नवराज ब्राह्मण मचाविद्यान संपुर्ण जुयावगुली
ब्राह्मणया कर्ममालको उगुली समस्त धुनकाव वन श्वनली छनुया दिनस नवराज ब्राह्मण विद्यामेनाव वळ गो-
मयजुन मधी लुनाव चोन श्ववेलस नवराज ब्राह्मणन जुलमां कोचप्वालन सोयाववाल भोसापधकं जिविया
सास्त्रमेनाव वयधुन विद्यामास्त्रन संपुर्णजुल भोमाता छलपोल पत्यार मजुलसा आमछिलुनाव तयागुमधी थु-
लि दुधकं जिनधायफु धकंधयाव श्वत्य गोमयजुन थवकायया भाखान्यनाव भोपुत्र आसा थोमधि गोपादु धा-
वधकं धयाव श्वत्य नवराजनं जुलमां मामया भाखाडेनाव वाल भोमाना आम मधी खुपादु खवलाधकं धयाव
श्वत्य गामन जुलमां जिकाय जोतिक सलधकं मनम अती हर्षमान यानाव ह्यतिनोपा स्वषा ईनावनल श्वत्य धु-
नकाव गायत्री गुली ब्राह्मणया कर्ममाल उगुली समस्त धुनकाव फयाथें दुखमियाव नवराजया खालखयाव दु-

१४८

ख समस्तन तनकाव निहमाचा माहाआनन्दनचोन श्वनली श्वनवराज ब्राह्मणया समस्त विद्यान संयुक्त जुयाव
अनेग थुगणादी कथा वेदादी सल विद्यामयाव जजमान पनी खुसीजुयाव थिथी साहुती यानाव झिजीपनी खु-
मिजुयधुन आव श्वयात ईहिपाल याय अवसर जुल श्वत्यन सागाग्री गथे दएके माल समस्त आज्ञादस्य वि-
ज्याने धकंधयाव श्वत्य जजमान पनीसया भाखाडेनाव गोमयजुन जुलमां धाल भोभाजुपनी न्यस्यदिसं लु-
धानसा जिकायया विशाहार खडाव जिगुमनस अती खुमिजुल आव छिसकल पनिसेन जुलमां ईहिपाल याय
वेलजुलधकं ओजन दएकल छिसकलया दयान हिन छपोल अन्नलातकाव चोना हनं छेस धायसा थथीडभि-
तखाळे सुनान जिकाययात ह्यायमचा सुनान विथीव सुयाभरमान याय सुनान विचाल याईव छेस धालसा
नययात नसादुगु मखु हनं मचाया बुवाजु दुगुमखु हनं सम्पत्ती दुगुमखु भोजजमान पनी जिजां आमा छिस-
कलपनी सेन श्वमचायात गथे विशाहार जुल अथेयाना दिसं जिन लुधाय आसा भरसा छिसकलधकं भोभा-
जुपनी हनं ईहिपालजा छिसकल पनीसेन यानाव विधुव लिपानम जिन लुनकाय सुनानजिपनीस उधारया-
नाव तईव जिपनीसया थथीड अवस्थानधके मिखान खोविहायकाव जजमान पनिसके चिनतीयानाव धाल
श्वत्य गोमयजुया भाखाडेनाव अती करुनाचायाव जजमान पनीसेन धाल भोब्राह्मणी छलपोलन आमथें हतास
चासेविज्याय सतेव जिपनीमदुला मालको सामाग्री जिपनीसेन दएके हनं भिनका छेदएकाव विय भोब्राह्मणी डेसे

स्वस्था
१४९

विज्याहुन्य छलपोलया भालिच जुयुवम्ह जिमिस्यन स्वयावतयधुन श्वतोपज्ञ मुन्दरिजुयाव चोन वरनापुधयाना
मनारसभ्रांती व नीवृम्हणया पुत्रिचन्द्रावतीधयाह्य छलपालेयाकाणयाव कन्यादानवियनिश्चयधकं भोगाभयजु
नकावतयमालमा तियकावतयमालमा जिपनीस्यततय छनहतासचाम्य विज्यायमायव थत्यनमालको सामाग्री
आज्ञादस्य विज्याहुन्य धकं धयाव थत्य जजमानपनीसया मधुरवाके नेनावपनम अतिहर्षमानयानाव ग्वमयजु
नधाल भोजनमानभाजुपनीधन्यरछिस्कलपनीस्यन जिखनाव टवधडयादतधन्यर धयाछिस्कलपनीधकंमनसंअति
आनन्द यानावमालको सामाग्रीसमष्ट थत्यमालधकं कनावविल थवनली जजमानपनीस्यन थिथीसाहुतीयानाव
ग्वमयजुन धाकोमयस्त सामाग्रिताल लातकाव ग्वमयजुया ह्वेनेतयावविल थवनली ग्वमयजुनथवथिथी हातानाता
पनीवोनकलछोयाव हनं गुरुप्रोहितपनी वोनकल छोयाव जग्यया सामाग्रीदणका जग्ययातकाव नवराज ब्रा
ह्मणयात वरुनापु धयानाम नगरस अग्नीस्वामि धयानाम ब्राह्मणया पुत्रिचन्द्रावती कन्यादान विल थवनली
जजमान पनीस्यन प्यह्मन्याह्वन पुजायानाव दक्षिनावियाव भोजनयातकाव छोन हनं गुरुप्रोहितन ब्राह्मणपनी
स्यन जग्यसंपुर्णयातकाव पुजायानाव दक्षिनावियाव भोजनयातकाव विज्यातकल थवनली ब्राह्मणपनीस्यन
नवराज ब्राह्मणयात आशिरवाद बियाव थवले लिहावन थवनली थवथिथी हातानातापनीष्ट भोजनयातकाव वि
दावियाव छोन थवनली ग्वमयजु नवराज चन्द्रावती थवपानिस्वहा चोन थामवनाव जजमान पनीस्यन ग्वमय-

१४९

जुयाके विदाकयाव छेमलिहावन थवनली जजमान पनीसया कृपान ईहिपाल लातकाव पञ्चआनन्दन चन्द्रावती
ब्रम्हणीव ह्दामोग यानाव दुध्यपुथ्य स्वगमावाया नयाव मामग्वमयजुया स्यवायानाव ताकाल प्रज्यतथुली
प्रकारन कालहनाव चोनछल थवनली छन्दुयादिनस नवराज ब्राह्मणमचान मामग्वमयजुया ह्वेनेवनाव धाल
भोगातान्यस्य विज्याहुन्य जिह्मितलवना व्यलस चन्द्रजोती नगरया प्राभापनीस्यन वजुपुम्ह सचावल धकं जि
तधाल थवव्यलस जिन अथथथ्यवाय मफयाव थवत्यन जिबुवाजुगन विज्यात दनिलामन्तला गनवन गनचो
न थवस्वममन्त विस्तारन आज्ञादयकस्य विज्याहुन्य धकं धयाव थालपुत्रनगरजया भाखाडेनाव थनग्वमयजु
न धाल भोगुत्रनवरज न्यव छनवुवाया खकनेडेव छप्वाथस चोन व्यलस खुलाप्यला स्ववयाय वयवमान स्वा
यनचस्तुगदयाव परदेशी भिक्षापोन वनेधकं वनह्य छथपाणधिकलजुल आवतले लिहामवनी मितल म्वातला
गनवन गनचोन थवस्वजिनगसिया भोगुत्र धकं धयाव थवत्यमाम ग्वमयजुया वचनडेनाव नवराज ब्राह्मणन धा
ल भोगाता ब्रावथथ्यजुलसा जिन बुवायाउपरस जिथविनम्ह काणमवादयाव बुवाया विचारयाय मुम्वालला
भोगाता आविजिन भिक्षा कानवनम्ह जिबुवा खजयायतवने लेस भेगक निदानयाव थवसरि भिनक निदानया
नाव चोव आरजित विदासिस् विज्याहुन्य धकं धयाव थवत्यनगरजया वचनडेनाव ग्वमयजुन धाल भोगुत्रन
वरज जिखनव छनआमथ्य धायमत्यव छनवुवामदुया दुखसगस्त छनखाल स्वयाव तनकावचोना जि जिवया

स्वस्था
१५०

आधारल छन्दत छमदतसा छनबुधमदु ध्यान छमदतसा जिपनीसया लुअवस्ताजुयुव हनं छमदतसा चन्द्रमा-
मदुगु रात्रिथ्य सिमुयाववनीव छनकलात चन्द्रावती चोनिवमसु ध्वत्य निमीर्तिन छवनेधायमत्यव धकंधयाव
ध्वत्य गोमयजु मामया आज्ञाडेनाव नवराजन धाल भोमाता आमथेधयमतव छानधालसा काणमचा जुयाव बु-
वामदु विचारमयातसा नकर्त्रामजुईव विचारयातसा स्वर्गवाससं वनेदईव ध्वत्यन आवतले सिक स्वाकया वि-
चारयाय मुम्बालला भोमाता सितशा कोचखुनु विचारयानाव वय म्वाताव चोनन जिवनापं बोनावदय भो-
माता ध्वत्य निमीर्तिन जिगन्धधायमत्यव जित आसिस्त्रवियाव आज्ञादस्य विज्याहुन्य छलपोल हतासचास्य
विज्यायमुम्बाल धकं दुश्यपुश्यनयाव भालिचाया खालखयव मनस आनन्दयानाव चोवधकं धयाव ध्वत्यपुत्रन-
वराजया भास्त्राडेनाव गोमयजुन धाल भोपुत्रनवराज धन्य २ छनबुवाया उपदेसवने धकं धालनास जिन ग-
न्यमखुधकं धयाव थनगोमयजुन नवराजया कषलस रहात तयाव मुलेमंफेकतुतकाव गोमयजुन आज्ञादयकल
भोपुत्रनवराज छवन्यतनागु काज्यननानं मिळजुयमाल धकं हनं लसनिर्विधजुयमाल छनबुवाजुया वातमितसा
म्वातसा तत्कारन लुयमालधकं नवराजया मोदसंरहातयाव दर्पस्वविहायकाव आसिर्वादवियाव मोदमल्हातीन
पितुपियाव घसपुनाव विदाविल ध्वनली नवराज ब्राम्हणचान मामयाचरनस भोकपुयाव थवकलात चन्द्राव-
ती कोतलपाव विदाकयाव बुवाजुया उपदेशवन्यधकं प्रस्थानयानाव सुवेलास पिहावन धकं कार्तिककुमारन

१५०

अगस्त्यमुनी यात कनाव विज्याकगुख नैमिसारन्य वनस सुतन सौनहादी चयन्याशैल ऋषिपनीष्ट कनाव वि-
ज्यात इतिश्री स्कन्दपुराणे साधमाहात्मे केदारखण्डे नवराज प्रस्थान अष्टाविंशो ध्याय ॥२८॥ अगस्त्यउवाच हनपुन-
र्वाद कार्तिक कुमारया खालखयाव विनतीयात भोकार्तिक कुमार छलपोलया कृान नाराज ब्राह्मणया वि-
वाहार जुवगुख डेनेधुन ध्वतेन जिचीत्त सन्तोख मजुवनी हनं बुवाया उपदेशस वनधकं आज्ञादएकल ध्वत्य
विस्तारयानाव जित कस्य विज्याहुने धकं अगस्त्य मुनिश्चरन विनतीयाकगु खयाव कार्तिक कुमारन आज्ञाद-
एकल स्कन्दउवाच ॥ हेअगस्त्यमुनी ध्वनली गोमयजुन भालचाव निहस्यन जजमान पनिस्के फोनाव कपाम
फेज्याकयाव वजिलहुज्या जुयाव ना २ प्रकारन दुखमियाव आद्वारा जक मत्र लातकाव तत्कारदत ताकारद-
स्यली नवराज ब्राह्मण लिहामवथाव चन्द्रावती भलिचान विचाल यानाव चेन ध्वनली भलिचानधाल भोमाजु
जिथळे सवनागु ताकारदत मामबुवा कुसल जुवळामजुवला भतिविचार यानाव वय थनवोनेधालसा कपाम फे-
ज्याकया ननी नयला बखसमदु वखनिदयकेळा लुयाय फोनाव नयान ग्वलत निस्तारजुईव ध्वत्यया निमीर्तिन
आव जिथळे भतिनीवने वेनाविमे विज्याहुने छलपोलया सरिर निदानयानाव छेम भितक निदानयानाव छल-
पोलया काण लिहा विज्यातधालमा जित सलतके दिवधकं धाल भालन मदुवान काणनपांमदु ध्यान भालिचा
नपांमदु थथोन्यागु अभाभिखनी जिवकं लुयाय पुर्वजन्मस यानाप पनं थुगुली जन्मसजा जिन लुपाय याना-

२५

स्वस्था
१५१

मदु हाहा देवन गथिन कष्टनकाव तलधकं देवसमान वलवन्त मेवमदु हनं जिवालख वेरस जगदीश्वर श्रीमाहा-
देवया डमरुन विद्याश्राप आव थुगुलीश्राप भोगयायमाळ धिकार जिगुजनम पुरुषलातनं ज्याथल्ले छेधालसा थथिडमी
खाळे थथिडमाहादरिद्र मचातवेलनमी दुखसियाव आवतले थथिडकष्ट नयाव चोनेमाल धिकारधाय जिगुजनम भोई-
श्वर जिथथिड अवस्थान यागमतेव रक्षायाणा विज्यायल्ल भोश्रीमाहादेव मुखुनु भिक्षुक भेषजुयाव जिकेभिक्षाफोन
विज्यात उखुनु छलपोल धकं जिनमसियाव तवधड अपराध जितकेन आव थुगुली अपराध क्षमायाणाव वि-
ज्यायमाळ भोसशिमेस्वर छलपोलया चरनम कोटि २ नमस्कार भोईश्वर कासा जिगुती प्राणकामे विज्यायमा-
ल आमा जितउद्धर यास विज्याहुनेधकं मिखान खोविहाएकाव थमथें थमन विर्ज यानाव याकचान हाताव
चोन हनं वजिलहुज्या जुयाव कपाम फेज्याकयाव जजमान पानिस्के फोनाव प्राणजक रक्षायाणाव अतिमाहाक-
ष्ट नयाव चोनजुल थन नवराज ब्राह्मणनं बुवा शिवसर्मा विचालयाणाव जुल देश २ पति डेनाव जुल सुनान
खनायाव मदु हनं वनपती झालपती कथन थोल पियकं गालजुल थथमाला जुमान गनलुएके मफयाव अती
विलाप यानाव मिखान खोवि हाएकाव हाय २ पिताधकं खोयाव हनं थमथे थमन विर्जयाणाव खोजय याणा
जुल थवेरलस गङ्गाया तिरस येन थवथायम देशछुली दयाव चोन थवदेशया समिपस गङ्गाह्याणाव चोन थव
गङ्गाया समिपस आश्रम छुली दयाव थवआश्रमस ज्याथ जिथीब्राह्मण निह्न स्त्रिपुरुष वसलपाव चोन थव-

१५१

१५

१०

५

थायजुल माहामनोहर स्थान जुयाव चोन थवस्वयाव नवराज ब्राह्मण थुगुली आश्रम थेनकल वनाव ज्याथ
जिथीया ह्वेनेवाळ भोवृद्धबुद्धि छलपोलपनी सुजुईव नामलु लुनिमीर्तिन तपस्या याणाव विज्यानाधकं धयाव
थवत्यन नवराजया भाखाडेनाव वृद्धब्राह्मण पानिसेनधातु भोवालख न्यव जिपनी जुलसां ब्राह्मण लुनिमीर्तिन
थन चोनाधालसा थवगङ्गास हिनछपोल स्नान याणाव थवगालको नित्यकर्म धुनकाव गायत्री जपयाणाव थव-
गङ्गातिरस प्रानत्याग यायधकं मनस भालपाव थन चोना भोगाहापुरुष जिपनीयावार्ता युका छसुजुय सुखव गनन
वया नामलु लुकारण थन वया समस्त वृत्तान्त धावधकं धयाव थवस ज्याथ ब्राह्मणया आजाडेनाव नवराजब्रा-
ह्मणनं धाल भोवृद्ध ब्राह्मण न्यस्य विज्याहुने जिगुनाम जुलसां नवराज ब्राह्मणधकं जिगुती वार्ताकने न्यमे वि-
ज्याहुने भोआवाजु मेवताधकं जिथन वयामखु लुधालसा थुगुली लून खुत्तापीला लखवयायत वयवमान या-
यत वस्तुमालव वद्ध शिवसर्मा धयाणाव ज्याथ ब्राह्मण छम छपोलपनी सेन खडळा खँसा सिकोताको आज्ञा-
दएकसे विज्याहुने थवसया निमीर्तिन जिथनवयाधकं धयाव थवस नराजया भाखान्यनाव ज्याथ ब्राह्मणनं धा-
ल भोनवराज न्यव छन्हुया दिनस खुलापोला लखवयायत भिक्षाफोनव वद्ध ब्राह्मण छम जिनखनाखे भोन-
वराज थवयलस जिथान याणाव चोना थथ्यचोना वेरस थवशिवसर्मा ब्राह्मण थवथायम थेनकल वयाव गङ्गा
स स्नान याणाव स्नान धुनकाव देगुलीयायत हुँहुँ मिगाम स्नानथोयाव चोन थवेरलस देवया संयोगन मिमा

०

५

१०

१५

२०

२५

३०

३५

४०

स्वस्था
१५२

कचान कहिलव कुतिन वन श्वव्यलम म्हुतुन हिलहोयाव मिमाकोम म्हुतुजुल भो नवराज आवतले
कचया दवनि स्व म्हुनि धकं सिमाकोस केनावछोत थनली नवराज ब्राह्मणन सिमाया कोस वनाव
स्वत नास्य कोचजक केनाव हाय २ पिता धकं विलाप यानाव कोचदको मुनाव अनेग विलाप
यात हाय २ पिता जिगुली निमीर्निन भिक्षाफोने धकं विज्यानाव थर्थीड वनान्तम म्हुतु म्हुतुजुयाव चोना
धकं हाय २ पिता जिगुखाळपस्वस्य छलपोलजक गनचोन विज्यानाव धकं हाय २ पिता जिमामन आवथुगुळी
वातगिनाव गथेप्रानधरलपाव चोनीव लुधकं जिनकने लुधकं बोधवियावतय धकं हाय २ पिता जितोलताव
जितदरसनमविय छलपोलजकत्तनजक गनाविज्याना धकं नानामाथन विलापयानाव बुवाया अष्टिदको गोलमु-
नाव गङ्गाया समिपस वनाव थमथेमन धिर्ज्यानाव अभिसस्कारयात थनली सालकोक्रियाकर्म दसापिन्ड आ-
दिन्थयाव प्यह्यब्राह्मण परदेसिब्राह्मण बोनाव पुजायानाव थमनफको दक्षिणावियाव भोजनयातकाव शुद्धयानाव
चोन थव्यथुनकाव थननवराज ब्राह्मणन मनस भालपाव आवगनवन्य गनचोनेधकं मनस भालपाव धनदण-
के आशान छेवनेधालसा धनसंपतिमदु लुख्वालन छेवनेआवलुयाय धकं मनस भालपाव धनदणके आसान ग-
ङ्गाया समिपस चोनदेससं दुहावनाव माहाकष्टन राजायाके स्ववायानाव चोनधकं थव्यखअनयाजुल थनली
हनं रवमयजुन अतिकष्टनयाव माहादुखसियाव जजमानपनीस्के भिक्षाफोनाव छिनछपोलजक अन्नलातकाव

१५२

चोनाधकं धयाव हेईश्वर जिउधारयायतेल जिगुलदुख हानान समुद्रथयिं समुद्रन दयकाव जितहोनकाव जि-
तयावतल छलपोलस्यन जितरक्षायास्य विज्यायमाल भो श्रीमाहादेव छलपोलया चरनसकोटि २ नमस्कार ध-
कं हनं जिकाए नवराजवबुया उपदेशवनह्य ननानथेनकाव जितहोनकाव प्रसन्नजुस्य विज्यायमाल भोससिधेश्वर
हनंजिन छलपोलयात वारंभार नमस्कार हनं जजमानपनीस्के भिक्षाफोनाव प्रानजक रक्षायानाव चोन जिवाल-
खवेलम निस्यदुख सियान आवतले थर्थीड कष्टनयाव चोनेमाल धकंधयाव चोनव्यलम श्रीपार्वतीन श्रीमाहा-
देवया आनन्दमयसं विनतीयात भोस्वामि जगदिश्वर जिनछता विनतीयाय न्यस्याविज्याहुन्य गथेधालसा म-
नुष्यलोकस रवमयजुल अतिदगिद्रजुयाव चोन थव्यनाव जि अतिकरनाचायधुन थवन छलपोलया वलातम-
खुला जिनथव्यात जिनहुयाय धकं विनतीयात थव्य पार्वतीया विनती भाखाडेनाव आमथेयाव धकं आज्ञाद-
यक थव्यलम श्रीपार्वतीन सप्तकृपि वोनकलछोयाव मनुष्यलोक उधारयाय धकं ममनंभालपाव सप्तकृपिश्वरया-
त श्रीस्स्थानी परमेश्वरयागू व्रतयागू परिपातिक कनाव छोयाह्य सप्तकृपिश्वर मक्षमण्डलस छोट थव्यलम
पार्वतीया आज्ञाडेनाव कृपिश्वरन मक्षमण्डलस थेनकल विज्यानाव दुखिदगिद्रपनीष्ट उधारयाय कामुनाम मक्ष-
मण्डलस विज्यानाव रवमयजु चोनथास चन्द्रजोती नगरया बाहिरिसं थेनकल विज्यानाव सप्तकृपिश्वरन सा-
जवाल मचातके यनावविज्यात थोमचात जिपनीमया खभतिन्यव धकं धयाव लुधालसा थव्यचन्द्रजोती नगर-

स्वस्था
१५३

स सुसुदुविद्व सुसुसुदिद्व धकं श्वमस्तजित विस्तारनधाव धकं आज्ञादयकाव श्वत्यसप्त ऋषिश्चरया आज्ञा-
हेनाव शात्रवात्त मचातस्थन धाल भोक्तृपिश्वर न्यस्यविज्याहुन्य श्वचन्द्रजोती नगरसजा सकलैलोकमुखि ध-
नसंपती परिपूर्णजुयाव चोन श्वदेसया वाहिरिमं चोनह ग्वमयजुधयानाम ब्राह्मणी छद्मजक अतितषदग्निध-
याह्य धकं माहादुखया समुद्रमपदलपाव कष्टनयावचोन धकं श्वछद्मजक दुखिद्वधकं धयाव हुकाधकं छेकेन
श्वत्यसाजवात्त मचातया वचन शाखाडेनाव सप्तऋषिश्चरन ग्वमयजुया भेतखाछे थनकलविज्यात लुखाकसचो-
नाव सलताव चोन श्वव्यलम श्वग्वमयजुन तायाव हतासनं वपदनाव भेतखा छेयाखापा खनाव लुखामिपान-
लुखानपिहावयाव स्वतनारय सप्तऋषिश्चर खनाव हतासन कमण्डलुहयाव लुतिचाएकाव चरनस भोकपुयाव भे-
तखाछेस दुहाविज्यात वाव कपातिया आसनमं विद्याव थमहातनिपा हाजोजलपाव ग्वमयजुन विनतीयात
भोस्तऋषि श्वर धन्य २ जिगूभाजनखान जिथीड पापिनियाता दरसनवियाव जित छलपोलस्यन कृपातयाव
विज्यात धन्य २ छलपोलपनी आव जिपनी कृतार्थजुल भोक्तृपिश्वर हुनिमीर्तिन जिपापिनीया छेसविज्यानाध
कं कारनहु धकं जिमनसजा आभर्यभतिजुल धकं समस्तजित विस्तारन आज्ञादयकस्य विज्याहुन्य धकं धया-
व श्वत्यग्वमयजुया वचनभाखाडेनाव सप्तऋषिश्चरन आज्ञादयकल भोब्राह्मणीजु छनएकचित्त यानावनेव धकं
हुनिमीर्तिन जिपनी श्वनवया धालसा ग्वह्यदुखि दरिद्रजुल वहायात उधारथाय धकं जिपनी श्वनवया भोब्राह्मणी

१५३

हनं हेवकासल परमेश्वरि श्रीपारवतिन दनागु धर्मवर्तया ख हनेधकं जिपनी श्वनवयाधकं धयाव श्वत्य सप्तऋषी
या वाक्यनेनाव गोमयजुन धाल भोस्तऋषी धन्य २ छलपोल पनी दुखिद्विद्व खनाव तवधड दयादत धन्य २
जिपनी सया भाजन खडा भोक्तृपिश्वर आमु धर्मव्रत गोहपरेमेश्वरिनदन आमु ईश्वरिया नामहु लुकामनानं शु-
गुली धर्मव्रत दन आमु धर्मव्रतया विधान गथे ३ माल समस्त आज्ञादयकस्य विज्याहुने धकं धयाव श्वत्य गो-
मयजुया भाखाडेनाव सप्तऋषीश्चरनं जुलसां आज्ञादयकल भोब्राह्मणी भिनक शुद्ध चित्तयानाव न्यव गयेधाल-
सा सत्यजुगस हेमालय पर्वतया ह्याच श्रीपारवतिन श्रीमाहादेव पुरुषलाय निमीर्तिन श्वधर्मव्रत यानाव जुल
श्रीस्वस्थानी परमेश्वरधकं भोब्राह्मणी छनएक चित्तयानाव न्यव श्वधर्मव्रतया विधान विधिपूर्वकन समस्त कने-
त्यना ह्यापां पौषशुक्रया पुर्णेनामिखुनु व्रतदने श्वखुनुनिमे नित्य २ मोललहुय एभक्त यानाव ललित श्रीमाहा
देवयात पुजायाय श्वनली संपूर्णजुयाव माघशुक्रया पुर्णेमासीखुनु धलन दन सतछी च्यापात अचित्तमधी दएके
माल सतछी च्यापु जजम्मका दएके सतछी च्यागवद अक्षत दएके सतछी च्याफोल ब्दाफोत स्वान दएके स-
तछी च्यापात ग्वाल दएके सतछी च्याकुत ग्वच दएके सतछी च्याता खान दएके श्वत्य सगुन सहितन दएके
माल श्वनली हनं गङ्गाजल श्रीखण्ड रक्तचन्दन सिंधुर धुपदिप नैवेद पुष्प तान्बुल कस्तुरी पक्कान वस्त्रादी द-
क्षिना थमनफयाको पदार्थ दएकाव पुजायाय श्वनली हनं श्रीस्वस्थानी परमेश्वरयात खोदस उपचारन माहागु

स्वस्था
१५४

चिजुयाव भक्तिसधान संयुक्त जुयाव पुजायाय थवनली हनं बाखन लहाय मेवनकनके मेवमदतसा थमनलहाय
त्यव मेवनन्यव मदत ना फेनाव चोनागु जैगातकने हनं तिगाफेलुकेको लुवस्तुक जुलसां हेवने तयाव बाखन
लहाय थवत्य धुनकाव श्रीस्वस्थानी परमेश्वरयात अर्धविय वस्त्रदक्षिनातय थवत्य धुनकाव फकोजपध्यान तोत्रया
य थवत्य धुनकाव श्रीस्वस्थानी परमेश्वरयाके आसिक फोने थवमननं लुहामुना याना उगुली वरफोनाव श्रीस्व-
स्थानी परमेश्वरयात थवत्य धुनकाव स्वान कोकायाव थव छेवनाव सतली अचितमधी थमन पारनयाय च्या-
पात अचितमधी च्यापुजजंमका च्याग्वद अक्षत च्याफोल द्वाफोलस्वान च्यापात ग्वाल च्याकुत ग्वच थवत्य स-
गुनमहित दण्काव पुरुषयात लवलहाय पुरुष मदतसा काययात लवलहाय कायमदतसा मित्रकाय यात लवलहा-
य मित्रकाय मदतसा थमनं लुहामुना याना उगुली कामुना पुर्णजुयमाल धकं भालपाव नदिस बहल पाव छो-
य भोव्रह्मणी थवेल्स छन मनोरथ पुर्ण जुयुव धकंधयाव थवत्य श्रीस्वस्थानी परमेश्वर या धर्म व्रत
कनेधुन धकं आबछन थुगुली धर्मव्रत दव थवेल्स छन दुखदरिद्र नासजुगाव तवधड पदविलायुव हनं मृत्युजु-
लसा कैलास वासजुयुव भोव्रह्मणी हनं श्रीपार्वतिन श्रीमाहादेव पुरुषलाण निमीर्तिन थुगुली धर्मव्रतदन भो-
व्रह्मणि थवधर्मव्रतया प्रभावत तिनि श्रीमाहादेव पार्वतित पुरुषलात भोव्रह्मणि थवधर्मव्रतया विधी पुर्वकन स-
मस्त कनेधुन भोव्रह्मणि थवम श्रीस्वस्थानी परमेश्वरया धर्मव्रत छन जिव दतले तौलने मतेव थवधर्म व्रतया

१५४

प्रभावत छन मनोरथ परिपुर्ण जुयाव ईहलोकस सुखिजुयाव अन्तकालस कैलास पुरिस वासजुई उगुलीत छन-
त कने गुलित थवमईश्वरया खलहाय थवसन्सारस श्रीस्वस्थानी परमेश्वर बाहिरन मेवदेवतान तरेमजुव थवमपर-
मेश्वरया धर्मव्रतया परिपाती समस्त छनत कनेधुन आव जिपनी वेनेतेल वेदाविसे विज्याहुनेधकं सप्तऋषीश्व-
रन आज्ञादण्काव थवत्य ऋषीश्वरया आज्ञाडेनाव धन्य २ जिभागेनं खना छलपोलया कृपान यथिगु पुन्यकथा
डेनेधुन धन्य २ छलपोल पनीसेन जिखनाव तवधड दयादत छलपोलया चरनस कोटी २ नमस्कार भोक्कृषि-
श्वर आव जिछेविज्यानाव जलुयाय जिथथिड पापीनी जुयाव चोना भोक्कृषीश्वर आव जिगुती विनती न्यसे
विज्याहुने धकंधयाव थन गोमयजुन जंतस चोनागु कतुक जोनाव ग्वालन्यायधकं पिहावन थवनली सप्तऋषीश्व-
रनं गोमयजु माहादरीद्र खनाव सुवर्णया कौरि ह्मेगळ ७ कपातीया तळेस तयाव ह्मेग सप्तऋषी स्वर्गस थाहा
विज्यात ॥ थवनली गोमयजुन चन्द्रजोति नगरस दुहावनाव थवेल्स ग्वालवनिं जालयाके न्यनाव धाल भोप-
सल्या थवकतुकलुतया जित ग्वाल विव जितअती हतासजुल छानधालसा जिगुछेस सप्तऋषीश्वर पनी विज्या-
तकाव तयाधकं धयाव थवत्य गोमयजुया भाखाडेनाव ग्वालवनिं जालन धाल भोव्रह्मणी न्यव ह्मेगया रात्रिम
जिथाम समस्त लोकपनी थनवयाव जिक्केदको ग्वालजा कयाव यन आव छपात खुनुमदत पत्यार मजुमा थव-
थलम स्ववधकं उलाव केन थवेल्स ग्वाल छपिचा ग्वालदयाव चोन थवस्थयाव ग्वालवनिंजाल लज्या चायाव

स्वस्था
१५५

चोन हने मनस भातपा गथेड आश्रय धक स्वव २ क्षिगया रात्रिस दकवात फुकं मियावतया आव ग्वाल
उपत्तीजुयावचोनधकं छुहेतुगथ्यजूलसा हनेश्वस्वाम्भणीजक धालवलहु हनेजिगुमनजक भुलेजूलला छुहेतुनथ्य
जूल हनब्राह्मणीन धावगु सप्तकृपिश्वर जिछेसाविज्यातकाव तयधकं धाल हनेश्वकृपिलोकया प्रभावनजक थथेजु-
ललाधकं ग्वालवन जालया मनस चिन्तनावधाल भोब्राह्मणीजु धन्य २ छलपोलया भाज गथेधालमाहोगयारात्रिस
दकग्वाल फुकंमियावतया आव छग्वालउत्पत्ति जुयाव चोनधकं छुहेतु गथेजूल आव छलपोलस्यन जक आज्ञा-
दयकु सप्तकृपिश्वर यातधकं ग्वालन्यात विज्यात वसपोलपनीष्ट धया निर्मीर्तिन श्वव्यलस मदुगु ग्वालदयाव
चोन भोब्राह्मणीजु धन्य २ छलपोलया भाजधकं धयाव श्वव्यलस कतुकमकास्य गोमयजुयात मालको ग्वाल-
वियाव छोट श्वनली ग्वमयजुन मनस अतिहर्ष मानयानाव ग्वालजोनाव हतासन छेथनकलवन श्वव्यलस कृ-
षिलोक मदयाव चोन श्वस्वयाव गोमयजुन मिस्वान स्वविहायकाव अनेग माथन विस्वाद चित्तयानाव अति
विलाप यानाव श्वव्यलम ग्वमयजुया मनस भालपाव हाहागथीड पाप्खिनी जि जिल्हातिन कृषिलोकयात ग्वा-
ल छपाखुनु पाहुनायाय धकं भालपान कृषिलोकमहु जिथर्थीड अभागि खनी धिकार जिजनुम जिथर्थीड पापि-
नीजुयाव जिगु निर्मीर्तिन जिल्हातिन हयाग्वाल मनस्य विज्यात लुयाय जिगुकर्म थर्थीड जुयावचोन आवसु-
यात पालयाय धकं गोमयजुया मिस्वान खोविहायकाव ना २ माथन विलापयानाव चोन हने थमथ्यथमन धि-

१५५

जगान व श्वव्यलम छेस कचिगल तयमस्यव धकं भालपाव गोमयजुन तुफिकयाव वपुजुल थथ्यवपुनावजुव
लस कपति चिलाव छोट व्यलम कपतिया तलस धनदयाव चोनखनाव ग्वमयजुया मनस अति आनन्दया-
नाव सप्तकृपियात नमस्कार यानाव श्वव्यलस कपतिया तलस चोन सुवर्णया कौ ७ ग्वदकयाव थ व्यलस ग्व-
मयजुया मनस आनन्दन रशतायाव चोनधकं कार्तिक कुमारन अगस्त्यसुनी यात कनाव विज्याकगुल नैमि-
सारन्ने वनससुतन मौनकादि चयच्यादोल कृषिपनीष्ट कनान विज्यात इति श्रीस्कन्दपुराणे माघमाहात्मे के-
दारगण्डे अगस्त्य कुमारसंवादे सुवर्ण कउरि पदेस नवविंशोध्याय ॥ २२ ॥ अगरस्यउवाच श्वनली हने अ-
गस्त्यसुनी श्वरन कार्तिक कुमारया खालस्वयाव ल्हातनिपा हाजोजलपाव चित्तीयात भोकार्तिक कुमार छल-
पोलया कृपान ग्वमयजुयात सप्तकृषि श्वर विज्यानाव धनद्रव्य उपदेसिविगुल जिन नेन्यधुव अथ्यनजिगु चि-
त्तसंतोख मजुवनी छानधालसा श्वनली खगथ्यजुल श्ववजित संपूर्णयानाव कस्य विज्याहुन्य धकं चित्तीया-
नाव हने कुमारन अगस्त्यसुनीया खालस्वयाव आज्ञादय केसन स्कन्दउवाच हेअगस्त्य सुनीश्वर श्वनलीया
सजिन कनेत्यना छनएक चित्तयानाव न्यव गथ्यसप्तकृषि श्वरया आज्ञाथ्य पौषशुल्यः पुर्णेमासि वयाव श्वसु-
नुनिस्य श्रीस्वस्थानी परमेश्वरया धर्मव्रत ग्वमयजुन जान हने शुखनुस्व नित्य २ मालरहुयाव एकचित्तन
भक्तिश्रदान शुद्धयानाव श्वहश्वरयोके मन्तयाव माहासुची जुयाव एकमक्त यानाव श्ववाएव लिस्य होन्यवा-

स्वस्था
१५६

छायानाव नित्य २ विधीपूर्वकन श्रीमाहादेव यात पुजायानाव सुद्धचित्त यानाव ललित वाखन लहानाव एका-
न्तन लहानाव जस्यकुतिमा फेलु थव्यवस्तु हेवनेतयाव गथ्य सप्तकृपिन आज्ञादयकाव विज्यात अथ्य थवपनी
हेवनेतयाव थवपनीष्ट कनाव चोन थवव्यलय शाजवाल मचातस्यन गोमयजु ब्राह्मणी एकान्तन न्वानाव चोन
सलतायाव शाजवाल मचातस्यन सकल्येवयाव गोमयजुया भेतखा छेयापिवन चोनाव गोमयजुन लहानाव वाख-
न न्यनाव चोन थन मचातस्यन थीथीन्वानाव भोपासापनी स्ववगर्थीड आश्रय्ये भोग्गमयजु लुजुलखव उईज-
क जुलला एकान्तन न्यनमदयक वाखन लहानाव चोन थवगर्थीड आश्रय्ये थकं थवगोमयजु लुजुल उईजक जु-
तला हनं मुखुरोगन जक कयाव सनिपातन जक कलला हनं गखु सुनान विधानयानाव हलला लुहेतुन थ-
थ्यजुल आव थथ्यचोन मालमखुत दुहावनाव न्यननुयो थकं थीथी समधारयानाव ग्वमयजुया भेतखा छेया
खापाखनाव दुहावनाव थवमचातस्यन धाल भोग्गमयजु लुलपोल लुजुल लुनिमीर्तिन एकान्तन हालावचोना का-
रनलु समस्तधाव थकं थयाव थव्य शाजवाल मचातया वचन न्यनाव ग्वमयजुन धाल भोमचात न्यव जिन
थवखकन्य जिथर्थीड दुखिखनाव सप्तकृपिश्चरन जिछेस विज्यानाव जितदयाप्रमन्न जूयाव श्रीस्वस्थानी परमेश्व-
रया धर्मव्रत छली जितउपदेस वियाव थकल आव जिनथुगुली धर्मव्रत दनावचोना थवत्यन न्यनमदयाव थव-
ह्म ईश्वरयावाखन लहानावचोना गोवालखपनी थवत्यन जिहुंजूलमखु रोगनकलमखु उईनजूलमखु हनं न्यनम-

१५६

दयाव निमीर्तिन धाल सजवाल यात केकु तिर्मा फेलु थव्य हेवने कनाव चोना थकं थयाव थव्य गोमयजुया
भाखाडेनाव साजवाल मचात रसताव हिनेस नएवकं हयागु वजी गोमयजु यात भोकडुनाव थिल हनं थवया-
लखनं न्यना पुण्यन सायात घासमाले सुम्यालधकं हेवने धामदयाव चोन हनं साजवाल मचातसें हनं नित्य
२ जाकीवजि सादुरु जोनाव वाखनडेनवयुव थवेल्स निमें थवगोमयजुया अन्ननयदयावल थवनली थथेंतु वा-
लखनं लहानाव नित्य २ श्रीमाहादेवन पुजायानाव चोन थवनली लली संपुर्ण जुयाव माघशुक्र पुर्णेमासीखुनु
सप्तकृपिन आज्ञादएकाथे अनेग सामाग्री ताललातकाव गङ्गाजल श्रीखण्ड रक्तचन्दन भिंधुर पुष्प जजमकाधु-
पदिप नैवेद्य फलफुल पक्कान ताखुल कस्तुरी कपुर वस्त्र दक्षिना सतली च्यापात अचितमधी सतली च्यागवः
अक्षत सतली च्यापात ग्वाल सतली च्याकुत ग्वव सनली च्याफोल द्वाफोल खान सतली च्याता खान ना
२ सुगन्ध खान थवभरीसकथें सामाग्री ताललातकाव सयुनसहितन दएकाव भिण्वस्त्रन पुनाव नेमयानाव ए-
काचित्त यानाव अतीभक्ति थद्धा दएकाव ईश्वरयाके मनतयाव पुत्रनवराज होनेवाज्ज्या यानाव माहापवित्र जु-
याव सप्तकृपिश्चरया आज्ञाथें थवेल्स गोमयजुन माघशुक्रया पुर्णेमासीखुनु श्रीस्वस्थानी परमेश्वरया माहाउ-
त्तम धर्मव्रत दन थवनली गोमयजुन श्रीस्वस्थानी परमेश्वरयात खोडस उपचारन पुजायानाव फको जयध्यान
यानाव स्तोत्र पाठ यात

स्वस्था
१५७

सुवर्णवर्णदीप्ताभां त्रिनेत्रां कमलासनाम् । सिंहासनसमामीनां सर्वालङ्कार भुषिताम् ॥ निलोत्पलधर
वामे दक्षिणे वरदां सुभाम् । त्वद्गर्भधरां चोर्ध्वं वामदक्षिणयो कणात् ॥ एवम्यात्वा माहादेव स्व-
स्थानी जगतिश्वरी । नमोस्तुते जगत्माता स्वास्थानी सर्वगङ्गले ॥ तव प्रसादाद्देवेशी व्रतपूर्ण तवाऽज्ञया ॥
थन्यायुकिमिमन एकाचित्तयानाव स्तुतिमिधयकाव ध्वनली गोभयञ्जन जुलसां अर्धजोनाव आज्ञादएकल भोश्रीस्व-
स्थानी परमेश्वरि जिदरिद्र मोचकाव दुखहनान समुद्र थथिनिष्ठ समुद्रन थकायाव उद्धारयाना विज्यायमाल भो
परम्ब्रह्म हनं जिकाय नवराज थवचुवाया उपदेशवनह्य निर्विघ्न यानाव जिवनाप होनकाव प्रमन्नजुमे विज्याय-
माल भोईश्वर हनं सदाकाल मेवयाके भिक्षाफोनाव नयाव चोना आव जिन मेवयात दातव्य यायफयकं ल-
क्ष्मिप्रसन्न जुयमाल भोनिरञ्जन निराकार जिह्वकाम जगदिश्वर श्रीमाहादेवया डमरुन विया अभिश्राप मुक्त-
जुएकाव जित मोक्षयाना विज्याय मालधकं भोनिराकार हनं जिपुत्र नवराज थव पुत्र भालपाव ईहलोकसंनव
धन्य पद्मी वियाव विज्याय मालधकं परलोकम जमया सासना मदएकाव पुनर्वाद गर्भाम सुमालकाव थव
थायस चोनाव चोनेमाल भोकरुनामय हनं जिभापिनीया हृदयमं सदाकाल छलपोलया नाम जिष्ठ जुगलस था-
तकाव प्रमन्नजुमे विज्यायमाल भोलोकनाथ हनं जिथथिड दुखिदरिद्र नाम यानाव जिकाय नवराज ननान थे-
नकाव कृपायाना विज्यायमाल भोअनन्त मुर्ति थुगुली जनमत्त छलपोलसेन जित उद्धार यानाव अन्तकालस

१५७

छलपोलया जपध्यान लुमनकाव परमोक्ष विज्यामाल भोविसंभर छलपोल जुयुव गथिडधालसा श्रुतिस्थिती सहा
रया कर्ताजुयाव चानह्य थथिडह्य श्रीस्वस्थानि परमेश्वरया चरनम कोटि २ नमस्कार धकं भोजुगान्तकाल हनं
ब्रह्मस्वरूप छलपोल तेजस्वरूप छलपोल अन्तमदु आदिमदु थवह्य छलपोल थथिडह्य ईश्वरयात कोटि २ नमस्कार
भोआरिन्थ हनं छलपोल जुयुव गथिड थालसा मनुखेलोकया हृदयकमलस विज्यायानाव पापपुण्यया सालिजु-
याव पापिह्य नासयानाव धर्मात्मापनी उद्धारयानाव विज्याकह्य थथिडह्य ईश्वरयात कोटि २ नमस्कार भोपरमे-
श्वर जिथथिड अपराधीन छलपोलयाव स्तुतीयाय फड्वमखु ग्वह्यब्रह्माया मामर्थमदु ग्वह्यअनन्त मुर्तिसेष नागया
गम्यमदु ग्वह्यसारदाया भरसामदु जिथथिड वहल निर्गनिया लुसार्मथ दईव भोपरमेश्वर हनं अनाथया नाथम
छलपोल दुखीदरिद्रया सरनागतह्य छलपोल धर्मया धर्ममुर्तिह्य छलपोल ब्रह्मधयाह्य छलपोल माहाविष्णुधयाह्य छल-
पोल माहादेवधयाह्य छलपोल हनं ब्रह्माविष्णु माहादेव स्वगुलीमुर्ति जुयाव विज्याकह्य थात कोटि २ नमस्कार
हनं स्थावर जङ्गम थवह्य छलपोल भोपत्तनागर थवह्य छलपोल पञ्चमाहाभुत धयाह्य छलपोल गुनातिर्थ धयाह्य
छलपोल श्रीस्वस्थानी परमेश्वर छलपोलया चरन कमलस कोटि २ नमस्कारधकं ना २ माथनं तोत्रयानाव ई-
श्वरयात अर्धविल ध्वनली अर्धविष धुनकाव कोटि २ नमस्कारनं दण्डवत् प्रनाम यानाव स्वान कोकायाव
थवेलस भितखा छेस दुहावनाव स्वचित्तनं च्यापात अचित्तमधी च्यापु जजमका च्यागवद अक्षत च्याफो-

25

20

15

10

5

0

लढाफोल खान व्यापात गाल व्याकुत गवच थवस मयुन सहित यानाव काण नवराज यात फ्यानाव
 थनली सतछि अचित मधि थमन पारन यानाव चछि जागर्तना चोनाव ईश्वराया नामकयाव चोन थ-
 नली श्रीस्वस्थानी परमेश्वरया धर्मावतया पुन्यया प्रभावन थुखुनुया रात्रिम नवराज ब्राह्मण थैनकलवयाव मा-
 म गवमयजु सलतावचोन भोमाता खापखव धकं सलतावचोन थनली माम गवमयजुन पुत्रनवराजया सल-
 तायाव गवमयजुन हतामन भेतखाछन पिहावयाव स्वतनासेवपुत्र नवराजया खालस्वयाव गवमयजुन हतासनकम-
 ण्डलुन तुतिमितकाय दुत बोनायनाव लासामं फेकलुतकाव माम गवमयजुन धाल भोपुत्र नवराज छकुमलजु
 मखुला छनवबुया उपदेसवनाया समचार गथ्यजुल समस्त विस्तारन भावधकं माम गवमयजुया आज्ञाडेनाव
 थवसमाम गोमयजुया चरनस भोकपुयाव नवराजन धाल भोमाता न्यस्य विज्याहुन्य जिबुवाजु भिक्षाफोनाव
 जुवह्म छनुयादिनस गङ्गाया तिरस गङ्गास अस्नानयानाव संश्यातपेन थुनकाव देगुली यायत खानकाय धके
 सिमान कुतिवयाव मृत्युजुयाव थामस्यर्ग नामवन धकं ज्यथ जिथी ब्राह्मण निहस्यन धाल भोमाता थव्यलस
 मृत्युजुव थामथेन कलवनाव बुवाजुया अष्टिमकले गोतमुनाव गङ्गाया तिरसवनाव अमीनसस्कारयानाव पिंडअ-
 दिन थयाव मालको कृयाकर्म थुनकाव पयह्मच्याह्म ब्राह्मणपनी पुजायानाव भोजनयातकाव फयाथ्य दक्षिणा
 वियाव गतिलात काव छोया भोमाता थनली गङ्गास ब्रह्मानयानाव जिनजुलसा छेवयधकं मनस भालपाव

ना थव्यलस त्रिमनस भालपाव कुधकाव छेवने धकं आवाजिन राजायाके स्यवायानाव खर्च चिभाय दयकाव
 छेवनेधकं मनस भालपाव राजयाके स्यवायानाव चोना भोमाता थनली छन्हुया रात्रिम राजान द्रव्यभती वि-
 ल थव्यलस छलपोल पनी चन्द्रावती लुमनाव वल थव्यलस जिनगजायाके विदाकयाव छलपोलया दरसन-
 याय धकं वया भोमाता चन्द्रावती गनवन भोमाता हने थनिया दिनस छाय छलपोल पनी जागर्तना चोनाव
 विज्याना हने थन अनेग धुपदिप सुगन्ध श्रीखण्ड भिड २ सेमावानया वासनादु हने घेलकष्टि पंचासृत आ-
 दिन मधिचधिया नदव थवलन छलपोलया थनियादिनस छुयानाव विज्याना भोमाता जिन बुवाया उपदेसव-
 नाया वार्तादको ईनापयायथुन आव छलपोलया समचारदको आज्ञादयकस्य विज्याहुन्य धकं वयाव थव्यवाए-
 नवरजया भाखडेनाव गवमयजुन धाल हरि २ गथिड अमागिनी खनी जिधकं अति विहाप यानाव मिखान
 स्वविहायकाव पुरषया निमीर्तिन ना २ माथन अति सोवथान भोस्वामि भिक्षापोन वनेधकं जिष्कात्तन वा-
 नाव तयाव छलपोलजक स्वर्गवाश विज्यात भोमाननाथ जिअनाथ यानव छलपोलजक गनविज्याना भोपभु
 जिकाएया खालपस्वस्य छलपोलजक गनविज्याना धक ना २ माथन विहाप यानाव चोन थव्यलस माम
 गवमयजुन विहाप यानाव चोन सोयाव पुत्र नवराजन धाल भोमाता छलपोलस्यन आगथ्य सोवयास्य वि-
 ज्यामस्यव जिगूखाल स्वयाव दुखतनकिव भोमाता छताजिमदुला सिवहया निमीर्तिन आगथ्य विळपयाय

5

10

15

20

25

30

35

40

स्वस्था
१५९

मत्स्यव दुखया खगनत लहाय धकं अनेग प्रकारन मामयात बोधवियाव हनं नवराज ब्राह्मणन धाल भोमाता
छलपोलपनी गथ्य २ जुल श्ववकव धकं हनं अन्यग सुगन्धया वामनादव श्वहुया वामनादन श्वसमस्त वि-
स्तारन आज्ञादयकस्य विज्याहुन्य सोक हतिडाव जितदया प्रसन्नजस्य आज्ञादयकस्य विज्याहुन्य धकं धयाव
श्वत्यपुत्र नवराजया वचनडेनाव ग्वमयजुया मनस अति आनन्द यानाव नार पदार्थ दयकाव पंचामृत आदिन
मधिवधि धालिदुहु साधेळ दयकाव काव नवराजयात बेलियातकाव भोपुत्र नवराज धन्य २ छ छनवाकेन अ-
ति संतोखजुयधुन भोपुत्र नवराज आव बेलिनीयाय धुनकाव श्वनली जिगुली समचारकन्य धकं धयाव श्व-
त्यमाम ग्वमयजुया आज्ञाडेनाव नवराजन श्वव्यलस बेलियात श्वनली बेलियाय धुनकाव नवराज ब्राह्मणन
माम ग्वमयजुया ह्वनेधाल भोमाता आव छलपोल पनीस्यन चछि जागर्तना यानाकारन नेन्यईक्षाजुळ धास्य-
ली भोनवराज एकचित्त यानाव न्यव छनकल्यान जुयमाल धकं छवालिस्स होनेवाछायानाव श्रीस्वस्थानी पर-
मेश्वरया धर्मव्रत दनाव श्वत्यधुनकाव सुगंध धुपदिप श्रीखण्ड भिड सेसास्वान यावामनादव भोपुत्र नवराज
श्वहृईश्वरया धर्मव्रतजुळ सप्तऋषिश्चर धनश्र्यनकल विज्यानाव श्वधर्मव्रत जितउपदेस वियाव जितउधार याना-
विज्यात भोपुत्र नवराज आव जिन सप्तऋषिश्चरया आज्ञाडेनाव वसपोलया आज्ञाथ्य श्रीस्वस्थानी परमेश्वरया
धर्मव्रतदना श्वत्यधुनकाव जागर्तना चोनाव चोना भोपुत्र आव जिन थुगुली श्रीस्वस्थानी परमेश्वरया पुन्यया

१५९

कथाहाकने छन यकचित्त जुयाव डेवधकं श्ववेलस छनमुक्त जुयुव बाखन लहायगातकातव नवराज ब्राह्मणन-
धाल भोमाता धन्य २ छलपोलन थथिगु श्रीस्वस्थानी परमेश्वरया अपुर्वकथाहा डेनाव जितमस्त पाप नामजु-
ल दिव्यदेह जुयाव बल भोमाता धन्य २ छलपोल धन्य २ जिभाज्ञ भोमाता श्ववाखन डेनाव छिअती आन-
न्दजुल छलपोलया चरनस कोटी २ नमस्कारधक माम गोमयजुया पाहु हासं भोकपुयाव मामया ह्वनेधाय भो-
माम आव जिगङ्गास स्नानयातवने छलपोलसेन आलक कुलहुनीधकं धाव माम गोमयजुयाके वेदाकयाव न-
वराजन जुलसां गङ्गास स्नानयायधकं वन श्वनली गङ्गास थेनाव थननवराजनं गङ्गाम स्नानयाव धुनकाव सं-
ध्यातर्पन धुनकाव श्रीहरिहर पुजायानाव पुजाधुनकाव गायत्री जपयानाव चोन गायत्री जपधुनकाव भिस्वाति-
सिनाव ईष्टदेवताया जपध्यानयानाव चोन श्ववेलस श्रीस्वस्थानी परमेश्वरया बाखन न्यनाया पुण्यन गङ्गान
श्रीहरिहर उत्पत्तिजुयाव नवराजयाथाम विज्यानाव आज्ञादएकल भोनवराज ब्राह्मण धन्य २ छनभक्ति भाव-
नं जिअती सन्तोषजुयधुन आव छनतवरप्रसाद विषफवधकं आज्ञादएकल भोनवराज आव छननअभिषेध वि-
यफवधकं गङ्गान श्रीहरिहर याहाविज्यानाव गङ्गाजलन नवराजब्राह्मण यात अभिषेधविळ श्वनली श्रीहरिहरनं
जुलसां हनं आज्ञादएकल भोब्राह्मण न्यव श्वगङ्गान दक्षिनदिशास रावन्यनगरस छगुलीदयाव चोन श्वनग-
रस राजामदु आवश्वरावन्य देशया राजाजुल भोनवराज आवश्वदेशस राजामदयाव कतान उल्लापन यानाव

स्वस्था
१६८

हालावजुल भोवाहण थवत्यन आव थवनगरस हुनिधकं थवेळस जिकीतियाके दुविनाव चोने जिखनेदएक छ-
अनवायोधकं थवेळस छनतअभिसेष वियधकं भोनवराज थवत्य छनतवरप्रसाद वियधुन आव छरावन्यदेशस हु-
निधकं आज्ञावियाव थवत्य हरिहरया आज्ञान्यनाव नवराजन मनस अती आनन्द यानाव थन नवराजन श्रीह-
रिहरयात पुजायानाव अनेग अस्तुतीयात अथतोत्र

ॐ यौ तौ शंख कपाल भूषित करौ मालास्थिमाला धरौ । देवौ द्वारवती श्मशान निलयौ नागारि गोवाहनौ ॥ ॐ

ॐ द्वित्र्यक्षौ वलि दक्ष यक्षमथनौ मेघाद्रि राज प्रभौ । पापं मे हरतां सदा हरिहरो श्रीशैलजा बल्लभौ ॥ ॐ

थुगुली कथनं अस्तुतीयानाव धाल भोपरमेश्वर श्रीहरिहर धन्य २ जिगुभागेनखव भोपरमेश्वर जिजुयुव अ-
नाथजुयाव चोनहा थनियादिनस नाथ छलपोलया दर्सनयाना भोईश्वर मदाकाल जित कृपानायाव छलपोलया ज-
पथ्यान जिगुनुगलस थातकाव प्रसन्नजुस्य विज्यायमाल भोईश्वर थनितीनि जिमामया गर्भस चोनाव जनमजु-
याया साफळेजुल भोहहिर छलपोल गथिडवालसा साधुस जनपनीत रक्षायानाव पापिष्टपनी नामयानाव पृथ्वी
या भालाकुवियाव सन्धार उत्पत्तीयानाव धर्मपापया साछिजुयाव नानाप्रकारन श्रुष्टियानाव मनुखेलोकयात मा-
यान तोक याव सन्सारम थितियानाव जुग २ स ना २ अवतारकयाव साधुपनीष्ट रक्षायानाव पापिछेदन यानाव पृ-
थ्वीया भालाकतानाव विज्याकृष्ण थयिन्याह श्रीहरिहरयात कोटि २ नमस्कार धकं भोपरमेश्वरधकं दोलछी म्हु-

१६०

तु थुलाव चोनहा शेषनागया गम्यमहु छलपोलयात स्तोत्रयायमकु जिछप्वात म्हुतुन लुसामर्थ दयुवधकं नानामा-
थन स्तोत्रयानाव सुख्येया तेजये तेजजुयकाव श्रीहरिहरयाके वेदाकयाव थन नवराज ब्राह्मण ह्यापाया दोवरते-
जजुयकाव असन्तन मनोहर मुर्तिजुयाव मनस अतिदर्पमान यानाव थगुछेवन थवनली श्रीहरिहर गङ्गास अ-
न्तरध्यान जुयाव विज्यातधकं कार्तिक कुमारन अगस्त्य मुनियातकनाव विज्यातगुखं नैमिषारन्य वनससुतनंसौ
नकादी शयच्यादोल ऋशीपनीष्ट कनाविज्यात इतिश्री स्कन्दपुराणे माघमाहात्म्ये केदारखण्डे श्रीहरिहर अत-
र्धान त्रिशोध्याय ॥ ३० ॥ अगस्त्यउवाच ॥ हनं अगस्त्यमुनिन कार्तिक कुमारया ख्वालखयाव लाहात निपांजो
जळपाव चिनतीयात भोकार्तिक कुमार छलपोलया कृपानं श्रीहरिहर गङ्गान थाहा विज्यानाव नवराज ब्राह्मणया-
त राज्यअभिसेष वियाव श्रीहरिहर अन्तरध्यान जुयाविज्यानाव नवराजब्राह्मणयात कनगुखं जिनन्येनेधुन अथेनजि
चित्तसंदेहदनी थवनली गथे २ जुल थवखं विस्तारनकसे विज्याहुनेधकं अगस्त्यमुनिन चिनतीयासेलि हनं कार्ति-
क कुमारन अगस्त्य मुनिस्वरया ख्वालखयाव आज्ञादएके त्यन स्कन्दउवाच हेअगस्त्य मुनिश्वर छलपोलन एक-
चित्त यानाव न्यव धकंधयाव थवनली नवराज ब्राह्मणन श्रीहरिहरयाके वरप्रसाद वियाव वरप्रसाद लानाव छेथे
नकल वनाव थव मामसलताव चोन थवेळस गोमयजुन जुलतां कायन वराजया मलतायाव हतामन लखथल
जोनाव पिदावनाव तुतिच एकाव हुतबोना यनाव गोमयजुन धाल भोपुत्र नवराज थनिया दिनस छअति तेज

स्वस्था
१६१

वतहन माहासमुन्द्रम अतिममोहर जिहूमनमजा त्रैलोक्या राजाईन्द्र तुहेभालपाव छन रुपखनाव जिमनस
अति आश्चर्ये भोपुत्र नवराज ह्यापाह्वाचनच छनमोल ल्हुय धकं वनावेलस छनधुलीत तेजवन्तमजुव आव जि-
मनसजा तेत्तिस्कोटि देवताया राजाईन्द्रतु भालपा हनं सुन्दरधालसा कामदेवसमान तेजधालसा सूर्येवसमान
भोपुत्र नवराज हनं जिमनस विस्मयजुल समस्त राजलक्षण संपुर्णजुयाव चोन भोपुत्र आम राजलक्षणया ते-
जसुनान छनत वियावहल हनं मखु जिमनस जकभ्रमण जुलळा गथजुल जिमनस अति संदेहजुल थवखस-
मस्त विस्तारनकव धकं धयाव थवत्यमाम ग्वमयजुया आज्ञाडेनाव थन नवराजन धाल भोमाता न्यस्य विज्या-
हुन्य धकं सुनान जित थर्थांगूतेज समस्त राजलक्षणन संपुर्ण जुयकाव वियाफवळा भोमाता छलपोल
स्यन दनागु धर्मव्रतया पुन्यन विल भोमाता मेवन सुनान मविव छलपोलया प्रशादन दत्त भोमाता
न्यवजिन विनतीयाय लुधालसा थनियादिनस गङ्गाश अस्नानयात वनावेलस गङ्गान श्रीहरिहर प्रत्तक्षजुयाव
जितवरदन विल लुधालसा रावन्यदेमया अभिसेख जितविल अभिसेक जितवियाव हयाव श्रीहरिहर अन्तरध्या-
नजुयाव विज्यात भोमाता थवत्यन जिमरिर दिव्यसरिर जुयाव वल भोमाता थवसमस्त छलपोल स्यन याना
धर्मन जित धुली पदाविलात श्रीहरिहरन वरदानविल भोमाता छलपोलया चरनस कोटि २ नमस्कार धकं
नवराजन मामया पालि निपास भोकपुयाव धन्य २ छलपोल धकं थववार्तादको खकनाव चोन थवत्यपुत्र नव-

१६१

राजया वचनडेनाव मनस अतिहर्षमान यानाव ग्वमयजुन धाल भोपुत्र नवराज धन्य २ छनभाज्ञ आव छनत
तयावतया अचित्तमधी चित्तवान सगुनसहित कावधकं च्यापात अचित्तमधी च्यापु जजमका च्यागवद अक्षता
च्याफोल ह्याफोलस्वान च्यापात ग्वाल च्याकुत ग्वच श्रीखण्ड रक्तचन्दन भिड २ स्वान सगुनसहित तयाव का-
ण्या ह्वेवने धल भोपुत्र नवराज डेव छवहोनेवाञ्छान जिन श्रीस्वस्थानी परमेश्वरया धर्मव्रतदनाव शुखनुया
रात्रिस छथ्यनकलवल भोपुत्र नवराज थर्थांगू श्रीस्वस्थानी परमेश्वरया प्रत्यक्षदेव छन थवह्मईश्वरया वाखन ने-
नावया पुन्यन श्रीहरिहर प्रत्तक्षजुयाव गङ्गाजलन रावन्यदेमया अभिसेक छनत वाप्रशाद वियावहल धन्य २
छन भाज्ञ भोपुत्रआव छनत थवह्म ईश्वर श्रीस्वस्थानी परमेश्वरया जपथ्यान लदाकळं छननुगलस तयावतिव
थवत्यलम छनमनोरथ पुर्णजुयव भोपुत्र नवराज आवछनत तयावतया सगुनकाव धकं धयाव लवलहानव वि-
ल भोनवराज छन वल्याण जुयमाल छन मनवाञ्छा पुगूलीजुल वगुली मनोरथ पुर्णजुयमाल धलं ग्वमयजुन
थवत्य आसिर्वाद वियाव सगुनविल थवन्ली नवराजन माम ग्वमयजुन विया सन कायाव सिहलतन तिनाव
च्यापात अचित्तमधी नयाव ग्वय ग्वाल सुखसुद्धि कयाव मनम अतिआनन्द यानाव माम ग्वमयजुया चरनम
भोवपुयाव नवराजन मामया ह्वेवनेधाल भोमाता आव जिहरिहरया आज्ञाथे जिरावन्ये देमवने विदाविश्य वि-
ज्याहुन्य धकं धयाव थवत्यधवपुत्र नवराजया भाख डेनाव माम ग्वमयजुन धाल भोपुत्र नवराज छवन्येतेना

स्वस्था
१६२

कार्येस श्रीहरिहर श्रीस्वस्थानी परमेश्वरन रक्षायायमाल हनं तेतिस्कोटि देवतान छनत कल्यान यायमाल ध-
कं हनं श्रीहरिहरन छनत मायावने माल छनमनोरथ पुर्णजुयमाल माहाभाग्य मानी जुयमाल छनजय जुयमाल
धकं कार घसपुनाव मोदस लहात तयाव मित्रान हर्षस्ववि हायकाव धाल भोपुत्र नवराज छन मनोरथ पुर्ण-
जुयमाल छनत परमेश्वरन रक्षायाय माल छनज्या संसुन विघ्नयाय मफयमाल धकं नवराजया मोदस लहात
यछायाव मुलेस फेकतुतकाव स्वात्तस लहातिन पितुपियाव घस २ पुनाव अनेग प्रकारन आसिर्वाद तयाव रव-
मयजुन धाल भोपुत्र नवराज छन श्रीस्वस्थानी परमेश्वरया जपध्यान स्तोत्रपाठ छननुगलस तोलत्यमत्यव
श्वव्यलस छनत कल्यानजुईव धकं नारमायन आसिर्वाद वियाव विदाविल ध्वनली नवराजन याम रवमयजुया
ब्राह्मसिरस तयाव मनस अति हर्षमान यानाव मामया चरनस भोकपुयाव पिदाकयाव रावन्त्येदेसश बनेधकं
भिगू वेलास प्रस्थान यानाव गमनयात ध्वनली नवराजन रावन्त्येदेस थेनकलवन ध्वनली थुछुनुया दिनस भि-
नदिनजुयाव चोन मन्त्री पनीस्यन जुलसा सुवर्णया घराजोन काव किसियात आभर्नन पूनकाव रत्नमाला वि-
याव धाल भोपान हस्तिकिसि झिजीसराज्यया राजागवह जाग्येजुल वहायात छलपोलस्यन ध्वरलमालान क-
खायकाव सुवर्णया बलसचोनगू जलन सुवर्णया मालान कखायकाव थव गलपोतस गयकाव राजायात छो-
यमाल धकं धयाव सुवर्णया घरास विवाव रत्नमाला सुवर्णपुष्प माला लवहानाव किसितोलताव छोट ध्वनली

१६२

किसिन जुलसा राजायाव बहल गदयाव हितुहिळाव मालाव जुल ध्वव्यलस ध्वदेसया कतकन जुलसा ना २
मायन वसतन पुनाव अनेग मनिमानिकन तियाव नखाकचिकन तियाव खानमालान कोखायाव किसीया हे-
वने २ तिव २ जवखव जुयाव राजाजुयधकं भालपाव किमीवनपं वानजुल हनं दक्षिणदिशाया लोकवयाव
राजाजुय ईक्षायानाव विघ्नविघ्नया बखनपुनाव स्वलजुल हनं रत्नमालान कोखायाव किसीया हेवनेजुल ग-
नकिसीवन अनवानजुल वयासीन वन्हापालाके थफयाथे हेवनावा थियी राजाजुय भालपाव किसी वनथास
वानजुल हनं पश्चिमदिशाया लोकवयाव राजाजुय ईक्षायानाव जरिजरावयावखनपुनाव रत्नमालान खानमालान
कोखायाव किसीया हेवने लिवने वान २ जुल गनकिसीवन अनवानजुल वयासीन वन्हापालातके थफयान फ-
याथे वानजुल राजाजुय भालपाव किमीवनवन थासजुल ध्ववेलस थुगुली वाततायाव उत्तरदिशाया लोकव-
याव राजाजुय ईक्षायानाव अनेग श्रीखण्डकेसरी अगुरकुम्कुम हासलपन यानाव जरिजरावतया वसवनपुना
व रत्नमालान कोखायाव किसी वनपतीकं जवखव स्वयाव वानजुल ध्ववेलस गनकिसीवन अनवानजुल ध्व-
वेलस हनं थुगुली वाततायाव पूर्वदिशाया लोकथेन कलवयाव अनेग जरिजरावतया वसतनपुनाव रत्नमालान
कोखायाव मातीमालान कोखायाव राजाजुय ईक्षायानाव किमीवनथास जवखव स्वयाव गन २ किसीवन अन-
२ वानजुल थुगुली प्रकारन फयानफयाथे राजाजुय भालपाव वानजुल हनं अनेग देशया कतक वयाव राजा

स्वस्था
१६३

जुय ईशायानाव चित्राविचित्रया वसतन पुनाव रत्नमालान कोखायाव अनेग स्वानमालान कोखायाव केसरी अगुर
न ह्मम लेपनयानाव किसीया हेवनेजुल किसीगनवन अनवानजुल वयासिन न्हापाळाफेथें फयान फयाथें हे-
वने ववानजुल थिथीराजाजुय भालपाव किसीवनथास जुल थन पानहस्ती धयानाम किसीन लिफस्वयाव जव-
खवस्वयाव मालावजुल थनली नवराज ब्राम्हण जुलमां फलेचाछपुली चोनाव थवपानहस्ती धयानाम किसी-
जुवगुस्वयाव चोन थवेलस फलेचास चोनम्ह नवराज ब्राम्हणया भिखाव किसीया भिखाव चुवलानाव थवपान
हस्तीकीसिन जुलमां कितुखिनाव फलेचास चोनम्ह नवराज ब्राम्हण स्वनघसपुनाव कोखायाव सुवर्णघलस चो-
न जलन नवराजया मोलम सुवर्णयाकलसन अभिसेषविल स्वनघसपुनाव थवगलपोतस तयाव ववाना राजगृ-
हेस स्वयावयन थवेलस समस्तलोक कतकन जुलमां धाल थकीसि वजेचाल छानधालमा स्वव २ अनयाहँम-
दुम्हयात सुवर्णया कलसन अभिसेक वियाव स्वानमालान कोखाएकाव थवगलपोतस तयाव ववाकायन निश्च-
यनधकं थवपानहस्ती धयानाम किसीजा वजेचालधकं देशया कतकन हुनुनुनुं हायावजुल हनं छमनिम्ह ह्मनि
पनीसेन जुलमांधाल भोमुख प्रजालोक नेसेदिस थवकिसी वजेचावमखु छिसकलपनी वजेचाल थवपानहस्तीकि-
सीन मखुम्ह राजायायुवमखु थवकिमीजुल देवधुका मनुखेया भाखान जक खन्हाय मसल छाय मुम्वालध-
कं किसीयात न्वानाव जुयाया धिक्कारछप ही ब्राह्मण छेत्रि बैस्य शुद्रजुलमां वया तपस्याया फलनजुल थवयन सु-

१६३

म्वालकं आमथे हालाय जुगमतेव श्रीनारायणया अंसमरश्चकं राजाजुयमदु भोमुख प्रजालोक गोक्षया तपस्या
दत्त वहागजा जुयुव थवयन सुमुखचोव धकं बोधवियावतल थनली गोक्ष श्रीहरिहर दुबिनाव चोनकिसीन न-
वराज ब्राह्मण थवगलपोतस तयाव राजगृहेस थनकलयन थनली किसीयाके दुबिनाव चोनम्ह श्रीहरिहर थव
थाम अन्तरध्यान जुयाव विज्यात थनली नवराज ब्राह्मण किसीयाह्मन कोहाविज्यानाव राजगृहेस दुहाविज्यात
थानली उपाध्या मन्त्री पञ्चारमान पनीसेन थिथी साधुतियाव जोगतिष वोनकलछोयाव भिगुमुहुर्त दण्काव आ-
दित्य उदयजुयाव चोन लमदण्काव तळ थनली ना २ तिर्थया लख गङ्गाजल आदिन काण्कत छोयाव ओग
सामाग्री ताललातकाव लुठुधालमा धोजापत्र च्वापोल आदीन हेवने तयाव सुवर्णया सिद्धामन हेवने तयाव
देशया रानी रावन्धवती धयानाम गनियात रत्नमालान कोखाएकाव मणिमनिकया आभारन पुनकाव जरिज-
रावतया वस्त्रपुनकाव थवथायस तयावतल हनं थाम २ वजेमान मालान पनकाव तयावतल हनं थाम २ हि-
तिमङ्गल देगोल आदिन कायलपाव तयावतल हनं थवेलस देशमदको प्यावन वाजान थुगुली हेवने तयाव ह-
नं अष्टमङ्गल पुर्णघट सुद्धकुमारी थवपनी न्हेबनेतयाव प्रोहितनं जज्ञयातकाव नवराज ब्राह्मण रावन्धवती रानी सि-
द्धामनस तयाव जलछुवाकळन चोनाव चन्द्रमुख्ये साछियानाव न्हापां कन्यादान वियाव थवयधुनकाव नवराज
ब्राह्मण रावन्धवतीरानी निह छपुली सिद्धामनस विज्यातकाव अनेग ब्राह्मणपनी षोडसउपचारन पुजायानाव सु-

स्वस्था
१६४

वर्णदक्षिणा विद्याव श्वनली नवराजन श्रीहरेहरया प्रसादन राजाजुयाव मनसअति हर्षमानयानाव लक्ष २ सादान
विद्यावलक्ष २ सलकिसी दानविद्याव गृहेसांतियानाव श्वत्यधुनकाव नवराजन परमभानन्दनरावन्यवतीनापं कुहाया
नाव सुखन चोन श्वनली मन्त्री पनीस्यन अनेग सामाग्रीताल लातकाव थीथी साहुति समधार यनाव न
वराज माहाराजया हेवने ईनापयात भोमाहाराज आव समरत सामाग्रीताल लातकाव भिगू सूत्रदयकाव तथ
धुन आव अभिस्यव मधुनी अभिस्यक वास्य विज्याहुन्य धकं धयाव श्वत्य मन्त्री पनीसया भाखाडेनाव न
वराज माहाराजन आहादयकल भोमन्त्री पनी जिखन्यव आव जिन अभिस्यक कायत जिमाम स्वमयजु स
दयक गयेजि अभिस्यक काण भोमन्त्री पनी आजिमाम स्वमयजुनी काएकल छोव भोमन्त्री पनीमेव जिमा
मजु चन्द्रजोती नगरया बाहिरिस भेतखाळे छगुली दयकावचोन श्वभेतखाळेस जिमाम चोनावचोनीव थयसु
सुपाल जोनकाव छपनी थयवताव जिमाम चोनावहिय श्वनली जिन अभिस्यककाव आव छपनीथयेहुनी वि
लम्भयानाव चोनेमत्यव धकं आहादियाव थननवराज माहाराजया आज्ञाडेनाव तत्कारन सुसुपाल जोनकाववल
लकछिकतक लिचकाव मन्त्रीगत पनीस्यन लिचकाव श्वनली रावन्यदेसया प्रजालोक हापालातकं वानवना
व स्वमयजुया हेवनेथाल भोमाहारानी स्वमयजु नेस्याविज्याहुन्य कुहालसा छलपोलया पुत्र नवराजन रावन्यदेस
या राजाजुल आव छलपोल वोनकलहल भोमाहारानी श्वत्य वार्ता ईनापयाय धकं जिपनी हापावया धकं ध

१६४

याव श्वत्य वार्ता न्यनाव स्वमयजुन धाल भोप्रजालोक जिकाए गनया राजाजुयुव गथ्वराजा जुयुव हापात्रा
हाणजात जिमनसजा अतिहर्ष विसमयजुल छपनीस्यन जिहयके धकं वयाळा निश्चयन खवला मिथ्यान धाय
मत्यव सत्यधे धावधकं आज्ञादयकाव थयधकं हालावजुव व्यलस मन्त्री पनीस्यन सुसुपाल जोनकाव लकछि
कतन लिचकाव चन्द्रजोती नगरया बाहिरिस थयनवल वयाव स्वमयजुया भेतखाळे थेमकलवयाव मन्त्री प
नीस्यन स्वमयजुया चरनस भोकपुयाव मन्त्री पनीस्यन स्वमयजुया हेवने ईनापयात भोमाहारानी स्वमयजु
जिपनीसया विनतीनेस्य विज्याहुन्य धकं कुहालसा छलपोलया पुत्र नवराज जिपनीसया रावन्यदेसया राजा
जुल आव छलपोलया पुत्र माहाराजान छलपोल वोनकलहल छलपोल थय विज्याहुन्य धकं जिपनी छोया
वहल आव ननानं श्वसुसुपालस विज्यानाव गमनयास्य विज्याहुन्य धकं धयाव श्वत्यमन्त्री पनीसया भाखाडे
नाव मनस अति भानन्द यानाव स्वमयजुन सुसुपालस दनाव धन्य २ ईश्वर धकं मननं श्रीहरिहरया ध्यान
यानाव रावन्य देसभेनकल विज्यात थन स्वमयजु येनकल धकं देससं वातायाव नवराजन सल किसी आभर्न
पुनकाव मननं अनेग जरि जगवतया वखन पुनाव रत्नमालान क्खायाव किसीया हस अमाली खततयाव थ
मन चोनाव मन्त्री पनीष्ट सलकिसी गयकाव थवली २ तयाव कोटानक टि लोक कतकन लिचकाव नवराज
न थवमाम स्वमयजु लखवन श्वनली श्वदेसया प्रजालोक मिजन मिसन फयानफयाथे वसतन पुनाव अनेग

स्वस्था
१६५

तिसान तियाव माहारशन फयान फयाथ्य स्वळजुल थ्वनली नवराज माहाराजान ना २ वाद्यथातकाव प्याख-
न हुयकाव सिंदुर जात्रा घानाव देस उयकाव स्वमयजु यात माहासिंदुर जात्रायानाव राजगृहेसं विज्यातकल
धकं कार्तिक कुमारन अगस्त्यमुनी यात कनाव विज्यागुण्य नैमिस्वारन्य वनसमुनन शौनकादि चयन्यादोल
ऋषिपत्नीष्ट कनाव विज्यात ईति श्रीस्कन्द पुराण माघमाहात्मे केदारखण्डे स्वमयजु राजगृहेमो प्रवेम एकत्रि-
शोध्याय ॥ ३१ ॥ अगस्त्यउवाच हनं अगस्त्य मुनीन कार्तिक कुमारया स्वालस्वयाव ल्हार्तानिपा हाजोजलपाव
विनतीयात भोकार्तिक कुमार जिगुली विनतीन्यस्य विज्याहुन्य धकं धयाव थ्वत्य अगस्त्य मुनीया भाखाडेना-
व कुमारन आज्ञादयकल अगस्त्यउवाच हेअगस्त्य मुनी थ्वनली हनं जिनकन्य छनएक चित्तजुयाव हेव धकं
धयाव हनं अगस्त्य मुनीश्वरन धाल भोकार्तिक कुमार छलपोल स्यन स्वमयजु राजगृहेसं दूतयन धकं धाल
अश्वम जितितत संतोषमजुवनी थ्वनलीया स्वाथ्य २ जुल थ्वस्व संपुर्ण यानावकस्थ विज्याहुन्य धकं अग-
स्त्य मुनिन विनती यास्यली हनं कार्तिककुमारन अगस्त्य मुनीश्वरया स्वालसोयाव आज्ञादयकल स्कन्दउवा-
च हेअगस्त्य मुनि छलपोल स्यन एकचित्त यानाव नेस्य विज्याहुन्य जिन संपुर्ण यानाव कनेधकं धयाव थ्वन-
ली नवराज माहाराजन रावन्त्यवती रानीनानिहास्यन स्वमयजुया चरनस भोकपुयाव आज्ञादयकल भोमातानेस्य
विज्याहुन्यधकं छलपोलया आसिर्वादन थयी आसीर्वादावेन्यदेमयाराजाजुयधुन भोमाताधन्य २ छलपोलया तप-

१६५

स्यानं थ्वपायधन धन्य २ श्रीहरिहरहनं श्रीस्वस्थानी परमेश्वरया धर्मव्रत दनाव विज्यात धन्य २ छलपोल ध-
न्य २ जिभाज्ञ भोमाता आव जितअभिषेप मधुनी छलपोलसेन जिन अभितक विभेविज्याहुने धकं समस्त मा-
माग्री ताललातकाव तयधुन धकंधयाव थ्वत्यथवपुत्र नवराजया भाखाडेनाव माम गोमयजुनधाल भोपुत्र नव-
राज धन्य २ जिगर्भस थार्थहापुत्र जातजुलधकं मनस अतिदर्पमान यानाव थिथीकुसल वातडेने धुनकाव मन्त्री
पनी हेवने गोमयजुन धाल भोमन्त्रीपनी आव जिपुत्र नवराजयात अभिषेप विययात सामाग्री ताललातकाव
हिवधकं आज्ञावियाव थ्वत्य माहारानी गोमयजुया आज्ञाडेनाव मन्त्रीपनीसेन जुलसां भिंड २ ब्राह्मण प्रोहित आ-
दिन चोनकल छोयाव भिगुदिनस्वयाव थ्वनली थान २ विजमान पेनाव हितिमन्डप देगोल छायलपाव ध्वजछ-
त्रचामोल सुवर्णया सिद्धासन सलकिसी आभरन पुनकाव थ्वनली गुह्यकुमारी अष्टमङ्गल पुर्णघट अनेग स्वाने
मिसाफल थ्वत्य सामाग्री तत्कारनं हयाव थ्वगज्यया दधुस मणिमानिकया थुनावतया मिथासनस नवराज रावन्त्य
वती थोपनिविज्यातकाव भिगुदिनस माहासुबेलास जज्ञयान्हेवनेसतयाव भिडब्राह्मण पनिसेन वेदपारन यातकाव भि-
गुतिथीखुनु माहासुबेलास प्रोहितन अभिसेकयात थ्वनली गोमयजुन ना २ तिर्थयाजलन अभिसेकयात हनंपञ्चात
प्रोहितन अभिसेकयात पञ्चपरधान पनिसेन अभिसेकयात थ्वबेलम ना २ माथन वाजायात हनंथास २ अनेग माथन
प्याखनहुय काव माहाजात्रा यान थ्वनली थ्वदेशया मित्रन भिसातन फयान फयाथे वस्त्रन पुताव माहाआनन्द

25

स्वस्था
१६६

न ना २ तिमान तियाव स्वलजुल थ्वनली अभिसेक धुनकाव प्रहसान्ती यानाव हनं गुह्यकुमारी षोदम उपचार
न पुजायानाव भिड आभरन पुनकाव रत्नमालान कोखायकाव जरिजरावतया वस्त्रन पुनकाव सुवर्णया दक्षि-
ना वियाव नानापदार्थ दएकाव विज्यातकल थ्वनली लखछि ब्राह्मणपनिष्ट कोटि २ सुवर्ण दक्षिना वियाव अ-
नेग पदार्थदएकाव भोजन यातकाव हनं लखछी किमीसुवर्ण हेलमणिमानिक अलङ्कारनं वस्त्रआदिन लखछि
ब्राह्मण पनिष्ट वियाव हनं गुगुली वस्त्रफोन उगुली वस्त्रवियाव सन्तोष यात थ्वनली ब्राह्मण पनिमेन आसि-
र्वादवियाव नवराज माहाराजया जयजुयमाल धकं आसिर्वाद वियाव ब्राह्मणपनी थव २ छेन लिहाविज्यात थ्व-
नली हनं अतिन अभ्यागत भिक्षुक भातपनिष्ट पुजायानाव छोट थ्वपनिसेन नवराज माहाराजया जयजुयमा-
लधकं आसिर्वादविल आसिर्वादवियाव थवछेवन थ्वनली समस्त मालको धुनकाव नवराज माहाराजन जुलसां
मन्त्रीपनीसया न्हेवने आशादएकल भोमन्त्री आव छपनीसेन देशस जात्रायायत मालको सामाग्री दएकिवध-
कं आज्ञावियाव थ्वत्य राजाया आज्ञाडेनाव मन्त्रीपनिसेन जुलसां ह्यति २ भालाकयाव तयारयात न्हापां गु-
ह्यकुरी छायलपाव खनस तयाव ना २ बाजायातकाव छोट थ्वयालिवने गोमयजु सुसुपालस तयाव छेया हनं
थ्वयालिवने रावन्यवती रानि सुसुपालस तयाओ छोट हनं थोयालिवने धोजा छत्र तयाव किसियात आभरन
पुनकाव अमालिखत तयाव अमालिखतस नवराज माहाराज तयाव मन्त्रीपनि लिबने तयाव हनं काजिभारा-

20

15

१६६

10

5

दार किसीगयाव हनं पञ्चपर्मान पनी सलकिसी गयाव लिबने तयाव थुगुली प्रकारनं माहाजात्रा यानाव हनं
अनेग देवताया थायस ब्राह्मणपनी सेन वेदादिपाठ यात हाव हितिमन्त्र छायलपाव अनेग स्नानमाला तयाव
थास २ बेजमान पेनकाव हनं रावन्यदेशया प्रजालोकया माहाउत्साह जुएकाव इयालम चोनाव स्नानमाला ता-
य अक्षतान होलाव हनं थास २ मतछेयकाव अनेग प्याखन हुयकाव अनेग बाजायातकाव देशउलाव माहा
जात्रायात थ्वबेलम थोदेशया भिजन मिसान फ्यानफयाथे वस्त्रन पुनाव तिमानतियाव थास १ देवलम फले-
चाम थास २ चोना स्वयाव चोन हनं गुलिमीन लिब २ स्वलजुल थुगुली प्रकारन जात्रायानाव थ्वरावन्य दे-
शया माहाउत्साह जुयाव अनेग बाजायातकाव देशस्वचाकल उलाव सिंधुरजात्रा यानाव माहामङ्गल जात्राया-
नाव थ्वनली राजदुवालम कलम जववव तयाव प्रोहितब्राह्मणपनीसेन मिमछनादी आसिर्वाद तयाव मिंधुरताय
अक्षतन स्नान होलाव कमण्डलुन जलहाएकाव वासालायाव राजगृहेम दुहाविज्यातकल थ्वनली नवराज मा-
हाराजन जुलसां श्रीस्वस्थानि परमेश्वरया कृपान श्रीहरिहरया प्रसादन राज्यया अधिपतिजुयाव मनस अति
हर्षमान जुयाव गोमछुयाके वेदाकयाव रथस दनाव नवराज माहाराजन दको मन्त्री भारदार का-
जि सिपाई सहितन दक सैन्यन लिचकाव नवराज माहाराजन गङ्गास स्नानयातवन थ्वनली स्नान
याय धुनकाव ब्राह्मण पनीष्ट अनेग पदार्थ दएकाव दान विल छु २ भालता गृहेदान अस्त्रदान हष्टिदान

0

5

10

15

20

25

30

35

40

स्वस्था
१६७

लख लख ब्राह्मण पनीष्ट दानविल अलंकारन सजुक यानाव दोलछि सादान विल हनं दासदासि अनघृतसर्व
त्रहति या वस्त्रयात स्वयाव जोग्यतिन विद्धीधुन काव नवराज माहाराजान मन्त्री सहितन लमकरन लिचका-
व थव राज्यस लिहाविज्यात राजगृहमं दुहाविज्यात थवनली माम ग्वमयजु यात भिंगु आमनमं विज्यातकाव
नवराज माहाराजान लावन्यवती सहित जुयाव माम ग्वमयजुया चरनस भोकपुयाव भोमाता छलपोलया त-
पस्या पुन्यन श्रीस्वस्थानी परमेश्वरया कृपान श्रीहरिहरया प्रसादनं छलपोलया आमिर्वादनं थर्थेडगु रावन्य-
देसया राजाजुयधुन भोमाता धन्य २ छलपोलया तपस्यान धन्य २ जिगुभजे धकं थुगुली प्रकारन नवराज-
ब्राह्मणन विनतीयत थवत्य थवपुत्र नवराजया भाखाडेनाव थन ग्वमयजुन मन्त्री पनीष्ट सळाव आज्ञादयक-
ल भोमन्त्री पनी आव जिपुत्र नवराज राजाजुयाव सगन विययात समस्त सामाग्रीताल लातकाव हव
धकं आज्ञादयवतुं थवत्य माहाराजानी ग्वमयजुया आज्ञाडेनाव मन्त्री पनीस्यन तत्कारन अनेग सामाग्री हयाववि-
ल थवन्यलस ग्वमयजुन नवराजयात लुया सिद्धासनसं विज्यातकाव अनेगस्वान मालातयाव नस्वाकधुप थ-
नाव श्रीखण्ड केशरि अर्गजा अनेकनस्वाक चन्दनदयकाव थवनली हनं अनेगजरि जुवारया तिसान तियका-
व तासया वस्त्रन पुनकाव नवराज लावन्यवती रानी निह्य विज्यातकाव अनेग ब्राह्मणपनी स्यन वेदादि पाथ-
यातकाव गुरुप्रोहितन सिलोक बोनकाव हनं दकोपश्चपरमान पनीस्यन मन्त्री पनीस्यन चितायात काव माहा-

१६७

हर्षमान यानाव ग्वमयजुन थवपुत्र नवराज माहाराजाव लावन्यवती सहितन तथाव ग्वमयजुन अभिस्विक
वियधुनकाव सगन विल थवत्य धुनकाव थन नवराजन लावन्यवती रानीन माम ग्वमयजुन वियासगन कथा-
मामया चरनस भोकपुयाव नमस्कार यात थनमाम ग्वमयजुन स्वाति धकं आसिर्वाद विल थवत्य धुनकाव ग्व-
मयजुन ब्राह्मणपनीष्ट हस्तादर्घ पादार्घवियाव पुजायानाव दक्षिणावियाव अनेग पदार्थ दयकाव पन्चामृत धलि
दुदूधेल माखल मभिचधि दयकाव भोजनयात काव विदावियाव विज्यात कावछोत थनब्राह्मण पनीस्यन नवरा-
ज माहाराजाया ग्वमयजुया जयजुयमाल धकं आमिर्वाद वियाव थव २ छेम विज्यात थवनली नवराज माहा-
राजा ग्वमयजु लावन्यवती स्वहयात भोजनयात काव मन्त्री पन्चपरमान पनीस्यन भोजन धुनकाव आनन्द-
न राज्यगृहेस विज्यात थवनली नवराज माहाराजान श्रीस्वस्थानी परमेश्वरया परसादन श्रीहरिहरया कृपान
राजाजुयाव माम ग्वमयजु रावन्यवती सहितयानाव हनं अनेग पदार्थ भोजनयात काव अनेग पुगणादि कथा
हान्यनाव भिड मन्त्री पनीस्यन राज्ययाचउर्य यातकाव चतुर्दगसं देससं हाखिदरिद्र उधारयानाव प्रजालोक
यात शुखवियाव न्यायनितीथ्य साखया प्रमान यानाव ताकाल प्रज्यन्त काळहनाव चोन थवनली थवदेससं न-
वराज माहाराजान प्रजालोक सकलया माहाआनन्द जुयाव दकोस्यन नवराज माहाराजया जयजुयमाल धकं
प्रजालोकया माहाहर्षमान जुलधकं कार्तिक कुमारन अगस्त्यमुनी यात कनाव विज्यातगुण नैमिषारणो वनसमु-

तन सौनकादि चयन्यादोल ऋषिपत्नीष्ट कनाव विज्यात ईति श्रीस्कन्द पुराणे माघनाहास्मे केदारखण्डे नवराज
गवमयजु उधार द्वात्रिंशोऽध्याय ॥ ३२ ॥ अगस्त्य उवाच श्वनली हनं अगस्त्य मुनीश्वरन कार्तिक कुमारया स्वा-
लस्वयाव ल्हातनिपा हाजोजलपाव विनतीयात भोकुमार छलपोल्या कृपान नवराज ब्राह्मण श्रीहरिहाया कृ-
पान रावन्त्यदेसया राजाजुयाव उधारजुवयुव नेन्यधुन अथ्यन जिमनस संदेहदनी श्वनली याख चन्द्रावती थ-
वलेभवनहा अनचोनला काएकलछोतला श्वखजित विस्तारन कस्य विज्यायमाळ धकं विनतीयास्यळी हनं का-
र्तिक कुमारन आज्ञादयके त्यन स्कन्द उवाच हेअगस्त्य मुनि श्वनली याख जिनकन्य छनकचित यानाव
न्यवधकं श्वनली छन्हुया दिनस नवराज माहाराजान माग गवमयजुया ह्वेने आज्ञादयकल भोमाता आव ई-
श्वरया दयान झिजीस राजारानी त्वंजुयधुन आवजिन चन्द्रावती लोलमनाव चोन भोमाता थय्यदोल्या छो-
याव वोनकलछोव धकं आज्ञाविल थव्य थवपुत्र नवराज माहाराजाया आज्ञाडेनाव माम गवमयजुन आज्ञा-
दयकल भोमन्त्रीपनी जिखन्यव हुधालसा जिपुत्र नवराज राजाया कलात चन्द्रावती भलिचामयजु थव छेव-
नावचोनहा आवतेले लिहामवनी भोमन्त्रीपनी गनधालसा वरनापुर धयानाम देसया अग्निस्वामि धयानाम
ब्राह्मण्या म्हयाच चन्द्रावती धयानाम ब्राह्मणी जिभलिचा थुका गथ्यधालसा हापाजि दुखजुयाव चोन बेलस
चन्द्रजोती नगरया जजमान पनीस्यन जिफाए नवराजया ल्हानाव ईहिपालयान व विवह आव थय्यदोल्या

छोयाव काएकळ छोव हनं वया मामबुवा थनीप्यन्हु थयनकल विज्यायपाल धकं धयाव छोव धकं आज्ञाविया-
व थव्य माहाराती गोमयजुमा आज्ञाडेनाव थनमन्त्रीपनीमेन दयवकं आज्ञाविलमफयाव तत्कारनं दुल्यात वानकल
छोयाव दुल्यापनीस ह्वेनेधाल भोदुल्यापनी गोमयजु माहारातीया आज्ञाजुल छपनीथयेंवरनापुर देशवनावझिजीस
माहाराज नवराजयाछि चन्द्रावति रानी दुलिमथनाव थयें थेनकल हयमालधकं धयाव भोदुल्यात हनं चन्द्रा-
वतिरानीया मामबुवा थनिपेन्हु विज्यायमालधकं धयातकिव भोदुल्यालोक बिलम्भयाय मतेव झट्टुनिधकं वे-
दावियाव छोत श्वनली राजाया आज्ञाथें वरुनापुर देशवनेधकं दुल्यापनी हाळावजुल श्वनली दुल्यात वरुना-
पुर देशस येनकल वनाव थवबेलस अग्निस्वामि ब्राह्मण्या छेवनाव थन दुल्यातमेन जुलसां छेसस्वयाव सलता-
व चोन थवबेलस चन्द्रावतिन जुलसां झ्यालन कोसोयाव चोन श्वनली दुल्यापनीसेन धाल भोमाहाराती जिप-
निसया विनतीन्यमे विज्याहुने जिपनी नवराज माहाराजन छोयावहल छलपोल थयेंयेन हे मालधकं जिपनीछो-
याव हल आव विलम्भ यासे विज्यायमतेव ननानं विज्याय मालधकं धयाव थव्य चन्द्रावतिन भाखाडेना दु-
नो रावन्त्य देशया राजाजुल निश्चयन खधकं आव जिपनीमेन छलपोल वोनकल हल हने थनिप्यन्हु छल-
पोल्या मामबुवा विज्याय मालधकं विनतीयानाव हल आव ननानं गमनयासे विज्याहुने धकं विनतीयात थव

25

स्वस्था
१६९

त्य दुल्यापनीमिया भाखाडेनाव मनम अत्यन्त हर्षमान यानाव दुल्यापनीसया हेवनेधाल भोदुल्यापनी छपनी
त्यानुकाववल भतिचानी दिक्षधकं तलेवोना यनाव बाजिनकाव धमनं मामबुवाया थासवनाव धाल भोमातापि-
ता जिस्वामीनवराज रावन्यदेशया राजाजुलधकं दुल्यात छोयाव काएकेहळ छलपोलपनी धनिपेन्हु विज्यायमा-
लधकं धयावडुल आवजिवनेतेल वेदाविहुन्यधकं धयाव भोमातापिता धन्य २ जिस्वामीधकं धन्य २ जिभाज्ञ
आव विलम्भयाना विज्यायमतेव ननानं जित वेदाप्रसन्न जुसेविज्याहुने धकंधयाव थ्वस्य पुत्रीचन्द्रावतिया भा-
खाडेनाव मामबुवान अतिहर्षमान यानाव चन्द्रावतीया हेवने धाल भोपुत्री धन्य २ छनभाज्ञ आवतिनी छनज-
नम कायाया साफलेजुल भोपुत्री जिपनी कृतार्थजुलधकं चन्द्रावतीयात भिगुवसतन पुनकाव अनेग तिसानति-
यकाव वेदावियाव हनधाल भोपुत्री चन्द्रावती छनस्वामियाके जिपनी निहस्र्त्री पुरुषयात विचालथेनकिव धकं
धयाव थ्वस्य मामबुवाया भाखाडेनाव चन्द्रावतीन जुलसां मामबुवा निहस्र्थिया चरनस भोकपुगाव भिखान हर्ष
या खोविहाएकाव मनस हर्षमान यानाव दुलिसदनाव दुल्यानव ना २ माथन खल्लहानाव हनं थ्ववेळस वनया
स्वभायमान सोयाव अनेग सरोवर पुखुलिस चौकोल भगल ह्ययखा चला गुफा जुवगु सोयाव गाहा हर्षमान
यानाव वत थ्वयलप माहादुर्गा वनान्तरस थेनाव वन २ हिलाव अनेग सिसाफल थयाव थास २ पुष्करनी द-
एकाव चोन थ्वपुखुलिस पलेस्वान होयाव चोन हनं थास २ भृगआदिन सितलथानस खिपुरुष सहितन वस-

१६९

15

10

5

लपाव चोन हनं राजहन्स नकवाल जोल २ न पुष्करनीस वसलपाव चोन थर्थीगु स्वभायमान थयाव रावन्य
पुर देशवनेधकं वन थ्वनली छगुली थायस सुगन्ध धुपया वासना दयाव हनं सिसाफल स्नान दोदोदयाव चो-
न थ्वखनाव दुल्यापनीसेन धाल भोचन्द्रावती माजु थोथायस सुगन्ध धुपदिपया वासनादयाव हनं सिसाफल
अनेग द्रवदयाव चोव जिपनीसेन भती सोलवनेधकं धयाव थन चन्द्रावती रानियात दुलिकान फयकाव तया-
व दुल्यातसेन स्वयधकं वनजुल थ्ववेळस सालिनगद्दास स्नानयानाव थ्वसालिन खुसिसमुद्रया खुसिस थर्गतन
अप्सरा लोक कोहावयाव श्रीस्वस्थानी परमेश्वरया धर्मव्रत दनाव चोन थ्वनली दुल्यापनीसेन थ्वधर्मव्रत दनाव चोन
थायस येनकळव धाल भोभोअप्सरा माजुपनी छिस्कलपनी सया लुज्यायानाव विज्याना आमलु देवपुजायाव
विज्याना जिपनीसेन मसियाधकं धयाव थ्वस्य दुल्यापनीसया वचन डेनाव अपसरापनी सेनधाल भोमाहापुरुषप-
नि छिमीसेन न्यव थ्वदेवजुल श्रीस्वस्थावी परमेश्वरया धर्मव्रत थ्वहर्षेश्वरया धर्मव्रत दनावचोनाधकं धयाव थ्व-
वेळस अपसरालोकया आज्ञाडेनाव दुल्यापनीसेन धाल भोअप्सरा माजु पनी आमुधर्म व्रतजिपनीसेन दनेते-
वलाधकं धयाव भोअप्सरा माजुपनी आमुधर्मव्रतया खडेनाव जिपनी पापयासरिर जुयाव चोनपनि शुद्धसरिर
जुल असाधर्थ जुल थ्वत्यन जिपनीसेन दनेतेवलाधकं धयाव थ्वस्य दुल्यापनीसया वचन भाखाडेनाव अपसरा
पनीसेन धाल भो माहापुरुष छपनीसेन फतसा लवधकं धयाव थ्वस्य अपसरा लोकया आज्ञाडेनाव

0

5

10

15

20

25

30

35

40

मनस अत्यन्तन हर्षमान जुयाव दोल्या पनीस्यन जुलसा अप्सरा पनीष्ट उयाला कयाव हया दाम वियाव
अप्सरा पनीस्के मामको सालाग्री कयाव थन अप्सरा पनीम वनाप माहाआनन्दनं धर्मव्रत दनावचोन थन-
ली धर्मव्रत दनेधुनका अप्सरा पनीस्यन धाल भोमाहापुरुष पनी जिपनीखन्यव गवहमनुष्यन थुगुली श्रीस्वस्था-
नी परमेश्वरया धर्मव्रत दनीव गवहानल्हातकिव गवह मनुष्यनल्हाईव गवहमनुष्यननेनिव गवह मनुष्यन क्षस-
नुदयाकिव थपनीष्ट दुखसंताप दयुवमखु दग्दिनाशजुयाव समस्त पापकुनाव दिव्यदेह जुयाव हनं एहलोक
स माहाशुखि जुयाव ईश्वरयाके लिनजुयाव चोन वन्यदईव अन्तकालस जूस्याळि स्वर्गस वासयुव भोमा-
हापुषपनी थुगुली श्रीस्वस्थानी परमेश्वरया जपध्यान भिनकं लुगलस तयाव थव्यरुस पूर्वजन्म सुम्वालके मो-
क्षलाईव धकं भोमाहापुरुष धन्य २ छपनीसया भाजे धकं छपनीस्यन अति माहातव भक्तिन थुगुली धर्मव्रतद-
न आव छपनी गनवन्यत्यना अनहुनी थवधर्मव्रतया सेसास्थान छेयापनीयात यवधकं धयाव थव अप्सरा लो-
कया आज्ञाडेनाव सिमाफल स्वानकयाव दोल्या पनीस्यन धाल भोमाजूपनी धन्य २ छिसकल पनिसया दयान
जिपनिस्यन थर्थीड श्रीस्वस्थानी परमेश्वरया धर्मव्रत दन्यधुनकाव धन्य २ जिपनिसया भाजे धकं धयाव अ-
प्सरा लोकया चरनस दोल्या पनिस्यन भोकथुयाव विदाकयाव सिमाफल स्वानकयाव जोनाव मनस अत्यन्त
हर्षमान यानाव चन्द्रावती रानीया थास थनकलवन थनली अप्सरा लोक पनीजक स्वर्गस थाहाविज्यात

थनली दोल्या पनिस्यन सिमाफल स्वानजोनाव चन्द्रावती रानीया ह्वेने धाल भोमाहारानी चन्द्रावती छलपो-
ल अपमान जूयगत्य जिपनिसया विनतीन्यस्य विज्याहुन्य लुभालसा हुहुथायस गनया माजूपनी मासिया व-
पनिस्यन श्रीस्वस्थानी परमेश्वरया धर्मव्रत दनावचोन छनाव जिपनीस्यन न्यना भोमाजू पनीनेव जिपनीस्यन
दनेत्यवला धकं धयाव थव्यळस छपनीस्यन फतमा त्यवखे धकं धयाव जिपनीस्यन धर्मव्रत दनाव चोना भ-
तिचा विलम्भजूल अपमान चास्य विज्यायमेतव श्रीस्वस्थानी परमेश्वरया मिसा स्वान जोनाव कास्य विज्याहु-
न्य धकं धयाव स्वान विल थव्य दोल्यातया भाखान्यनाव चन्द्रावतीया मनस अत्यन्तन क्रोधयानाव मिखा-
ह्यामुक कनाव वाकटटनं ह्वेयाव नाग नागिनीन स्वासतयाथे व्यल २ झसुकाल तयाव मलाहा किसितम-
चावथ्व क्रोधयानाव भेद्यगर्जलपुथ्य तवसोदनं धाल हेपमपिष्ट दोल्या पनी जिथर्थीड वनान्तरत खुसिया मिस-
फसन दायका जिपकान्तन वानाव छपनी धर्मव्रत दनाव चोनाव चोना धकं धाल आमधर्म लुधर्म मयहुळा
तियहुळा जिन नकेकु लियकेकु आम स्वस्थानी परमेश्वर धयाह्व गनयादेव अन्मदेवन हुविईव हुवाईव धिका-
र २ छपनिया जन्मधाय थर्थीड वनान्तरस फसनदायकाव छपनिस्यन धर्मदनाव चोन थर्थीड लास्यवकया ध-
र्मसेवकया धर्मजूल स्वामिन धयाथ्य याय थुका स्यवकया धर्मधाय आम धर्मन छपनीयात लुप्रशाद विईव ह-
नं जिन छपनीयात साठियातके कया प्रसाद विवकया धिकार छपनीया जन्महुयाय जि वनान्तरस मलातसा

तत्कारन छपनीष्ट प्राणकाय जिजुलसा नवराज माहाराजाया थायस थ्यनकेगाल हतासजुल राजाव जिव थी-
थीसुमलपाव चोने वेलम छपनीष्ट शाष्टियातके भोपापिष्ट दोल्यापनी जिजुल नवराज माहाराजाया कलात च-
न्द्रावती धकं गथ्य ससिया भोपापिष्ट आम श्रीस्वस्थानी परमेश्वर धयाह्य छपनीष्ट बहलदेवता थुका जिपनी-
स्थन न्यनाव महु धिमार छपनीसया धर्म माहापापिष्ट धयाह्य छपनीथुका धकं ना २ माथन न्वानाव देवताया-
त निन्दायानाव बोलवियाव मिसाल स्वान लकाकयाव कुतिकुतिथयाव फुफुयानाव हाकुतिनाव धाल भो-
पापिष्ट दोल्यापनी आव खुनुननानं दुलिकुबुव धकं धयाव थव्य चन्द्रावतीया छिद्र भाखाडेनाव दोल्यानीस्थन
लुधावमफयाव न्वनमवामे दुलिकुबुयाव माहावेगन वन थवनली रावेन्य देसया समिपसं शालिन खुमिल्लुली
दयावचोन थवशालिन खुमिया समिपसथ्यनाव खुसिल्लिनाव वन थवयलस थीस्वस्थानी परमेश्वरयात निन्दा
यानाया पापनं चकनाव चोनसूर्य तकारन ईसानकुनस शुबुयावतव श्रद्धणं नान्यायाव पृथिव सुधान्त दोला-
यमान जुएकं नान्यायाव प्वाला प्वाला लमातोयाव सुमलधारा प्रमाननं वागानाव माहाअन्धकार जुयाव वि-
परितन वायुबहलपाव वल थवयलस थवमाहापापिनी चन्द्रावती सालिन धयाखुमिया दथुमथ्यन थवयलस दु-
लिहोगनाव खुसिसलातकं कुतिनयन थवनली दोल्यापनीजक थीस्वस्थानी परमेश्वरया पुन्यन चिभाए भुमिज-
क चुयकल यनाव हुंमजुधकं खुसिन थाहावयाव थव २ छेस चोनवन थवयलस थवमाहापापिनी जक खुसिसं

जक पदलपाव चोन थवनली थामाहापापिनी चोनाया निमीर्तिन थवमालीन धयाखुमिस मन्हासे पुखुलीचो-
नथें थथेखुमिमन्हासे मन्हाकधकं मनस धन्दाजुयाव माझित पनीनेन माहाधन्दा कयाव अतिआमर्ये चाया-
व लिमहु न्हामहु थथेखुसी मन्हाकधकं मनस धन्दाजुयाव माझित थवग्रामस लिहावनाव माझितदको सुना
व माहाआसथ्ये चायाव चोन थथेचोन खुमिस्वयाव माझितदको सुनाव समधरयात थवखुमी मन्हाक आव झि-
जीमेन नवराज माहाराजयाके ईनाप यायधकं समधार यायधकंवन थवनली माझिलोक सकलेंमुनाव राजगृहेस
दुहावनाव नवराज माहाराजयाके ईनापयायत भोमाहाराज अदभुत आश्चर्येछता ईनापयायधकं वया झिजी-
स सालिनधया नामखुसिमन्हाक पुखुलिवोनथें स्थिरजुयाव चोन लिमहु न्हामहुन्यने मना लुहारन जुतखें
झिनमसिया गथेजुयाव मन्हात जिपनी अतिआश्चर्ये चायाव थव्यवात ईनापयायधकं वयाधकं सकलें माझिलो-
कन विनतीयात थव्य माझिलोकया भाखाडेनाव नवराज माहाराजन अटविस्मय चायाव मन्त्रीपनी मलता-
वधाल भोमन्त्री पनी थवमाझिलोक पनिसन अतिआश्चर्ये खलहातवल थवखें गथेजुल मोलवने नुयोधकं धया
व देशमदको पण्डीत जोतिक मन्त्रीआदिन लोकमकलें मुनकाव नवराज माहाराज प्रभुतिलोक सकलें मुनकाव सवा
रिजुयाव विज्यात थवनलीखुमिया थासयेनकावस्वतनामें सालिनखुमिमन्हाक खनावनवराज प्रभुतिलोकसकल अनि
विस्मय चायाव चोनथवनली नवराज माहाराजन मीझेलारया हवेने आज्ञापकल भोमाझिलोक थुगुली खुमि

स्वस्था
१७२

सं लुअघोर वस्तुचोनवें अघोरवस्तु गदुसा थुगुली खुसिथेचोने महु ध्वतेन छपनीसेन वालाव स्ववधकं आज्ञा
वियाव थ्वत्य माहाराजया आज्ञाडेनाव माभितसेतन खुसिम कोहावनाव जालन वालाव सोत गुलिमीन ला-
हातेन तुतिन वालावसोत गुलीसिन पथनवालाव सोत थुगुली प्रकारन वालावसोया लुवस्तुक महुधकं धयाव
जालस थ्वपापिनी थोकतुयाव न्हान भुतुभुनकाव जालस थानाववल थ्वत्य माभितसेन वध्वधक मसियाव खु-
मियासिस हाकानिनाव छोट थ्वपापिनी सुनान वध्वधकं मसियाव लोहचोनथें चोन चैतन्यमदयकं हसन्हान
भुतुभुनकाव चेष्टानाप मदयाव खुमियासिस गवल २ तुलाव जुल थ्वनली माभितसेन छता लुएके मफयाव रा-
जाया हेवन वनाव छतानाप महुधकं लिखतकनाव थ्वत्य माभिलोकया भाखाडेनाव नवराज माहाराजन थ्व-
त्यखन्यनाव नवरत्न सादुरु सितो सिद्धार्थ सुवर्ण थ्वतेन संथुकयानाव अर्घजोनाव आज्ञादएकल भोपरमेश्वर ग-
ज्ञादेवि जिन अथेथेधकं मसिया लुनिमीर्तिन छलपोल स्थिरनं विज्याता छलपोलनं जित दयाप्रसन्न जुयाव
जिनक्षमायानाव कृपायाना विज्यायमाल धकं आज्ञादएकाव अर्घविल थ्वत्य नवराज माहाराजन आज्ञादएके-
वतुन थ्वसालिन समुद्र न्हापायासिन माहावेगन न्हानाव वन थ्वनली नवराज माहाराजन जुलसां थ्वसालिन
खुमी न्हापायासिन माहावेगन न्ह्याकस्वयाव मनस अती आनन्दयानाव सकल प्रजालोकन लिचकानकाव थ्व
राज्यस लिहाविज्यात थ्वनली माहापापिनी खुसिसचोनाव माहाकष्ट नयाव चोन हनं थ्वमाहा पापिनीया ला-

१७२

हात थुथा जुयाव वन सरिरस्वनाव वल वल्लथ्वहधकं मसियाव अचैतन्यजुयाव चोन हनं खचिनचेष्टा दयाव
थुगुली प्रकारन माहादुख मियाव दानलानाव तुती लाहात थुथाजुयाव हसकुष्ट थियाव माहाअघोर नाकमसो
ग यानाव खुसिस हालाव खोयावचोन हनं खुधान पिदलपाव अन्ननयमदयाव खुसिम चोनगु चाकयाव सय-
त्यन थ्वचा त्वहजुयाव चोन थ्वस्वयाव अत्यन्त विस्मय चायाव खोयावचोन हनं सरिरया व्यथाजुयाव वेथास-
दृष्टप्यमफया नन्यावथें अती विस्मदन हालाव चोन खचिन पित्याकजुल हनं खचिन चेतनामदयाव चोन हनं
जागर्तना जुगकाव हायकष्ट २ धकं हालाव चोन थुगुली प्रकारन श्रीस्वस्थानी परश्वरयात निन्दायानाया निमी-
र्तिन माहाअघोर नर्क भोगयानाव माहाकष्ट नयाव चोनधकं कार्तिककुमारन अगस्त्य मुनियात कनाव विज्या-
कगुखें नैमिषारण्य वनस सुवन सौनकादि चयच्यादोल ऋषीपतीष्ट कनाव विज्यात इतिश्री स्कन्दपुराणे मा-
घमाहात्मे केदारखण्डे चन्द्रावती सालिनाज्ञा प्रवेस त्रयत्रिंशो ध्याय ॥ ३३ ॥ अगस्त्यउवाच ॥ थ्वनली अगस्त्य
मुनिन कार्तिक कुमारयाके विनतीयात भोकुमार छलपोलसेन चन्द्रावती ब्राह्मणीन श्रीस्वस्थानि परमेश्वरयाके
विगती लानाव पापया सागरस पदलपाव माहाकष्ट नयाव दुखसियाव चोनधकं छलपोलसेन आज्ञादएकल जि-
न न्यनेधुन अध्यन जितस सन्देह दवनी थ्वख विस्तारन कनाव विज्याय माल धकं विनती
यास्यली हनं कार्तिक कुमारन जुलसां आज्ञा दएके त्यन ॥ स्कन्दउवाच ॥ हे अगस्त्य मुनी

स्वस्था
१७३

नछ एक चितयानाव न्यव जिन कन्य लना धकं धयाव थनली छन्दुया दिनम नवराज ब्राह्मण-
न माम स्वमयजुया हेवने धाल भोमाजू छलपोलया तपस्यान धर्मसं ईश्वरया कृपान शिजीमंतव संपति-
राजात्व जुयधुन हेवकालसं शिजीमाहा दारिद्र्ययाव चोन बेलस जजमान पनीमके भिक्षाफोनाव हिन छपोल-
जक नयाव चोना भोमाता थवत्यन आव शिजी ईश्वरया कृपान तवसंपतिलात धकं भोमाता आव जिन कि-
र्तिछगुली दयके ब्राह्मणपनी सकल्ये ईक्षया भोजनयातके भोमाता शिजीस हेवकालसं तवदुस्वसियाव चोना थो-
त्यन थुगुली जन्मश धर्मयातमा लिथुगु जन्मस तवधन्य कुलसजन्म कालवनेदईव तवसंपतिलाईव धकं नवरा-
ज माहाराजान माम स्वमयजुया हेवने आज्ञादयकल थवत्य थवपुत्र नवराजया भासाडेनाव स्वमयजुन आज्ञा-
दयकल भोनवराज जिवखे आव मन्त्री बोनकलछोव धकं धयाव थवत्यमाम स्वमयजुया आज्ञाडेनाव नवराज
माहाराजान मन्त्रीपनी बोनकल छोयाव आज्ञादयकल भोमन्त्रीपनी आव जिराजा जुयाया किर्तिछगुली दयके
पृथ्विसदको ब्राह्मण यातईक्षा भोजनयातके धकं छपनी बोनकलहया धकं आज्ञादयकाव थवत्य नवराजया आ-
ज्ञाडेनाव मन्त्री पनीमेन छता २ भालाकयाव अनिवान लातकाव सतलछगुलि दयकाव तयारयात थनली
नवराज माहाराजान अनेग सामाग्री दयकाव मन्त्री पनीमेन चितायात कव १ रुपोहित बांनाव जग्गयात का-
व सतल प्रतिष्ठायानाव थवत्य धुनकाव सुवर्ण दक्षिणा वियाव भोजनादि यातकाव बिदावियाव विज्यातकल

१७३

थनली हने नवराज माहाराजान माम स्वमयजुया हेवने आज्ञादयकल भोमाता आव सतल प्रतिष्ठा यायधु-
न आव पृथ्विस दको ब्राह्मण ईक्षा भोजनयातके मालधकं आज्ञादयकल थवत्यपुत्र नवराजया वचन नेनाव थ-
न स्वमयजुन धाल भोपुत्र धन्य २ छधर्मम माहारसन जूव भोमाहाराज आव मन्त्रीपनी बोनकलछोव वानक
लछोयाव समधारयाव धकं धयाव थवत्यमाम गोमयजुया आज्ञाडेनाव नवराज माहाराजान मन्त्री पनी बोन-
कलछोयाव आज्ञादयकल भोमन्त्रीपनी जिगूख डेव छुधालमा जिराजाजुया या ब्राह्मणपनी भोजनयातके सुवर्ण
दक्षिणाविया थवत्यया निमीर्तिन छपनी बोनकलहया धकं धयाव आव पृथ्विस दकोब्राह्मण पनीष्ट निमन्त्रणा
यातकलछो धकं हने ममस्त मालको सामाग्रीताल लातकिव धकं हने नवराज माहाराजाया अन्नदान सुवर्ण
दानयाय धल वनाबछो धकं मन्त्री पनीसया हेवनेधाल आज्ञादयकाव थवत्य नवराज माहाराजाया आज्ञाडेना-
व मन्त्री पनीमेन छता २ भालाकयाव राजाया आज्ञासिलस फयाव तत्कारन सामाग्रीताल लातकाव थाम २
ब्राह्मणपनी मन्त्री पनीमेन निमन्त्रणा यातकल छोयाव थनली गोमयजुन नवराजया हेवनेधाल भोनवराज
आव चन्द्रजोती नगरया पासामाई जजमान पनिदको थवदेससं दवाब्राह्मण पनी बोनकलछोव धकं आज्ञाद-
यकाव थवत्यमाम गोमयजुया आज्ञाडेनाव थन नवराज माहाराजान मन्त्री पनीमिया हेवने आज्ञादयकल
भोमन्त्री पनी आव चन्द्रजोती नगरया जिपासापनी जजमानपनी थवदेससं चोको ब्राह्मणपनी बोनकलछोव

स्वस्था
१७४

धकं काज्ञावियाव श्वस्य माहाराजाया आज्ञाडेनाव मन्त्री पनीसेन धायकल छोट श्वनली नवराज माहाराजान
आज्ञाडेनाव पृथ्विस दकोब्राह्मण रावन्य देससं विज्यात श्वनली नवराज माहाराजान ब्राह्मण पनी विज्याक ख-
नाव कोटितका बितहयाव समस्त सामाग्री परिपूर्ण यानाव तल हनं भक्षभोजनयात अनेग पदार्थ दयकाव
थास २ मन्त्री पनीससा भालावियाव थास २ भन्दारिक तयाव तयार यानावतल श्वनली पृथ्विस दकोब्राह्मण प-
नी थेनकल विज्यात श्वनली श्वमाहा पापिनी चोनथासकपिल धयानाम ब्राह्मणपनी निह्यकुकिज रावन्य देससं
भोजन वनेधकं वल श्वन्यलस सालिन धयाखुमिया सिस माहापापिनी चोनाव चोन श्वथायस कपिल धयाना-
म ब्राह्मण श्वनलवन श्वन्यलस श्वपापिनीन श्वब्राह्मण पनीखनाव हतासनं वपदनाव ब्राह्मणया थासवनाव
धाल भोब्राह्मण छलपोल पनी गनविज्याय त्याना धकं धयाव श्वस्य पापिनीया भाखाडेनाव कपिल देसस्य
ब्राह्मण पनीसेन धाल भोपापिनी न्यव जिपनीजुलसा रावन्य देशसं भोजवन्यत्याना धकं धयाव श्वस्य ब्राह्मण
जुया भाखाडेनाव श्वपापिनीन धाल भोभाजु पनी भोज विज्याय जुलसा जितभति भाग लुखुनु अन्नपोनाव
हस्यविज्याय माल भोब्राह्मण जिजुलसा नयपित्यानाव प्यचान्यानुदत यानलातगु श्वत्यन जिथिड पापिनीन-
नाव कृपादयमाल भोब्राह्मण श्वत्यन जिन आशातयाव चोन्य श्वत्यन जितधर्माव शुप छलपोल पनीत हुस-
विया श्वत्यन जिपनीसया विनतीन्यनेमाल भोब्राह्मण थथ्यन जिपापिनिया विनतीन्यस्य विज्याहुने दयातय

१७५

विज्यायमाल धकंधयाव श्वस्य पापिनीया विनतीनेनाव कपिलब्राह्मण पनीसेन धाल भोपापिनीडेव श्वस्यजिपनीसे-
न धायमछाला गथेधाय जिपनीसया लज्यामजुला सुयाकेफोने सुनानविधुव मियापदुतायामहु ह्यापांब्राह्मणजात ईतु-
थितुजुईव भोपापिनी श्वतेन आसतयाव चोनेमतेव जिपनीसेन धायमछाला धकंधयाव निह्यब्राह्मण रावन्यदेशस
नवराज माहाराजयाके भोजविज्यात श्वनली नवराज माहाराजव जुलसां पृथ्वीस दको ब्राह्मण विज्यातकाव
हस्तार्थ पादार्थ वियाव भिगुआश्रमस विज्यातकाव षोदसउपचारन दएकाव अनेग विधीपुर्वकन पुजायानाव को-
टि २ तका सुवर्ण दक्षिनावियाव विधीपुर्वकन पुजायात पुजाधुनकाव पृथ्वीस दकोब्राह्मण थाहाविज्यातका ना
२ पदार्थदएकाव दकोब्राह्मण भोजनयातकल श्वनली भोजन धुनकाव सुखसुद्धीकयाव ब्राह्मण पनीसेन नवराज
माहाराजया जयजय जुयमालधकं आसिर्वाद वियाव पृथ्वीसदको ब्राह्मण श्व २ लेवन श्वनली चन्द्रमोती ने-
गरया पासापनी दकोजजमान पनी दकोभोजन यातकाव वेदावियाव छोट कपिलदेशया ब्राह्मणपनी निह्यजक
पापिनीन हनाव हयागु लुमनाव करुनाचायाव धायथें मधायथें अथेयायहँ मसियाव चोन आवगथेयाय सुयाके
फोने गथेधाय फोनेधालसा लज्याजुल मफोनेधालसा श्वमाहापापीनिन आसातयाव चोनिव आव लुधकंधाय धा-
यधालसा लोभिव्राह्मण धकंधायुव शुलिमछि ब्राह्मण सुनानं लुमफोव श्वतेन थोपापिनीया निमीर्तिन लज्याजक
जुईवधकं धायमछालाधकं मनस भालपाव निह्यकुकिज ईसथिस्व स्वयाव चोन श्वत्रेलस थथेचोन ब्राह्मणपनी

स्वस्था
१७५

निहा गोमयजुन खनाव थ्वमोयाव गोमयजुन भंदारि सलताव आज्ञादएकल भोभंदारीपनी जिखन्यड हुँहुब्राह्म
ण निहा छाय ईसोयिसोलनचोन हुँभपजक मगातला हुनलुगदनला छाय अंदोलचित्त यानाव चोन छपनिवनाव
भतिन्यन हुनिधकंधयाव थ्वत्य माहागनी गोमयजुया आज्ञाडेनाव भन्दारीपनीसेन जुलसां ब्राह्मणया थास व
नाव न्यन भोवाह्मण छलपोलपनी हुनिमीर्तिन अंदोल चिसयानाव विज्याना हनंगखु भपजकमगातला हुभपि
य ईक्षाजुल उगुली आज्ञादसे विज्याने धकंधयाव थ्वत्य भन्दारीया भाखाडेनाव थ्वब्राह्मण निहा लज्याचाया
व कोलुनाव धाल भोभन्दारी न्यवधकं जिपनी समस्तवस्तुन सन्तोख जुयधुन मेवताकारन अंदोलचित्त यानाव
चोनामखु लुधालमा जिपनीनिहा थन भोजवयधकं वया थ्वबेलत लमतवदुखीछहा चोनाव चोन तादत थान
लानाव थ्वमिसालहमेन सालिनधया खुसिम चोनाव चोनहा जिपनीवखनाव वपदनाव जिपनीस्केडेन भोवाह्म
ण गनविज्यायतेना धकंन्यन थ्वबेलस जिपनीसेन भोजवनेधकं कना थ्वबेलस थ्वमाहादुखी भिमनधाल छलपो
ल भोजविज्याय जुलसां जिमअन्न चिभायखुनु फोनाव हयमालधकं धयावहल भोभन्दारीभाजु पनी थुगुयानि
मीर्तिन जिपनी ईसोयिसो सोलनचोनाधकं गथेयायधकं धायमछालाव चोनाधकं भोभन्दारिभाजु पनी जिपनी
सया नययाआसान चोनामखु धकंधयाव थ्वतेब्राह्मणया भाखाडेनाव कोतवालन थ्वब्राह्मण लनकातयाव भन्दारि
पनीसेन जुलसां गोमयजुयात कनकल छोट भोमाहारानी गोमयजु थ्वब्राह्मण पनिसेनधाल मेवताकारनमखु

१७५

लँस माहापापिनी मिसालहहदु थ्वमिसान अन्नफोनाव दिवधावगु लुमनावलधकं धाल थ्वत्य खन्यनाव गोमय
जुनधाल भोभन्दारी आमब्राह्मण निमसे जोफको अन्नमधिचधी वियाव छोवधकं आज्ञादएकाव थ्वत्य माहा
रानी गोमयजुया आज्ञाडेनाव भन्दारिपनीसेन वियकल छायधकं कोतवाल सलताव कोतवाल पनीमया हेवने
धाल भोकोतवाल पनीसेन वियधकं सोतनास्यं स्वया २ थास लुवस्तु मदयाव चोन थ्वमाहा पापिनीयात नि
मीर्तिन अनेग सामाग्री ताललातकाव तयाव तलथास थ्वथायस लुखुनुमदयाव चोन थ्वत्य सामाग्री सुन्यजुया
चोन हनं थान २ थ्वपापिनीयात धयानिमीर्तिन अनेग परिपुर्ण भन्दारस परिपुर्णयानाव तयाथास थुगुली था
यम लुखुनुमदयाव चोन स्वया २ थास थ्वपापिनीयात धयानिमीर्तिन अनेग परिपुर्ण भन्दारस थनाव तयापु
लि सुन्यजुयाव चोन माहारानिया सुतधुकुति आदिनस्वत थ्वथायस छुंगदयाव चोन थ्वत्य सामाग्री सुन्यजु
याव चोनस्वयाव थोपापिनीयात धयानिमीर्तिन अनेग परिपुर्ण जुयाव चोन भन्दार सुन्यजुयाव चोन माहारा
निया सुलधुकुति आदिसकभनं स्वयाव स्वया २ थास लुखुनु वस्तु लुयकेमफयाव असामर्थ जुयाव भन्दारीप
निसेन हतान चागाव आव गथेयाय धकं हतामन न्यानाव वियधकं पमलम स्वलवन अन स्वया २ थासमदु
देशमदको पमलस भवधुनकाव गनमदधकं भोमाहारानी गोमयजु जिपनीसेनजा असामर्थ जुल छुंवस्तुक जि
पनिसेन वियमफुत वियधकं ब्राह्मणपनी लनकाव तया जिपनीसेन वियमफुत भोमाहारानी गोमयजु थोमिता

स्वस्था
१७६

तवपापिष्टखा थोयातवया निमीर्तिन छलपोलया भन्दासुधात सुनेज्जावओन आवा थोयाय कुवियावछोय धकं
धयाव थवत्य भन्दारिया भाखाडेनाव ग्वमयजुन अतिकौतुक चायाव आज्ञादयकल भोभन्दारि भाजूपनी जिखडेव
थवतवपापिष्टखव ह्याथेयानानं थवयात वियावछोय धकं आशातयाव चोनीव आव गथ्ययाय माल कुवियावछोय
थोयात धयाव निमीर्तिन छुवस्तु महुयाव वन भोभन्दारि आव कुयाय आम जितधकं थुयावतयागुजा जकदनी
थवजावियाव छोवधकं धयाव थवत्य माहारानी ग्वमयजुया आज्ञाडेनाव भन्दारिन दयजिवसे धकं धयाव जा-
जोनाव ब्राह्मणया थासवनाव धाल भोब्राह्मण थवजाकास्य विज्याहुन्य मेवता वस्तु लुवियमफुत छानधालसा
आम मिसायात धयानिमीर्तिन छुवस्तु सुधातमदयाव चोन आव थवमाहारानी यात थुयाव तया जाजकदनी थ-
निकास्य विज्याहुनी आम पापिनी मिसायात धयानिमीर्तिन राजाया भन्दारसं सुधान्त सुग्यजूयाव वन भो-
कपिलब्राह्मण आवथ्वअन्न जोनाव विज्याहुन्य मलावशतयावब्राह्मणयातधिल थवत्य भन्दारिया वचनननेवब्राह्मणनिह
लज्याचायाव जाजोनाव ह्यापायालन लिहावन ब्राह्मणपनी निम्ह पिहावन तुनुममस्त अन्नआदिन वस्तुकतया
२ थास पुर्णजूयाव चोन थवनली कपिलब्राह्मण निम्ह पापिनी चोन गुललिस्य लिहावन थवत्यलस पापिनीन
थवब्राह्मणपनी निम्ह लिहाववखनाव हनासन वपदनाव ब्राह्मणपनीसया थास वनाव थवपापिनीन धाल भोब्रा-
ह्मणपनी जिपापिनीन हनाव छोयागु बुख छुमनकाव विज्याकला जित छुमनुअन्न जोनाव विज्याकला जिअ-

१७६

तिक्षुधाजुल धकं धयाव थवत्य पापिनीया वचन भाखाडेनाव थवत्यलस कपिल ब्राह्मणपनीस्यने आज्ञादयकल
भोपापिनी नेव छतव पापिष्टखव छनत धयानिमीर्तिन जिपनीसया लज्याजुल हनं छनत धयानिमीर्तिन राजा-
या भन्दारश सुधात फुनाव वन थवरानीयात थुयावतयागु जालेनाव चोनगुजा थवजाजोनाव वया धकं धया-
व थवत्य आज्ञाडेनाव पापिनीन अतिरसतायाव अन्न नयदत धकं भालपाव थवअन्नकयाव नयत्यन थवत्यलस
कपिल ब्राह्मणपनीस्यन धाल भोपापिनी आस्य २ नयमत्यव आवनापं छनंथयीड अबष्टानयाव चोनेमाल छ-
नभातिखुनु उधारजूय यलशा ख्वालखुनु सिनाव नवधकं भोपापिनी सदाकाल छआमथे पातकिजुयाव चोनेला
मनुष्यदेहजुयाव छुखुनु उपासन आदिन परमेश्वरया चर्चायाव भोपापिनी छखना जिानी दयाउतपतिजुळ छ-
नत उपदेसविय न्यव छुउपदेसविय धालमा निरञ्जननिराकाल श्रीस्वस्थानी परमेश्वरया उपासनयाय थवम्ह श्री-
स्वस्थानी परमेश्वरया जपध्यान तोत्रपाथ आदिन याव थवत्यलस पञ्चपातकि ब्रम्हहथ्या आदिन नमजुयाव व-
निव थवत्यन थवम्ह परमेश्वरया धर्मवर्तदव धकं भोपापिनी थवत्यलस छनत उधारजूईव धकं उपदेसवियाव क-
पिल ब्राह्मण निम्ह थवछेस वन धकं वार्तिक कुमारन अगस्त्यमुनी यात वनाव विज्यातगुख नैमिषारन्ने वन-
स सुतन सौनकादि चयच्यादोल ऋषिपनीष्ट कनावविज्यात इति श्रीस्कन्दपुराणे केदारखण्डे कुमार अग-
स्त्य संवादे कपिल ब्राह्मण उपदेस त्रिय पञ्चविंशोऽध्याय ॥ ३५ ॥ अगस्त्यउवाच थवनली हनं अगस्त्यमुनी

स्वस्था
१७९

श्वरन कार्तिक कुमारया ख्वालस्वयाव लहातनिपा हाजोनळपाव विनतीयात भोक्कुमार छलपोलस्यन कपिल
ब्राम्हणन चन्द्रावती पापिनीयात उपदेसविल धकं आग्यादयथ थवखाजिन न्यनेधुन अथ्यन जिचिन संतोखमजू-
वनी थवनली गथ्य २ जुल आग्यादयकस्य विज्याहुन्य धकं विनतीयास्यली हनं श्रीकार्तिक कुमारन आग्या-
दयकल स्कन्दउवाच हनं कार्तिक कुमारन अगस्त्य मुनीश्वरया ख्वालस्वयाव आग्यादयकल भोअगस्त्य मुनी
छनपकचित्त यानाव न्यव धकं जिन विस्तारन याभाव कन्यतेना धकं कुमारन अगस्त्य मुनीश्वरया ख्वालस्व-
याव आग्यादयकल भोअगस्त्य मुनी थवनली थवपापिनीन कपिल ब्राम्हणया आग्यादेनाव मनस दर्पमानया-
नाव ख्वाल मियधकं सालिन धयासुमिसं कदावनाव ख्वाल मियतेन वेलस थोपापिनीन थिईया भयन ग्या-
नाव थोसालिन धयासुमि दुशुनाव वन थथेख दुशुनाव वनखनाव अति विलापयानाव सिव २ धकं नामक-
याव झसुकाल तयाव खुमिन थाहावयाव आव हुयाय धकं ख्वाल मसिस्यनय धकं भालपाव जाकयाव नय-
तेन वेलस आकासन वानिन आग्यादयकल भोपापिनी आमअन्न छननयमत्यव श्रीस्वस्थानी परमेश्वरयात ज-
क निन्दायानान मगाकळा धकं आकास वानिन हतकावहल थोत्यव न्यनाव थोव्यलस पापिनीन जानयस्य-
न थव्यलस पृथ्विहोगनाव हेलाया लहातछपा थाहावयाव सलाव वमं चोन जाभोक पुयाव विल थव्यलस
थोजावस लानाव थोजा भस्मजुयाव वन थोखनाव पापिनीन हुयाय धकं थोभस्मखुनु फेय धकं मनस भाल

१७९

पाव थोभस्म फेयत्यन वेलस तवफसन थोजापाताळ थेनक पुयकलयन थथेजुवनाव थोव्यलस पापिनीन
थमथे थमनं पापिनाखव भालपाव माहादुखसियाव अत्यन्तन विलाप यानाव हनं खुयान पिदलपाव अन्न भस्म
जुवगु सुधान्त नयमदयाव अतिस्वक कष्टनयाव हाहाकष्टयाव हाहाकारन खोयाव पृथ्वीस ग्वलतुलाव चोन वे-
ल २ झसुकालजक तयाव अतिदुखसियाव चोन थुगुप्रकारन थवपापिनीन थथेतुं पिदन्याद हनं थथेतु तवदुखमि-
याव ताकारं हनं थथेन सुतान विचारयाकमहु नोनापंतुवमहु श्रीपरब्रह्म स्वस्थानी परमेश्वरयाके विगतीला-
नाव चन्द्रावतिन जुलसां पापिनी धायकाव दुखया समुद्रस पदलपाव ताकारं कालहनाव दुखमियाव चोन हनं
थमथे थमनं धिर्येयानाव आव थथेचोनान मजिलधकं मनस भालपाव थवईष्टदेवता यात सुमर्ना मयास्य म-
जिलधकं निश्चययानाव मिछोयकाव थवनुगलया ला थमनधनाव थवहिस बुलाव थवईष्टदेवता श्रीविष्णुदेवी पृ-
तिन अग्नीस आहुतिवियाव प्रार्थनायात भोपरमेश्वर विष्णुदेवी जिनउच्चार यानाव करुनान गिखानस्वस्य विज्या
हुने श्रीस्वस्थानि परमेश्वरया व्रतहापाजीन निन्दायानाया पापन जिपापिनी जुयाव चोनेमाळ आव जिथेया-
नान गौक्षजुईवधकं माहाभक्तियानाव प्रार्थना यासेलि थवेल्स परमेश्वर श्रीविष्णुदेवी प्रतक्षजुयाव विज्यात थव
नली पापिनीन परमेश्वरया दरसनयात हेदेवि जिन वरदान काय कामुनान जिन भक्तियाना छलपोल गथिड
ह धालसा त्रैलोक्यया मामजुयाव विज्याकहा हनं वरदान वियाव विज्याकहा हनं सङ्खचक्र गदापद्म जोनाव

स्वस्था
१७८

विज्याकम हाकुव सिधुव नापंक्षानाथे परवलसा तोवयें वर्ण थथिडम्ह परमेश्वरयात कोटि २ नमस्कारधकं तो-
त्रयात हनं भोपरमेश्वर छलपोलया सरिर झिमलुग्वाल त्याक्षदरनं धारनयानाव विष्णुसक्ती धाएकाव थवनुगल-
स थमन दायाव क्षदन यानाव थमन जोनाव विज्याकम्ह थथीम्ह विष्णुसक्तियात कोटि २ नमस्कार धकं तो-
त्रयात थवत्य सेवकया तोत्रयाक खनाव श्रीविष्णुदेवी सन्तुष्ट जुयाव आज्ञादएकल भोचन्द्रावती छन निन्दाया-
नाम्ह श्रीस्वस्थानी परमेश्वरया व्रय विधीयेयाव थवयापुण्यनं छन थवथायस प्राप्तिजुयुव धकं वरदान वियाव
श्रीविष्णुदेवी अन्तर ध्यानजुयाव विज्यात थवनली छन्हुया दिनस स्वर्गतन अपसरा लोकन जुलसां श्रीस्वस्था
परमेश्वरया धर्मव्रत दनेयात स्नानयायधकं थवसालिन खुसिस वनाव थवखुनया दिनस पौषशुक्लया पुर्णेमासिखु-
नु जुयाव चोन थोसालिनधया खुसिस अपसरा लोकमेन श्रीस्वस्थानी परमेश्वरया धर्मव्रत जोनेयात खुसिस
कोहावनाव स्नानयानाव चोन हनं श्रीमाहादेव पुजायायत थवनली स्नान सन्ध्या तर्पन धुनकाव श्रीसुर्ये देव-
तायात पुजायानाव अर्घवियाव चोन थवेळस थवपापिनिन अपसरा पनी चोनखनाव थवपनीसया थायसवनाव
अतिकरुनान विनतीयानाव भोमाजुपनी छिस्कल सुजुयुव जिनजा मसिया जिपापिनि खनाव दयादय माल जि
जुलसां माहापापिनि जित अतिशुधान पिदलपाव तल थवतेन जित अन्नदान विहुनेधकं जिजुलसां चयान्हुझि-
नुदत द्यानलाक जित अन्नलाताकेव भोमाजुपनी जिथनचोनायु पिदडाद दत सुनान जित विचाल याकमहु छु

१७८

या पापन जिथथिड जुत गथेयानान जितउद्धार जुयुव हनं छिस्कलपनी शुजुईव देवकन्याला जक्ष कन्याला
गन्धर्व कन्याला अथवा अपसरा धयाहया नकिंता रम्भा धयाम्हला तिलोत्तमा धयाम्हला उर्वसि धयाम्हला
जिगुमनसजा छलपोल मनुख्यमखु देवकन्या जुयुव मिथ्यान जिपनीष्ट कनाव विज्याय मालधकं धयाव थवत्य
पापिनीया वचन भाखाडेनाव अपसरा पनीसेन धाल भोपापिनी न्यव जिपनी देवकन्यामखु जिपनी जक्षकन्या
मखु जिपनी जुलसां स्वर्गतया अपसरा भोपापिनी छन अवस्थान स्वयाव जिपनी अतिकरुना चायाव आवळ-
नत उद्धारयायधकं धया भोपापिनी छनएक चित्तयानाव न्यव जिपनीसेन कनेत्यनाधकं भोपापिनी श्रीस्वस्था-
नी परमेश्वरया धर्मव्रत दव थवेळस छनत उद्धारजुयुव सदाकाल आमथें पापिनीजुयाव चोनेलाधकं धयाव
थवत्य अपसरा लोकया भाखाडेनाव थवपापिनीन मनस भालपाव हाहागथे जिनमसिल ववेळस दुस्यातपनीसेन
हवगु धर्मव्रतया स्वन जिन जुलसां कुति २ थयाव फुफु यानाव हाकातीनाव छोया आव थथीड अवस्था नय
माल थुगुली जन्मस थुलीजक अपराध यानाहु हेथुगु जनमस जक छु २ पापयातखें थवाजिनमासेया जिअह-
न्कार जुयाव श्रीस्वस्थानी परमेश्वरयात निन्दायानाव थवयाफळ जितपावय यायधुन हनं थवपापिनीन जुलसां
मनस भालपाव हाहाववेळस कपिल ब्राह्मण निहमेन जिहेवने आज्ञादएकल वपनीसेन श्रीस्वस्थानि परमेश्वर-
या धर्मव्रत दवधकं धयाव थकल आव थव अपसरा लोकन थवत्य परमेश्वरया धर्मव्रत दवधकं जित

स्वस्था
१७९

उपदेस विल श्वसंसारशं श्रीस्वस्थानी परमेश्वर बाहिकन मयमदुमवपोलया अन कृपान जुयाव जि यथी
ड अवस्थानजुल आव जिन श्वह परमेश्वर सुगरनायाय सबपोलया धर्मवर्तजिन न्यनेधकं मनस भालपाव पापि-
निन जुलसा अप्सरालोकया हेतनेधाळ भोअप्सरालोक जिपापिनीया विनती यस्य विज्याहुने श्रीस्वस्थानी पर-
मेश्वरया धर्मवर्त जोनेयात गथे २ सामाग्री माल समस्त विस्तारन आज्ञादकिव हनं आज्ञादयकस्य विज्याहुने
धकं धयाव श्वपापिनीया भाखाडेनाव अप्सरालोकन धाल भोपापिनी न्यव थनिनिस्य नित्य २ श्वखुसिमं स्नान
यानाव मध्यान बेलास श्रीमाहादेव पुजायाय हिनछपु श्रीस्वस्थानी परमेश्वरया वाखान ल्हाय श्रीमाहादेवया
स्तोत्रयाय वाखान ल्हायमकुतसा शिव २ धकं नामखुनुकयाव ललित यथ्यतुयानाव चोने पौषशुक्रया पुर्णमासि-
निस्य माघशुक्रया पुर्णमासिखुनुत वाखन ल्हाय न्यवव पनितकने न्यव न्यवदतसा छुवस्तुक हेचनेदत वगु-
लि वस्तुक मननं भालपाव कय श्वनली समाप्तयाय खुनु श्रीस्वस्थानी परमेश्वर परं ब्रह्माया धर्मवर्तदने सतछि
च्यापा अचितमधी दयके सतछि च्याफोल डाफोलस्वान दयके सतछि च्यागवद अक्षत दयके सतछि च्यापात
ग्वालदयके सतछि च्याकुत ग्वचदयके सतछि च्यापु जजंमका दयके श्रीखण्ड रक्तचन्दन सिंधुर पुष्प अक्षत
डाफोल स्वान गङ्गाजल ग्वच ग्वाल धुपदिप नैव्यद्यपक्वान फलफुल वस्त्रदक्षिणा आदिन थमनफयाथ्य ता-
ल लातकाव एक चित्तयानाव माहासुचि जुयाव माघशुक्रया पुर्णमासि खुनु धर्मवर्तदने भोपापिनी श्वधर्मवर्तया

१७९

प्रभावन छनउधार जुईव छनएकचित यानाव इश्वरयाके मनतयाव थनि निस्य श्वधर्मवर्त जोवधकं भोपापिनी
ताकष्ट नयमालाखु ललितजक जिपनिस्यन थनिनिस्य श्वधर्मवर्त जोन्ययात श्वनदि स्नान यानाव चोना भो-
पापिनी आव जिपनिस्यन धयाथ्य याव श्वव्यलस छनसरिर दिव्यसरिर जुयाव वयुव हनं दक्षपाप नामजुयाव
वनिव थथीइह परमेश्वरयात आगधनायाव धकं श्वव्यउपदेस वियाव अप्सरापनी जुलसा श्वसालिन खुसिमं
स्नानयानाव अप्सरापनी स्वर्गस थाहावनजुल श्वनली श्वखुनुनिस्य अप्सरालोकया वचनथ्य नित्य २ श्वखुमि-
सं हिनस्वपोल मोलहुयाव मध्यान बेलास श्रीमाहादेवयात पुजायानाव श्रीस्वस्थानी परमेश्वर यात जपध्या-
नयानाव नित्य २ धयेतु यानाव चोन श्वव्यलस श्वपापिनीया चेष्टादयाव माहापुन्य सरिरजुयाव बल हनं लग्न-
न थोपापिनायात शियवढळ श्वया सरिरस बुलिजायाव बल ह्यापायामिन दुगछि सुन्दरिजुयाव बल हनं दको
पापन तोलताव वन श्वनली श्वपापिनीन श्वसरिर दिव्यसरिर जुयाव बलपु मोयाव मनस अतिहर्ष १ न या
नाव हिनछपु वाखन ल्हायनाव ललितथु प्रकारन हनं श्वनली लाछिदयाव माघशुक्रया पुर्णमाखुनु स्वर्गतन अ-
प्सरपनी श्वथायंस कहावयाव श्वसालिन धयानाम खुसिया ममिमं श्रीस्वस्थानी परमेश्वरया धर्मवर्त दनेया-
त मालको सामाग्रीताल लातकाव तयार यानाव चोन श्वव्यलस श्वपापिनीन जुलसा अप्सरापनी सया धर्म-
वर्त दनेयात चोनस्नान श्वव्यलस वपनी थायसवनाव पापिनीन जुलसा धाल भोअप्सरा लोक छिमकलया

स्वस्था
१८०

वचनथ्य जिन वखुनुनिरय नित्य २ हिनस्वपाले मोललहुयाव मध्यान बेलास श्रीमाहादेव पुजायानाव हिनफको
वाखन आदिन जपध्यान स्तोत्र आदिन जिनफयाथ्य स्थवायाना थ्वखुनुनिस्य जिगुसरिसं खुलिजायाव अति
निर्मल सरिरदेहजुयाव वल धकं भोअप्सरा माजू धकं आव जिन श्रीस्वस्थानी परमेश्वरया धर्मवर्त दनेयात
हुवस्तुक महु जिन गथ्ययाय जिह्म थुगुली धर्मवर्त दनकाव कृपायाना विज्यायमाल जिपापिनी खनाव दया-
कस्ता दयमाल जिपापिनी उधार यानाव दिगमाल जित कुपानाव उधारजूईव भोअप्सरा लोक छिसवळ्या
दयानं जिथुलित उधारजुल आव श्रीस्वस्थानी परमेश्वरया धर्मवर्त दनेयात कु २ दयकेमाल थ्वव्रतया विधीग-
थ्य २ माल थ्वसमस्त उजनदयकस्य विज्याहुन्य जिके हुवस्तुक महु जिन लुवस्तुकन धर्मव्रत दनेधकं धयाव
थ्वस्य पापिनीया भाखाडेनाव अप्सरा पनीसेन धाल भोपापिनी डेव आमखुसिसं चोन पिकयाव समस्त सामा-
ग्रीदयकिव आम खुसिया लखव फिव नितान समस्त सामाग्री दरकाव धर्मव्रतदव धकं धयाव थ्वस्य अप्सरा
लोकया भाखाडेनाव थोपापिन जुलसा फिव लखव नितान समस्त सामाग्री दयकाव अप्सरा लोकव नापं धर्म-
व्रत दनेयात तयायानाव चोन थ्वयलस थोपापिनीया पिचुवल खव नितान दयकावतया वस्तुक समस्त थो
धर्मव्रत दनेधया निमीर्तिन समस्त सामाग्री हेवन्यदयाव चोन लुलुधालसा रक्तचन्दन अक्षत धुपीदिप नैव्यद्य
मधिचधि धलिदुद पञ्चामृत ताम्बुल फलस्यसा गुमास्वान समस्त सामाग्री हेवन्य तयार जूयाव चोन थोस्वया

१८०

व पापिनीया जुलसां मनस अतिहर्षमान यानाव धन्य २ ईश्वरधकं मननं नमस्कार यात थ्वयलस अतीरसनं
अप्सरा लोकया थायसवनाव धाल भोअप्सरामाजू पनी स्वव २ छिस्कलपनी सया वचनथ्ये जिन थ्वधर्मव्रत
दनेधकं फिचुव लखव नितान समस्त वस्तु दयकावतया आव ईश्वरया कृपानसमस्त सामाग्रीन परिपूर्णजुया-
वचोन स्वव २ धकंधयाव थ्वस्य पापिनीया भाखाडेनाव अप्सरा लोकन सोववन अती आश्चर्ये चयाव अप-
सरापनीसेन जुलसां धाल भोसुन्दरी आवनहा लनतपापिनी धया आवळ पुण्यवतीजुल धन्य २ छर भावभक्ति-
धकं आव जिपनीसव नापं आमुसामाग्रीन श्रीस्वस्थानि परमेश्वरया धर्मव्रत दवधयाव थ्वअप्सराया भाखाडेना-
व थुगु सामाग्रीन चन्द्रावतिन जुलसां अप्सरापनीस वनापं थुगुली श्रीस्वस्थानि परमेश्वरया धर्मव्रत दन थ्व-
नयाख थ्वजुल थ्वनली न्हसकंस अंकारचोस्य माहासुचिजुयाव गथेसास्त्रम हास्यतल अथे भक्तिश्रद्धान सम-
स्तदयकाव षोदस उपचार दयकाव पुजायानाव वाखन आदिन हानाव ना २ धुपथनाव फको जपध्यानयानाव
तोत्र पदलपाव पञ्चामृत नैवेद आदिन गवगवाल स्यसास्त्रान पकान वस्त्रदक्षिना आदिन तयाव अप्सरापनी-
सवनापं थुगुप्रकार पापिनी चन्द्रावतिन श्रीस्वस्थानी परमेश्वर पृत्तिन धर्मव्रत दनाव व्रतसमाप्त यात थ्वनली
अर्घपात्र जोनाव सकलस्यन फको तोत्रयात अप्सरा पनीसेन श्रीस्वस्थानी परमेश्वरयात स्तोत्रयात भोपरमेश्व-
रधकं चन्द्रावतीन तोत्रयात भोईश्वरधकं हेवकालस जिनममिया जिअहन्कारन छलपोलयात निन्दायाना आव

स्वस्था
१८१

श्वअपराध क्षमायानाव विज्यायमालधकं भोलोकनाथ छलपोल सुजुयुव समस्त प्रानिया नुगलम विज्यानाव पा-
पपुण्यया साछिजुयाव विज्याकह थथिडहईश्वरयात सहस्रकोटि २ नमस्कार भोपरमेश्वर श्रुष्टिकर्ता ब्रह्माधयाह
छलपोल स्थितीयाकर्ता विष्णुधयाह छलपोल संहारयाकर्ता माहारुधयाह छलपोल छगुलीसुर्तिन स्वगुलीसु-
र्तिजुयाव विज्याकह छलपोल थथिडह परमेश्वरया पादुकाम कोटि २ नमस्कारधकं भोभगवान पृथ्वीआप ते-
जवायु आकाम श्वन्यातां छलपोल पुणातिकधयाह छलपोल जोजश्वरया नुगलम विज्यानाव चोनह छलपोल
ब्रह्माधयाह छलपोल निरञ्जन निराकाल धयाह छलपोल थथिडह परमेश्वरयात कोटि २ नमस्कार भोअनन्त
मुर्ति आदिमह छलपोल अतिथुलाधयाह छलपोल जोगिनी पतीसेन जोगन छपकमजिवह छलपोल देवया
देवमह छलपोल थथिडह त्रैलोक्यनाथयात कोटि २ नमस्कार भोनाथ अनाथया नाथमह छलपोल दुखिदरिद्रया
सरनागतमह छलपोल रत्युया मृत्युमह छलपोल कालया देवतामह छलपोल सक्तिया सक्तिश्वरुपमह छलपोल ल-
जया लजमह छलपोल ज्ञानया ज्ञानमह छलपोल थथिडह परमेश्वरयाके वारम्बार नमस्कार भोविस्वस्वर वि-
स्वमुर्ति विस्वरुप धयामह छलपोल श्वपृथ्वीस भाला कोताडाव कोताकह छलपोल श्वचतुर्दस भुवन-
स थव श्वाथम तयाव जोगनिन्दा याके मयन जुयाव विज्याकह छलपोल दुष्टजन संहारयाक साधुज-
न रक्षायाक थथिडह परमेश्वरयाके कोटि २ नमस्कार भो श्रीस्वस्थानी परमेश्वर जिअपराध सहश्र क्षमायानाव

१८१

विज्यायमाल जिवहल पापिनीन छलपोलया स्तुतीन यायफईव दोलछिमहुतु थुलावचोनमह शेषनागया महुतु-
न छलपोलया स्तोत्रयाव सामर्थमदु जिथिडह पापदेहन स्तोत्रयानान छलपोल सन्तोषजुयुव भोईश्वर विस्वरु-
पधयाह छलपोल थपृथ्वीया भालाकोताडाव विज्याकह छलपोल जिपापिनीया पुजान छलपोल सन्तोषजुय-
मालधकं जिअनाथ जातिया स्तुतीन सन्तोषजुसे विज्यायमाल धकं ना २ माथन श्रीस्वस्थानि परमेश्वरयात
स्तोत्र प्रार्थना यानाव निपालादातिन अर्धजोनाव ईश्वरयात अर्धवियाव सन्पुर्णयातधकं कार्तिक कुमारनं अ-
गस्त्य मुनिश्वरयात कनाव विज्याकगुखँ नैमिषारन्य वनस सुतन सौनकारी वयच्यादोल ऋषिपनीष्ट कनाव
विज्यात इतिश्री रकन्दपुराणे माघमाहाते केदारखण्डे कुमारअगस्त्य सम्बादे चन्द्रावती विषादो नाम षट्त्रिं-
शोध्याय ॥ ३६ ॥ अगस्त्यउवाच हनं अगस्त्य मुनिश्वरन कार्तिक कुमारया ख्वालसोयाव लाहात निपां जोज-
लपाव विनतीयात भोकुमार छलपोलमेन चन्द्रावतीन स्तोत्र प्रार्थना यानाव व्रत सन्पुर्णयातधकं आज्ञादएकल
श्वस्र न्यनेधुन अथेन जिचितस सँदेहदनी श्वनली चन्द्रावतीन गथे २ यात श्वस्र संपुर्णयाकगु खँ कसेविज्या-
यमालधकं विनतीयासेलि श्वनली कार्तिक कुमारन आज्ञादएके लन स्कन्दउवाच हनं कार्तिककुमारन अगस्त्यमु-
निश्वरया ख्वालसोयाव आज्ञादएकल भोअगस्त्य मुनिडेवधकं श्वनली चन्द्रावतीन जुलसां धर्मव्रत दनेधुनका-
व स्वानकोकायाव अपसरालोकन धाल भोसुन्दरी पुण्यवती त्राव श्वअचितमधी सतछी कहंस सुथहा

स्वस्था
१८२

पांस्त्रान यानाव छन पारनयाव थनिया रात्रीन चालि जागर्तनायाव ईश्वरयात ध्यानयानाव चोव थवच्यापात अ-
चितमधी च्याफोल द्राफोलस्वान जजंमका सगुन सहित दयकाव स्वामिदमा स्वामियात लवल्हाय स्वामिमदत-
शा पुत्रयात लवल्हाय पुत्रमदशा मित्र पुत्रयात लवल्हाय मित्र पुत्रमदतशा थवमनलुकासुना यानाव वगुली
कामुना पुर्णजूयमाल धकं धयाव शालिन खुमिसं चुयकावछोव थवत्यधुनकाव थमनपारनयाव भोसुन्दरि पुन्य-
वती थवधर्मवर्तछन जिवदतल्यै तोलतेमत्यव थवधर्मवर्तया पुन्यनंछन मनोर्थपुर्ण तत्कारन पुर्णछयाव वयुवधुका
भोसुन्दरि पुन्यवती आव जिपनी वनेत्यळ धकं विदाकयाव अप्पारा लोक स्वर्गसं थाहावन जुल थवव्यलस च-
न्द्रातीन अप्सरापनीसया बचनथ्ये चालि जागर्तना यानाव ना २ सुगन्ध धुपथनाव श्रीस्वस्थानी परमेश्वरया ज-
पध्यान यानाव रात्रिम जागर्तयानाव हनं प्रातकालजूयाव पुर्वादिशान श्रीसूर्ये उदयजुयाव ववस्वयाव चन्द्रावती
न सालिन धयाखुसिस कहावनाव स्नानयानाव स्नानधुनकाव च्यापात अचितमधी च्यापु जजंमका च्याफोलद्रा-
फोस्वान च्यापात ग्वाल च्याकुत ग्वच मेसास्वान सगुन सहित दयकाव खुमिसं चोनाव चन्द्रावतीन धाळ भो
श्रीस्वस्थानी परमेश्वर जिजुलसा भालतमदु कापमदु पुत्रमदु थवथीथी हातानाता मामबुवा सुखुनुथनमदु मिसा-
जाती एकान्तन चोना ताकालन्दत थन माहादुस्वामियाव चोना आव जिस्वामि नवराज माहाराजाव होनका-
व प्रसन्नजूस्य विज्यायमाल धकं धयाव माहावेगन ह्यानाव चोन सालिन धयाभाम खुमिसं चुयकलछोत थवनली

१८२

नित्ययाथ्य श्रीमाहादेव पुजायाना पुजाधुनकाव थवखुसिसं वलचा छगुली हुहावनाव थमन सतलि अचितम-
धी पारनयानाव पद्मआनन्दन चोन थवव्यलस चन्द्रावती ब्रह्मणीया सरि दिव्यदेहमुयाव ह्यापाशिनं पद्मपु-
न्दरिजुषाव देवकन्याथ्य चोनकाव धन्य २ ईश्वरधकं ईश्वरया ध्यानयानाव मनसं भालपाव मनसं अति हर्षमान
यानाव पद्मआनन्दन चोनजुल थवव्यलस चन्द्रावतीन चुयकल छोयाव अचितमधी थवशालिन खुमिसं चोन
नागनं छहस्यन लानाव काल प्यपाजक लायमफु अननं शमुद्रेथनक चुस्ययन थवव्यलस थवनागया कलात
नागिनीन थवमधी प्यपात लानावकाल थवव्यलस नागिनीया मनसं भालपाव हाहागथीळ अपुर्वमधी प्यपाजि-
न लाना आहाथथिड मधि जिभालत नकेदतशा पुर्वजन्मया पापन क्षिम १२ निद दत वायावचोना आवतले
शिकम्वाकया स्वजस्वरमदु गनवनरुय हनं मखुमेव स्त्रिदयकाव चोनला हनं मखु सुवनापा लानाव सितळा ग-
जुथ्यल क्षिमनिगुली संवत छगुली वनानं खालमखना थवत्यनं आथथेचोन्य मालमखुत सकभन मालनीवन्य
धकं जिष्कान्तन जकगथ्य थवअपुर्व मधिनय जिस्वामि मापालाशा ह्यतिनिपा ईनावनय नापमलाशा थुगुपान
लेनक्ययखु आव स्वळानिवन्य धकं धयाव समुद्रादिन गन्धकिसागर शमुद्रादिन शकभन मालनिवन्य ध-
कं वन थवव्यलस स्वया २ थायसं गननंछुयके मफयाव नागिनीन मधी प्यपाजोनाव खुमिपती गन्धकि आदि-
न शकभनं माळावजुल थय्यनं स्वया २ थायश लुयमेमफयाव सालिन धयाखुसिसं माल्य धकं वन थवव्यलस

स्वस्था
१८३

श्वसुसिं चोन नागन मनस भालपाव हाहागथिड मधिप्यपा जिनलाना थर्थीड वेलस जिनागिनी मदु आव
गथेयाय शिमनिद दत्त नागिनीया ख्वालमखनाय ताकारदत्त दनिलामदत्तला आव स्वलनिवन्य जिष्कान्तन
जकगथ्य थर्थीड अपुर्वमधि नय नागिनी नापलातसा ह्यतिनिपा ईनावनय नापमलातशा शुगुलि प्राणअमी-
सं दुव्वानाव अवस्यन मोचके आव थय्यचोन्य मात्तमखुत स्वलनिवन्य धकं मनस भालपाव शमुद्रसं मालेध-
कं वन थव्यलस नागिनीन नागमाले धकं श्वलवन थव्यलस दैवयासन्जोगन श्रीस्वस्थानी परमेश्वरया अ-
चित्तमधीया प्रभावन शमुद्रसं सालिन खुशिहोन थास निहनापलात थव्यलस नागिनीन थवस्वामि खनाव
मिखान हर्षस्ववि हायकाव नागया चरनस भोकपुयाव स्वामिया ख्वात्तस्वयाव धाल भोस्वामि नागराजा धं-
न्य २ जिभाजेनखना शिमनिगुळी शवत सरवन छलपोळया चरनारविदु दरशमदु थनियादिनसं छलपोळया सु-
खदरशन याना भोस्वामि न्यस्य विज्याहुन्य जिन अरभुतस्व छता विनतीयय थनियादिनस अपुर्वमधी प्यपा-
जिलाना थव्यलस जिनभालपा हाहागथिड मधिप्यपा जिनलाना थर्थीड वेलस जिस्वामिमदु जिष्कान्तन
गथ्यथर्थीड मधीनय जिस्वामि मदयकाव जिष्कान्तन जकगथ्यनय धकं मनस भालपाव थास २ सुचापातिकं-
गन्धकि सागर शमुद्रआदि सकभन मालाव जुया स्वया २ थास गननलुयके मफयाव प्राण मोचके निश्चयया-
नाव भोप्रभु थनियादिनस छलपोल नापमलातशा थ्वप्राणलेनीव मखुत भोप्रभु थ्वसालिन धयानाम खुसिंश

१८३

मालेधकं वया थनियादिनस दैवयासन्जोगन शिजीनिह नापलात भोप्रभु शिनीद दत्त छलपोलगत विज्याना
थ्वखममस्त विस्तारन आत्तादणकस्य विज्याहुनेधकं धयाव थव्य नागिनीया भाखाडेनाव नागन मनस अति-
हवमान यानाव सुसुहुनहिलाव धाल भोनागिनीडेव शिमन्यदत्त छनकैलुं मनतयाव छनपु धन्दाकयाव मालाजु-
या थनियादिनस छवजिव नापलात जिमनस थनिगथिड आनन्दजुन भोनागिनी न्यव जिन थनी थ्वअपुर्व
मधिप्यपा जिनलाना थ्ववेलस जिनमनस भालपा थथिड पदार्थवस्तुक नययात जिष्कान्तन जक गथेनय थ-
थिड वेलस जिकलात नागिनीमदु आवगथेयाय नागिनी नापलातसा ह्यतिनिपा ईनाव नयवकं सायधकं व-
या भोनागिनी जिनलुथनिया दिनस नापमलातसा थ्वप्राण मोचके निश्चयन यानाव ससुद्रम छमोयधकं वया
भोप्राणेश्वरि धन्य २ ईश्वरधकं धन्य २ शिजीसयाभागे भोनागिनी थ्वअपुर्व मधिनिपा छननयो निपा जिनन-
यधकं धयाव निपामधी नागिनीयात विधधकं थ्ववेलस नागिनीन जुत्तसां धाल भोप्रभु नागराज छलपोलसेन
लानाये जिन अपुर्वमधी पेपालाना आव मधिनीपा छलपोलयात कासेविज्याहुने धकं निपाजिन नयधकं निम
स्त्रिपुरुषस्यन थिथीमधिवियाव थिथी ख्वालस्वयाव आनन्दन भोक्षयात थ्वनली नागन नागिनीया ख्वालसोया-
व अतिप्रेम भावनान सुसुहुनहिलाव धाल भोनागिनी न्यव थ्वमधिया कारनं शिजीस हानेदत्त थनियादिनस
छनख्वाळ स्वयाव जिमनस अती आनन्द छलधकं भोनागिनी थ्वमधिया कारनं शिजीनिह नापालाना ख्वाळ-

स्वस्था
१८४

मनुखेन स्वमधी चुयकलहल स्वहमनुवेया मनोवांछा कामुनापुर्ण जुयमालधकं लक्ष्मीवृद्धिमान जुयमालधकं स-
नु क्षयजुयमालधकं आयुवहे जुयमालधकं स्वहमनुवेयात नवग्रह देवतान सदाकाल प्रसन्न जुयमालधकं स्वहया लु-
मनोवाञ्छा जुल उगुली तत्कारन मिदुजुयमालधकं ईहलोकम माहासुख सियाव अन्तकालस कैलाशपदवी ला-
धुवधकं भोनागिनी स्वहमनुखेन स्वमधी चुयकल वल्लमनुवेया कहेस श्रीसुर्ये उदयजुयतु मनोवाञ्छा पुर्णजु-
यमालधकं भोनागिनी शिजीसनिह होनथे स्वयासुवनापं होनेवाञ्छाजुल वल्लवनापं तत्कारन होनेमाल भोप्रा-
नेधरि आव शिजीसया थव अन्तपुरीस वनेनुयोधकं धयाव थव थवपुरुषया वचन उताव नागिनेन जुलसां आ-
सिर्वादिल भोस्वामिनागराज जिन आसिर्वाद वियन्यसे विज्याहुनेधकं स्वमधी चुयकल हलतु जिनसियधुना
स्वहमनुखेन स्व श्रीस्वस्थानि परमेश्वरया धर्मव्रतदनाव स्वमधी चुयकलहल स्वहमनुवेयात नवग्रह देवतान स-
दाकाल प्रसन्नजुय मालधकं भिह १० दिगपाल देवतान स्वयात रक्षायामाल भुतप्रेतपिमाचादी राक्षमपनिमे-
न स्वयात दुखवियमफय माल राक्षसदको स्वयावस्य जुयमालधकं माहाभागेमानी जुयमालधक त्रिदोष आदि-
न स्वयात दुखवियमफय माल भोस्वामी नागराज शिजीसया निम्हस्त्रीपुरुष होनथे स्वमनुखेया कायव होनेवा-
ञ्छायातसां बुवावहोने वाञ्छायातसां स्वामिवहोने वाञ्छायातसां छलपोलसेन आज्ञादण्काथे स्वमनुखेन स्वध-
र्मव्रतया मधियुयकलहल स्वहमनुवेयात तत्कारन कहेस श्रीदिवाकर सुर्ये उदय जुयवतुन मनोरथ कामुना

१८४

पुर्णजुयाव माहाभागेमानी जुयाव सुखन चोनेदय मालधकं निहस्त्रिपुरुषस्यन चन्द्रावतीयात ना २ माथन आ-
सिर्वाद विलजुल भोस्वामि नागराज आव शिजीथव वामग्रीहेम वनेनुयोधकं धयाव निहस्त्रिपुरुषसेन अनेग प्र-
कारन चन्द्रावतीयात आसिर्वाद वियाव पद्मआनन्दन खल्लानाव निहनापं थवक्ष वताव अनेग कामक्रिदा या
ना पद्मआनन्दन सुखन कालहनाव चोनजुल थवेल्स थवखुनुया दिनस श्रीसुर्येअष्ट जुयाव रात्रिजुयाव वल
थवेल्स पुर्णचन्द्रमा उदयजुयाव वल थनली चन्द्रावती ब्राह्मणोन जुलसां चलि जागर्तना यानाव थवस्वामी
नवराज ब्राह्मण होनेवाञ्छा यानाव श्रीस्वस्थानि परमेश्वरया जपध्यान यानाव रात्रिहनजुल थनली प्रातका-
लजुयाव पुर्वदिशान श्रीसुर्ये उदयजुयाव वल्लनाव थवेल्स चन्द्रावतीन सालिनधयानाम खुसिम कोहावनाव
थवनितेचारथे स्नानयाव मालको कृयाकर्मधुनकाव श्रीसुर्येदेवता यात अर्धवियाव दन्दवत प्रनामयानाव थवते
धुनकाव श्रीमाहादेव पुजायानाव थवेल्स भिगुलोहन छग्वदस फेकतुनाव श्रीस्वस्थानि परमेश्वरया जपध्यान
यानाव मिस्त्रानिपां िसियाव चोन थवेल्स थवरान्यवदेशया कतकन थवसालिन धयाखुसिम स्नानयायधकं वन
थवेल्स स्नानयायधुनकाव मध्यातर्पन धुनकाव लिहावयतेन वेलम थोचन्द्रावती चोनाचोगु लोकनखन थोस्व-
याव थोरान्यवदेशया कतकपनिसया न्वानाव भोपासा स्वव २ गर्थिङ्गपद्मसुन्दरी मिताछमयकान्तन यकचित्तयानाव
मिस्त्रानिपांतिसियाव ईश्वरयाध्यानयानाव माहानिश्चययानावचोन थवेल्सशिजीसेनपखना थोसुजुईवखेमसिया

२५ धकं अतिमाहासुन्दरी जुयावचोन मिखायालक्षनधासा समस्तथोयाकेदयावचोन साक्षातकामदेवया कलातरतिचो-
 नथेचोन समस्तलक्षनन संयुक्तयानावचोनभोपासापनीडेव जिमनसजाध्वमनुप्यमखु साक्षात्तलक्ष्मीदेवताचोनध्वचो-
 नध्वजालुजाति देवकन्याला गन्धर्वकन्याला विद्याधरपनिसया कन्यालाअधवाअप्सरा लोकयानकिंळारभाधया-
 स्वस्था १८५ हला तिलोत्तमाधयाहला उरवसि धयाहला थसुजुईवसे धकं झिजीस्यन थवयाथायस वनाव न्यनेनुषो धकं
 धयाव थवरान्ध देसया कतक फुकसिया साहातियानाव थवयायस वनाव नेन्यधकं श्री कार्तिक कुमारन जुन-
 सा अगस्त्य मुनी श्रया खात स्वयाव कनगुख सुतम शौनकादी थयच्यादोल कृषिपनिष्ट कनाव विज्यात
 २० ईति श्रीस्कन्द पुराणे साधमाहात्मे केदारखण्डे कुमार अगस्त्य संम्वादे रावन्यदेस लोकगङ्गा स्नान सप्तात्रिंशोऽध्या-
 य ॥ ३७ ॥ अगस्त्य उवाच थवनली हनं अगस्त्य मुनीन कार्तिक कुमारया खातलस्वयाव लहातनिपा हाजो-
 लपाव विनतीयात भोङ्गुमार छलपोलया कृपान जिन चन्द्रावती यात उधारजुयाव सालिन नामधया खुसिस
 चोनाव ईश्वरया ध्यानयानाव चोम खनाव रावन्यदेसया लोकपनी थवचन्द्रावतीया थायसवन गुख जिनने-
 न्यधुन अध्यन जिचित सजान्यने ईक्षीदनी चन्द्रावती ब्राह्मणी थवसालिन खुसिस चोनाव चोस्यलि हनं लिप-
 १५ तस गथ्य २ जुल थवस विस्तारन कम्य विषयहुन्य धकं विनतीयास्यली हनं कार्तिक कुमारन आज्ञादयकल
 स्कन्दउवाच भोअगस्त्यमुनी थवनली रावन्यदेसया कतकशकलं थवचन्द्रावतीया थासवनाव धाल भोसुन्दरी ध-

१० के छिपनिसुजुयुव धकं जिपनिस्यनजा मधिया धकं हनं देवकन्याला गन्धर्वकन्याला विद्याधर कन्याला अथ-
 वा स्वर्गया अप्सरा लोकया नकि रन्भाधयाहला तिलोत्तमा धयाहला हनंमखु उरवसि धयाहला हनंमखु मनु-
 ५ प्य धयाहला धकं थर्षाडि तिर्थेश चोनाव मिथ्यान जिपनिष्ट कन्यमत्यव धकं धयाव हनं लुनिमीर्तिन भिसाजा-
 ती एकान्तन कणचित्त यानाव अति भाक्तिपुर्वकन परमेश्वरयाके मनतयाव ध्यानयास्य विज्यानां हनं लु-
 कामूनान थथे तपस्यायानाव विज्याना धकं धयाव थवत्य लोकया भाखाडेनाव थन चन्द्रावतीन धाल भोमा-
 हापुरुष पनीस्यन न्यस्वदिस जिगुवार्ता समस्तकने जिछलसा देवकन्यामखु गन्धर्व कन्यामखु विद्याधरि कं-
 न्यामखु अप्सरा लोकमखु जिछलसा मनुष्यजाती भोमाहापुरुष पनी जिछलसा वरुनापुर धयानाम देसया अ-
 मीस्वामि धयानाम ब्राह्मण्या म्हयाच चन्द्रावती धयानाम ब्राह्मणी जिमालत जुलसा रवमयसु धयाना-
 म ब्राह्मणीया काण नवराज ब्राह्मणथुका भोमाहापुरुष पनी हनं छपनीस्यन न्यव ह्मिया दिनसं थवयायस स्व-
 र्गन अप्सरा लोक थनवयाव श्रीस्वस्थानी परमेश्वरया धर्मव्रत दनाव चोन थवयलस थवपनीस नापजिन धर्म-
 व्रत दनाव लछि थवयायस जिपकान्तन जागर्तना यानाव चोना जाव थवनदिसं स्नान संध्यातरपन धुनकाव
 थवदेस वरुनापुरं लिहावने धकं मनसं भालपाव चोना भोमाहापुरुष पनी जिगुवार्ता थवत्य कनेधुन धकं ध-
 याव थवत्य चन्द्रावतीया भाखाडेनाव रावन्यदेसया कतक पनीसने आसथ्येचायाव थीथीसाहुति यानावधाल

स्वस्था
१८६

भोपासापनी गथीडु अमर्जेगु खव्राह्मणीतन धाल हनं गवमयजुया काए नवराज ब्राह्मणया कलात खयुव-
ला गसिया धकं धयाव आथथ्यचोने मखुत हनं खखखवमखु विचारयाय जिजीस राजायाके थवथ्यनके नुयोधकं
धयाव सकललोक पनीसया थीथीसाहृति यानाव राजायाके विनतीयाय धकं राजगृहस दुहावन थवनली च-
न्द्रातीन थवसालिन खुसिसचोनाव थवमालको नित्य कर्मधुनकाव थवखुमिन थाहावयाव थववलचासं दुहावना-
व धर्मव्रतदनाव लेनगुदको वस्तुक नयाव थववलसं सुमुकंचोनाव चोन थवनली थवलोकपनी सकल्ये राजाया
थायस थनकलवनाव ईनापयात भोस्वमि माहाराजा जिपनिस्थन अति आसर्ग्येगुख छता ईनापयाय नस्यवि-
ज्याहुन्य लुधालसा थनियादिनस श्रीसूज्ये उदयजुयाव जिपनि सकले सालिन धयाखुसिसं स्नानयाय धकंचनः
थवन्यलस जिपनिमया स्नानयाय धुनकाव मालको कृयाकर्म धुनकाव लिहानवयतेना व्यलस जिपनिस्थन प-
द्मसुन्दरि कन्याछह स्नना थकन्या गथीडह धालसा वतिशलक्षणनं संजुक्तजुयाव चोन अति वानलाक पद्म-
सुन्दरि कन्या थथीड हकन्याछह भिडलोहछगवस फेकतुनाव माहासुचि जुयाव साक्षात्तलक्ष्मी चोनथे एकचि-
तयानाव ईश्वरया जपध्यानयानाव चोन भोमाहाराजा जिपनिस्थन थवस्वयाव हनं जिपनी सकले थवह कं-
न्यायाथवयसवनाव जिपनीस्थन थवयाकन्यना भोमाहाराजा छलपोल सुजुईव सुयाम्हाय सुयाकलात खव हनं
मखु हुनिमीर्तिन थन तपस्यायाव विज्याना कारनहु थवसमस्त जिपनीष्ट विस्तारन आह्लादयकस्य विज्याहुन्य

१८६

धकं थथीड पुन्यभुमिया थायस चोनाव जिपनीष्ट मिथ्यान खलहायमत्यव धकं धयाव भोमाहाराजा थवस जि-
जिपनीमया भाखाडेनाव थवसुन्दरीन जिपनीमया हेवनेधान्त भोमाहापुरुष ख यवधकं जिगुवविस्तारन कनेते-
नाधकं धयाव थवसुन्दरीन जिपनिस्तकन भोलोकन्यड जिजुलमां वरुनापु देशया अग्निवामि धयानाम ब्राह्म-
णया हयाच जिगुनाम जुलसां चन्द्रावती जिस्वामि जुलमां चन्द्रजोति नगरया गवमयजु धयानाम ब्राह्मणीया
काय नवराज धयानाम ब्राह्मणधकं धाल हनं हुनिमीर्तिन जिथनचोनाधालसा ह्यिगयादिनस थनस्वर्गतन अ-
पसरालोक थनकोहावयाव थवथायस चोनाव श्रीस्वस्थानि परमेश्वरया धर्मव्रत दनावचोन जिन थवअपसरालो-
कवनापं जिनथुगु धर्मव्रतदनाव थवथायसचछी जागर्तना यानाव थोथायमचोनाधकं जिपनीष्टकन भोमाहाराज
आवथवब्राह्मणी छलपोलयास्रो खवलधकं जिपनीसेन मसियाधकं छलपोलयाके विनतीयाय धकं वयाधकं सकल
सेनईनापयात भोमाहाराज खवमखु छलपोलसेन विचारयासे विज्याहुने धकंधयाव थवतेप्रजालोकया ववनभा-
खाडेनाव थन नवराज माहाराजन जुलसां मनस अतिविस्मयचायाव आज्ञादएकल भोप्रजालोक न्यव असु-
सालिनखुमिस चोनह ब्राह्मणी निश्चयन जिकलातखयुव गथेधालमा असुमनुखेनधाको खं मभान्त चुठलातह-
नं जिन दुल्यापनीडोयाव कायलकलछोबादु खव आवतले थवदुल्यापनी सुधान्त लिहामवनी अथेथवेधकं म
मचारमद जिजुलसां राजभोगस दुविनाव चोनया निमीर्तिन लालमनाव चोन धन्दे २ छपनीधकं जिकला चन्द्रा-

वस्था
१८७

वर्तुया समचार कनवल आवलपनिष्ठ लु प्रसादवियाव छोयधकं धयाव थोबेलस लक्ष २ दर्यपितहयाव अनेग
जरिजरावतया वस्त्रपितहयाव चन्द्रावतीया समचार जोनाव ववपनिष्ठ सकस्यातं जोगे २ थें वियाव थें वीनाव
यमालधकं हनं सुसुपालस जिकलात थनाहयमालधकं नवराज माहाराजन आज्ञादएकल थवत्य नवराजया आ-
ज्ञाडेनाव थवेलस प्रजालोकन समस्त नवराज माहाराजया आज्ञासिलस फयाव दयजिववेधकं सकल प्रजालो-
कन सुसुपाल जोनकाव थवलोकमकलें व्वांवां पिहावन थवेलस नवराज माहाराजन समस्त मन्त्री पञ्चप्रधानप-
निष्ठ वोनकल वीयाव मामगोमयजु कलात रावन्यवती सहितन हेवनेतयाव नवराज माहाराजन आज्ञादएक-
ल भोमन्त्रीपनी जिखन्यड लुधालसा थनियादिनम जिकलात चन्द्रावती धयाव जिजीसया सालिनखुसिया स
मिपस वसलपाव वलचास चोनाव तपस्यायानाव चोनधकं थदेशया प्रजालोकन थनयाव जितकनवल आव
थोचन्द्रावती हुतकाययान समस्त सामाग्री तालळातकिव भोमन्त्री पञ्चप्रधानपनी हनं थोदेशया कतकपमी दको
लमोल वयपालधकं हतकिव हनं थस २ वयजमान आदिन पेनकीव देशसवाजन वयमालधकं हतकिव हनं
प्याखन हयमालधकं हतकिव हनं हितिमन्दप आदिन छायलपाव तयमालधकं लोकयातधाव हनं थस २ ब्राह्म-
णपनिमेन देवताया समिपनं चोनाव पुरानादी पाठयातकीव हनं थोदेशया प्रजालोक सकलया फयानफयाथें
वखन तियाव अनेग तिसानतियाव लसोलवयमाल धकंधाव हनं सलकिसीयात आभरनपुनकिव अमालिखत

१८७

आदिन तयावहय मालधकंधाल भोमन्त्रीपनी थवतेन थथेतयार यानाव हयमालधकं आज्ञावियाव थवत्य नवराज
माहाराजया आज्ञाडेनाव मन्त्रीपनीसेन दयजिववेधकं राजाया आज्ञासिलस फयाव तत्कारन दकोमन्त्रीपनीमे-
न तयारयानाव थवेलस पञ्चप्रधानपनी सलताव संपुर्ण सामाग्री तालळातकाव तयारयानाव तल थवेलस न-
वराज माहाराजन मामगोमयजुया हेवने आज्ञादएकल भोमाता छलपोलपनी सुसुपालस विज्यानाव चन्द्रावती-
यात लसाल विज्यायमाल धकंधाव भोराण्यवति छनसुसुपालस चोनाव जिकलात चन्द्रावती लसोलवय पा-
लधकं आज्ञादएकल थवेलस समस्त थयस सामाग्री तयारयात थवेलस मन्त्रीपनीसेन तत्कारन समस्त सा-
माग्री तयारयानाव राजाया थायसवनाव धाल भोमाहाराज छलपोल पनिसेन आज्ञादएकथें समस्त सामाग्री
तयारजुल आव सुबेलास प्रस्थानयासे विज्याहुनेधकं मन्त्रीपनीसेन धाल थवत्य मन्त्रीसया भाखाडेनाव
नवराज माहाराजन जुलसां थचन्द्रावतियात अनेग मणिमानिकन दएकाव तयाआभरन पितकयाव अ-
नेग जरिजरावतया तिमाकयाव अनेग तासया वखन पहिलपाव अनेग रत्नमाला मोतिमाला समस्त
पितहयाव मन्त्री पनि वया हेवनेधाल भोमन्त्री पनी आव लपनिमेन थवलङ्कारन समस्त जोनाव हुनिधकं थो-
बेलस थोमन्त्री पनिमेन जोनाव थोवखलङ्कारन धाकोतियकाव ना २ वाजाथातकाव सुसुपालस थनावहकिव
धकं आवविलम्भ यायमत्यव धकं जिनजुलसा धाकात लसोवय धकं नवराज माहाराजन मन्त्री पनीसया हे-

स्वस्था
१८८

व नेधाल ध्वतेराजाया आज्ञादेनाव आज्ञामिलस फयाव मन्त्री पनिस्यन समस्त आभरन जोनाव ध्वचन्द्रावती
या थायस थेनकलवन ध्वनली नवराज माहाराजन अनेक अनेक अलंकार तिसान तियाव जाजिवरया तिसा-
न तियाव वस्त्रन पहिलपाव ना २ तिसान तियाव नस्वाकचन्दन तियाव भिंड २ स्वान माळान कखायाव ह-
ष्टिगयाव भिंड सुवेळाम मन्त्री पनी उपाध्या पन्चपरमान सहित यानाव प्रस्थानयात ह्यापा स्वमयजु सुसुपालस
थनाव छोट ध्वयालिवने लावन्य वती रानी सुसुपालस थनावछोट ध्वनली ध्वहेवन्य अष्टमंगल पुर्णजुयाव
चोन सुर्णया घरा ध्वया लिवने सुहृकुमारी यात अनेगमाथन छायळपाव हनं किसीयाह्यस अमालिखित तयाव
किमीयात आभरन पुनकाव ध्वकिसी छायळपाव थमनचोनाव माहाहर्ष मानयानाव विज्यात श्वत सुवर्णया
छत्रनकुयकाव माहामंगल जात्रायानाव मन्त्रीपनी समस्त सेनं सलकिसी भयकाव ध्वलिव २ तयाव कोतान
कोटि कतकनं लितकाव माहामंगल जात्रायानाव चन्द्रावती यात लस्वयधकं नवराज माहाराज ध्वाकातवयाव
लस्वयाव विज्यात ध्वनली रावन्य देसया प्रजालोक सकळें सुसुपालजोनाव ध्वमालिन ध्याखुमिया समिपसं
वनाव ध्वचन्द्रावती चोन थायसं वलचासं थेनकलवन ध्वव्यलस ध्वलोक समस्तरयन चन्द्रावतीया चरनस
भोकपुयाव विनतीयात भोमाहारानी नेस्य विज्याहुन्य हुधालसा छलपोलया स्वामि नवराज माहाराजान जि-
पनीछोयाव हल छलपोलनी थथेविज्याचके माल धकं सुसुपाल आदिन वियावहल आवधध्य विज्याहुन्य वि-

१८८

लम्भयास्य विज्यायतयव धकं धयाव ध्वत्य प्रजालोकया भाखाडेनाव मनस अतिहर्षमान यानाव चन्द्रावती
मुसुहुनहिलाव चन्द्रावती मनस भालपाव धन्य २ श्रीस्वस्थानी परमेश्वर धकं छलपोलया धर्मव्रतया प्रन्यन ध्व-
नितीनि जिस्वामि नवराज माहाराज वनापं होनकाव प्रमन्नजुस्य विज्यात धन्य २ छलपोल हनं छलपोलया
चरनसं सहश्रकोटि नमस्कार भोजगदिश्वर जिन द्विगया दिनश छलपोलया धर्मवर्तनानं थनिया दिनस
जिस्वामि वनापं होन्यदत भोकरुनामय हनं छलपोल जुयुव भक्तिजनयावस्यसं विज्याकहा थथीछपापिनि धयाका-
व चोनाम्ह माहादुखि कष्टनयाव माहापापया समुद्रसंपदलपाव चोनाम्ह जिथथीछपायात उधारयानाव प्रमन्नजु-
ल थथीछम्ह ईश्वरयाक कोटि २ नमस्कार भोपरमेश्वर छलपोलया जपध्यान स्तोत्रपाठ सदाकाल जिगुनुगळम
थातकाव कृपायानाव प्रमन्नजुस्य विज्यायमाल भोपांवरहा छलपोलया प्रतापनं जिनस्वयामात्रन ग्रम्हान चर्तुदश-
भुवण श्रुष्टियास्य विज्याकथ्ये थथीछम्ह ईश्वरयात वारम्बार नमस्कार भोभगवान छलपोलया कृपन थनिजि
रावन्य देसया रानीजुयदत धन्य २ जिभाहेनखना धन्य २ छलपोल धकं ना २ माथन श्रीस्वस्थानी परमेश्व-
रयात मननं तोत्रय नाव चोन ध्वव्यलस समस्त मन्त्री पनिस्यन अनेगवस्त्र आभरन जोनाव चन्द्रावतीया व-
लचांस थेनकलवनाव ध्वमन्त्री पनिसमस्तमेन चन्द्रावतीया चरनस भोकपुयाव धाल भोमाहारानी जिपनिजु
लशा नवराज माहाराजया मन्त्री पनियुका छलपोलथथ्ये विज्याचके माल धकं जिपनिछोयाव हल आव न-

स्वस्था
१८९

नानं प्रस्थानयानाव गमनयास्य विज्याहुन्य भोमाहारानि हनं छलपोलया स्वामिन प्रसन्नजस्य हवयु श्वजरि-
जवारया वस्त्रन पहिलपाव विज्याहुन्य श्वआभरनपुनाव रत्नमालान कखाययाव श्वस्यधुनकाव सुसुपालस वि-
ज्यानाव ना २ प्रस्थानयासे विज्याहुन्य धकं धयाव श्वचन्त्री पनिसया भाखाइजाव मनस अतिआनन्दयाना-
व श्वस्वामिन बियावहया वस्त्रन पहिलपाव मणीमाणीकया आभरन पुनाव अनेग रत्नमालान कोखायाव श्व-
बलवान पिहावयाव सुसुपालस दनाव ना २ बाजाथातकाव रावन्यदेससं वनेधकं प्रस्थानयात श्वनली चन्द्रा-
वतीन थवमनसं अति हर्षमान यानाव धन्य २ ईश्वर धकं थवमनन श्रीस्वस्थानी परमेश्वरया ध्यानयानाव म-
न्त्री आदिन लिचकाव ना २ बाजाथातकाव प्याखन हुणकाव ना २ मङ्गल जात्रायातकाव समस्त प्रजापनीसेन
लिचकाव रावन्यदेशया धवाका खनकलवन धकं कार्तिक कुमारन अगस्त्य मुनीश्वरयात कनाव विज्यात थुगु-
कथा नैमिषारण्ये वनसमुत्तन शौनकादि चयन्यादोल ऋषिपनीष्ट कनाव विज्यात ईति श्रीस्कन्दपुराण माघमाहा-
रमे केदारखण्डे कुमार अगस्त्य सम्वादे चन्द्रावती रावन्यपुर देसगमनं अष्टात्रिंशोऽध्याय ॥ ३८ ॥ अगस्त्यउवा-
च हनं अगस्त्यमुनीन कार्तिक कुमारया स्वालस्वयाव ल्हातानिपां हाजोजलपाव विनतीयात भोकार्तिक कुमा-
र छलपोलया कृपान श्वचन्द्रावतीन सुसुपालस चोनाव रावन्यपुर देससं वनेधकं गमनयानाव वनधकं आज्ञाद-
यकल श्वस्वामिन न्यनेधुन अथ्यनं जिचितसं संदेहदनीव श्वनलीयाख जित विस्तारन कस्य विज्याहुन्य धकं

१८९

विनतीयास्यली हनं कार्तिक कुमारन आज्ञादयकल स्कन्दउवाच हेअगस्त्य मुनीश्वर धकं छन एकचित्तयानाव
न्यव जिन विस्तारन कस्यस्यना धकं श्वनली भोअगस्त्यमुनी श्वव्यलस रावन्यदेसया कतकपनी कोताकोटि
मिजन मिसान ना २ चित्र विचित्रया वस्त्रपुनाव अनेग तिशान नियाव श्वचन्द्रावती रानी लखलवने धकं
माहाजात्रा यानाव श्वव्यलस वयासिन बह्मपालातके थ्ये व्वानवनाव हनं नवराजा माहाराजन थव कलाव
लस्वययात ध्वजा क्षत्र चामळ सहित यानाव लक्ष २ सलयात लायलपाव दोलंदोल किसीयात आभरन पुन-
काव अनेग मन्त्रीपनी लिवन्यतयाव किसीगयाव माम रवमयजु सुखपालसतयाव लावन्यवती सुखपालस थ-
नाव ह्वे २ जात्राया थाएस ह्वापालातकाव माहामंगल जात्रायानाव अनेग बाजाथातकाव कोत्तानकोटि लो-
कन लितकाव ब्राह्मण पनिस्यन देवताया समिपस व्यदादि पुरानादि पाथयातकाव अनेग देवतायात पुजाआ-
दिन यातकाव सिंदुर जात्रायानाव चन्द्रावती रानीदुकयाव रावन्यदेस हुयकलएन उणकाव माहाजात्रा यान
श्वव्यलस श्वदेसया कतकथव २ छेयाइयालसं चोनाव फलेचा मंडपआदिन थास २ चोनाव सिंदुरहोलाव जाकि ता-
ए स्वान अविर आदिन होलाव श्वदेसउणकाव प्याखन आदिन हुणकाव माहामंगल जात्रायानाव श्वरावन्यदे-
ससं माहाउत्साहन सिंदुरजात्रा यानाव माहाआनन्दन थास २ चोनाव मेहालाव बाजनथात्ताव अन्यगत्रहया
प्याखन हुयकाव देससंउळ थुगुप्रकारन सिंदुरजात्रा यानाव चोन श्वव्यलस श्वसिंदुरजात्रा यानाव श्वसिंदुर

वोयाव वनयातेजन श्रीमुख्येया त्यजसुधान्त भोकजुयाव रात्रीजुल भाळपाव थवरावन्यदेसया प्रजालोक पनिस्व-
न मतच्यानाव चोन थवनळी मिमापनिस्यन जळसा थव मिळस हुस्यतया स्वान ककयाव मिखास अंजलमं
उलाव देनेस्वळ भाळपाव चोन हनं थवदेमया वाजनया शब्दन मलया शब्दन थवदेमया माहाउलोले जुयाव ह-
नं थवदेससं जात्राधुनकाव नवराज माहारजन थवचन्द्रावती हुतकाया बेलम समस्त प्रजालोकपनी सया मा-
हाआनन्द जुल थववलय थवदेससं जात्राधुनकाव नवराज माहाराजन राजगृहमं हुहानविश्यात थववलय थव-
नली चन्द्रावतीन राजगृहस हुहावनाव थवस्वामि नवराज राजाव ग्वमयजुव निहा विज्याक थायसवनाओ थ-
वमिखान हवस्ववि हावकाओ थओस्वामि नवराज माहाराजया चरनस भोकपुयाओ थववलय गोमयजुया
चरनस भोकपुयाओ थववलय हनं लावन्यवती केहें जुयात स्वष्टि धकं आसिर्वाद विथाओ थववलय लाव-
न्यवतीन तता चन्द्रावतीया पालिनापास भोकपुयाओ थीथी कुमलवार्ता आदिन यानाओ थओ थायसफेव सु-
नाओ अनेग सभायख लहानाओ चोन थववलय नवराज माहाराजन अनेग मन्त्रीपनी हुओले तयाओ माम
गोमयजु हुवनेतयाव चन्द्रावती लावन्यवती जवखव तयाओ थओ मनस अतिहर्षमान यामाव सुहृदुनहि याव
चन्द्रावतीया खालखयाओ आज्ञादयकल भोचन्द्रावती धकं ताकारदत जिन विचार मयानाय हनं हुलिवियाव
हया हनं दोल्यापनी छोयाओ छनत वोनकलहया आवतले दोल्यापनी लिहानमओनी छनयु समचार अवेयथे

धकं खवरमदु छायछ थवलतमवस्य चोना हनं मखु दोल्यातज आमकन मवलला थवसुगथ्ये २ जुल हनं जिरा
जाजूयागू वातमतायाला भो चन्द्रावती हनं जिराजाजूयागू डादादत आवतलये छन गथ्ये २ मसिचा जिजूल-
सा राजगृहस विज्यानाव छ लोलमनाव चोन भोस्त्रि चन्द्रावती हनं छुनिमीर्तिन थवसालिन थवाकुमिमं स्ना-
न यानाव उपस्वावानाव चोना हनं थन थनकलवयाव गथ्ये जिराजाजूयागू मसियाला पुनान थवदेसया लोमन
छनत कवमदुला छुनिमीर्तिन थवसालिन सुसिशं वळवा गवयाव त्रिमंध्यायानाव माहाकष्ट नयाव तपस्या पा-
नाव चोना भो चन्द्रावती छणकान्तन जक पासापनी मदएकं निर्भय यानाव गथ्यचोना हनं थवयाथस छ-
कान्तन गथ्यवया सुनानं छनतवोनाव हुल थवस्य समस्त विस्तारन कवधकं भोसुन्दरि हनं छनरुप जौमन हापा-
याथ्य मखु माहातेजवंत जुबाव चोन सक्षात पुर्णचन्द्रमा चोनथ्य चोन क्षिमिदया त्यास्यह्यथ्य जुयाव घटि
स लक्षवनं संजुळजुपाव माक्षात लक्ष्मी चोनथ्य बिगजमान जुयाव चोन माहापद सुन्दरिजुयाव खोज देवकं-
न्याथ्यें जाजोलेमान जूषाव चोव साक्षातरती चोनथ्य चोन थीर्थीरुगु तेजछनत ग्वहादेवतान विल छनतु प-
स्यायाना धकं थवस्यार्ता जित विस्तारन कवधकं भोचन्द्रावती हापाधालमा क्षिमिया अतिव कनयाव चोना
आव जिमामया प्रसादन श्री स्वस्थानी परमेश्वरया कृपान श्रीहरिहरया प्रसादन थुगुली रावन्य दे-
शया राजाजुयधुन चन्द्रावती छनगुवार्ता धन्य २ शिजीसयाभाज्ञ मनुखे जनम कालवयाया साफल्यहुल भोच-

स्वस्था
१६१

न्द्रावती छनगु बार्ता संगस्त कवधकं धयाव थ्वल्यस्वामि नवराजया आज्ञाडेनाव चन्द्रावती जुलसां थुपुवार्ता स-
मस्त ईनापयात भोस्वामी नवराज माहाराज जिगुली बार्ता समस्त ईनापयाय न्यसे भिज्याहुने ह्यापां छलपो-
लसेन दुलिदल दुलिपोल दुलिनाङ्गा सहितन वियाव दुल्यापनी छोयव जितबोनकलहल थ्वेलस दुल्यापनीमे-
नजुलसां छलपोलपनी रान्यदेशया राजाजुलधकं जितवार्ता कनवल हनं जिनजुलसां थ्वल्यवार्ता न्यनाव जि-
मनसजां अतिहर्षमान यानाव थ्वल्य जिमामबुवा यात कनाव जिमनम अतिखुमि जुगाव भोमाहाराज थ्वल्य वा-
र्ताडेनाव जिमामबुवा अनिरसतायाव हतासन जितभिड २ वस्त्रनपुनकाव तिमान तियकाव ननाचं जितवेदावि
याव हल भोस्वामी थ्वेलस माहादुर्गा वनस थेनाव थ्वथायस दुल्यापनी अनिज्ञायाव दित भोस्वामी हनं थ्व-
खुनुया दिनस माघशुक्रया पुर्णेमाजुयाव चोन हनं थोथायस स्वर्गतन अपसर कोहावयाव श्रीस्वस्थानी
परमेश्वरया धर्मव्रत दनाओ चोन थ्वेलस दुल्यात पनीमेन जित दुलिकान फफका तयाव थ्वथाय-
स दुल्यापनी सेन स्वलवनेधकंवन भोमाहाराज थ्वनली दुल्यापनीसेन थ्वल्य श्रीस्वस्थानी परमेश्वरया वाखनने
नाव सेसास्वान जोनाव जिथायसवत्त भोस्वामी थ्वेलस दुल्यापनीसेन जिन्हेवने धाल भोमाहारानी धकं छ-
लपोल अप्रमनजुस्य विज्यायमस्यव जिपनीसेन भती विलम्भजुल खव हनं जि निसया भाखाडेनाव वपनीसेन
जुलसां भोमाहापुरुष जिचिपनी स्वर्गतया अपसरापनी हनं थनियादिनस माघशुक्रया पुर्णेमासि जुगाव श्रीस्व-

१९१

स्थानि परमेश्वरया धर्मव्रत दनावचोनाधकं जिपनीष्टकन थ्वल्य अपसरा पनीमया वचन भाखाडेना जिपनीसे-
न थ्वधर्मव्रत दनेतेवलाधकं न्यना थ्वेलस तेवधकं धयाव थ्वेलस जिपनीसेन थ्वल्यश्रीस्वस्थानि परमेश्वरया
वाखन भतिडेनाव चोना हनं छलपोलयाय थ्वसिसास्वान जोनाव वयाधकं थ्वस्वानकामे विज्याहुनेधकं छिथा-
यसवयाव जितथथेधाल भोस्वामी माहाराज थ्वेलस जिन अयन्तन क्रोधयानाव थोस्वान कचामिकं कयाव
कुति २ थयाव फुफुयानाव हाकातिनाव छोया हनं अनेक माथन देवतायात निन्दायानाव दुल्यापनीष्ट ना २
माथन बोलविद्याव न्यानाव भोप्रभुस्वामी थ्वेलस दुल्यापनीसेन अतिज्ञानाव नोनमवामें कुबुयावहल थ्वनली
जिक्कविद्या मालिनधयानाम खुमिसथेनकाव थ्वेलस तत्कारन चतकनाव चोनह्म श्रीसुर्यदेवतातुं विउँयावत
त्कारन ईमाननं सुपात्रे वयाव माहामद्वन नन्यायाव मुसलधारा प्रमाननं वागानवयाव जिपनी सकतें थ्वखु-
सिया दथुस थेनाव चोन भोप्रभु थ्वेलस थ्वदुल होगनाव थ्वखुसिदथुस लातकं जिानी कुतिनवन थ्वेलस
गथे २ जुत्त जिनममिया भोस्वागी माहाराज थोदुल्यापनीसया सपचार जिन थनत सिया थोनली जिन नित
लाःवातलाजिन मसिया धकं भोराज्येन्द्र थोनली जि थ्वखुसिया धिकसं थातकाव तल अथेथथे जुगु जिक्के-
विचालमदु हनं जिलाहात तुति न्हेयपन थोसमस्त कुष्टन थियाव थुथाजुयाव वल हनं खचिन अजान्यजुयाव
वन हनं तत्कारन जागर्तना जुगाव वयुव भोराज्येन्द्र थोनली सकतां धळगिनाव लाहान थुथाजुएहाव थोपा-

स्वस्था
१९२

पया मागरम ताकारं माहाअघोर नरकस भोगयानाव चोना भोमिजन थथीड कहनयाव माहादुख सियाव व्या-
नलानाव थुप्रकारन पिदन्यादन कालहनाव चोना हनं जिन थवमामबुवाजु लोलमनाव चोन छलपाल नी
लोमनाव चोन हनं थवथिथी वलमनाव चोन हनं थवगुजत जितथोअवकं जिनभालपेमकया मोस्वामी राज-
न्द्र जित सुनानंययाव मुमुधांतवमदु सुनानं जितविचालमदु भतिचानापं विचालयाकमदु भोप्रभुमाहाराज थु-
प्रकारन जिगाहादुख सियाव अघोरनरकस पदलपावचोना भोस्वामी माहाराजथथेतु पिदन्य ददस्यळो छन्द-
यादिनस ब्राह्मणपनी निहथुगुलन भोजवनेधकं जिचोनाथायस वयाव थवेळमजिन थवपुमिया हेवनेधयाव भो-
ब्राह्मणधकं छलपालगना विज्यायतेना धकंधयाव भोजविज्यायजुलमा जितअत्र चिमापपुनु फानावडय मातध-
कंधयाव छाया भोमाहाराज थवेतस थवब्राह्मणपनी निहया भोजनयानाव जितमयावत जाचिमायत जाओ-
नाव जियायसनन्तु लिहाविज्यात थवेतस जिनहतासन वपदनाव थवब्राह्मण पनीमया हेवने वनावयया भो-
ह्यायणपनी जिनहनाव छायाबुअत्र जितकोनाव हवलाधकं जिनधया थवसजिगु भाखान्यनाव थोब्राह्मणनंवाल
जितधकं पोलचिनातगुजा जितहाकतिनाव विजित हनं जिहेवनेधात गधेवालमा भोपापनी आपुअत्र नयया-
त स्वालभतीखुनु सिनाओ नवधकं हनं छजामुयें मदाहाल दुखमिया चोनेछा छन आवस्थान परमेश्वरयात
सुमरना याओ थोह परमेश्वरया व्यात यानाव चोवधकं धयाव थवेतस छनत भतिखुनु उधारजूथुव धकं

१९२

थवस जितउपदेस वियाव थवब्राह्मणपनी निह थवेतसलिहावन भोप्रभु माहाराज थवेतस जिन अतिविछाप या
नाव ब्राह्मणया आहाडेनाव स्वालभती खुनुसिधधकं थवखुसिम कोहावनाव थोवेतस थोसालिन धयाखुसि जि
नधिया भयन ज्ञानाव थवखुमी दुसनाववन जिनथवस्वयाव जिनअतिविछाप यानाव थवखुमीन थाहावयाव थवजा
स्वालमसीमें कयाव नयत्यना थोवेतस पृथ्वान हेरायालाहात छपा यतहयाव थवजा समस्त बेसभोलुनाव विल
थवजाभस्म जुयाववन थथेजुवगु सोयाव जिभिखान खोविहाएकाव आछुयावधकं थोभस्मखुनु फेयधकं मनस
भालपाव चोना हनंजिधालसा क्षुधान अतिपिदलपाव पुएकलयन थवतेया निमीर्तिन थाभस्मनय तेनावेतमस-
वफसवयाव थोभस्मव्याकं पुएकलयन हनं जिनथुगुस्वयाव जिनमनस भालपेमकयाव अतिक्षुधाजुयाव थोपृथ्वी-
स गवलतुलाव अनेगप्रकारन दुखमियाव विछापयानव चोना भोस्वामि माहाराज थोहपरमेश्वरयाके विगती-
लानाव थुप्रकारन माहादुखमियाव चोना भोमाहाराज जिदुखयापं भोस्वामी भुवनेश्वर थथेतु ताकार पापह-
स भोगयानाव नरकमपदल पावचोना भोमाहाराज जिगुदुखयाखें थोसजुल हनं थोवेतस जितउद्धर जुवगुखें वि-
नतियाय न्यनेविज्या नेधकं छन्दयादिनस पौषशुक्रया पुणेंमासिजुयाव चोन थुखुनुयादिनस स्वर्गतन अपमरा
पनी सालिनधयानदिस कोहावयाव स्नानयायतवळ थोवेतस अपमरापनी जिनखनाव थोपनिया थायमयनाव
जिनधया भोमाजुपनी जिपापिनिखनाव दयाचामे विज्यायमालधकं जिजुल च्यान्हुजिनुदत व्यानलाक हनं जि-

स्वस्था
१३३

अनाथयात अन्नचिभायखुनु विहुन्यधकं जिनफोना थोवेलस अपसरापनीसेन जिखनाव अनिकरुना चायाव जि
गुहेने धाल भोप पिनी मदाकल छामये दुख छनयाव पापिनीधाएकाव चोनेला छन भोसस्थानि परमेश्व-
रया धर्मव्रत माहाइतम जुयाव चोनगु छनद्वधकं जिन्हेवनेधाल थोवेलस जिनधया भोमाजुपनी जियथिडपा-
पिनीन दुवस्तुकन धर्मव्रतदने हने थयाविधान गथे २ खव श्रीस्वस्थानि परमेश्वरया पुजायाविधी गथे २ दए-
केमाल जितगथेयानान वमपोल सन्तुस्तजुईव लु २ सामाग्री दएकेमाल थवसमस्त जितकनेमालधकं जिनचिन-
तियाना भोमाहाराज थवेलस अपसरापनीसेन जित उपदेशविल भोपापिनीधकं छन पौषशुक्रया पुर्णेमाखुनुनि-
से थवधर्मव्रतजाना थवसुसिम निहनस्वपोलस स्नानयानाव मध्यानवेलास श्रीमाहादेव पुजायाव लछियनकंश्री
स्वस्थानि परमेश्वरया वाखनल्हाय थोनालि लछिमन्पुर्णयानाव माघशुक्रया पुर्णेमाखुनु थोव्रतदनेयाव सतछीच्या-
पु जजंमका सतछी च्यागवल अक्षतदएके सतछी च्यापात ग्वालदएके सतछी च्याकुगवच दएके सतछी च्यापा
अचित मधिदएक श्रीखण्ड रक्तचन्दन मिथुरकपुर ताम्बुल मुखसुद्धी किगवलस्वान धुपदिपनैवेद थमनफयाथे
पदार्थदएकाव वस्त्रक्षिना आदिनदएकाव श्रीस्वस्थानी परमेश्वरयात खोदम उपचारन दएकाव पुजायाव थोते
धुनकाव स्वानकोकायाव चलिजागर्तना यानाव चोने धकं थथेयातसा तिनी छनत उद्धाजुयुधकं थोउपदेशवि
याव अपसरापनी स्वर्गस थाहाविज्यात भोप्रभु माहाराज वखुनु पौषशुक्रपुर्णेमा जुयावचोन थोखुनुनिसे जिन

१३३

निहनस्वपोल मोलल्हयाव मध्यानवेलास श्रीमाहादेव पुजायानाव लछित जिनमेवायाना थथेमाहासुनि जुयाव
उद्देमन मेवायानाव हने थोखुनुनिसे जिगुमरिर चुलिजायाव वल भोक्षभोजन यायदन भोमाहाराज थावेतम
माघशुक्रया पुर्णेमाजुयाव हने थुखुनुयादिनस स्वर्गतन अपसरापनी थोथायम काहावया श्रीस्वस्थानी परमेश्वर-
या धर्मव्रतदनाव चोन थवेलस जिन थवपनीसया थायसवनाव जिनधया भोमाजुपनि छलपोलपनिसया आज्ञा
थे पौषशुक्रया पुर्णेमाखुनुनिसे लछियनकं हिनस्वपोल स्नानयानाव श्रीमाहादेव पुजायानाव चोना लछिमन्पुर्ण-
जुयाव वन आव थनिमाघशुक्रया पुर्णेमाजुयाव वल जिनदुवस्तुकन धर्मव्रतदनेधकं जिन्डेना थवेलस अपस-
रालोकन धाल भोपुन्रीयकं आममालिन खुसिया फिव लखव नितान समस्त दएकाव धर्मव्रतदवधकं जिहे
वनेधाल भोस्वामि थवेलस थोसमस्त सामाग्री फिवलखव नितान दएकातयागुली समस्त सामाग्री पुर्णेजुयाव
चोन हने जिमरिर दिवेदेहजुयाव वल भोस्वामि थोवेलस जिन थुगुसामाग्रीन अपसरापनिमव नापे श्रीस्वस्था-
नी परमेश्वरया धर्मव्रतदना थवधर्मव्रत दनेधुनकाव अर्धवियाव तोत्रप्रार्थना यानाव स्वानकोकायाव थवअपरा-
पनीजक स्वर्गमथाहाजियत भोप्रभुमाहाराज थवनली जिजकवलचाछगुली दएकावचछी जागर्तनायानाव पर-
ब्रह्मपरमेश्वरया जपध्यानयानाव रात्रिहना थवेलसप्रातकालजुयाव सतिखुनुसुथहापे च्यापातअचितमधी च्यापुत-
जजंमका च्यातभवाल च्याकुतगवच च्यागवदअक्षत थवतेसगुनसीदितनदएकाव माहाभेगनग्धानावचोन सानिधया

स्वस्था
१६४

खुमिसचुवकलछोया थव्यलप जिनथन स्नानयानाव थवनिय कर्मधुनकाव श्रीमाहादेव पुजायानाव थवत्तवासं
वनाव सतछिअचित्तमधी थमनपारनयानाव भोस्वामि थव्यलस जिनथनेदेसवरुनापुसं लिहावन्यधकं मनसभाल-
पाव चोना थव्यलस छलपोलपनस्यन जित वोनकलहल थव्यलस जिनमनसभालपाव धन्य २ ईश्वर ह्मिया-
दिनस छलपोलया धर्मव्रतवना थनियदिनसं जिस्वामिया वार्तान्यनेदत धकं मनस अतिहर्षमान यानाथ चो-
ना थव्यलस थवरावन्यदेसया प्रजापनीस्यन सुखपाळ आदिनजोनावछलपोलया आज्ञाधकं जित वोनावहळ
भोमाहाराज थवह्म श्रीस्वस्थानी परमेश्वरयात थथीडह्यात ईश्वरयात कोटि २ नमस्कार धकं भोस्वामि क-
पिलधया ब्राह्मणनिह्म स्यन उपदेसन अप्सरापनीसया दयानं श्रीस्वस्थानी परमेश्वरया दयान जिथर्थीड दिव्यदेह
सरिरजुयाव छलपोलवनापं होनकळ धन्य २ थवह्मईश्वर भोप्रभु हनं थवसंगसास श्रीस्वस्थानी परमेश्वर वाहिकन
मेवदेवतासखु धकं देवयानं देवधयाह्म थवह्म हनं धर्मयानं धर्म थवह्मकालयानं कालह्म थवह्म जोगिनी पनी-
स्यनं ध्याननं लुणकेमकुवह्म थवह्म शुयस्वकोटि देवतानं मान्ययानाव पुजयानाव तयावह्म थवह्म थथीडह्या वि-
सेश्वर संसारयात उधारयानाव सवस्त लोकया आत्मा प्ररुपजुयाव पापपुन्यया सछिजुयाव भक्तिजनयात उ-
धारयानाव विज्याकह्म थवह्मईश्वरयात कोटि २ नमस्कार धकं भोप्रभु माहाराज राज्यन्द्र थवह्मईश्वरया कृपा-
नं जिउधारजुयाव छलपोलया चरनारविंदु दरसन यातवया भोस्वामि माहाराज जिन दुखकष्टनयाव चोनापु

११४

थपसमस्त कन्यधुन जिउधारजुवगुख विनतीयायधुन भोस्वामि थवनली छलपोल गजाजुवगुख समस्त जित आ-
ज्ञादयकस्य विज्याहुन्य धकं हनं लुतपस्यान छलपोलस्यन थथीड राज्यलछिमी लाना गथ्य २ थवविस्तारया
नाव आज्ञादयकस्य विज्याहुन्य धकं भयाव थवतेचन्द्रावतीया वातनेनाव थव्यलस नवराज माहाराज प्रभृति-
नाव आज्ञादयकस्य विज्याहुन्य धकं भयाव थवतेचन्द्रावती धकं नवराज माहाराज रवमयजु लावन्यवती सकलस्यन अ-
सकल्ये अति विस्मयचायाव धन्य २ चन्द्रावती धकं नवराज माहाराज रवमयजु लावन्यवती सकलस्यन अ-
नेग रनवर्णयानाव ना २ मायन खलहानाव चोन धकं कार्तिक कुमारन अगरस्य मुनीश्वरयात कनाव विज्या-
तकगुख थवखसुतन शौनकादि चयच्यादोलत कृषिनीष्ट कनाव विज्यात ईति श्रीस्कन्दपुराणये माघमाहात्मे के-
दारखण्डे कुमार अगरस्य संम्भादे चन्द्रावतीया युनवर्णउनचत्वारिंशोध्याय ॥ ३१ ॥ अगरस्यउवाच हनं अगरस्य मुनी-
श्वरन श्रीकार्तिक कुमारया खालस्वयाव विनतीयात भोकुमार छलपोलया दयान चन्द्रावती ब्राह्मणी उधारजू-
याव नवराज माहाराजव होनाव गनीजूयाव चोन धकं आज्ञादयकल थवखन्यनेधुन अथ्यन जिचित सतोख-
मजुवानि गथ्यधालसा थवनलीया खगथ्य २ जुल थवत्यख विस्तारनकस्य विज्याहुन्य धकं विनतीयास्यलि हनं
कार्तिक कुमारन आज्ञादयकस्यन स्कन्दउवाच भोअगरस्य मुनिश्वर धकं छनएक चित्तयानाव न्यधनाजिवि-
स्तारनकन्य लना धकं अगरस्य मुनीश्वरया खालस्वयाव कुमारन आज्ञादयकल थव्यलस रवमयजुन चन्द्राव-
तीया खालस्वयाव आज्ञादयकल भोचन्द्रावती धन्य २ छखनाव जिअति संतोखजुयधुन भोभक्तिचामयजु आव

स्वस्था
१९५

छनभात नवराज राजाजुवण कारनख समस्तजिन कन्य छनएकचित्त यानावडेव थकं भोचन्द्रावती हेवकालम
छनभात बुवाया उपदेसवन बेलम थवक्षवन थववळस जिनजुलसा माहाकष्टनयाव माहाकष्टन दुखमियाव
वजी लहुज्याजुयाव हिनछग्वद अन्नलातकाव ताकारकालहनाव चोनाभो भलिवा थववळस थववोनावेळस छ-
न्हयादिनस सप्तऋषिश्चरन जिथायसवयाव थवसप्तऋषिश्चर पनिस्यन जिखनाव अतिकरुनाचायाव जिगुली द-
रिद्रमोचकाव बियकं मळपाव जिह्वेन्य आज्ञादयकल भोत्राहणी थकं छआतितवदुखिखव जिपनी अति करुनाचा-
यधुन आवछपनी उधारजुय यळसा जिपनीस्यन उपदेसकने छनएकचित्त यानावडेव लुधालसा श्रीस्वस्थानी प-
रमेश्वर धयाह्य देवताया धर्मव्रत उपदेसकने लुधालसा श्रीस्वस्थानी परमेश्वर धयाह्यदेवतायाय धर्मव्रतयाय क-
थाहा छनतकनथ्य जितकन गथेधालसा आह्वापां थवव्रतजोन्य पौषशुक्रया पुर्णेमाखुनु सताछि च्यापात मतवि-
याव नित्य २ माललहुयाव माहापपित्र जुयाव न्यमयानाव लछित श्रीमाहादेव पुजायाय थोनली लछिसंपुर्णज-
याव माघशुक्रया पुर्णेमाखुनु सताछि च्यापात अचितमधी दयके सताछि च्यापु जजंमका दयके सताछि च्यापात
गवालदयके सताछि च्यागवल अक्षतदयके सताछि च्याकुत गवचदयके सताछि च्याफोल द्राफोलखान दयके ह-
नं थमनफक सामाग्री दयके धुपदिप नैवेद्यदयकाव थोत्यसगुन सहिनदयकाव षोदसउपचारन श्रीस्वस्थानी पर-
मेश्वरयात पुजायाय थववळस छनतउधारजुयुव थकं भोत्राहणी थवनली व्रतसंपुर्णयानाव अर्घविय वाखनआ-

१९५

दिन हानाव स्वानकोकायाव थवगुळेवनाव च्यापातअचितमधी च्यागोदअक्षत च्यापागवल च्यापुजजंमका थव-
त्यसगुनतयाव दतसा थवपुरुषपातविय मदतसा काययातविय कायमदतसा मित्रकाययात विय मित्रकाय मद-
तसा थवमननं लुकासुनायाय उगुली कामुना तत्कारन सन्पुर्ण जुयमालथकं नादिस बहलगावछोय थवत्य धुपका-
व चेतस्वानकयाव सताछि अचितमधी थमनपालन यानाव हनं थवत्यधुनकाव चळीजागर्तना यानाव चोने भो-
त्राहणी थकं थववेलस छउधारजुयाव वयुवधकं थथेसमस्त सप्तऋषिश्चर पनिसिन जिह्वेने आज्ञादयकस्य विज्या-
नाव थवचोनाय कपुयातलेस सुवर्णया कउरिह्वेग्वद तयाव सप्तऋषीश्चर श्रीस्वस्थानी परमेश्वरयाय माहाउत्तम
जुयावचोनगु धर्मव्रतयाखं जितउदेश वियाव सप्तऋषीश्चर पनीमेन जुलसां स्वर्गस थाहाविज्यात भोचन्द्रावती
भलिवा थववेलस सप्तऋषिश्चरया आज्ञार्थे जिन पौषशुक्रया पुर्णेमाखुनुनीमें नित्य २ हिनस्वगोल गोतलहुयाव
मध्यानवेलास जिन श्रीमाहादेव पुजायानाव गङ्गाजलन खानयातकाव श्रीखण्ड रक्तचन्दन कस्तुरी कपुर के-
सरि अगुर नाना प्रदार्थ दणकाव पुजायानाव धुपदिप नैवेद्यपकान ताम्बुल फलफुल वस्त्रदक्षिना आदिन खोद-
सउपचारन दणकाव पुजायानाव हनं अनेग मायन तोत्रयानाव धया भोपरमेश्वर श्रीस्वस्थानि परमेश्वर जिगु-
लि पुजास्तुतिन छलपोल सन्तोषजुसे विज्यायमाल जिअनाथ जातिया अपराधया स्तुतिन छलपोलन क्षमाया
से विज्यायमालथकं भोलानाथ हनं धिनतीयाय डेमेविज्याहुने जिह्वेन नवराज बुवायाउपदेश वनह्य थवयात नि-

स्वस्था
१९६

विद्ययानाव जिव होनकाव क्षमायानाव विज्यायमालधकं नानामाथनं स्तोत्रयानाव श्रीस्वस्थानि परमेश्वरयात
अर्घवियाव ध्वत्रत सन्पूर्णयानाव चोना भलिचा ध्वत्त धुनकाव स्वानकोकायाव ध्वलेसानाव पुत्रनवराजव हो-
नेदयमालधकं चछित जागर्तना यानाव चोना भोभलिचा ध्ववेलस ध्वत्तधुनकाव श्रीस्वस्थानि परमेश्वरया ज-
पध्यान् यानाव चोना ध्ववेलस जिन पुत्रनवराजयात च्यापात अचितमधी सेसास्वान सगुप्त सहितन फयानाव
तया भोचन्द्रावती ध्वनली थथेतुं थोरात्रिया निपहर वनवेलस छन भालव नवराज जिथास थेनकलवल भो-
भलिचा ध्ववेलस जिन हतासन ताहापजोनाव पिहानवयाव छन भालतयात तुतिसितकाव दुतचोनाव तया
भोभलिचा ध्वनली ध्वधर्मव्रत दनावलयनाव चोनगु पुत्रनवराजयात बेलियातकाव तया ध्वनेधुनकाव जिन छ-
नभालतयाके डेना भोपुत्रनवराज छन कल्लयान जुवलाधकं हनं छन बुवाज्युया उपदेशया चार्तागथे २ ध्वसम-
स्त जितधावधकं जिनडेना ध्ववेलस छनस्वामी नवराजन जितकन भोमाता जिबुवाजुतसां स्वर्गप्राप्तीजुलधकं
गङ्गायातिरस चोनह्व ज्याथ जिथीब्राह्मण निहमेन जितकनधकं ध्ववेलस जिनजुलसां अनेग माथनं विलाप-
यानाव हनं थमथेथमन धिर्जयानाव मालकोक्रियाकर्प धुनकाव पिन्दआदिन थयाव वयधुन धकं भोमाता
जिबुवाजु मृत्युजुलधकं विलापयासे विज्यायमत्यव धकं जितबोधवियाव तल भोभलिचा थोवेळव जिन नानामा
थन विलापयानाव चोना ध्वनली जिन फयाथें धिर्जयानाव पुरुषया निमीर्तिन मालहोदुख तनकाव सुद्धयाना

१९६

व चोना ध्ववेलस छन भालत नवराजया ख्वालस्वयाव चोना बेलस छनभालतन जिख्वालस्वयाव फयाथें बो-
धवियाव जिकेन्यन भोमाता थनियादिनस छलपोलया लुयानावविज्याना थनजा अनेग धुपदिपया वामनाइव
हनं अनेग सिसास्वान पञ्चाङ्ग आदिन अनेग फलफुल मधिवधि आदिन अनेग सामाग्रीआदीन परिपूर्णजु-
याव थनिछलपोलया लुयानाधकं जिकेन्यन भोचन्द्रावती ध्ववेलस जिन छनभालतयात कना भोपुत्र नवराज
जिन कनछनएक चित्तयानावडेव धकं थनियादिनस जिनजुलसां श्रीस्वस्थानी परमेश्वरया धर्मव्रतदनाव चोना
मेवता लुंयानामखु भोपुत्रनवराज छन ननान थेनकळ वयमालधकं आभिख यानाव परमेश्वरयाके सुमर्ना या-
ना भोपुत्र नवराज जिन थथेधकं मनस भालपाव थनिया दिनस थुगुधर्मव्रत दनाधकं कना भोच-
न्द्रावती ध्वनली चछिछन भालतयात ध्वधर्मव्रतया बाखन आदिन कनाव चोना ध्वनली प्रातकाल
जुयाव छन भालतन जुलसां गङ्गाम स्नान यायधकं वन भोभलिचा ध्ववेलस छन भालतया माल
को नित्यकर्म धुनकाव थव ईष्टदेवताया जपध्यान यानाव चोन वेलस श्रीगङ्गान श्रीहरिहर प्रतक्षजु-
याव छन भालत यात वरप्रमाद वियाव हत भोब्राह्मण धकं ध्ववेलस जि पुत्रयान श्री हरिहर
नं धाल भोब्राह्मण धकं आवळ रावन्यदेशहुनी धकं हनं ध्वदेसया राजाछल धकं जिनजुलसा वि.सीयाके दु-
विनावचोन्य ध्ववेलस ध्वदेससंवायो धकं जिनछनत राजाया अविश्यस्वविय धकं आज्ञादयकाव श्रीहरिहर अ-

रवस्था
१९७

न्तरध्यानजुयाव विज्यात भोचन्द्रावती श्वस्यवार्ताख छनतकनेधुन श्वनली जिजुलसा थवमनस अतिहर्षमान
यानाव छनभालत नवराजयात सधुनविया गध्यविया धालसा ज्यापात अचितमधी लवल्हानावविया चेतस्वा-
न आदिन विया श्वयामोदेम जिल्हात तयाव आसिर्वादवियाव भोपुत्रनवराज छनमनोर्थ कामना तत्कारन पु
णजुयमाल धकं भोपुत्र आनछन श्रीहरिहरया आज्ञायें रावन्यदेसहुनी धकं आसिर्वादवियाव विदावियाव छोया
भोभलिचा श्वव्यलस श्रीस्वस्थानी परमेश्वरया धर्मव्रतया पून्यया प्रभावन धयायें श्वरावन्यदेसया राजाजुल
भोचन्द्रावती हनं श्वस्यकृषि श्वरया उपदेसन हनं श्रीहरिहरया दयान श्रीस्वस्थानी परमेश्वरया कृपान जि-
काए नवराज रावन्यदेसया अधिपतिजुल भोचन्द्रावती जिपनिस्थन ग्वह्म छनसुमर्नायानाव चोना जिपनिस्थन
वह्म श्रीस्वस्थानी परमेश्वर धकं श्वह्मदैवया प्रमादन श्वरावन्यदेसया अधिपति लक्ष्मीवल प्रसादलाना भोच-
न्द्रावती छनभालत राजाजुवगू कार्णख श्वस्वमस्त छनतकनेधुन जिनदुख सियागूख छनतकनेधुन भोभलि-
चा गधेधालसा धन्य २ छखव छानधालसा ह्यापाळ माहाकष्टनं दुखसियाव ल्हाथुथाजुयकाव माहानरकसं पदल-
पाव चोन थर्थागूनरकस चोनाव ईश्वरयात चर्चायाय सार्थदु श्वत्यन छनत धन्यधाय थुका भोचन्द्रावती हनं
छनतपस्यान श्रीस्वस्थानी परमेश्वरया जपध्यान छननुगलसं तोलत्यात्यव धकं वसपोलया प्रसादन ईहलोकसं
माहासुख सियाव अन्तकालसं स्वर्गतप्राप्ती जुयाव चानेदेईव भोचन्द्रावती आव श्वरावन्यदेसया रानीजुयाव स-

१९७

खभोगन राज्यभुक्तमान यानाव चोव हनं काए नवराजया स्यवायानाव चोव थोराज्यया चर्चायाताव दुखिदीर-
द्रयान उधारयानाव श्वराज्य लक्ष्मीजुयाव सुखनराज्य भोगयानाव चोवधकं भोचन्द्रावती जिनयानागू कर्म स-
मस्त कन्यधुन अथेंन धन्य २ धायछनखव धकं भोचन्द्रावती धकं शुलित छनतपस्या संपूर्णजुयकाव ईश्वरया प्र-
सादनं रानी धायकाव चोनवल आवळव लावन्यवतीव निह्म मिलेजुयाव चोव धकं श्वराज्यया मालका धन्दाक-
याव स्वामि नवराजया स्यवायानाव पद्मसुखन कालहनव चोव धकं धयाव हनं जिजुलसा वृद्धयाअवरताजुल
जिथिजुल भोचन्द्रावती भलिचा भलसा समस्त छपनि निह्मसयाके जुल भोचन्द्रावती आव दरवारया तालचा
कौचकाव धकं धयाव समस्त धुक्कुतिया गूताचकेंच समस्त चन्द्रावती लावन्यवती निह्मयास लवल्हानावविल
श्वव्यलस रमजुया आज्ञाडेनाव चन्द्रावती लावन्यवती निह्मस्थन माम ग्वमयजुया आज्ञाडेनाव मनस अति
हर्षमानयानाव धाल भोगाजु धन्य २ छलपोल धकं चरनस भोकपुयाव थन चन्द्रावतीन धाल भोगाजु छलपो-
ल पनिस्थान यानागु धर्मतपस्वन जिपनिसया स्वामि नवराज माहाराज जुयाव चोन हनं जिपनी रानीधायका-
व चोनेधुन श्वमस्त छलपोलया तपस्यातवधंड धकं भोमाता धन्य २ धाय छलपोल हनं छलपोलया प्रसाद-
न जिपनिस्थन माहासुख संवतिलायधुन धन्य २ छलपोल धकं धयाव श्रीथीपद्मसुख ग्वल्हानाव पद्मआनन्दन
चोन हनंश्वव्यलस नवराज माहाराजन समस्त मन्त्री कोतवाल पंचपरमान पनिस्था ह्वन्यतयाव चन्द्रा-

स्वस्था
१९८

वतीया स्वडेनाव थवमनस अति हर्षमानयानाव माम ग्वमयजुयात हेवनैतयाव चन्द्रावती लावन्यवती लात
निम्ह जवखवतयाव पद्मसुखन कालहनाव चोनजुल थव्यलस नवराज माहाराजन जुलसा धर्मयानाव प्रजाप्र-
तिपाल यानाव चर्तुदिगम राजेश्वरिकाव समुद्रयात सिमानयानाव थाम २ मन्त्रीपनीष्ट राज्याभालावियाव अं-
नेग थवशत्रुपनीष्ट मोचकाव थवपनीसके करआदिन कयाव अनेग पुराणादि यातकाव थवथाहा आदिनडेनाव
भिड २ मन्त्रीपनी थव थायसतयाव न्यायनितीथ्ये यानाव सास्त्रयाप्रमानथे नितीन प्रजाप्रतिपालयानाव थवदे-
ससं दुखिदरिद्र सुमदयकाव गथेयातधालसा धनमदुम्हयात धमवियाव छेमदुम्हयात छेवियाव बुमदुम्हयात बुचि-
याव प्रजालोकयात फयाथेसुखवियाव अनेगदान किर्तिदयकाव दानयानाव ब्राह्मणपनीष्ट माहासुखवियाव थव-
व्यलस वर्ष २ पती श्रीस्वस्थानी परमेश्वरया धर्मव्रत माम ग्वमयजु चन्द्रावती लावन्यवती थवपनीस्वम्हसेनं श्रीस्व-
स्थानी परमेश्वरया माहाउतम जुयाव चोनगू धर्मव्रतदनाव च्यापात अचितमधी च्याणन ग्वाल च्यागवद अक्ष-
त च्याफोळ द्वाफोस्वान च्यापुजंजमका च्याकुतग्वच थवत्ययातव सगूनसाहितन स्वम्हमाच सेन नवराज माहाराजया-
त लवल्लहानाव थमनसतछि अचितमधी पारनयानाव चोन थव्यलस वर्ष २ पति सदाकाल थवम्ह श्रीस्वस्थानी
परमेश्वरया धर्मव्रतदनाव नित्य २ श्रीमाहादेव पुजायानाव ब्राह्मणपनीष्ट भोजनयातकाव माहाआनन्दन पुजाया
नाव मान्ययानाव श्रीभागवत गिता पुराणादि अनेगपुराण यातकाव ना २ कथाहाडेनाव हनं गोदानकन्यादान

१९८

हृष्टिदान अस्वदान अन्नदान अनेगाहिरामणीमाणीक सुवर्णआदि अनेगदानपुण्ययानाव माहासुखन कालहनाव
चोन महापराक्रम थुळाव चोनथ्वेलस थवराजान बुद्धिवन्त मन्त्रीपनिष्ट थाम २ राज्यया भालावियाव भिड २ प-
न्डितपनी थवथायस जवखव तयाव थवजस कृतीखल्लहानकाव धन्य २ नवराज माहाराजस्व धकं धायकाव
चोन हनं नानावस्तुक दणकाव यया २ पदार्थ भोजनयानाव चन्द्रावती लावन्यवती निहसवनापं अनेग काम-
कृदाइत्यादी यानाव मामगोमयजु सहितन ताकारं पद्मआनन्दन राज्यभोग यानाव श्रीस्वस्थानि परमेश्वरयाकृ-
पान पद्मआनन्दन माहा सुखभोग यानाव चोनजुल थवनली ग्वहमनुखेन थुगुली श्रीस्वस्थानि परमेश्वरयागु
थवमाहा उत्तमजुयाव चोनगु धर्मव्रत माहापवित्र जुयाव भक्तिश्रद्धान संयुक्तजुयाव यकचितन थवहाईश्वरयाके
मनतयाव थुगुधर्मव्रत माहापवित्र जुयाव ग्वहस्यन दनीव अथवा ग्वहस्यन थुगुपुण्यया कथाहा लहातकिव अ-
थवा ग्वहमनुखेन डेनाचोनिव अथवा ग्वहमनुखेन थवकथाहा क्षमखुनु दणकावतई थवहयाक्षस दरिद्रदेवता-
न दुस्वयमदु ग्ववेलस दुस्वयाव चोनिवमखुधकं हनं नवग्रहदेवतान दुस्वयफईव मखुधकं थवहा नवग्रहदेवतान
सदाकल प्रसन्नजुयाव चोनिव हनं सदाकल लक्ष्मीन थवयाक्षस वास्तयानाव चोनिवधकं धयाव हनं थवसंसारस
अनेग रोगकटु खिदोष आदिन दयावचोन थवहमनुवेयात थवत्यरोगन थवयात थियफईवमखुधकं हनं वनजन्तु
भयदईवमखुधकं हनं भुतप्रेतपिसाचादी राक्षसदाकीनि ईत्यादि थवपनीसस्यन थवहयात दुखवियफईव मखु-

स्वस्था
११९

धकं अग्निगामय जलयाभय खुसियाभय राजायाभय सनुयाभय क्षुधायाभय कुष्टयाभय अपचालभय त्रिदोषया-
भय श्वस्य भयनासजुयाव वनिव हनं स्वर्गवने वाञ्छायातसा स्वर्गवास जुईव ग्वहान स्त्रियाञ्छा यातसा श्वह-
यात रतिसमानह्य स्त्रियायुव ग्वहान पुरुषवाञ्छायात श्वहयात मनोरथपुर्ण जुयुव हनं श्वसंसारस गुलितधाय कु
मनवाञ्छायात उगुली मनोरथ तत्कारन पुर्णजुय मालधकं श्वअश्वमेध जज्ञयानापुण्य सतछी कपिलसादानया-
नायु दोलछी कन्यादान श्वस्यया पुण्यन श्वधर्मव्रत दनह्यनं निश्चयन लायुवधकं हनं गुलितह्यजिन पञ्च-
माहापाप नकेनसां ब्रह्महत्या आदिन श्वस्यमाहा अधोरपाप नासजुयाव वनिव हनं ग्वबेलसं सामयागर्भस वास
याय मालिवमखुधकं हनं ग्वह्यमनुखेन श्वह्य श्रीस्वस्थानी परमेश्वरयायु थुगुली धर्मव्रतदनिव श्वह्यमनुखेयात
निश्चयन नवराजब्राह्मण गोगयजु चन्द्रावती श्वपनीष्ट उद्धारजुयाव वनथें उद्धारजुयाव वनिव हनंईदृळाकस
माहासुख सियाव अन्तकालस कैलास्पर्वतस बासलायुवधकं हनं गुलित खल्हाए श्वसन्सारस हनाव समुद्र श्व
समुद्रतरेयायत श्रीस्वस्थानी परमेश्वरयात जपध्यान तोत्रपाठ बाहिकन मेवदेवतान तरेयायजिवमखु धकं श्वस्य
समस्त व्रतयासिन थुगुलीधर्मव्रत माहाउत्तम जुयावचोन हनं श्वधर्मव्रत सुनान गोह्यन पञ्चपिथित ता दताव
यकचित्तयानाव याईव श्वह्यमनुखेयात थोगुहेवने लहानाव तकोफल लाईव हनं थोकथाहा कनह्यया अश्वमेध-
जज्ञयानाया फललायुवधकं पुरापूर्वकालस श्रीमाहादेवन श्रीपारवतियात कनाव विज्याकगुस्व श्वस्व श्रीपार्वतिन

स्वस्था
२००

श्रीकुमारयात कनाव विज्यात श्वनली श्रीकुमारन अगस्त्यमुनिश्वरयात कनाव विज्यात श्वन नैमिसारन्य वनस
सुतन सौनकादी चयच्यादोल ऋषिपनीष्टकनाव विज्यात इतिश्री स्कन्दपुराणे माघमाहात्मे केदारखण्डे कुमार-
अगस्त्यसम्वादे श्रीस्वस्थानि परमेश्वर र्याकथा चत्वारिंशो ध्याय समाप्त शुभम् ॥
उपनयतु मङ्गलं वः सकलजगन्मङ्गलालयः श्रीमान्नुदिनकरकिरणनिबोधितनवनलिनदलानिभेक्षणः कृष्णः ॥ काले व-
र्षतु पर्जन्यः पृथिवि शस्यशालिनी देशोयं क्षोभरहितो ब्राह्मणाः सन्तु निर्भयाः । अपुत्राः पुत्रिणः सन्तु पौत्रिणः सन्तु
निर्भया ॥ निर्धनाः सधनाः सन्तु जीवन्तु शरदांशतम् ॥ तत्रैव गङ्गा यमुनाचतत्र गोदावरी सिंधुसरस्वतीच । तीर्थानि
सर्वाणि वसन्ति तत्र यत्राच्युतोदारकथाप्रसङ्गः ॥ या कुन्देन्दुतुषारहारधवला या शुद्धवस्त्रावृता या वीणावरदण्डम-
ण्डितकरा या श्वेतपद्मासना । या ब्रह्माच्युतशंकरप्रभृतिभिर्देवै सदा वंदिता सा मां पातु सरस्वती भगवती निः
शेषजाड्यापहा ॥ २॥ कायेन वाचा मनसेन्द्रियैर्वा बुध्यात्मनावा प्रकृतिस्वभावात् । करोमि यद्यत्सकलं परस्मै ना-
रायणायेति समर्पयतम् ॥

इति समाप्तम्

मानदास सुगत दासया संकलनं
आशा सफू-कुथिवात उपहार !

समर्पण.

यो हाम्रो गोर्खासुलु समा गोर्खालि बोलिको स्वस्थानीमात्र छापामकोर हाम्रानेपाल निवासि नेवारजातमा प्राय स्वास्नीमानिसहरुले मोबुझनालाई सुस्किल पर्नेदेखिएको र यो स्वस्थानीको व्रतकथा अधिदेखिनै सबै जातमा चलिआएको हाम्रानेवारजातका दिदि बहिनीहरुलाई सुविस्ता हवस भन्नाका निमीत्त यो नेवारे भाषाको पुरानो चलिआएको कथाको पुस्तक तलास गरी छापामकोरमा तयारगरी सबभार्इहरुका करकमलमा अर्पण गर्दछौ यो पुस्तक पण्डित तिर्यराज मिश्र र सोहु वडेकृष्ण श्रेष्ठले गोर्खाभाषा प्रकाशनि अड्डाबाट पामगराई आफ्नो हकगराएकोछ यो पुस्तक लिन इच्छाहुने सज्जनहरुले तललेखिएका ठेगानामा लिनुभए सुफ्त मोलमा पाउनु हुनेछ.

मानदाल सुगत दासया संकलन
बाशा सफु-कुथिबाट उपहार !

पाण्डित् तिर्यराज मिश्रो पाध्याय.

पुलपारीवाग्मति

कानेदेवताका थान्.